

AN T-ORANAICHE

THE GAEelic SONGSTER

Mat. 160

THE GAELIC SONGSTER.

A N T-Ò R A N A I C H E:

NO

Co-Thional Taghte

DO

ÒRAIN ÙR AGUS SHEAN,

A' CHUID MHÒR DHIUBH NACH ROBH RIAMH

ROIMHE ANN AN CLO,

LE

GILLEASBUG MAC-NA-CEÀRDADH.

"'N uair a sheinneas iad na h-drain,
Cuiridh iad na h-eòin an crannaibb ;
'N uair a theannas iad ri luinneig,
'S binn' iad na guileag na h-eala ;
'S mòr is binne fuaim nan nionag
Na ceòl piob air thùs a' bhannail ;
Bidh a tùrn an làmh gach té dhiubh,
'S bidh a beul a' seinn na h-ealaidh."

Glasgow :

ARCHIBALD SINCLAIR, 47 WATERLOO STREET.

MDCCCLXXIX.

NATIONAL LIBRARY OF MUSEUMS

THA

AN T-ÒRANAICHE

AIR A CHUR FO

CHÙL-TAICE

"

AN

FHÌOR UASAIL GHÀIDHEALAICH

IAIN F. CAIMBEUL, ÌLE,

MAR CHOMHARRA AIR

FIOGHLUM AINMEIL AIR SEANN CHAINNT NAN GÀIDHEAL,

AGUS MAR

THAISBEANADH TAINGEALACHD AIR AN T-SUAIRCEAS,

AIR A' MHISNEACHD AGUS AIR A' CHUIDEACHADH A THA E

NOCHDADH A THAOBH UILE CHUISEAN AR SINNSEAR;

LE MEAS AGUS MOR SPEIS

AN FIR-THIONAIL,

G. MAC-NA-CEARDADH.



ROIMH-RADH.

THÀ 'N T-ORANAICHE nis air a chasaibh le lànachd ciùil 'n a chridhe agus le iomadh duanag thaitneach 'n a bheul. 'S e a rùn eòlas a chur air na Gàidheil anns gach àite 's am bheil iad a' tuinneachadh tuath is deas, an ear agus an iar, aig an tigh agus o'n tigh. Air dha bhi d'an bheachd nach cuir a ghnè, a ghiùlan, no uirighioll bruaillean air neach 'sam bith tha e 'n dòchas gu 'n seachainn e gainntir a' Bhàillidh agus beum-bàis a' Mhinisteir. Tha e meallta 'n a bharail mur faigh e fàilte agus furan o gach fior Ghàidheal.

Riamh o'n thòisich daoine air an gluasad le anail na bàrdachd air roinn a chur r'a chéile, gheibhear 'n an cainnt bhlasda, bhinn, géireais agus gliocas, fileantachd agus drùidhreachd. 'S i bàrdachd cànan an anma air a bheò-ghluasad troimh dhoimhneachd subhachais no dubhachais—debòr an spioraid bhriste, agus gàire a' chridhe laiste—cainnt an duine 'n uair a's géire inntinn, a's beothaile a chuimhne, a's fosgaitliche a thugse, a's làine a chridhe agus a's blàithe 'aignidhean. Ann an goimh no ann an gean, ann an gruaim no ann an gràdh, breithneachaidh agus dealbhaidh an t-anam bàrdail, beò-laiste, smuaintean meamnach agus gnìomharan mòralach. Tha e cosmhail ris an iolair rioghail, bhior-shuilich, an uair a dh' éireas i suas agus a sgaoileas i a sgiathan mòra air tuilteach gaoithe. Chi shìl a' bhàird solus is beatha, gràdh is maise anns a' chruthachadh nàdurra, mhodh-annail agus spioradail, agus bheir i fainear nach 'eil anns na buadhaibh faicsinneach so uile ach drillseannan is gathan a tha 'deàrrsadh a mach

o'n Ti sin's e Gràdh is Maise. 'S i bàrdachd léigh-spionsraidh nan aosdana a chaidh do'n eug—beul-seanachais nan seann àbhachdais agus nan deas-ghnathan—carraig ailbhinn air am bheil smuan an cridhe agus gnìomh an làimhe sgriobhite le peann iarruinn agus le roinn daoimein.

Dh' iarrainn an t-ORANAICHE fhàgail an làmhaibh nan sgrudairean agus nan leughadairean gu bhi faotainn a mach air an son féin, am buin no nach buin, cuid do na cliùthaibh a dh' ainmich mi dhasan. Tha e'n ceum no dhà dealaichte o na co-chruinneachaïdh a dh'òrain Ghàidhealach a chaidh air thoiseach air. Mar so choisinn e àite dha féin ann an eachdraidh agus ann an litreachas na Gàilic. Gun teagamh dh'fhàgadh againn mar dhileab leis an duin'-uasal chliù-thoillteanach sin Mr. Iain Mac Coinnich, nach m'ireann, obair eir-eachdail agus fhiachail ann an "Sàr Obair nam Bard Gaidhealach." 'S an dòigh so thog e dha féin caragh-cuimhneachain maireannach. Is iomadh linn ri teachd, cho maith ris an linn so againne, a chuireas clach 'na chàrn. Gabhaidh obair do'n t-seòrsa so ùine, saothair agus costus. Rinn mise na b' urrainn domh leis a' chungaидh a bh' agam, agus dh' phosgaileadh mèin a's fhiach a rannsachadh agus a h-oibreachadh gu dichiollach, agus a tha mi an dùil, le cuideachadh chàirdean, a phàidheas dhoibh-san agus dhomh-sa. Tha so uile 'n an làmhaibh-san ; oir ma ruitheas an obair so gu maith agus gu'n toir "Clanna nan Gàidheal ri guaillibh a chéile" di-beatha di, misnicidh agus neartaichidh e mi gu bhi deanamh an ORANAICHE anns a' h-uile dòigh agus seadh airidh air an àite a fhuair e cheana, agus a tha mi 'n dòchas a gheibh e fathasd, agus a dh' fheuchas mi ri 'gleidheadh ann am meas agus ann am measg mo luchd-dùthcha.

Feudar a ràdh aig an àm so, gu 'm bheil am measg nan Gàidheal thall agus a bhos ann an Gàilic, mòran do bhàrdachd eile a bu chòir a bhi air a cruinneachadh agus air a cumail air chuimhne. Tha mòran do na h-òrain agus do na laoidhibh Gàilic tuillidh a's fada. Mar is trice, tha òrain ghoirid cosmuil ri òraidiibh goirid, saor o ath-aithris dhòmhain. Mur bhiodh cho eudmhòr 's a tha àaghdaire Ghàilic air son gach ni a dhealbhas agus a sgriobhas iad fhaicinn clò-bhuailte, dheanadh Deasaiche tòrrail, sgileil, fòghluimte, aig am bitheadh eòlas air fior bhàrdachd agus comh-fhaireachdainn r' a gnè, le beagan sgrioban d'a pheann, iomadh luinneag agus dàn ni's réidhe agus ni's taitniche. Tha mi an dùil nach cuir faidead duanagan an ORANAICHE

aileag air an neach a's giorra anail. Ged nach d' thug mi anns a' cheum so braigh-ghill air na chaidh romham, thug mi an oidheirp air stiùireadh le faicill eadar Rudha-nan-rabhad agus Coire-nan-cuartag. Cò aca, a rinu mi ceart no ceàrr, dh'fheuch mi ris a' Ghàilig a litreachadh mar a tha i air a fuaimneachadh ann an ceàrnaibh air leth. So puing a tha duilich a laimhseachadh gun ceòlmhoireachd agus co-sheirm cuid do na h-òrain a mhilleadh, oir is duail dùthchais, an t-im ùr a bhi a réir na blàthach. Ged nach 'eil mise saor o mhearrachdaibh clò-bhualaidh, fuaime no litreachaidh, strith mi ri ar càinain mhàthrail a chur a'n altaibh a chéile cho snas-bhriathrach agus cho nàdurra 's a b' urrainn mi; agus ged nach biodh gach ni a réir meidhean-tomhais nan tiolpairean, bu mhaith leam gu 'n cuimhneachadh iad an sean-fhacal—"Saoilidh am fear a bhios 'n a thàmh gur e fein is feàrr làmh air an stiùir."

Dhioghlum mi ann an iomadh achadh. Thionail mi iomadh dias, seagal, eòrna, coirce is cruitheachd a riachadh nan uile a réir an cail. Shaor mi iomadh gineil bhàrdail o a bhi air an adhlaicadh ann an uaigh na di-chuimhne. Shàbhailleadh cuid eile dhiubh a bha air faontragh ann an duilleachain bheaga, shuarach, o bhi 'n am biadh do na leomainn.

Tha mic agus nigheanna a' chiùil lionmhor am measg nan Gàidheal —sìol Oisein agus na Féinne—sliochd nan sonn. Orra so shéid a' Cheòlraiddh, agus thug anail bhlàth am màthar beò-aiseirigh air am buadhaibh. Phògadh iad le bilibh nam Fonn, 's dhùisg Teanga nan Rann iad gu seinn. Dh'òl iad uile a réir an iota á tobar flor-uisge na bàrdachd. Theirgeadh tìine orm ann an labhairt umpa fa leth. Chithear mar itean àrda am boineid an ORANAICHE, òrain bhinne, bhàrdail, agus luinneagan grinne, geur-chuiseach le ioma flòr bhàrd. Còmhla riù so, thionaileadh grunnan ro-mhùirneach, làn ciùil agus aigheir, cuid mhòr dhiubh tha mar dhilleachdain gun phàrantan, ach a shuain sinn gu càirdeil, teò-chridheach ann an clearb do bhreacan an ORANAICHE.

Tha mi a' guidhe gu 'm bi an t-ORANAICHE cosmhuil ri sgoth-long eutrom, thapaidh, loma-làn do raogha is tagha bathair—iùbhreach ghasda, chòmhnard a sheòlas troimh gach caol is camus—a shiùbhlas air gach locha is linne—a thathaicheas air gach tìug is òb—a thagh-aileas aig gach port is lamraig, gus, coimh-ionnan ri iadhadh na gréine, an cuir i cuairt thunndach, shoirbheachail, air an t-saoghal

Ghàidhleach gu lèir. Tha 'n cuan fosgailte—tha bhìrlinn beairtichte a' feitheamh beannachaидh agus brosnachaидh—tha na ràmhacian an déigh a h-iomram gu ionad seòlaidh. Feudar a nis a ràdh ;—

“ An sin thàr iad na siùil shìthe,
 Gu fior ghasda,
 Shaor iad na sea-ràimh-dheug',
 A steach tro' bacailbh,
 Sgathadh grad iad slos r' a sliasaid,
 'Sheachnadh bhac-bhréid.
 Dh' òrduich Clann Raonuill d' an uaislean,
 Sàr-sgiobairean cuain a bhi aca,
 Nach gabhadh eagal ro fhuathas,
 No gnè thuairgneadh a thachradh.”

Ann an aon fhacal, mu dh'fheireadh, dh'iarrainn air leughadairean a chuimbneachadh cho duilich 's a bha e mòran do na dàin so a thionail, an sgrìobhadh agus an clò-bhualadh gu ceart,—gu sònruichte an aireamh mhòr dhiubh nach robh riamh roimhe ann an clò, agus sin le fear a rugadh 's a thogadh am baile Ghlacchu. Bha e mar an ceudna ro dhuilich breth cheart a thoirt eadar na dòighean anns am bheil an t-aon òran air a sheinn,—mòran rann eugsamhail aig an fhear so nach fhaighteadh aig fear eile; agus a ris cò a rinn cuid diubh. Theireadh aon fhear 's e Dòmhnull Donn a' Ghlinne rinn e; fear eile 's e Ruairidh Bàn nan Cnoc a rinn e. 'N uair bha mi làn chinnteach á ainmean nan àighdar chuir mi ris na h-òrain iad. Thug cuid do chàirdean còmhnhadh agus teagast mu na nthibh so, agus tha mi a' toirt taing dhoibh, an duil aig an àm cheudna gu 'n gabh iad mo lethsgul mur do sgrìobh mi mar bu chòir dhomh a dh' aideachadh sin roimhe so.

Do na h-uile caraid ionmhuinn—agus tha iad lionmhòr—a thug còmhnhadh dhomh le òran 's le luinneig, le ùine 's le peann, tha mi ag iaraidh a bhi toirt taing dhùrrachdaich mo chridhe.

G. M.



CLAR-INNSIDH.

A' bhean-chomainn,	462
A' choille-ghruamach,	313
A' chruinneag Ileach,	479
A' chuairt-shàmhraidh,	421
A' Dhòmhnuill bhig,	45
A fhleasgaich an fhuilt chraobhaich, chais,	38
A fhleasgaich dhuinn,	289
A ghruagaich dhonn a' bhroillich bhàin,	31
A ghlinn ud shios,	407
A ghathan gréin' a las tre neòil,	70
A hó-ró, mo Mhàiri lurach,	186
A hó-ró, mo nighean donn,	15
A Lilidh ghrinn,	61
A Mhàiri bhinn,	47
A Mhàiri bhòidheach,	378
A Mhàiri ghaoil,	346
A Mhàiri mhiog-shùil, mheall-shuileach,	17
A Mhairearad òg, 's tu rinn mo leòn,	522
A' mhaighdean àluinn,	432
A mhaighdean òg nam meal-shùilean,	12
A mhnathan a' ghlinne so,	484
A mhic Iain, mhic Sheumais,	131
A rùin, 's a' ghaoil, na 'm faighinn thu,	11

Ailein duinn, a ni 's a näire,	414
Ailein duinn, shiubhlainn leat,	124
Air a' ghille tha mo rùn.	145
Am bruadar so, am faoin-sgeul e?	273
Am faigh a' Ghàidhlig bàs?	443
Am maraiche 's a leannan,	429
Am ministeur 's am Bàillidh,	143
An ciobair donn,	464
An cluinn thu, leannan, an cluinn thu?	44
An comunn,	418
An Dòmhnullach urramach.	467
An Gàidheal air leaba-baís,	319
An Gàidheal an tìr chéin.	222
An gille bàu,	452
An gille donn,	297
An gille dubh cha tréig mi,	168
An gleann 's an robh mi òg,	268
An nighean dubh,	285
An nochd is tric a' faireach mi,	179
An ribhinn donn,	457
An té sin air am bheil mi'n geall,	107
An t-each odhar,	158
An téid thu leam, a ribhinn lurach?	29
An téid thu leam a Mhàiri?	487
An t-sòbhrach Mhuileach,	206
An t-òigear uallach,	212
An t-eilein Colasach,	402
An t-oighre òg,	463
Banais Mòr Chamaroin,	19
Bàs Màiri,	326
Bàta Phort-Rìgh,	34
Beannachadh leannan,	424
Bheir mi hò air mora hò,	77
Bhi ga'n cuimhneachadh 's ga'n iondrainn,	153
Biodh an deoch so'n làimh mo rùin,	173
Bithibh aotrom 's togaibh fonn,	485
Brathainn nan steud.	105
Bruthaichean Ghlinn'-braoin,	459
Buaidh leis na seòid,	1

Cadal cha'n fhaigh mi,	380
C' àite bheil i ann am Muile ?	25
C' àite'n cadail an ribhinn an nochd ?	507
Cailin donn a' chualain réidh,	518
Casag an éisg.	301
Cath Alma,	388
Cha'n eil feum anns a' mhulad,	360
Cha'n òl mi deur tuille,	90
Chluinn mi na h-eòin,	217
Chunna mi na gruagaichean,	278
Chuir iad an t-sùil á Pilot,	150
Ciad fàilt' air a' Chomunn,	296
Cogadh no sith,	290
Comhairle mathar d'a mac,	386
Còmhradh, Dun-bhrusgraig agus fear-turais,	321
Cruinneag bhòidheach a' chùil bhuidhe,	81
Cuach Mhic-'Ill-Andrais,	476
Cumha an t-seann Ghàidheil,	172
Cumha bràthar,	303
Cumha Ionar-Ghàiridh,	221
Cumha Mhic-Leòid,	294
Dean cadalan sàmhach a chuilein mo rùin,	517
Deoch-slàinte Chòirneil Gàrdyne,	188
Dh' fhalbh mo leannan féin,	340
Dh' fhalbh mo nighean chruinn, donn,	447
'Dreadh a mach ri Beinn-Shianta,	404
Direadh 's a' tèarnadh nam bealaichean,	513
Do bheatha nuas o'n tir so shuas,	224
Dòmhnull an dannsair,	109
Duanag a' chiobair,	239
Dàil ri Baile-Chaolais fhaicinn,	329
Duine bochd air bheagan mhart,	356
Dùthach nan craobh,	481
Ealag Chamaron,	433
Eilein an Fhraoich,	417
Eilidh bhàn Choire-chnàimh,	275
Eilidh Chamaron,	368
Eireadh na gaisgich threun',	54
Ester Nic-Néill,	68

> Dhàirich mi nach a' bheinn gheamach, 354

Fàill ill o, agus ho-ro éile,	446
Fàill ill o ro, fàill ill o, [le Mighair Douglas' i Dòmhnull]	235
Fàill ill o hill ù ill o, [Bhain i Dòmhnull Oig, Samhail]	475
Fàilt' ort féin, a chuthag ghorm,	139
Fàilte Bhraid-Albainn,	343
Fàilte dhuit, a's sláinte leat,	201
Fàilte do'n Eilean Sgiathanach,	218
Fanaidh mo Mhàiri buileach o'n tì,	258
Fàsachadh na Gàidhealtachd,	471
Feasgar Luain 's mi muigh air chuairt,	209
Fhir a théid thar a' mhonaidh,	363
Fhuair mi naigheachd do bhàis,	232
Fhleasgaich ùir, leanainn thu,	283
Fios thun a' Bhàird,	307
Fleasgach a' chùil duinn,	461
Fuadach nan Gàidheal,	426
Fuirich a ribhinn phraseal, phraseal,	259
Ged a rinn sinn dealach',	74
Ged a tha mi'n nochd 's a' choisridh,	141
Ged tha mi gun chrodh gun aighean,	167
Gleann Chill-a'-Mhàrtain,	419
Gleann-da-ruadhail a' bharraich,	524
Gobha mo chridhe,	349
Gu'm bu slàn do'n mhaighdinn,	156
Gu'm bu slàn do na gillean,	412
Gu'n togainn fonn gu h-aighealach,	304
Gur bòidheach déarrsach,	243
Gur e mise tha fo mhì-ghean, [le P. MacKuanidh]	254
Gur mis' tha fo mhulad,	350
Gur moch rinn mi dùsgadh,	70
Ha u rò mo nigh'nag,	508
Ho ró, cha bhi mi ga d' chaoidh ni 's mò,	8
Ho ró, cha'n'eil eadail orm,	334
Horó chall éile,	504
Horó, Dòmhnull Ciomaineach,	65
Horó eileinich, ho gu,	52
Horó, ho eileinich,	511

Ho ró, mo nighean donn, bhòidheach,	55
Hùgaibh air nigh'n donn nam meall-shuil,	194
Hù o, tha mi tinn,	249
Iain Mac-Phàil an dròbhair,	33
Ille dhuinn, chaidh thu'm dhith,	372
Loram na h-imrich chuain,	427
Is fada mi'm ònaran,	394
Is toigh leam a' Ghàidhealtachd,	181
Latha dhomh 's mi'n coill nan dearcag,	509
Leis an Lurgainn a hì,	483
Luinneag,	204
Luinneag Anna Nic-Ealair,	425
Mac òg an Iarla Ruaidh,	175
Màiri bhàn Dhail-an-eas,	252
Màiri òg,	127
Maol Ruainidh Ghlinneachain,	200
Marbhraann do Ghilleasbuig Mac-na Ceàrdadh,	374
Marbhraann do Pheigi Nic'-Illeathain,	443
Marbhraann Forsair Choir'-an-t-sith,	515
Mi'm shuidhe'm ònar,	437
Mo chailin dileas, donn,	441
Mo ghaol a' mhaighdean,	37
Mo ghaol air Marcus Lathurna,	23
Mo nigh'n bhòidheach nan rosg mall,	84
Mo nighean donn,	317
Mo nighean dubh,	230
Mo nigh'n mhàlda,	311
Mo roghainn 's mo rùn a chuuna mi'n dé,	95
Mo rùn air mo leannan,	330
Mo rùn air an òigh,	381
Mo rùn geal, dileas,	263
Mo thruaigh léir thu, 'ille bhuidhe,	97
Moch 's a' mhadainn 's mi dùsgadh,	102
Moch 's a' mhadainn rinn mi glnasad,	354
Moladh Chinntire,	435
Moladh nan laoch Gàidhealach,	195
Monadh Dhruim-uachdair,	7

Mort Ghlinne-Comhann,	271
Muile nam mòr-bheann,	184
Na brègan dannsaidh,	261
Na Teampullaich Ghàidhealach,	113
Na tulaichean,	117
Nach gòrach mi ga d'chaoineadh,	170
Nach muladach duine leis féin ?	469
Nàile, 's i mo ghaol-sa'n ribhinn,	130
Na'm bithinn eòlach air gabhail òrain,	336
Na'm faighinn gille r'a cheannach,	196
Ni mi duan do'n ghruagaich bhanail,	86
Ni mi'n duanag so le aoibhneas,	27
Ni mi òran le dùrachd,	51
Nigheanag a' chùil duinn,	337
Nighean bhàn an Achadh-Luachrach,	5
Nighean donn an t-sùgraidh,	199
Nighean donn nan réidh-shùil,	391
Nis o'n chaidh an sgoth 'n a h-uidheam,	140
'N raoir chunnaic mi'm bruadar,	94
O, cha cheil mi, ù, cha cheil mi,	276
O, cha'n urrainn mi ann,	244
O, gur brònach m'anam fo sprochd,	251
O ! mosglam-se le sunnd a's eail,	450
O, seinnidh mi mo dhuanag,	49
O, 's tric mo shùil air an linne,	370
Och horó ! 'Ille dhuinn,	456
Och ! mar tha mi, 's mi'n am ònar,	101
Och ! 's mis' tha cianail, failinneach,	520
Ochòin a Rìgh, gur e mi tha muladach	410
Ochòin, cha taobh tuillidh,	387
Oganaich an ör-fhuit bhuidhe,	76
Og ùr a' chùil bhàn-ghil,	490
Olaidh sinn deoch-slàint an oighre,	62
Oran a' Bhalooin,	499
Oran a' bhuachaille,	493
Oran Chloinn-Ghriogair,	164
Oran dealachaidh,	353
Oran do bhàta,	473

Oran do bhochdaibh na rioghachd,	111
Oran do Ghlaschu,	393
Oran do Lachlann òg Mac Ionmuinn,	383
Oran do'n Nolluig,	364
Oran do Sheònaid Acha-triachadain,	327
Oran do Shine Woodrow,	423
Oran do Phrionns' Teàrlach,	331
Oran Fir Airidh-Mhuilinn,	332
Oran molaidh air cliabh,	400
Oran nam fasan, ... D. Mac Ruaividh	114
Oran eile do na fasain, ... "	135
Oran suiridh,	361
Righ gur mis' tha fo chràdh dheth,	227
Righ, gur mise th'air mo sgaradh,	57
Ròsan an Leth-bhaile,	399
Rùn nan Ileach,	512
Rùn mo chéile air a cheann,	9
'S ann aig Port an Tigh-àiridh,	176
'S ann air feasgar Di-ciadain,	503
'S beag is mó leam-sa ciod a their iad,	526
'S cailin thus' a's buachaill' mise,	21
'S dubh 'choisich mi'n oidhche,	409
Scann òran seilge,	358
Seinn, och ho ro, seinn,	13
Seinn an duan so,...	42
'S e'n t-Eilean uain', Ileach,	67
'Se fàth mo mhulaid,	246
'Se luath-bheul na h-igh'ne duibh,	163
Seud nan gleann,	506
'S fheudar dhomh bhi beò,	448
'S gann gu'n dirich mi chaoidh,	491
'S gur mise tha tùrsach,	213
'S i mo leannan an té ùr,	4
'S i so a' bhliadhna chuir ás domh,	191
'S i so deoch-slàint' a' Chamaronaich,	83
Slàn gu'n till na Gàidheil ghasda,	338
Slàn le Gleannadarual,	286
'S mi fàgail mo dhùthcha,	405

> Seinneam duan a nis do'n ubhaighdainn ... 432

> 'Si mo rùn am paisde turach, 186

'S mòr mo chùram 's mi g'a stiùireadh,	59
'S neo shunndach leam m' aigne,	89
So deoch-slàinte Ghàidheil ghasta,	161
So deoch-slàinte Mhurachaiddh òig,	495
So 'n am shineadh air an t-sliabh,	88
Soraidh slàn do'n àilleagan,	99
Soraidh leis a' mhaighdinn,	75
'S trom mo cheum 's mi leam fhéin,	397
'S trom mo ghleus air an stùchd,	324
'S trom tianhaiddh mo chridhe,	396
'S uain' an fhòid fo'n d' adhlaic iad,	299
Sud agaibh an deoch a dh' olainn,	36
				(265)
Tàladh Iain Mhùideartaich,	465
Teagasg Rìgh Artair,	241
Thàinig sgeul o thir nan Gall,	72
Thàinig sgeula mo chruadail,	472
Tha dùrachd mo chridhe dhuit,	120
Tha ghaoth 'n iar cho caithreamach,	280
Tha mi trom 's duilich leam,	64
Tha m' inntinn sgith bhi cuimhneach',	157
Tha mulad orm,	92
Tha mulad, tha mulad,	190
Tha mo rùn air a' ghille,	151
Tha mo chion air an ògbhean,	281
Tha mo chridhe trom, trom,	502
Tha na siantan air caochladh,	347
Tha 'n dil' air an athar,	40
Tha sgeul ùr air tigh'n do'n bhaile,	519
Théid i 's gu'n téid i leam,	352
Thóir mo shoraidh thar sàile,	454
Thug mi gaol do'n fhear bhàn,	382
Thug mi gaol do'n t-seòladair,	182
Thug mi greis ann an armait Dheòrsa,	147
Thug mi mo cheist dhuit mar chéile,	148
Thug mi'n oidhche 'n raoir sunndach,	79
Thug mi'rùn, 's chuir mi ùigh,	366
Togaibh a' bhratach,	237
Toirt m' aghaidh ri Diùra,	293

290 songs

> Tha mi 6 vobh 17

317

COMHCHRuin NEACHADH.

DE

DH-ORAIN GHайдHEALACH.

BUAIDH LEIS NA SEOID.

Le ALASDAIR MACGRIOGAIR, Maighstir-Sgoil an Dul, Apuinn
a' Mheinnearaich.

Fraigheadh cliù o gach rann-fhear, gu ceòlmhor 's gu binn,
An Dubh-Fhareiceadan Gàidhealach a dh' àraich na glinn—
Cuimir, fuasgailteach, finealta, slàinteil 's a' chom,
Fearail, ceannsgalach, crualalach, treum/h, agus trom. n/

'S gu robh buaidh leis na seòid ghuineach, gharg agus bheò ;
Chaidh do bhuillsgein nam Frangach, mar ghaoith 'dol 's a
cheò ;

A's nach d' fheuch fathast cùl do neach riamh nach robh leò,
Oir cha strìochd sliochd nan garbh-chrioch, a's annnta an deò !
'S gu robh buaidh leis na seòid.

'S math thig breacan-an-fhéilidh gu léir do na suinn—
Osain gheàrr air an calpannaibh dòmhail, geal, cruinn ;
A's iteagan dorch' air slios gorm-uidheam cheann,
Sud i éideadh nam blàr, 's cha bi 'n té fhada, theann.

'S gu robh buaidh, &c.

'S ceart a labhras iad canain na h-Alba o chian,
Mar a bha i aig Fionn a's aig Oisian gu dian ;
Cha do għluais chum na tuassid, 's a chaoidh iad cha għluais,
Gun am bolg-fheadajin mheur-thollach, fħuaimneach 'n an cluais.

'S gu robh buaidh, &c.

Cha tearc gàbhadh a's àit ás an d' thàinig le buaidh
 Gaisgich chalma na còmhraig, 's nan dlùth-bhuillean cruaidh ;
 Roimh gach diomhanas, sògh, aighear, 's aoibhneas a thagh,
 A bhi 'd lionadh an saorsa, an dutchha, 's an lagh' !
 'S gu robh buaidh, &c.

'S iomadh deuchainn a fhuair na fir àrdanach, bhras,
 Bho 'n nach géilleadh dhiubh làmh, 'so 'n nach tionndaidh dhiubh
 cas,
 Bho 'n nach fheudadh gu'n caochaileadh an dualchas n'an cleachd,
 Leis an d' fhàgadh gun sàmhlaadh an sinnisir 's a' ghleachd.
 'S gu robh buaidh, &c.

Mar a bhlàth-mhadainn shàmhraidh, iad ciùin ann an sìth,
 Ach mar gheamhradh nam beann aca, searbh ann an strìth ;
 Sgaiteach, gruamach, a' luathreadh nan nàimhdean le feirg,
 'G an cas-ruagadh 's 'g an sguabadh á araicibh dearg !
 'S gu robh buaidh, &c.

Cha 'n 'eil ùine ni 's mò a' ruith dhasan nach géill ;
 Bidh, mar dhearbhadh, corp marbh, gu 'm bu ghann e de chéill ;
 Seachnad 'n tì leis nach feàrr guin an éig, na bhi slàn,
 Casadh riusan a suas, 'tha cho millteach a's dàn !
 'S gu robh buaidh, &c.

Mar is gairge an nàmhl, mar is cruaidhe an cath,
 'S ann is àirde 'n sin inntinn luchd-thrusgan nan dath ;
 Tha 's an dòruinn a' fàs anam mòr dhoibh air fad,
 Leis an reub, leis an mill, 's leis an claoïdh iad gun stad.
 'S gu robh buaidh, &c.

'S i so'n flìrinn gu dearbh, air gach seòl agus dòigh,
 'S ga co'-dhaingneach' gu dilinn, bidh là *Fontenoi* ;
 Sud an là a thug ainm dhoibh air tùs anns an fheachd,
 Bha an arm uile-dhileas do 'n Righ 's do gach reachd.
 'S gu robh buaidh, &c.

Och ! chaidh 'n sàruch' 's an leònadh ; bha 'n ceud charraig teth,
 Oir aig *Ticonderoga*, gu'n chaill iad an leth ;
 Na sheas, bhuadhnaich le còmhnaidh na dh' aom gu ro ghrinn ;
 Rinn a' chomhstrith ud Rioghail iad, 'nuas feadh gach linn !

'S gu robh buaidh, &c.

Rinneadh gniomhara leò anns gach tìr chum an deach',
 Bhios 'n an ioghna, 's nam miorbhuil', gu bràth do gach neach ;
 Cha leig air dearmad an saoghal, an treuntas gu sìor,
 'M feadh bhios spéis agus mòr-mheas do shaighdaireachd fhìor !

'S gu robh buaidh, &c.

Ach co cheòlraidih no 'n teangair is òirdheirce th' ann.
 'S urrainn innseadh mar 'bhuadhach 's an Eiphit a' chlann !
 Luaidh neo-ghann, gathan-lann, sleaghan-chrann, chaidh gu luath,
 'M fir do-cheannsach' do chàch, o na h-àrmuinn o Thuath !

'S gu robh buaidh, &c.

As na gàirdeanaibh lùth-chleasach, féitheach, ghrad leum,
 Goimh u's bàs a chuir miltean o chainnt a's o fheum !
 Ghabh na laoghaich 's an àm mireadh 'n-searbh-chath a's conn,
 'Dol troimh dhùintean a's àr-chlosach nàimhdean le fonn !

'S gu robh buaidh, &c.

'S glan a dh' éirich am buaireas air còmhlan an àigh,
 Oir le léir-sgrios chaidh Frangaich a bhualadh gun bhàigh !
 Thuit gach aon air an lär dhiubh, 'n a shéimh-chadal buan,
 'S thug na Gàidh'l leò an sròl aca nall thar a' chuan !

Mar so buaidh leis na seòid ghuineach, gharg agus bheò,
 'Theid do bhuillsgein nam Frangach, mar ghaoith 'dol 's a'
 cheò ;
 'S nior fheueh iad an cùlthaobh do'n dream nach bi leò,
 O, nior strìochd iad gu sìorruidh, a's annta an deò !
 'S gu robh buaidh leis na seòid.

'S I MO LEANNAN AN TE UR. ✓
 (cf. TGSI L. 218)

'S i mo leannan an té ùr,
 'S guirme sùil 's is caoile mala,
 Té gu math gu 'n tig an gùn,
 Dh' fhág i m' inntinn túrsach.

'S ged nach 'eil mi pailt' de stòr,
 Dheanainn seòl, a ghaoil, air d' aran;
 Mharbhainn breac air linne lòin,
 'S damh na cròic 's a' bhùiridh.
 'S i mo leannan, etc.

Tha mo chridhe túrsach, tràm,
 M' inntinn cha tog fonn ri ealain,
 Tha lionu-dubh orm fo thuinn,
 Mo nighean donn an t-sùgraiddh.
 'S i mo leannan, etc.

Tha do chneas mar shineachd air lòn,
 Muineal rò-gheal mar an canach;
 Cas is deise 'théid am bròig,
 Nach dean feòirnein 'lubadh.
 'S i mo leannan, etc.

Tha do ghruidhean mar an ròs,
 Beul is bòidhche shèideas anail,
 Mala chaol mar ite an eòin,
 Ruisg is bòidhche 'dhuineas.
 'S i mo leannan, etc.

Ged a bhithinn feadh nam beann,
 Fad na h-oidhch' gun tigh'nn gu baile,

*Tha mi gu tirinn ann an gaol
 'I cha déan le-aon diuth iost mo língreas
 Raighean buan phair grinn le cinnit
 Eadar mi 'n grinn le Càlid.*

Dh'fhlag thu mi mar shuine faoin
Sgail thu ciosleann 'na mo chridhe
Seoibh mi mar bhàrr an fhaoileach
'I stàine 's gaoth 'g a smòdadh. [HSL]

GHAIDHEALACH.

5

'S i mo choire fhéin bhiodh ann,
'S mi gun bhann, gun chùmhñant.
'S i mo leannan, etc.

Saoilidh mi n' uair thig an oidhch',
Gu'm bi caoimhneas dhomh 's a' chadal,
Ach 'n uair dhùisgeas mi o m' shuain,
Glacaidh buaireas ùr mi.

'S i mo leannan, etc.

Ged a bhithinn-se cho òg,
'S gu 'm b'e 'maireach ~~tùs~~ mo latha, ~~tùs~~
'S mi nach tréigeadh gaol na h-òigh,
~~A dh-ain-deoin~~ Air son diomh/luchd-diùrrais. ~~Dh-ain-deoin~~
'S i mo leannan, etc.

Am bruadar chunnaic mi 'n raoir,
Mi bhi sìnn' ri taobh mo leannan;
'S tha e geur a' tigh'nn am chuímh'n—
Chuir i 'n céill dhomh diùrrais.
'S i mo leannan, etc.

NIGHEAN BHAN AN ACHADH-LUACHRACH.

AIR FONN:—"The girl I left behind me."

A dh-aindeoin taobh ga séid a' ghaoth,
'S ro chaomh leam fhéin bho thuath i,
Oir 's ann tha tuineadh reul mo ghaoil
A dh' fhàg mo shaoghal truagh dheth.
Tha m' inntinn trom, gun fhonn, fo phràmh,
'S mo chridhe làn de bhruaillean,
'S cha cheil mi nach i ghoid mo thàmh,
'N té bhàn tha'n Achadh-Luachrach.

An Ionar-Ghàrraidh air Di-màirt,
 An comunn àrd nan uaislean,
 Gu'n bheachdaich mi do mhiog-shuil bhlàth,
 'S an deàrrsadhbha'n ad ghruidhean,
 Gu'n bhual mo chridhe uair no dhà,
 Le meud mo ghràidh do'n uan-gheal,
 'S bha leam fhéin mar reul measg chàich,
 'N té bhàn tha 'n Achadh-Luachrach.

'S ann aig coinnimh an Tigh-Mhaoil,
 A rinn do ghaol mo bhualadh,
 Le'd mhiog-shuil mheallach sheallas caoin,
 An gnùis gach aoin gun smuairean :
 'S ged bha teagast brioghail, slàn,
 Aig *Mr. Lauder* uasal,
 Bu gheur mo shùil air ùrla gràidh,
 N' té bhàin tha 'n Achadh-Luachrach.

Fhir a dh' imicheas 'san àm,
 An àird do'n ghleann air chuairt bluam,
 Seinn an luinneag so gun fheall,
 Ma chi thu mo gheall an uaigneas.
 Innis di nach fhad mo là,
 Mur faigh mi tràthail fuasgladh,
 Bho'n té mheallach, chlannach, bhlàth,
 Tha'n tàmh an Achadh-Luachrach.

Ged a tha mo stòras gann,
 Gun chrodh, gun chrann air chluaintibh,
 Gu'n leughain dhuit-se iomadh cainnt,
 Gu'm b'eòl dhomh 'm peann a għluasad ;
 'S gun seinninn luinneag dhuit 'na thrà,
 'S cha bhiodh mo għradd fo smuairein ;
 'S gu'm fòg'radh mulad cian gach là,
 'N té bhàn tha 'n Achadh-Luachrach.

Gur e a mheudaich dhomh am pràmh,
 'S a dh' fhàg mo chadal luaineach,
 Gur goirid gus an dean mi fhàgail,
 An t-aite am bheil mo luaidh-se.
 As ged a shiubh'lainn-se gun dàil,
 Dh' *Australia* air chuaintibh,
 Cha leig mi ás mo chuimhn' gu bràth,
 'N té bhàn tha 'n Achadh-Luachrach.

MONADH DHRUIM-UACHDAIR.

Ged a thainig mi'n tir so,
 Cha 'n fhad s' miannach leam fantainn,
 'S nach faic mi mu 'n cuairt dhomh
 Gaol suairee mo leannain.

'S nach faic mi, etc.

'S i nighean muilleir so fhuair mi,
 'S, a rìgh, bu shuaire an taobh leab' i!
 'S i nighean muilleir, etc.

Tha mo chàirdean an gruaim rium,
 Chionn nach d' fhuair mi leat beairteas.
 Tha mo chàirdean, etc.

Ged nach d' fhuair mi leat stòras,
 Fhuair mi mòran de thlachd leat.
 Ged nach d' fhuair, etc.

'S ged nach d' fhuair mi leat feudail,
 Fhuair mi céile mhath chadail.
 'S ged nach d' fhuair, etc.

A' direadh Monadh Dhruim-uachdair,
 'S tric a luathaich mi'n t-astar.
 A' direadh Monadh, etc.

'S tric a leig mi mo sgios dhiom,

'S tu, ghaoil, sìnnte ann am bhreacan.

'S tric a leig mi, etc.

An àm dol fodha na gréine,

Agus éirigh 's a' mhadainn.

An àm dol fodha, etc.

'S mi gu'n rachadh leat an cunnart,

Far nach cumainn mo chasan.

'S mi gu'n rachadh, etc.

'S mi gu'm fuilingeadh bhi'm prìosan,

Tri mìosan ré 'n earraich.

Ged a thainig mi'n tìr so,

Cha 'n fhad 's miannach leam fantainn.

HO RO, CHA BHI MI GA D' CHAOIDH.

Ho rò, cha bhi mi ga d' chaoidh ni's mò ;

Ma thréig thu mise cha lugh'd orm thu ;

Na'n tigeadh tu fhathast, bu tu m'aighear 's mo rùn,

'S na'm faighinn do litir gu'n ruiginn thu nunn.

Thoir an t-soraidh, ceud soraidh, thoir an t-soraidh so uam,
A nunn thun nam porta thar osnaich a' chuain,
Far an d' fhàg mi mo leannan, caol-mhala gun ghruaim,
'S gur cùbhraidh' leam d' anail na'n caineal 'ga bhuain,

Ho rò, cha bhi, etc.

'S 'n uair rainig mi 'n eladach bha m' aigne fo phràmh
A' cumha na maighdinn is caoimhneile gràdh,
'S 'n uair ghabh mi mo chead di air feasgar Di-màirt,
Gu'n deach' mi 'n tigh-òsda a dh-òl a deoch-slàint'.

Ho rò, cha bhi, etc.

'S e so an treas turas dhomh fhéin a bhi falbh,
 A dh-ionnsaidh na luinge, le sgiobair gun chearb,
 Le còmhlan math ghillean nach tilleadh roimh stoirm ;
 'S na'm biodh agam botal gu'n cosdainn sud oirbh !

Ho rò, cha bhi, etc.

Ged théid mi'n bhàl-dannsaith, cha bhi sannt agam dhà,
 Cha 'n fhaic mi té ann a ni samhladh do m' ghràdh ;
 'N uair dhìreas mi 'n gleann, bidh mi sealtainn an àird,
 Ri dùthaich nan beann, 's a bheil m'annsachd a' tàmh.

Ho rò, cha bhi, etc.

Mar dhealbha na peucaig, tha'n té tha mi sealg,
 'S 'n uair chi mi an té sin tha m'éibhneas air falbh ;
 Mar ròs air a' mheangan, tha 'n ainnir 'n a dealbh,
 'S ged sgàineadh mo chridhe, cha 'n innis mi h-ainm.

Ho rò, cha bhi, etc.

O R A N.

DO BHAILLIDH IAIN CAIMBEUL, NACH MAIREANN, A BH' ANN

AN ARDFINEIG AM MUILE.

Le a Mhnaoi.

AIR FONN :—“ *Dainty Davie.*”

Rùn mo chéile air a cheann,
 Air a cheann dubh, air a cheann dubh,
 Rùn mo chéile air a cheann ;
 'S b'fheàrr gu'n robh thu'n raoir leinn.

'S ann an Ille fhuair thu d'àrach,
 (Fuaim na tuinne ris an Airde),
 Air do chuartachadh le càirdean ;
 'S cha b'e 'n gràdh a sheargadh.

Rùn mo chéile, &c.

'S moch a bhitheadh tu air għluasad
 Aig an t-seilg air feadh nam bruachan,
 Leis a' ghunna, eo bhiodh suas riut?

Suil mo luaidh neo mhearachdad!
 Rùn mo chéile, &c.

'S iomadh latha thug mi spéis dhuit,
 Mu 'n d' għlaċ mi do làimh o'n chléire,
 'S cha b'e càch ri 'm bithinn réidh;
 O, b' fheàrr thu fhéin mar cheanna bheairt.

Rùn mo chéile, &c.

'N uair a thigeadh tu le d' bhràithrean,
 'S Uilleam aoibheil Bhaile-Mhàrtainn,
 B'e mo dhùrachd suidhe làmh riut,
 'S shruthadh tàbh o d' sheanachas.

Rùn mo chéile, &c.

Tha thu iriosal a's uasal,
 'S tha thu treubhach mar bu dual c'uit,
 Ann ad oighr' air iomadh buaidh,
 'S ann tha thu d' dhuais gun mheang leam.

Rùn mo chéile, &c.

Tha thu foghainteach mar Bhàillidh,
 Buidhinn cliu o Earraghàidheal,
 Cà bheil aon a lionadh d'àite,
 Le d' innleachd pàirt neo-clearbach?

Rùn mo chéile, &c.

Ann ad dhachaidh tha thu còmhnard,
 Cridheil, suaирce, 's e do dhòigh e.
 'S ioma h-aon a' suidhe gu d' bhord,
 Le 'n uile dheòin bheir dearbhadh.

Rùn mo chéile, &c.

'S ann an raoir a bha mi brònach,
 Gu'n d' fheuch na h-ioghnagan ceòl rium,
 Bha do bhàta 'diùltadh seòlaidh,
 'S thug na deòir mo chainnt uam.

Rùn mo chéile, &c.

Seall thu Sìne Chill-an-Aillean,
 'S Mac 'Illeathain Bheinn a' Ghàidheil,
 Iad ga d' choimhead mar is àbhaist,
 'S cha d' rinn eàch an dearmad.

Rùn mo chéile, &c.

'S a nis o'n tha thu sàbhailt còmhl' rium,
 Biodh'maid aoibhneach mar is còire,
 'S gu ma fada bhios tu beò dhuinn,
 'S dò gu mair sinn taingeil.

Rùn mo chéile, &c.

O R A N G A O I L.

A rùin 's a ghaoil, na'm faighinn thu,
 Gur h-ann ri d' thaobh a chaidilinn,
 A rùin 's a ghaoil, na'm faighinn thu,

An raoir a bhruadair mi troimh m' shuain,
 Mo luaidh' a bhi a' labhairt rium.

A rùin, etc.

Gu'n d' thàinig smal air beachd mo shùl,
 Mu'n d' fhuair mi ùin' air labhairt riut.

A rùin, etc.

Lion do buadhan mi gu luath,
 An uair a fhuair mi sealladh dhiot.

A rùin, etc.

Do mhiog-shùil dhonn, a's i ro loinneil,
 'S mala chaol 'cur flath oirre.

A rùin, etc.

Do chalpa bòidheach, meamnach, seòcail,
 Ainneamhag chòir 's na fearainn thu.

A rùin, etc.

Do ghruaiddh mar chaorann, slios mar fhaoileann,
 Thig o' thaobh nan cladaichean.

A rùin, etc.

Galar cràidh nach tuig fear slàn ;
 Tha mise làn gach latha dheth.

A rùin, etc.

A MHAIGHDEAN OG NAM MEALL-SHUILEAN. X ✓

A Mhaighdean òg nam meall-shùilean,
 Gur h-òg thug mi mo ghealladh dhuit;
 Na 'm faighinn thu le toil na cléir,
 Cha 'n iarrainn spréidh no earras leat.

Sgrìob a thug mi 'n bhaile so,
 Cha robh an sgrìob ud aithreach leam ;
 Air a' mhaighdinn tha mi'n tòir,
 'S cha chum an t-òr mo leannan uam.

A mhaighdean, etc.

Do ghruaiddh cho dearg 's an caorann leam,
 Do chneas cho geal 's an fhaoilinn leam,
 'S iomadh mais' a th'air mo leannan,
 'S bòidheach, hanail, aoibheil i.

A mhaighdean, etc.

Chaid'llinn air bheag aodaich leat,
 Ged' b'ann air guall an aonaich e—

④ See also Gairm (An t-Earrach 1953), p. 47

Sneachd a' taomadh oirnn a nuas,
 'S o thaobh an fhuardaidh thaobhainn i.

A mhaighdean, etc.

'S ma tha thu 'g amharc sios orm,
 'S gu bheil mo storas losal leat ;
 Chumainn aran riut a's bainne,
 'S cha bhiodh gainne sithne ort.

A mhaighdean, etc.

Innsidh mi mar chuala mi,
 Mar tha gaol nan gruagachean,
 Mar shruth bras a' ruith gu cas,
 Gun toir e greis 's gu'm fuaraich e.

A mhaighdean, etc.

Their cuid de dhaoine còire rium,
 Nach 'eil 's a' ghaol ach gòraiche ;
 Ach 's iomadh fear is fheàrr na mis',
 A tha gun fhios fo dhòruinn leis.

A mhaighdean, etc.

'S mur a bheil e'n òrdugh dhuinn,
 Cha chuir an saoghal còmhlà' sinn ;
 'S ge b'e fear a gheibh air làimh thu,
 Guidheam slàint' a's solas dha.

A mhaighdean, etc.

SEINN, OCH HO RO, SEINN. *T ✓*

Seinn, och ho ro, seinn,
 Seinn, och ho ro, leannain,
 Seinn, och ho ro, seinn.

— 'S gur muladach tha mi,
 'S mi air airidh chruidh bhainne.
 Seinn, och ho ro, &c.

* Mar nige m'fais ag gil ^{gu} lòss
 Is nach biost fad a fuarsachadh.

† cf. CM IV. 476.

- 'S gur mulaideach sgìth mi,
 'S mi leam fhin an tìr aineoil.
 Seinn, och ho ro, &c.
- 'Cha b'ionnan 's mar bha mi,
 M' an do dh-fhàg mi Braigh Raineach,
 Seinn, och ho ro, &c.
- Le 'm phiuthair 's le m' bhràthair,
 'S cead bhi 'manran ri 'm leannan.
 Seinn, och ho ro, &c.
- 'S tric a bha mi 's tu 'sùgradh,
 'S cha b'fhiù leat ach ceanal.
 Seinn, och ho ro, &c.
- Ann am bothan an t-sùgradh,
 'S e bu dhùnadhbha barrach.
 Seinn, och ho ro, &c.
- 'S e bu leaba dhuinn luachair,
 'S e bu chluasag dhuinn canach.
 Seinn, och ho ro, &c.
- Seinn, och ho ro, Ruaraidh,
 Bidh daoin-uaisl' air do bhanais.
 Seinn, och ho ro, &c.
- Seinn, och ho ro, Thormaid,
 Fhir nan gorm shùilean meallach.
 Seinn, och ho ro, &c.

Làmh a stiùradh am bàta,
 'S muir a' gàirich mu 'darach.
 Seinn, och ho ro, &c.

'S tu gu'n stiùradh i direach,
 Troimh Chaol Ile 'n a deannaibh.
 Seinn, och ho ro, &c.

'S tu gu'n stiùradh i tioram,
 'S muir a' mire ri 'darach.
 Seinn, och ho ro, &c.

'S ged nach bi mi ga innseadh,
 'S ann an Ile tha mo leannan.
 Seinn, och ho ro, &c.

'S ged nach bi mi ga raidhtinn,
 Thug mi gràdh dhuit 's mi'm leanabh.
 Seinn, och ho ro, &c.

AN NIGHEAN DONN.

A ho ro, mi nighean donn,
 'S ann ort fhéin a dh' fhàs an loinn,
 Dh' fhàg e acaid ann am chom,
 An gaol cho trom 's a ghabh mi ort.

'S i mo ghaol an rìbhinn òg,
 Dh' fhàg mi 'n Ile gorm an fheòir,
 'S ged bu rìgh mi 's an Roinn-Eòrp',
 Cha bhithinn beò mar faighinn i.
 A ho ro, etc.

air niba henrie gordon.

'S na 'm bithinn-se mar eala bhàin,
 'S gu 'm bithinn math air an t-snàmh,
 Mu 'n tigeadh moch-thràth Di-màirt,
 Bhiodh fhiosam c' ait' an caidilinn.

A ho ro, etc.

'N uair a chruinnicheadh an sgoil-danns'
 B' ait leam fhéin na chithinn ann,
 Maighdean donn 's cir chrom 'n a ceann,
 A' cumail thall a camagan.

A ho ro, etc.

'S bòidheach, siobhalta do ghnùis,
 D' aghaidh mhìn-gheal mar am flùr,
 Leig mi dhiom na bh' ann am dhùil,
 A's thagh mi thu, 's cha b'aithreach leam.

A ho ro, etc.

Ged a shiùbhlainn thar an tuinn,
 A's fichead bliadhna thoirt air luing,
 Bidh tu tric a' tigh'nn am chuimhn',
 Le meud na suim a ghabh mi dhiot.

A ho ro, etc.

Dheanainn sgrìobhadh dhuit le peann,
 Dheanainn treobhadh dhuit le crann,
 Dheanainn sgiobair dhuit air luing,
 A chruinneag dhonn nam meall-shuilean.

A ho ro, etc.

Na biodh càram ort mu d' lòn,
 Gheibh mi 'm sgiobair air luing mhòir
 S 'n 'uair a thogar a cuid seòl,
 Le m' dheòin cha bhi thu 'd bhanaraich!
 A ho ro, etc.

Théid mi bheinn nan stùc 's nan sròn,
 'S na coireachan 's am bi an ceò,
 Le m' għunna caol nach diùlt do'n ḡord,
 'S a leònadh damh nan cabar dhomh.
 A ho ro, etc.

'S trie a dh' eirich mi glé mhoch,
 Maduinn chćitein, cheòmhorr, fħliuħ,
 A dhol a shealg a' choilieħ dhuibh
 A chluuñt a' ghuth 's a' chamħanaich.
 A ho ro, etc.

Fhad s'a chì mo shuil-sa ghrian,
 'S i ri deàrrsadħ air an t-sliabh,
 Air té ûr cha bhi mo mhiann,
 'S gur mħiġnejja, miaghail agam thu!
 A ho ro, etc.

ORAN GAOIL.

RINNEAIDH AN T-ORAN SO DO MHÀIRI NIC 'ILLEATHAINN, ANNS A' MHORAIRNE,
 AGUS I AIR DOL DO DH' AMERICA.

LE AILEIN MAC-AN-LEIGH.

A Mhàiri mħiog-shùil, mheall-shuileach,
 Cha tréiginn fhéin air cheannach thu;
 'S cha 'n 'eil mi sgith ga d' leannanachd,
 Ged 's fhada fuireachd bhuaile mi.

Gur fada leam an ràidlhe so,
 Gun neach ni prìs a' ghàire rium,
 O 'n dhealaich luchd a' mhànrain rium,
 'S a dh' fhàg iad thar a' chuan mi.
 A Mhàiri mħiog-shùil, &c.

Is tu mar bhradan fior-uisge,
 'S e leum air uisge liomharra,—
 Sin agaibh mar a chì sibh i,
 'S i measg nam mìltean gruagach.
 A Mhàiri mhiog-shùil, &c.

Do ghruidhean tana, mìn-dearg
 Mar ròs air chrannaibh direach,
 Sùil chorragh is glan lionadh,
 Fo mhala ghrinn gun ghruaimean.
 A Mhàiri mhiog-shùil, &c.

Tha thu uasal, iriosal,
 Cha 'n fhaicear fraoch no frionas ort ;
 'S do ghaol cha 'n fhàg mo chridhe-sa
 Ged 's tric a' dol thar cuain mi.
 A Mhàiri mhiog-shùil, &c.

Do chùl donn, bòidheach, camagach,
 'N uair chìreadh tu e chasadhl e,
 A' ghrian ag òradh dhathan air
 'S a' mhaduinn 's e mu d' ghuaillean.
 A Mhàiri mhiog-shùil, &c.

'S gur binne bhi ga d' éisdeachd
 Na 'n fhiodal 's i fo 'teudan,
 Na ceòl na cuile a' leughadh
 'S tu bleòdhan spréidh air buaile.
 A Mhàiri mhiog-shùil, &c.

'S gur math thig sioda 's làmhainean
 Do rìbhinn nam bas bànn-ghealla,
 Meur ghrinn thu air an t-snàthaid,
 'S tu 'n seòmar-àrd a' fuageal.
 A Mhàiri mhiog-shùil, &c.

'S thu mar eala bhàn-ghil
 A bhiodh air lochan fàsail ;
 Gur fhada ni thu deàrrsad,
 'S do chruth 'cur àill a's snuaidh ort.
 A Mhàiri mhiog-shùil, &c.

'S e Rìgh-nan-gaol * a thàlaidh mi,
 'Sa chuir a thaobhadh Màiri mi,
 'N uair shaoil iad bha mi gràineach ort,
 Bha m' inntinn làn de luaidh ort.
 A Mhàiri mhiog-shùil, &c.

BANAIS MOR CHAMAROIN.

SEISD :— 'S coma leam co bhios ás na théid ann,
 Co bhios ás na co théid ann ;
 'S coma leam co bhios ás no théid ann,
 Théid mise gu banais Mòr Chamaroin.

'Nuair thàinig a' chuideachd 's a shuidh iad mu'n bhòrd,
 Chunncas duine 's e 'tighinn na'n còir,
 Bha poca 'n a achlais a's bata 'n a dhòrn,
 'S e daonnan ag òl air Mòr Chamaroin.

'S coma leam, etc.

Bha thu na d' *bhaster* aig Mac-Ille-Mhaoil
 Mu'n d' thàinig thu thairis a ghearradh nan craobh ;
 Gur iomadach caileag a luidh thu ri taobh,
 Mu'n robh thu air thaod aig Mòr Chamaroin.

'S coma leam, etc.

* Cupid.

| d d d / m m d / m m f / s
 | d' d' 7 / s s 7 / d' d' 7 / s
 | m m m / m m d / v d 7 / / d
 m / s s s / f m r / d - - / d - Fiom

Mu'n d' thainig thu dh' fhuireach a choille Néill Ruaidh,
 'Cha bhuaineadh tu möine 's cha cheann'cheadh tu gual,
 Gur h-iomadach cabar a leag thu le tuagh,

A chumail an fhuachd o Mhòr Chamaroin.

'S coma leam, etc.

Bha Lachann a' Choire 'na shuidhe mu'n bhòrd,
 A' ghaodhaich le sogan a's botal 'na dhòrn,
 " Deoch-slàinte a' ghaisgich bu mhath leam a h-òl,
 Bho'n rug e air spòig air Mòr Chamaroin."

'S coma leam, etc.

Nuas dhuinn am botal 's euidich am bàrd,
 Cupaicheadh, flataicheadh, pailte gu leòr,
 Cuir thusa am *brot* air a' cheann ud de'n bhòrd,
 'S bidh 'n fheòil agam fhéin 's aig Mòr Chamaroin.

'S coma leam, etc.

Na'm faicinn do bhanais 's gu'n cluinninn a' phioib,
 Gu'n rachainn ad choinneamh gu ruig Dal-a-chri ;
 'S ged bhithinn tighinn dachaidh gun duin' ach mi fhìn
 Gu'n dannsainn leat ruidhle mu'm falbhainn.

'S coma leam, etc.

Càirich an leaba 's e fada 's an oidhch'.
 Tha'n t-àm dòl a luidhe bho'n ghabh ainn ar boid,
 'S bodachan sgiobalta séinn os ar eionn
 " Bu chinnteach mis a Mòr Chamaroin." *
 'S coma leam, etc.

ORAN GAOIL.

- 'S cailin thus' a's buachaille mise,
 Chailin òg, nach stiùir thu mi?
- 'S cailin thus' a's buachaille mise,
 Chailin òg i hùiridh o,
 Chailin òg nach stiùir thu mi?
- Chaidh mi 'shuiridh air nighean Righ Eirinn,
 Chailin, etc.
- Dh' iarr a' chailin ni nach b'fheudar.
 Chailin, etc.
- Caisteal air gach enocan gréine,
 Chailin, etc.
- Muileann air gach sruth an Eirinn,
 Chailin, etc.
- Cat air 'm bi tri fichead earbull,
 Chailin, etc.
- Thug i mionnan, boid, a's briathran,
 Chailin, etc.
- Nach sineadh i a taobh ri m' chliathaich,
 Chailin, etc.
- 'Nuair chuala mi na briathran gàbhaidh,
 Chailin, etc.
- Chaidh mi dhachaidh mar a' b' àbhaist,
 Chailin, etc.
- Thug mi 'm luidhe bhliadh'n' ach raidhe,
 Chailin, etc.
- Thàinig a' chailin donn am fhaicinn,
 Chailin, etc.

- Dh' fhirosraich i ciod è mar bha mi.
Chailin, etc.
- " Cha 'n 'eil mise ach tòrsach, cràiteach.
Chailin, etc.
- Falt mo chinn 'n a dhuala làmh rium."
Chailin, etc.
- Dh'éirich mis an là-'r-na-mhaireach.
Chailin, etc.
- Bho'n b'e ceann na bliadhna ach ràidhe;
Chailin, etc.
- Chaidh mi mach gu cùl na sràide.
Chailin, etc.
- Rug mi air caman 's chuir mi bàrr leis.
Chailin, etc.
- Rug mi rithist 's chuir mi dhà leis.
Chailin, etc.
- Thàinig a' chailin donn taobh bha mi.
Chailin, etc.
- Dh' fhirosraich i ciod è mar bha mi.
Chailin, etc.
- Math le caraid, olc le àmhaid."
Chailin, etc.
- Chrom i ceann a's rinn i gàire.
Chailin, etc.
- Mur bhithheadh dhomh gur bean mo mhàthair,
Chailin, etc.
- A's té eile mo phiuthar ghràdhach.
Chailin, etc.
- Dh' innsinn sgeul do dh' fhear nam mnàthan.
Chailin, etc.

Pàirt dhiubh tha gu beulach, breugach,
Chailin, etc.

A's cuid dhiubh tha gu modhail, beusach.
Chailin, etc.

O R A N. ✓

LE GAIDHEAL ANN AN *New Zealand*.

LUINNEAG :—Irin àrin a ho ro,
Irin àrin a ho ro,
Irin àrin a ho ro,
Mo ghaol air Marcus Lathurna

Tha e àillidh, flathail, òg,
Gun mheud-mhòir, gun uaill, gun spòrs ;
B'fheàrr leam e gun bhonn de'n òr,
Na prionnsa mòr le palaisean.
Irin àrin, etc.

Ged a gheibhinn leth an t-saoghla,
'S prionnsa rioghail bhi ri m' thaobh.
B'fheàrr leam tàmh am bothan fraoich
Le fear mo ghaoil an Lathurnach
Irin àrin, etc.

Ciod e dhomhsa palais rìgh
Mar bi ann leam rùn mo chrì ?
B'fheàrr gu mòr na bhi 'm bhan-rìgh.
Bhi m' bheanag chrion an Lathurna
Irin àrin, etc.

Do shliochd Dhiarmaid tha mo ghaol.
Sliochd rìghrean bha'n tìr an fhraoich,

'S tha fuil co uasal 's th' anns an t-saogh'l,
 A' ruith an aodann Lathurna.
 Irin àrin, etc.

Thàining fios a nall thar chuan,
 Gu'n robh Rìgh Phruisia rium an gruaim,
 Airson mi idir bhi 'toirt suas,
 Ri Marcus uasal Latharna.
 Irin àrin, etc.

Chuireadh fios le mòran spìd,
 Gu'n robh e'n aghaidh lagh na rìo'chd,
 Mi phòsadhl neach ach mac o rìgh,
 'S mi leigeil dhiom an Lathurnaich.
 Irin àrin, etc.

Dh'fhàg am fios ud mi fo bhròn,
 Dh'fhàg e mo chridhe trom fo leòn,
 'S thuirt mi riù nach mairinn beò
 Mur faighinn òig'ear Lathurna.
 Irin àrin, etc.

'N sin thuirt rium mo mhàthair chòir,
 " Louisa, leig dhiot do bhròn,
 'S ni Uilleam Gladstone 's mise dòigh,
 Do phòsadhl ri fear Lathurna."
 Irin àrin, etc.

Tha mi nis gu eridheil suaire,
 An dùil bhi pòsda ri mo'luaidh,
 Théid mi leis gu ruig Dun-chuaich,
 A gabhail cuairt na gealaich-mheal'.^{*}
 Irin àrin, etc.

* Honey-moon.

Seinnidh mi dha òrain ghrinn,
 Orain Ghàidhlig bhlasda bhinn ;
 Bidh mi dileas da ri m' linn,
 'S cha leig mi sgùs no smalan air.
 Irin àrin, etc.

'S ma's éiginn dhomh gu'n toinn mi buarach,
 Théid mi 'bheodhan cruidh do'n bhuaile,
 'S gheibh sinn bainne blàth a's fuarag,
 'Bheir dhuinn snuadh a's fallaineachd.
 Irin àrin, etc.

'Nuair 'chuireas iad a mach na lin,
 Gheibh sinn bradan á Loch-fin,
 Gheibh sinn sithionn á Gleann-Siorra,
 'S cha bhi dìth no aithis oirnn.
 Irin àrin, etc.

ORAN GAOIL.



SEISD :— Oich ù agus h-iùraibh éile,
 Oich ù agus h-iùraibh éile,
 H-iùraibh ò, agus hò ro éile,
 'S mo chruinneag dhonn, gur a trom ad dhéigh mi !

C'àite bheil i ann am Muile,
 Cruinneag bhòidheach is gile muineal,
 Ribhinn àluinn a' bhroillich shoilleir,
 'S bu deacair dhomhsa 'cur air a bonaibh.
 Oich ù, etc.

C'àite bheil i ann an Albainn,
 Cruinneag bhòidheach is gille calpa--

Slios mar fhaoilinn air aodan fairge,
 'S gur h-e do throm-ghaoil a rinn mo mharbhadh.
 Oich ù, etc.

Tha an oidhche nochd fliuch, fuaraidh,
 Laidh an sneachd air na beanntaibh shuas ud ;
 Cha téid mise a dh-fhios na gruagaich,
 Ach-gus am fàs na gleanntan uaine.

Oich ù, etc.

Cha téid mise do'n mhonadh tuille,
 Bho nach d'rinn mi bonn feum an diugh ann ;
 Chaog mi'n t-sùil ann 's cha d'rinn mi tuilleadh ;
 Ghlac mi'n crann bho'n 's e rinn mi buill dheth.

Oich ù, etc.

'N uair a théid mi thun na féille,
 Bidh mo shùil air a' chruinneig ghlé-ghil,
 Is binne Gàidhlig 's as deise Beurla,
 'S bidh sàilean àrd air a brògan eutrom.

Oich ù, etc.

Tha do shùilean mar na smeuran,
 No mar dhearcagan donn an t-sléibhe—
 Dubh a's donn ann am measg a chéile,
 'S gu bheil ceann dubh air mo chruinneig ghlé-ghil.

Oich ù, etc.

Tha do shùil ghorm, dhathte, bhòidheach,
 Fo d' mhala chaol ann ad aodann mòdhail,
 Pearsa dhìreach de dh-fhior Chlann-Dòmhnuill ;
 Gur math thig gùn duit an cuirt nan og-bhean.

Oich ù, etc.

'N uair a bha sinn air a' bhuaile,
 'S e luchd mì-rùin thog oirnn an tuaileas,

Gu'n robh thu sinte fo m' bhreacan-guaille,
 Cha robh, a ghaoil—O b' fhada bh'uam thu.
 Oich ù, etc.

'S'n uair a bha sinn anns a' mhonadh,
 'S e bu bhiadh dhuinn na ciribh meala,
 Barr an fhraoch 's e 'n a chaoran meallach,
 'S an eunlaith fhiadhaich a' sgiallaich tharuin.
 Oich ù, etc.

ORAN GAOIL.

Le Iain Mac-Phaidein.

SEISD :— Ni mi 'n duanag so le aoibhneas,
 Le dùrachd mo chridhe 'n mhaighdinn,
 Do'm bu dual bhi uasal, caoimhneil
 Thar gach baintighearn' anns an tìr.

Sùil is guirme 's ciùine sealladh,
 Aig *Bell* bhàn an Gearr-a-bhailtein—
 Deud geal ibhri dionach, snaighte,
 Ann a bilean meachair, grinn.
 Ni mi 'n duanag, etc.

'S mi gu 'n òladh a's gu 'm pàigheadh,
 Dh' òlainn, a ghaoil, do dheoch-slàinte,
 A dh-fhòn no 'bhrandaidh na Spàinnt,
 Ged a dh' fhàgadh e mi tinn.
 Ni mi 'n duanag, etc.

'S na'n cluinninn thu thigh'n do'n dùthaich,
 Dh' éireadh mo chridhe gu sunndach ;
 B'fada chluinnte fuaim mo chiùil,
 A' seinn do chliù air feadh na tìr'.
 Ni mi 'n duanag, etc.

x ms | 7 7 | t = | 7 s / ~ ~ | ~ ~ | ~ ~ | ~ ~ | t r
 m' 7 | 7 t | 7 sm | rr / mm | s 7 | t' t | 7

'S beag an t-ioghnadh thu bhi pròiseil,
 'S glan an fluil 'tha 'd chuislean bòidheach--
 Car thu Mhorair Chlann-Dòmhnuill,
 'S ann mu 'bhòrd bhios ceòl na piob.
 Ni mi 'n duanag, etc.

Tha do chàirdean làidir, reachdail,
 Cruad'lach, buadhmhor am batailt ;
 Siosalaich nan geur-lann sgaiteach,
 'Choisinn meas am feachd an righ.
 Ni mi 'n duanag, etc.

'N uair a théid thu do Dhun-éideann,
 Cha 'n 'eil Diùc ann nach bi 'n déigh ort ;
 Bidh iad a' faoighneachd d'a chéile,
 " Co i peucag an fhuilt-dhuinn ? "

Ni mi 'n duanag, etc.

'S binne leam do ghuth na'n smeòrach,
 'S millse leam na mhil do phògan ;
 Tha do ghruag 'n a teudan òir,
 'N a dualan bòidheach cùl do chinn.
 Ni mi 'n duanag, etc.

Tha do ghruaidh mar chaor air mheangan,
 D'anail is cùbhraidh na'n caineal,
 Muinneal mìn-gheal mar an canach,
 No mar eal' air bhàrr na tuinn.
 Ni mi 'n duanag, etc.

'N uair thig geomhradh na gaoith reòdhta,
 Cha 'n fhàgar thu'n tir an eòrna ;
 Thèid thu Shléibhte nam ban bòidheach,
 Do 'n Tur mhòr 's an òilteadh fion.
 Ni mi 'n duanag, etc.

~~le Donald~~ AN RIBHINN LURACH. ~~an~~ ~~Donald~~ ~~ribhinn~~ ~~lurach~~ ~~(O. m. S. V. C. A. I. A.)~~ Crògan *

SEISD :— An teid thu leam, a ribhinn lurach?

Am falbh thu leam, a ribhinn lurach?

Tiugainn, tiugainn do bhràigh Mhuile,

'S cha bhi cunnart dhuit no fàillinn.

Tiugainn leam do 'n àite lurach,

Nach'eil a leithid anns a' chruinne,

Taobh a'chooil 's am bi na luingeis,

Speuran a' mhullaich mar sgathain.

An teid thu leam, etc.

Daoimean anns gach àite, 'dearrsadhbh,

'M bun nan enoc 's am barr nam sléibhteann;

Thug e barr air tir na h-Eiphit,

'S gu léir air talamh Chanàin.

An teid thu leam, etc.

Tha gach meas ann, 's tha gach luibh ann,

Tha gach nì ni feum do dhuin' ann—

Méinean òir am bun gach struthain,

A' boillsgeadh mar rionnaig a' dearrsadhbh.

An teid thu leam, etc.

Biolair ann am bun gach fuarain,

Eilid anns a' ghleann taobh shuas dheth :

'S tric a bha mi greis 'g a ruagadh,

'S bhiodh i buailt m'an cluinnit' an làmhach.

An teid thu leam, etc.

Mharbhainn coileach-dubh a's ròn dhuit,

Tàrmachan a's damh na cròice,

Ach ma théid thu leam do'n Chrògan,

A' chaoidh ri d' bheò cha'n iarr thu 'fhàgail.

An teid thu leam, etc.

Stiùrainn bàta ri sruth lionaidh,
 Ged a robh a' mhuir 'n a sioban,
 'N uair bhiodh luchd nam brecan grìsionn,
 'S iao 'n an sineadh air an fharradh.

An teid thu leam, etc.

Stiùrainn bàta ri sruth fuaraidh,
 Fhad's a dh'fhanadh clàr dhi 'n uachdar
 'S gheibh thu dearbhadh 's an Leth-uachdraich.
 Nach sgeul tuaileis 'tha mi 'g ràdh riut.

An teid thu leam, etc.

Tha thu ro-mhath air an ùrlar,
 'Dol tarsuing annus an ruidhle dhùbaitl ;
 S' gur a math a thig an gùn duit,
 Ann am fasan ùr na Ban-righ.

An teid thu leam, etc.

Tha d'fhalt dualach, 's tu 'g a chìreadh.
 Fiamh an òir dheth mu na cìrean ;
 'S leis a' ghaol a thug mi fhìn dhuit,
 Leig mi air di-chuimhn' na h-aithntean.

An teid thu leam, etc.

Moire 's i mo ghaol a' mhaighdean,
 A tha 'chòmhnuidh ann an Caoimhnis !
 Cha téid mise dh Ath-an-tuim leat,
 Mur toir thu le snaoim do làmh dhomh.

An teid thu leam, etc.

Moire 's i mo ghaol an ainnir,
 D'fhalt dualach, 'n a mhìle camag.
 Do dhà ghruaidh mar ròs air mheangan
 Beul cho meachair 's bho'n tig gaire.

An teid thu leam, etc.

Troigh chuimir am bòtainn thana,
 Nach lub am feòirnein air faiche ;
 Calpa grinn air dhealbh a' bhradain,
 A dh'eireas ri caisil o'n t-saile.

An teid thu leam, etc

Cha'n iarrainn leat crodh no caoraich,
 Or no earras—cha'n e dh'aom mi—
 N'am faighinn le còir 's le saors',
 Bho Aonghas Mac-an-t-saoir air làimh thu

An teid thu leam, etc.

Mur am biodh mo cheann air liathadh.
 'S gun mi 'chòir bhi fichead bliadhna,
 Bu tu mi'aighear 's b'e mo mhiann thu,
 De na thàinig riamh bho Adhamh.

An teid thu leam, etc.

A GHRUAGAICH DHONN A' BHROILlich BHAIN.

SEISD :— A ghruagach dhonn a' Bhroillich bhàin,
 A chum a' chòdhail rium Di-mairt,
 A ghruagach dhonn a' bhroillich bhàin,
 Gu 'm bu slan a chì mi thu !

A ghruagach dhonn gun ghò, gun fhoill,
 A chum a' choinneamh rium an raoir,
 Bha mi còmhradh riut 's a' choill,
 'Sinn ann an caoimhneas dionhaireach.

A ghruagach dhonn, etc.

Rinn mi coinneamh riut glé òg,
 Ann an coille dhlùth nan cnò.
 Bu bhinne leam do ghuth na'n smèòrach,
 'S tha do phòg mar fhigis leam,
 A ghruagach dhonn, etc.

Fhuair mi sud le mùirn 's le tlachd,
 Ann am bun an stùc-uillt chais,
 Pòg na h-òighe 's bòidh'che dreach,
 'S bu mhòr mo mheas 'n uair shìn thu i.
 A ghruagach dhonn, etc.

Cha b'ann le éiginn no cùis chruaidh,
 A fhuair mise a' phòg ud bhuit,
 Ach le caidreamh séamh gun ghruaim,
 Gu soitheamh, suairce, siobhalta.
 A ghruagach dhonn, etc.

Mhaighdean, na biodh ortsa gruaim,
 Ged a shéideas a' ghaoth tuath,
 Tho 'cuid *thimbérs* làidir, cruaidh,
 'S, a ghruagach, na biodh mi-ghean ort.
 A ghruagach dhonn, etc.

Tha sgiobadh gasd' agaínn air bàrd,
 Math gu *reéfad* 's pasgadh sheòl,
 'S mur an dean iad gloine òl,
 Cha'n'eil an còrr r'a inns' orra.
 A ghruagach dhonn, etc.

*
 'N uair thilleas mi ás an Fhraing,
 Airgiod-poc' cha bhi oirnn gann—
 'Cunntas ghineachan am làimh,
 'S cha bhi peighinn ann nach sinear dhuit.
 A ghruagach dhonn, etc.

Gu 'm bu fallain 's gu 'm bu slàn,
 Dhi 'chum 'a chòdhail rium Di-màirt,
 Iarguin m'aigne 's m' airsneul phràmh—
 'S mo chion-gràidh da-rìreadh thu !

A ghrugach dhonn, etc.

IAIN MACPHAIL AN DROBHAIR.

Gaol, an gille, th' aig càch ort meas,
 'S tu'm bun a' għlinne 'n còmhnuidh,
 'S tu'n t-òigeir uasal, 's suairce beus,
 'S gur tric air féill, le d' dhròbh thu.

Bho'n a thàrlaich dhomh bhi 'm thàmh,
 'S gu'n duin'am dhàil 'ni còmhradh,
 Gu'n tòisich mi 's gu'n dean mi dàn,
 Do dh-Iain Mac-Phàil an Dròbhair.

Gaol, etc.

'Nuair a théid thu thun na féille,
 Bidh na ceudan còmhl' ruit,
 Bidh na Sasunnaich ad dhéigh,
 A' gabhail sgeul an Dròbhair,
 Gaol, etc.

Tha thu measail ann ad dhùthaich,
 Ionnsaicht' ann am fòghlum,
 C'ui'm nach seinninn-sa do chliù,
 'S gu'n d' thug thu crùn ri 'ol dhomh,
 Gaol, etc.

Ged nach 'eil thu mòr bho'n làr,
 Tha d' inntinn àrd a' seòladh ;
 Gur h-ùr a' choill bho'n d'rinn thu fàs,
 'S do chairdeas ri Cloinn-Dòmhnuill,
 Gaol, etc.

Tha ciall a's gliocas ann ad cheann,
 A bhuineadh geall air mòran ;
 Gur h-iomadh fear 'bu mhiosa cainnt
 A fhuair commanda Còirneil.
 Gaol, etc.

Ach na 'm faighinn-se gu m' dhùrachd,
 H-uile cùis gu m' òrdugh,
 Bhiodh tu d' *Mhember* anns a' chùirt,
 'S tu d' shuidhe dlùth ri Deòrsa.
 Gaol, etc.

Ged bu leamsa mart air chluais,
 Gu 'n liubhrainn bhuan le m' dheòin i,
 'S do rogha céile bhi ri d' ghuallainn,
 Tighinn le buaidh o 'n phòsad.
 Gaol, etc.

Dùinidh mi le rann no dhà,
 Mu 'n abair càch gur bòsd e,
 'S mu 'n *stylear* mi air *line* nam bàrd,
 Théid Gàidhlig dhuit an òrdugh.
 Gaol, etc.

BATA PHORT-RIGH.



Ho ró hog i ó, hal dal ó halo i,
 Ho ró hog i ó, hal dal ó halo i,
 Ho ró hog i ó, hal dal ó halo i,
 Aig meud mo mhulad, cha 'n urrainn mi 'inns'.

Dh' fhalbh mi thar m' eòlais le òrdugh *Trustees*,
 Le *Steam-boat* mhòr Leòghasach a sheòl á Port-Righ ;
 'Dol timchioll na Maoile bha ghaoth ruinn a' strì,
 'S bha bàta na smùid 's a mhuir dhù-ghorm fo 'druim.
 Ho ró hog i, etc.

A nuas seach an t Oban bha caoir air a' ghaoith,
 Bha 'n fhairge a' tòchdadadh, 's a' bòchdadadh 'n a glinn ;
 'N uair thàinig a' mhadaidh 's a bha n' cadal anu dhìth
 Gu 'm b' fheàrr leam na 'm farradh 'bhi tamul air tìr.

Ho ró hog i, etc.

Dol seachad air Arainn bha sgal aig a' ghaoith,
 Bha 'n fhairge a' stealladh mar bhainne na cieh ;
 'S e sruth Choire-bhreacain 'dh' fhàg mise ro-sgìth,
 'S gach tàland a bh' agam 'n an luidhe 's chuan shìos.

Ho ró hog i, etc.

Gur mis' tha fo mhulad 's mi 'sinbhal a' chuain,
 'S mi falbh do na h-Innsean ri sìd an droch uair ;
 Croinn bhi 'g an rùsgadh, a's siùil ga 'n toirt bhuainn.
 'S an long mhòr air a leth-taobh 's i 'gleachd ris a' chuan.

Ho ró hog i, etc.

'Dol seachad air *Gouraig* bu chorragh a com,
 Bha càir gheal mu toiseach 's i sgoltadh nan tonn ;
 A suas abhainn Chluaidh 'n uair a fhuair i 'mhuir lom,
 Dol stigh gu Port-Glaschu gu caladh nan long.

Ho ró hog i, etc.

'N uair ràinig mi Glascho gu fearann nan Gall,
 Thachair orm bodach le chànan Ghalld',
 Mur bithinns' ro-fhòghluimte air 'sheòrs' anns' an àm,
 Cha tuiginns' a chànan—cha b'i Ghàidhlig a bh' ann.

Ho ró hog i, etc.

'N uair chaidh mi 'Dhun-éideann gu palais nam bùth,
 Bha 'n t each-iarruinn 'n a ghleus a's gu'm b' éibhinn a ghnùis ;
 'N uair shìneadh e réis air an rail ghlan bha dlùth,
 Cha b'e gille le sréin 'chumadh ceum ris an dlùths'.

Ho ró hog i, etc.

'S gur mis' tha fo mhì-ghean 's an tìr so an dràsd,
 Bho'n thug mi mo chùilaobh ri dùth'ch nam beann àrd ;
 Tha m' inntinn an dràsda ag ràidhtinn rium fhìn,
 Gu 'n till mise sàbhailt' le Bàta Phort-Rìgh.

SUD AGAIBH AN DEOCH A DH'OLAINN.

Sud agaibh an deoch a dh' òlainn,
 Deoch-slàint' a' Chamaronaich bhòidhich ;
 Sud agaibh an deoch a dh' òlainn.

Dh' òlainn deoch-slàinte 'n fhir rnaidh
 'Chaidh thar a' ghualain Di-dòmhnaich.
 Sud agaibh, etc.

Dh' òlainn deoch-slàinte 'n fhir bhuidhe,
 'Dhìreadh am bruthaich gun mhòr-chuis.
 Sud agaibh, etc.

Dh' éireadh Griogaraich a's Granndaich,
 Ann ad champa mar bu chòir dhoibh,
 Sud agaibh, etc.

Dh' éireadh Stiùbhartaich o'n Apuinn—
 Thig fo d' bhrataich na fir òga.
 Sud agaibh, etc.

Dh' éireadh mar sin leat Loch-ial
 Nan lann 's nan sgiath' sheasamh còrach.
 Sud agaibh, etc.

Tha do chàirdeas an Lochabar,
 Ri fear an Earrachd, an Còirneal.
 Sud agaibh, etc.

'S math thig claidheamh a's erios guaille,
 'S féile cuaiche air an òigear.
 Sud agaibh, etc.

Bu tu sealgair damh nan cabar
 Anns an lag 's an goir an smeòrach.
 Sud agaibh, etc.

Nàmhaid an fhéidh thu 's an fhireach,
 A's boc biorach nan ceum spòrsail.
 Sud agaibh, etc.

Liontadh cupaichean mu 'n cuairt ort,
 'S gu'n dean fir Shuaineart an òl ort.
 Sud agaibh, etc.

ORAN GAOIL.

Mo ghaoil a' mhaighdean 'dh'fhàs cridheil, aoibheil,
 Air an do bhruadair mi'n raoir 's mi 'm shuain ;
 'S an àm dhonh dùsgadh, b'e fàth mo thùrsa,
 Thu bhi'n Ceann-Turra cho fada bhuam.

'S ann air an eilein a' buain nan dearcag,
 A ghabh mi ceist ort a 's mòran gràidh ;
 Do chòmhradh falaich a rinn mo mhealladh,
 'S tha mi cheana leis air mo chràdh.

Do bhilean tana cho dearg ri sgàrlaid,
 Mar ròsan gàraidh tha do dhà ghruaidh ;
 'S do chùl donn, sniomhain mar sheudan fidhle,
 'S e ann an stiom air a cheangal suas.

Tha do phògan mar na h-ìubhlan ;
 D' anail chùbhraidh mar shugh-craobh ;
 Do chneas mar eala, do shlios mar chanach,
 Da shuil ghorm, mhealach fo mhala chaoil.

* C. 20. Jan 1907,

An uair a rainig mi Tigh-a-bhealaich,
 Bha thusa, Anna, a nios an àth,
 'S ann thuirt mo chridhe rium, Tha i 'tighinn,
 'S i so an nighean do'n d'thug mi gràdh.

'S truagh nach robh mi a's mo leannan
 An gleannan falaich, 's sinn fad' o dhaoin',
 No 'n Gleann-a-Leòra a's badan ceò ann,
 'S gu'n deanainn còmhradh riut anns an fhraoch.

'S truagh nach robh mi 's mo rogha céile,
 Am mullach shléibhte nam beanntaibh mòr,
 'S gun bhi ga'r n-éisdeachd ach eòin an t-sléibhe,
 'S gu'n tugainn fhéin duit na ceudan pòg.

Ma tha fear eile am bun do sgéithe,
 A tha ga d' theumadh 's ga d' mhealladh bhuan,
 'S ma thug thu gaol da gu mise thaoibh-sinn,
 Gur h-e am faochadh a gheibh mi 'n uaigh.

A FHLEASGAICH AN FHUILT CHRAOBHAICH.

A fhleasgaich an fhuilt chraobhaich chais,
 Oigeir a' chùil dualaich,
 A fhleasgaich òig an òr-fhuilt chais,
 Gur h-i do mhais' a bhuaire mi.

Mheall thu, mheall thu, mheall thu mi,
 Do bhòidhchead a bhuaire mi ;
 A's gheall thu dhomhs' air iomadh dòigh,
 G'um biodh do stòras buan domh.
 A fhleasgaich, etc.

'S truagh nach robh mi 's mo ghaol,
 An lagan an fhraoich uaine ;
 'S ged laidhinn tinn gu'n èirinn slàn,
 'S mo làmh bhi fo d' chùl dualach.
 A fhleasgaich, etc.

'S gur a mise tha gu tinn,
 A's falt mo chinn air fuasgladh,
 'S gun fhios-am fhéin ciod e 'n cion-fàth,
 Thug dhuits', a ghráidh, bhi 'n gruaim riùm.
 A fhleasgaich, etc.

N'am biodh agam boineid dhù-ghorm,
 'S ite mholach, uaine,
 'S mi gu'n rachadh leat, a ghaoil, *a dh' ol*
 Do sheòmar nan daoin' uaisle.
 A fhleasgaich, etc.

Bidh tu aig banais agus *bàl*,
 A' mànran ris gàch gruagach,
 'S bidh mis' a' sìn air chùl gach màis,
 'S do chàirdean ann an gruaim riùm.
 A fhleasgaich, etc.

'S b'og a thug mi dhuit mo ghaol,
 Ged nach d'rinn mi 'bhuannachd ; *fhaoil*
 'S an t-snaoim a cheangail sinn gu teann,
 I air gach ceann air fuasgladh.
 A fhleasgaich, etc.

Chunnaic mis' thu air an fhéill,
 'S té eile ri d' ghuallainn ;
 'S ged a bhiodh mo chridh' an àird,
 Gu'm biodh e mhàin an uair ud.
 A fhleasgaich, etc.

* Thug mi bòid, na'm feumainn ann,
 Nach taghainn seann duin' uasal,
 'S nach cromainn-se mo cheann an loch—
 Gu'n òlainn deoch á fuaran.
 A fhleasgaich, etc.

'S 'dé ma chaidh thu dh'arm an rìgh,
 'S nach urrainn mise d'fhuasgladh,
 Mo mhile beannachd ás do dhéigh,
 A's tagh do rogha gruagaich!
 A fhleasgaich, etc.

ORAN GAOIL.

Hò i u ò hill ho ro ò,
 Hò i u o hì rì rì ù o,
 Hò i u ò hill ho ro ò:

ESAN.—Tha sgeul ùr air tigh'n do'n bhaile,
 Gu'n do thréig mo cheud leannan.
 Hò i u, etc.

Gu'n do thréig, etc.
 A's ma thréig cha bu mhaith leam.
 Hò i u, etc.

A's ma thréig, etc.
 Síne bhàn nam blàth-shùil meala.
 Hò i u, etc.

Síne bhàn, etc.
 Sud agaibhse dreach mo leannan—
 Hò i u, etc.

Sud agaibhse, etc.
 A dà ghruaidh mar chaor air mheangan.
 Hò i u, etc.

* Thug mi bòid nach piòrainn ceannais,
 Nach galbhainn fear gnadain,
 'S nach islichian mo cheann ri sloe—
 Gu'n òlainn deoch a fuaran.

A dà ghruaidh, etc.

A's fàileadh an t-subh-chraoibh d'a h-anail.

Hò i u, etc.

A's fàileadh, etc.

A's deanamh na sguilb air a malaidh—

Hò i u, etc.

A's deanadh, etc.

Dà cheann coal a's faobhar tana.

Hò i u, etc.

Dà cheann, etc.

'S òg a fhuair mi fhéin do ghealladh,

Hò i u, etc.

'S òg a fhuair, etc.

An lagan uaine 'buain an darraich.

Hò i u, etc.

Ise.—Chì mi, chì mi, chì mi thall ud,

Chì mi na féidh air a' bhearradh.

Hò i u, etc.

Chì mi na féidh, etc.

'S mo ghiomanach fhéin ga 'n leanailt.

Hò i u, etc.

'S mo ghiomanach, etc.

Fear-diridh nan stùc gu fearail.

Hò i u, etc.

Fear-diridh, etc.

Le għunna caol 's le bhreacan ballaċ

Hò i u, etc.

Le għunna, etc.

'S dh'fhàgadħ e'n damh donn gun anail.

Hò i u, etc.

'S dh' fhàgadh, etc.
 Air an driùchd 's e call na fala.
 Hò i u, etc.

Air an driùchd, etc.
 'S bhiodh a mhírial-choin sgìth ga'n leanailt.
 Hò i u, etc.

'S bhiodh, etc.
 'S bhiodh a ghillean sgìth ga'n tarruing,
 Hò i u, etc.

'S bhiodh, etc.
 'S togaidh sinn tigh mòr 's am fan sinn.
 Hò i u, etc.

SEINN AN DUAN SO, HUG IRI HU O. ✓

Seinn an duan so, hug iri hù o,
 Do'm chailin dualaich, hug o ro ì,
 Is deirge gruaidhean 's is duinne cuaillein,
 'S gur lionmhòr buaidh a th'air luaidh mo chridh'.

'S ann Di-Màirt bho cheadha Loch-Alainn,
 A dh'fhalbh mo ghràdh-sa le bàt' na smùid ;
 Bu luath a ceum 'dol gu tir na Beurla,
 'S tha mi fo eislean air bheagan sunnd.
 Seinn, etc.

'S gur ann le bàta nan roithean làidir,
 'S nan cuibhlean pràis 's iad a ghnàth 'eur strìth ;
 Fear ga' stiùradh gu làidir, lùghmhor,
 'S e 'deanamh iùil dhi gu Diùra shios.
 Seinn, etc.

Gur h-ioma peucag a chi thu'n Glaschu,
 Le'n éideadh maiseach 's le'm fasan ùr ;
 'S ann bhios tu, eudail, mar reult na maidne
 'Cur neul le airsneul air dreach an gnùis.

Seinn, etc.

'S truagh nach robh mi leat thall an Eirinn,
 A's m'atribh fhéin an taobh thall d'an chuan—
 Dh'aithnichinn m'eudail am measg nan ceudan,
 A's i mar Bhénus ag eirigh suas.

Seinn, etc.

Tha do chòmhradh gu blasda, binn leam,
 Pòg is millse na mil an fhraoich,
 D' anail chùbhraidh 'tha mar na h-ùbhlan,
 Tigh'n réidh, gun tùchan, o d' muineal caoin.

Seinn, etc.

'S tha do shùilean mar na smeuran,
 Mar ròs an gàradh do dhà ghruaidh,
 Mar choinnle céire, 's iad laist' le cheile—
 'S gu'n aithnichinn m'eudail am measg an t-sluaigh !

Seinn, etc.

Té eile fo'n ghréin cha 'n 'eil ri fhaicinn,
 Is bòidh'che maise no bean mo ghaoil ;
 Dà shùil mhiogach, mheallach, lionta,
 Fo'n rosg shìobhalt, dh'fhang m'inntinn faoin.

Seinn, etc.

'S tric a bha mi fo sgail nan craobh leat,
 A's lagan fraoich air gach taobh dhinn fhìn,
 Bu leam do chòmhradh 's le d' dheòin do phògan,
 'S tha mi fo leòn bho 'n là dh'fhàg thu'n tir !

Seinn, etc.

AN CLUINN THU, LEANNAIN, AN CLUINN THU. ✓

Le Dùghall Mac-Phàil.

An cluinn thu, leannain, an cluinn thu,
 An cluinn thu idir, an cluinn thu,
 An cluinn thu, leannain, an cluinn thu,
 Mar tha mi cho tinn ga d' iunndrainn ?

Mo chion air an ainnir !—'S i bean a' chùil bhàin
 D' an d'thug mi 'n gaol falaich na fannaich gu bràth ;
 Bu tu mo cheud leannan gun aithne do chàch,
 'S mi nise fo phràmh ga d' iunndrainn.

An cluinn thu, &c.

'S i d' ionhaigh is ceòl dhomh gach Dòmhnach a's Luain
 'S tu cuspair mo smaointeanan faoine gach uair ;
 'S i mhaise 'tha 'd aodan a chaochail mo shnuadh,
 'S a dh' fhàg mi gun luaidh air sùgradh.

An cluinn thu, &c.

'S truagh nach robh mise fo shileadh a' cheò,
 Còmhla ri m' leannan an gleannan an fheòir ;
 Cha 'n iarrainn a dh-iocshlaint' ach brìodal do bheòil,
 Oir 's millse do phòg na 'n siùcar.

An cluinn thu, &c.

Le d' aghaidh ghlan, mheachair, cho banail s cho caoin,
 Le d' sheire a's le d' chaidreamh flathail, neo-chlaon ;
 Cha luidheadh orm fadal 's tu agam ri m' thaobh,
 Le d' chonaltradh gaoil, 's le d' chuirteis.

An cluinn thu, &c.

Thàrmaich leann-dubh orm, mulad a's cràdh ;
 O, 'n acain so 'leòn mi 'n tùs m' òige cho tràth !
 An deaghaidh do gheallaidh mur faigh do làmh,
 Bheir saighdean do ghràidh do 'n ùir mi.

An cluinn thu, &c.

Ged their mo luchd-suaileis nach buan duit mo ghràdh,
 Cha chreideadh tu 'n còmhradh na 'm b'eòl dhuit a mheud
 'S a tha do d' chion-falaich air m'aigne gach là,
 'S mo spiorad fo phramh 'g a ghiùlan.

An cluinn thu, &c.

Seall air a' ghealaich air aghaidh nan speur,
 Nach caochail a cùrsa 'measg dùmhlas nan reul ;
 Mar sin tha sìor iomairt mo chrìdh' as do dhéigh,

Bho 'n thug thu fo ghéill air tùs e.

An cluinn thu, &c.

Tha caoin shlios mo leannain mar eal' air a' chuan,
 Na 's gile na'n fhaoileann air aodann nan stuagh ;
 Mar shneachd air na beannaibh, mar chanach nam bruach,
 'S i farasda, suaire' 'n a giùlan.

An cluinn thu, &c.

O R A N



LE DUGHALL MAC-PHAIL CEUDNA, AIR DHA BHI AIR AN RATHAD
 DO SHASUNN, 'S E 'N DEIGH A BHEAN AGUS A MHAC
 (DOMHNULL BEAG) 'FHAGAIL.

A Dhòmhnuill bhig, o hù o hó,
 A Dhòmhnuill bhig, o hù o hó,
 A Dhòmhnuill bhig, o hù o hó,
 Tha m' inntinn trom o'n dhealaich sinn.

A Dhòmhnuill bhig, 's tu m'ùigh a's m'annsachd,
 'S i do bhlàth-shuil grian mo shàmhraidd ;
 Chlaon gach nì gu duibhre 'gheamhraidd ;
 Bho'n a chaill mi sealladh ort.

A Dhòmhnuill bhig, etc.

Dh'fhàg mi 'n nochd thu 'meag nan dù-Ghall,
 Ghabh mi fàth 'n uair bha do chùl rium ;
 'S cinnteach leam gu'n dean thu m' iunndraini
 Mu'n tig dùiseal cadail ort.

A Dhòmhuiill bhig, etc.

Dh' fhàg mi 'n diugh thu féin 's do mhathair,
 As mo dhéigh ro chianail, cràiteach ;
 Cruadhs' na bliadhna, 's cha 'n e 'n t-ailghios,
 'Chuir an dràst do Shasunn mi.

A Dhòmhuiill bhig, etc.

'S trom mo ghleus 's mi 'nochd ga 'r n-iunndraini,
 'S mi air barr nan strachd-thonn dùmhaiil,
 'Fàgail Albainn air mo chùl-thaobh,
 'Dol a null thar *Berwick*.

A Dhòmhuiill bhig, etc.

Chì mi mach thar guala 'n fhuaraidh,
 Cladach garbh is gailbhich nuallan ;
 'S mòr gu 'm b' fheàrr 'bhi 'fàgail Chluaidh,
 'S a' stiùradh tuath air "Ealasaid."

A Dhòmhuiill bhig, etc.

'S beag tha dh' fhios aig fleasgaich aosda,
 'Liuthad anradh a's cruaidh-fhaochnad
 'Th' aig fear-teaghlaich air bheag maoin,
 A' stri ri saoghal carraideach.

A Dhòmhuiill bhig, etc.

Ach ged tha mi bochd 'n am chrannchur,
 'S beag na th' agam fhéin de pharmad
 Ris na fleasgaich sheasga, bharr-chruaidh,
 Ged robh sealbh air fearann ac'.

A Dhòmhuiill bhig, etc.

Am fad 's a gheibh mi biadh a's aodach
 'S comunn blàth mo chéile ghaoil
 Le 'fiùrain òga 'fàs ri 'taobh,
 Cha chuir an saoghal smalan orm.

A Dhòmhnuill bhig, etc.

Ged tha mise cian air fògar
 Bho na glinn 's an goir an smèòrach,
 'S ioma linn o n' bha mo sheòrsa
 Eadar Ròthaill 's Brathadal.

A Dhòmhnuill bhig, etc.

'S ioma ceàrn d' an d' rinn iad sgaoileadh
 Deas a's tuath air feadh an t-saoghal ;
 'S iad na Goill 's na caoirich-mhaola
 'Chuir mo dhaoin' air allaban.

A Dhòmhnuill bhig, etc.

'S ioma fàrdach fhialaidh, aoibheil
 'Bh' anns a' ghleann am taight' an aoidheachd,
 'Tha gun cheann, gun chrùb, gun taobhan,
 Fo na caoirich Shasunnach.

A Dhòmhnuill bhig, etc.

Gleann mo chridhe ! gleann mo dhùthchais !
 Gleann nan roan 's nam fuaran cùbhraidih !
 Na 'm bu leam ach trian de m' dhùrachd.
 Sud an uir 's an caidilinn.

A Dhòmhnuill bhig, etc

A MHAIRI BHINN, MHEALL-SHUILEACH.

A Mhàiri bhinn, mheall-shuileach.
 'S toigh leam fhéin cruinneag a' chruidh ;
 'S a nighean donn nam meall-shùilean,
 'S, a Mhali, thug mi spéis dhuit.

'S mise tha gu brònach
 Nach d'fhaod mi fuireach còmhl' riut,
 'S mi 'tarruing air na ròpain,
 'S a' chòrceach air mo léine.

A Mhàiri bhinn, etc.

Air a' mheadhon oidhche,
 Ged b' ann am bàrr a' chroinn e,
 Bhi 'cuimhneachadh do chaoimhneis
 Gu 'n d' thug e roinn de m' chéill uam.

A Mhàiri bhinn, etc.

'N uair rachadh i do 'n bhuaile,
 A bhleodhan a' chruidh ghuailinn,
 'S e 'n ceòl is binne chualas,
 A duanagan ga n' éisdeachd.

A Mhàiri bhinn, etc.

Cha b'e meud do stòrais,
 A chuir mi fhéin an tòir ort,
 Ach caileag laghach, bhòidheach.
 Bhi còmhla rium ag éirigh.

A Mhàiri bhinn, etc.

'S ann 'n sin a thuirt mo mhàthair,
 'S i 'bruidhinn ann an Gàidhlig.
 "A mhic, na toir do làmh dhi,
 A's iad a' tàir gu léir ort.

A Mhàiri bhinn, etc.

"B'fheàrr leam na mo ghùn e,
 An latha b'fheàrr 's a b' ùir' e,
 Gu'n tugadh tu do chùl rith'.

'S gu'n liubhradh tu dhoibh fhéin i."

A Mhàiri bhinn, etc.

“ Cuistibhse, a mhàthair.
 Agus fuirichibh sàmhach,
 Gur òg a thug mi gràdh dhi,
 Mu 'n càireadh i mo léine.
 A Mhàiri bhinn, etc

“ B'fheàrr leam na mo chòta
 'S mo léine ged bu shròl i,
 Gu'n robh mi fhéin 's i pòsda,
 'S gun chòir aig neach fo'n ghréin oirr'
 A Mhàiri bhinn, etc.

“ Ma tha sinn gann de stòras
 Cha 'n eil sinn gann de 'n òige,
 'S a chaoidh cha diobair lòn sinn,
 Ma bhios sinn beò le chéile.”

A Mhàiri bhinn, etc.

Cf. Fear na Ceilidh, Vol. I. No. 10, p. 102.

D U A N A G.

AIR FONN :—“ An Gille dubh cha treig mi.”

LEIS AN LIGHICHE MAC-LACHAINN, NACH MAIREANN, A PHA 'S A' MHORAIRNE.

O, seinnidh mi mo dhuanag ;
 Seinneam, seinneam suas i ;
 Seinnidh mi do'n ghruagaich
 G' am bheil an gluasad farasda.

'S moch a rinn mi éirigh
 'S a' nhadainn chùbhraiddh, chéitein ;
 Gathan ciùin na gréine
 A' lasadh speur 's a' chamhanaich.

A' ghrian cho tlàth 's cho òirdheare,
 A' soillseadh àird nam mòr-bheann ;
 Smùid thar dhealt nan lòintean,
 'S an druchd 'n a lòd air mheanganan.

Sud e air an stùchd ud,
 An coileach dubh a' dùrdail;
 So i 'chuthag shunndach,
 'Sùrd aic' air a caismeachd.

Feuch an uiseag bhòidheach
 Ag éirigh as a' mhòintich,
 'S ag itealaich le sòlas
 Os cionn a còsaig fholaichte.

Tha seillein beag na Bealltuinn
 'Dol seachad oirnn a's srann aig',
 A thrusadh a mhil shamhraidh;
 'S cha chuir an geamhradh ainnis air.

Bho'n thuit dhomh bhi 's a' chòisridh,
 Seinneam leis a' cheòlraidh—
 Seinneam duan do'n òigh ghil,
 Gu sunndach, deònach, caithreamach.

'S e smuainteachadh mu'n mhaighdinn
 Is àbhaist dhomh gach oidhche—
 A' cuimhneachadh do chaoimhneis,
 'S e chum an raoir am chaithris mi.

Tha d'anail leam na's cùbhraidh,
 'N uair labhras tu gu ciùin rium,
 N'am barrach òg a' brùchdad
 A' mach le tùis na meala dheth.

Ach eia mar ni mi luaidh
 Air a' h-uile dreach a's buaidh ort?—
 Do nàdur geanmaidh, stuama,
 Gu soitheamh, suairce, ceanalta.

Cinnteach tha e 'n dàn domh.
 An gaol a thug mi mhàin dhuit.
 Nach dealaich e gu bràth rium
 Gus am fàg an anail mi.

O, sonas agus àgh ort,
 Ri fad do rè 's do làithean !
 'S am Freasdal, anns gach àite,
 Le 'ghràsan, a bhi maille riut !

O R A N.

AIR FONN :—“ *Gu'm bu slàn gu'n robh 'm fiùran 'chaidh a
 null uainn thar sàile.* ”

LEIS AN LIGHICHE MAC-LACHAINN, NACH MAIREANN.

Ni mi òran le dùrrachd,
 O hì na hìù'o,
 Do ribhinn a' chùil duibh,
 'S grinne sùigradh a's mènran.

Slàn ionradh gu d' ionnsaidh ;
 'S tu 'chuireadh gu sunnd mi,
 'N uair a chithinn do shuil ghorm
 A' tionndadh gu blàth rium.

Sùil ghòrm a's tlàth sealladh,
 Lionta, ciùin fo d' chaol mhalaidh ;
 Gruaidh mar ròs dearg 'n a earradh,
 Beul tana, 's fiamh-ghàir air.

Beul tana, glan, finealt'—
 Deud snaighe, ro dhònach,
 'Bu cheanalta briodal,
 'S o'n siobhalta fàilte.

D' fhàilte 's d' fhuran a b' fhiù leam,
 'Tighin o'n anail is cùbhraidh
 Na barrach a' brùchdad
 Air ùr-dhos a' Mhàighe.

Gu bheil suairceas le ceanal
 Ann an gluasad na h-ainnir,
 'Tha o 'bonnaibh gu 'ceannaidh
 Gun ainneamh, gun fhàilinn.

Leam bu taitneach 'bhi 'sugradh,
 'S ga d' theannadh gu dlùth rium,
 'S mo làmh 'bhi gu cùirteil
 A nunn fo d' chùl fàinneach.

Leat mo dhùrachd 's mo bheannachd.
 Bidh mo rùn ort ri m' mhaireann;
 Chaoidh cha trèig mi mo ghealladh
 Gus an dealaich am bàs sinn.

MOLADH NA LANDAIDH. ✓

Hò ro Eileinich ho gù,
 Hò i rithil ho i thù,
 Hò ro Eileinich ho gù,
 Gu bheil mo rùn 's an Landaidh

Chi mi thall ud an Aird-mhòr,
 Aite 'choilich dhuibh 's a' gheòidh;
 Ait' mo chridhe 's mo ghaoil,
 'S an robh mi aotrom, ainmeil.

Ho rò, &c.

'S ged tha 'n Landaidh creagach, ciar
 'S moch a dh' éireas oirre ghrian;
 Innis nam ba-laoigh 's nam fiadh,
 'S gu 'm b'e mo mhiann bhi thall ann!

Ho rò, &c.

'S 'n uair a dh' éirinn moch 's an àird,
 Bheirinn sgrìob do cheann an t-sàil'—
 Bhiodh na lachan air an t-snàmh,
 'S cha b' fhad' am bàs o m' laimh-sa.

Ho rò, &c.

'S tric a leag mi air a' bhruaich
 Earba għlas a' nhuineil ruaidh ;
 Bhiodh an liath-chearc leam a nuas, —
 A's coileach ruadh an dranndain.

Ho rò, &c.

'S tric a leag mi air a thaobh
 An ròn ballach anns a' Chaol,—
 Eala bhàn a' muhineil chaoil,
 A's coileach fraoch nam beanntan.

Ho rò, &c.

'S 'n uair a shuidea maid mu 'n bhòrd
 Cha b e'm buideal beag ar leòir,
 Ach tosgaid do 'n fhion dhearg ar còir,
 A' tigh'nn á stòr na Frainge.

Ho rò, &c.

O, mo ghaol air Ile an fheòir.
 Far an d' fhuair mi m' àrach òg ;
 Far am bheil na h-uaislean còir,
 Bu toigh leò ceòl a's dannsadh !

5

Hò ro Eileinich ho gu,
 Hò i rithil ho i thù,
 Hò ro Eileinich ho gu,
 Gu bheil mo rùn 's an Landaidh.

DUISGEADH NA GAIDHEIL.

Oran do Réisimeid Ghàidhealach Ghlaschu.

LE NIALL MAC-NEILL.

Eireadh na gaisgich threun'—
 Feara na Gàidhlig—
 Deal mar bhoillsgeadh gréin',
 Meirghe nan Gàidheal !
 Cuimhneachadh air na sàir
 Leantuinn Chlann-Dòmhuiil,
 Teàrnadh sibh chum a' bhlàir,
 Buadhachadh còmhla.

Nochdar leibh gnàth nam Fiann ;
 Sgapaidh sibh 's sgoiltidh
 Feachdan blur naimhdean dian',
 Dioghaltach, fuiltidh !
 Teannach' ri guaill' a chéil',
 Beumaidh sibh sgairteil ;—
 Gàidheil a chaoidh cha ghéill,
 Reubadh 's a' chasgairt.

'S iomadh a chì le uaill
 Uaibhriach an fhéile
 'Nuair a bhéir sibh á truaill
 Lainn chruaidh le chéile.
 Gleidhear leibh nòs nan laoch
 'S a' ghaoir-chath tha meamnail,
 'S cliù bheir gu tìr an fhraoich
 Mòr, saor, ainmeil.

Smachdail mar bha sibh riamh
 Gluaisidh, 's cha'n fhàilnich ;
 Togaidh sibh suas gun fhiamh,
 Bratach na Gàidhlig !

Dùisgidh sibh anns na Goill—
 Naimhdean ar dùthcha—
 Gealtaireachd annt' mar thoill,
 Dh' fhàgas gun rùch iad.

Cuideachadh gheibh gach taobh,
 O Eilein 's o Mhòrthir ;—
 O fhineachan Mhuile nan craobh,
 Laochail 's a' chòmlraig ;
 Sgiathanaich righinn nan euchd
 'S an eug'bhoil bidh dlu duibh,
 Leòdhaisich a's llich nach géill
 Teàrnadh fo r cùlaobh.

Ceanntirich'—tréin o chian,—
 'S iarmad nan Catmhach,
 Gallaich nach d' fhannaich riamh.
 Nisich a's Peairtich,
 Thig leibh a dhòn bhur còir
 O Ghoill a's o fhòirneart,
 A ghleidheadh duinn samhuil glòir,
 Mòrachd Chlan-Dòmhuill.

HO RO, MO NIGHEAN DONN, BHOIDHEACH. ✓

Ho rò, mo nigh'n donn, bhòidheach,
 Ho rì, mo nigh'n donn, bhòidheach,
 Mo chaileag laghach, bhòidheach,
 Co phòsainn ach thu?

A Pheigi dhonn nam blàth-shul,
 Gur trom a thug mi gràdh dhuit :
 Tha d' iomhaigh ghaoil a's d' àilleachd,
 A ghnàth tigh'n fo m' uidh.

Ho ro, &c.

Cha cheil mi air an t-saoghal,
 Gu bheil mo mhiann 's mo ghaol òrt ;
 'S ged chaidh mi uait air faonndradh,
 Cha chaochail mo rùn.

Ho ro, &c.

'N uair bha mi ann ad làthair,
 Bu shona bha mo làithean—
 A' sealbhachaidh do mhànrain,
 A's àille do ghnùis.

Ho ro, &c.

Gnùis aoidheil, bhanail, mhàlda
 Na h-òigh is caoimhe nàdur ;
 I suairce, ceanail, bàigheil,
 Lan gràis agus mùirn.

Ho ro, &c.

Ach riamh o'n dh' fhàg mi d' fheianuis,
 Gu bheil mi dubhach, cianail ;
 Mo chridhe trom ga phianadh
 Le iarguin do rùin.

Ho ro, &c.

Ge lurach air a' chabhsair
 Na mnathan òga Gallda,
 A righ ! gur beag mo gheall-s'
 Air bhi sealltainn 'n an gnìis.

Ho ro, &c.

'S ann tha mo rùn 's na beanntaibh,
 Far bheil mi ribhinn għreannar,
 Mar ròs am fàsach Shamhraidh.
 An gleann fad' o shùil.

Ho ro, &c.

Ach 'n uair a thig an Samhradh,
 Bheir mise sgriob do 'n ghleann ud,
 'S gu 'n tog mi leam do 'n Ghalldachd,
 Gu h-annsail, am flur.

Ho ro, &c.

ORAN LE GILLE OG, 'S E AN DEIGH SEANN
 TE A PHOSADH.

O hù o ro hù o hì hù o-rò éile
 O hù o ro hù o.

Righ, gur mis' th'air mo sgaradh,
 Bho gheamhradh na gaillinn,
 'S o thoiseach an earraich ;
 'S cha dean aithreachas feum dhomh.

O hù o ro, etc.

Righ, gur mis' bh'air mo bhuaireadh,
 'Dhol a phòsadhbh nighean tuath'naich,
 'S ged bha erodh air a buaile,
 Cha'n fhuaigh i mo léine.

O hù o ro, etc.

'S iomadh cailleach dhubh, ghrànnnda,
 Bhitheas greis aig a màthair,
 Bhitheas a' ceiltinn a fàilinn,
 'S a droch nàdur 'n a dhéigh sin.

O hù o ro, etc.

Ach bheirinn comhairle air oigear,
 Bhi gu foinnidh, deas, boidheach,
 Gun e thréigsinn na té òig,
 Air son stòr na té léithe.

O hù o ro, etc.

'S bheirinn comhairle air caraid,
 Gun e 'threigsinn a leannain,
 Ged a bhiodh i cho falamh,
 'S nach gealladh i spréidh dha.
 O hù o ro, etc.

'S ged tha corr a's tri-fichead,
 Aig brònaig 's a' chiste,
 Ged 'fhuair mise sud leath',
 'S lag a' mhisneach dhomh féin e.
 O hù o ro, etc.

'N uair a thiginnse dhachaidh,
 'S mo ghunna am achlais,
 Bhiodh ise 'n a laidhe,
 'S mo thrath-maidne gun ghréidheadh.
 O hù o ro, etc.

Labhair mise gu ciallach,
 "Righ, beannaich thu, chiallain,
 Ma ni thu mo bhiadh dhomh,
 Cha'n iarr mi bonn feum dhiot."
 O hù o ro, etc.

Ach labhair ise gu crosda,
 'S i 'cur oirre droch coslais,
 "Thug mi dhuit mo chuid *tochair*,
 'S cum socair 'n a dhéigh mi."
 O hù o ro, etc.

Ach an cluinn thu mi, Shìne,
 Na biodh orts a bonn mi-thlachd,
 Mu'n tig an Fheill-Brighde,
 Bithidh crioch air an té so.
 O hù o ro, etc.

'S 'n uair thog iad an seòltan,
 'S a chaidh iad an òrdugh,
 Cho cinnteach 's is beò mi,
 Thainig ceò air mo leirsinn.
 O hù o ro, etc.

Ach tha'n caolas so lionta,
 'S a' chas ghoirid g'a sineadh,
 'S na 'm bithinn-se 'n Ile,
 'S mi dh'innseadh mo sgeul dhuibh.
 O hù o ro, etc.]

—
✓
• ORAN GAOIL.

'S mòr mo chùram 's mi g'a stiùireadh ;
 'S i long mhòr nan tri chroinn ùr i ;
 'S ged is taitneach leam a càrsa,
 B'anns' bhi 'sùgradh ri mo cheud-ghaol.

— Moire, 's mise tha fo mhi-ghean,
 A's mi 'n so 's a' mhuileann mhinich,
 Ceann na h-ùine oirnn air erionadh
 A sheòladh do thir *Vau-Diémen*.
 'S mòr mo chùram, etc.

— Tha mi 'n diugh a' dol ga d' fhàgail,
 'S air m'fhacal, 's eruaidh leam e, Mhàiri,
 'S mi nach earbadh tu ri m' bhràthair.
 Ged 's e mac mo mhàthar fhéin e.
 'S mòr mo chùram, etc.

— Tha mi 'n diugh a' dol a sheòladh,
 'S beag mo shunnd ri gabhail òrain,
 An fhaighe domhain 's a, ghaoth comhl' ris.
 A stroiceadh nan seòl as a cheile.
 'S mòr mo chùram, etc.

Moire, 's mise 'tha gu brònach,
 Moch 's a' mhadainn 'deanamh òran,
 Fuaim nan tonn an dèigh mo leònadh,
 'S ole an ceòl a bhi ga'n eisdeachd.
 'S mòr mo chùram, etc.

— 'S ann Di-mairt a rinn sinn gluasad ;
 Bha gaoth 'n earra-dheas, 's frasan fuar ann ;
 Ise marcachd nan tonn uaine,
 'S iomadh stuadh a rinn i 'reubadh !
 'S mòr mo chùram, etc.

— Shil a's shéid a's dh'at an fhairge,
 Bha ì faibh eho luath ri earba,
 Chaidh an *centre-bit* 'n á spealgan ;
 'Stiùir no ailm cha deanadh feum oirr'.
 'S mòr mo chùram, etc.

— Ach na mhaireas dhomh mo shlàinte,
 'S cùisean a dhol mar is àill leam,
 Tillidh mi fhathast gu Mairi,
 'S glacaidh mi air laimh a' pheucag.
 'S mòr mo chùram, etc.

'Nuair ràinig mi Allt-na-lughdaig
 'S 'n uair a sheall mi air mo chùl-thaobh,
 Shil na deòir a nuas le m' shùilean,
 A chiall 's a rùin, gùr mi bha deurach !
 'S mòr mo chùram, etc.

— Mu 's e 'neach a theid do dh-Ile thu,
 Ni mi litir bhàn a sgriobhadh,
 Far 'bheil màldag nan sùl miogach,
 'S òg a thug mi fhéin mor-spéis dhi !
 'S mòr mo chùram, etc.

LILIDH.

LE. N. MAC-NEILL.

A Lilidh ghrinn, a Lilidh ghaoil,
 Bu chaoine leam bha d' òran,
 Na mìle teud gu fonnmhòr, caomh
 An raon na coille dòmhail,
 'N uair dhùisgeadh séis nan allt 's na gaoith,
 Gu fuaimneach, gaoireach còmhla ;
 Thug d' fhailte ghaoil le tuigse naoimh,
 Gràdh Daonna 's Néimh gu córdadh.

A Lilidh bhinn, a Lilidh chòrr,
 O, mils' do phòig, 'n uair dh' fhàg mi !
 Do m' chrì aon chaoimhneas gaoil cha b' eòl
 Ach leòn nach searg gu bràthach ;
 Bha seirbhe dhian a' claoïdh mo threòir
 Le deòir á inntinn chràitich ;
 'S luidh neulaibh eian' le sileadh bròin
 Air m' oig' dh' fhàs tiambaidh ànrach.

A Lilidh chaoin, a Lilidh bhàn,
 O c' ait am bheil ar bòidean !
 Dh' fhàs mise truagh o'n bhacadh gràs
 O 'n Aird a m' chumail còmhnaidh ;
 O m' anam claoïdht' an doimhneachd cràidh
 Nach tràigh cho fad 's is beò mi !—
 'Na pian bidh cuimhne m'fhoill gu bràth
 'S i saor o bhàs a' m' òran.

O Lilidh ghaoil ! A ghaoil ! Gabh truas !
 Oir chuartaicheadh o Nèamh mi
 Le mallachd thruim a's seargadh cruaidh
 Air nach téid luaidh fo 'n ghréin so !

O ! maitheanas cha 'n iarr mi uait ;
 Cha 'n fhuasgail sud o 'n phéin mi ;
 Rinn mi long-bhriseadh searbh ; 's á cuan
 Na truaigh cha 'n iarr mi éirigh !

DEOCH-SLAINT AN OIGHRE.

Olaidh sinn deoch-slaint an oighre,
 'S toigh leam fhéin i, 'là 's a dh-oidhche ;
 Súgh an eòrna, fear mo chaoimhneis !
 'S cha bhi faoighleachd, " Ciod e phris ? "

'S mi gu 'n òladh i, 's gu 'm páigheadh,
 Do'n stuth chruidh á cuach a' Ghàidheil,
 Dh' òlainn deoch-slainte nan àrmunn,
 A sheasadhbh an làrach leinn.

Olaidh sinn, etc.

Gur deas an Gàidheal an t-oighre,
 Dòmhnullach cho àrd 's a *stylear*,
 'N uair gheibh thu gu d' làmh an oighreachd
 Théid na Goill a chur fo chìs.

Olaidh sinn, etc.

Saoghal fada, maireann, buan dhuit,
 'Thogail do chuid màiil thar tuatha !
 'S gur a bliadhna leinn gach uair
 A bhios tu bh'uainn gun tigh'n do 'n tìr.

Olaidh sinn, etc.

Saoghal buan duit a's buaidh làrach,
 'S tu sheasadhbh air cheann nan Gàidheal,
 Gu 'n toirt an coinneimh an nàmhaid,
 'N uair a chluinntे gàir na plob.

Olaidh sinn, etc.

'S na 'n éireadh dhuinn càs no cruadal,
 Dh' éireadh Dòmhnullaich 's Cloinn-Ghuaire,
 Deas gu sgoltadh cheann a's chnuacan,
 S iad gu 'm buannaicheadh an strì !
 Olaidh sinn, etc.

Dh' éireadh Stiùbhartaich bho 'n Apainn,
 Camaronaich bho Dhoch-an-fhasaidh
 Le'n claidheamhnan geura, sgaiteach,
 Tigh'u a stigh fo bhrataich leinn.
 Olaidh sinn, etc.

Neach nach cumadh leinn an t-òrdugh,
 Cuiridh sinn taobh mach na còmh'l e ;
 " A bhean-an-tighe, dùin an seòmar,
 Cha bhi h-aon d' a sheòrsa leinn ! "
 Olaidh sinn, etc.

Far 'm bi 'n t-òl bidh ceòl a's aighear,
 Greis air cloich a's àird ga cath ann,
 Ruith a's leum aig gillean sgàirteil,
 A' cur air luchd-casaid gill.
 Olaidh sinn, etc.

Sealgair féidh am beinn nan stùe thu,
 Marbhaiche bric ri madainn dhriùchd thu,
 Giomanach gunna nach diùltadh,
 'S bidh tu air do ghlùn 's an fhrìth.
 Olaidh sinn, etc.

Giomanach Gunn' a' bheòil bhoidhich,
 Leagadh tu damh donn na cròice,
 Sealgair coilich-dhuibh a's geòidh thu,
 A's mhealladh tu na ròin mu thùr.
 Olaidh sinn, etc.

Moire, 's e mo ghaol-s' an t-òigeir,
 Dòmhnullach a' bhroillich bhòidhich !
 'S e chuir mi cho fad an tòir ort,
 Thu bhi 'giulan còt' an rìgh.

Olaidh sinn, etc.

BOICHEAD.

LE N. MAC-NEILL.

Tha m' intinn sgìth bhi cuimhneach'
 Air caoimhneasaibh do bheòil ;
 'S nach fhaic mi là no dh-oidhche
 Aon bhoisg' air té do neòil.
 O nach iobh mise làmh riut,
 A ghràidh mar b'e ar nòs,
 Ag òl mar mhil do mhànrain,
 Bhiodh tairis, blàth, a's fòil.

Tha maise thar gach gruagaich
 A' cuartachadh do ghnùis
 'S mu d' phearsa chuimir, shuairce
 Tha suaicheant' do gach sùil ;
 Ach bòichead tha ni 's àirde :
 Bhi dìleas, gràdhach, ciùin,
 Bhi sealbhachadh deagh bheus—
 'S leat féin sud uile, rùin !

Tha mais' ann fath'st is miannaich'—
 Bhi diadhaidh ann an gné ;
 'S e so am Fuaran fior
 O 'n dh' iadh gach mais fo 'n ghréin ;
 'S e so rinn thusa sgiamhach,
 A' riarrach m' aigne féin ;
 'S a naisgeas sinn gu sìor,
 Mu rìgh chath'r Mais' air néanbh.

DOMHNULL CIOMAINEACH.

Horò, Dòmhnull Ciomaineach,
 Rinn Alasdair a' bhrigis dha,
 Agus jacket sgiobalta,
 'S cha ruigeadh i na másan.

"Tha i cumhann, tha i teann,"
 Arsa Dòmhnull Ciomaineach ;
 "Sin agad an t-aodach gann,"
 Arsa Alasdair Tàilleir.
 Horo, etc.

"Tha poca mòr air a cùl,"
 Arsa Dòmhnull Ciomaineach ;
 "Sin agad am fasan ùr,"
 Arsa Alasdair Tàilleir.
 Horo, etc.

"Bha thu aig mo bhanais fhéin,"
 Arsa Dòmhnull Ciomaineach ;
 "Mu bha gur beag na fhuair mi dh' fhéisd,"
 Arsa Alasdair Tàilleir.
 Horo, etc.

"Dh' ith thu cearc air t-aghaidh fhéin,"
 Arsa Dòmhnull Ciomaineach,
 "Cha d' ith mi dhi ach bàrr na sgéith,"
 Arsa Alasdair Tàilleir.
 Horo, etc.

"Roinn mi air na h-igheanan i,
 'S beag a bha de shithinn oirre,
 'S ged nach fhaighinn idir i
 Cha bhithinn ach mar bha mi."

Horo, etc.

“ Dh’ ith thu marag an reith ghlàis,”

Arsa Dòmhnull Ciomaineach ;

“ Ma dh’ ith, cha bu mhath a blas,”

Arsa Alasdair Tàilleir.

Horo, etc.

“ C’ arson a leag thu ’n gàradh-crích ? ”

Arsa Dòmhnull Ciomaineach ;

“ An crodh a leigeil sios ’s a nios,”

Arsa Alasdair Tàilleir.

Horo, etc.

“ ’D é th’agad anns a’ phoit ? ”

Arsa Dòmhnull Ciomaineach ;

“ Pàirt de mharagan a’ mhoilt,”

Arsa Alasdair Tàilleir.

Horo, etc.

“ Bidh iad math ’n uair bhios iad bruich,”

Arsa Dòmhnull Ciomaineach ;

“ Cha téid gearradh ann ad blus,”

Arsa Alasdair Tàilleir.

Horo, etc.

“ Ach ma bha thu air an fhéill,”

Arsa Dòmhnull Ciomaineach,

“ Bidh na caileagan am dhèigh,”

Arsa Alasdair Tàilleir.

Horo, etc.

“ Ach ma cheannaich thu cir-chuil,”

Arsa Dòmhnull Ciomaineach ;

“ ’S cinnteach gu’n do chosd i crùin,”

Arsa Alasdair Tàilleir.

Horo, etc.

“ ‘S e tortoise shell a bha ’n a cùl,’ ”

Arsa Dòmhnull Ciomaineach ;

“ Sin agad am fasan ùr,”

Arsa Alasdair Tàillier.

Horo, etc.

“ ‘S ann agad a tha’n droch bheul,’ ”

Arsa Dòmhnull Ciomaineach ;

“ Tha thusa ’g innseadh nam breug,”

Arsa Alasdair Tàilleir.

Horo, etc.

“ Tha mise toileach gabhail ort,”

Arsa Dòmhnull Ciomaineach ;

“ ‘D é ’n riasan th’ agad dhomh?’ ”

Arsa Alasdair Tàilleir.

Horo, etc

B’ i sud a’ chàraid iongantach,

’N uair thòisich iad air ruigheachas,

Chuir Alasdair ’s a’ mhionaid e,

’S an innidh air a mhàgan.

Horo, etc.

‘S E ’N T-EILEAN UAIN’, ILEACH.

LE N. MACNEILL.

‘S e ’n t-Eilean uain’, Ileach tìr bhòidheach mo ghràidh ;

‘S e ’n t-Eilean uain’, Ileach is feàrr leam gu bràth ;

A dhoireachan fasgach, ’s a mhachraighean réidh

Cha dioch’ nich mi chaoidh ge b’e àite d’an téid.

Bi soillse an là tha ma coimhead a’ chuain,

A dh’ fhaicinn na tràghadh is tlachdmhoire fùaim,

Nan gleanntan glas, fàsmhor tha ’g àrach an fhéidh,

’S a ’n cluinnear ’s a’ mhaduinn ceòl àghmhor nan eun

Ged tha mi fad as tha mo ghaol dhuit gun sgios,
 'S théid fathast thar mara a dh' fhaicinn do thìr ;
 A dh' fhaicinn an réidhlein a dh' fhàg mi 's mi òg,
 A ghlacadh mo chàirdean gu caidreach le pòig,
 'S e 'n t-Eilean uain', Ileach tìr bhòidheach mo ghràidh ;
 'S e 'n t-Eilean uain', Ileach is feàrr leam gu brath ;
 A dhoireachan fasgach, 's a mhachraighean réidh
 Cha dioch'nich mi chaoidh ge b'e àite d'an teid.

ORAN DO ESTER NIC-NEILL.

LE NIALL MAC-A-PHI

A mhaighdean òg nam meal-shùilean,
 Dh' fhàs ceanalt' ann ad għluasad,
 Cha 'n fhaod mi fhéin gu 'n ceilear leam
 Gach eireachdas mu'n cuirt duit.

'S o 'n tha mi 'n so am ònar
 'S mi' m shuidhe 'n seòmar uaigneach,
 Teannaidh mi ri òran
 Do 'n òg-mhnaoi thug mi luaidh dhi.
 A mhaighdean òg, &c.

Mhaighdean òg de Niallaich,
 Ara bliadhna rinn mo bhuaireadh ;
 Bho 'n chunnaic mi Di-ciadain thu
 Tha fiabhrus air mo bhualadh.
 A mhaighdean òg, &c.

Cha 'n fhiabhrus e tha gabhaltach,
 Ach 's galar tha ro-thruagh e,
 Neach air bith a dh' fhairich e,
 Gu 'n d' chum e 'chadal luaineach.
 A mhaighdean òg, &c.

'S aithne dhomh do sheòrsa,
 Tha mòran dhiubh 'n an uaislean,—
 Bu lionmhor 'n arm Righ Deòrsa iad;
 'S gach còmhrag bheirteadh buaidh leò
 A mhaighdean òg, &c.

Seang chorp fallain, finealta,
 Fo lic is mìn-dearg gruaidhean,
 S ma chreideas sibh an fhìrinn bhream,
 Tha míltean oirre bhuaidhean.
 A mhaighdean òg, &c.

Calpa cruinn, deas, cumhachdail,
 Troigh chuimir am bròig uallaich;
 Bho 'n thug mi fhein an t-urram dhuit,
 Co 'nis a chumas bhuaite e?
 A mhaighdean òg, &c.

Ged bhiodh tu gann de storas,
 Gun chrodh mu d' chrò air buailidh,
 Chumainn ann an òrdugh thu
 Le siod' a's sròl mu d' ghuaillean.
 A mhaighdean òg, &c.

Na 'm faighinn toil do mhàthar,
 'S do chàirdean gun bhi 'n gruaim riùm,
 Gu 'n rachainn thar an t-sàile leat,
 Thar bhàrr nan tonnan uaine.
 A mhaighdean òg, &c.

Rachainn 'Thìr-an-eòrna leat,
 No 'Steòrnabhagh 'n taobh tuath leat,
 Dheanainn àird air aran duit,
 Le fallas air mo ghruaidhean.
 A mhaighdean òg, &c.

GEARAN GAOIL.

LE N. MACNEILL.

A ghathan gréin' a las trè neoil
 An òig' na maidne ciuine,
 Bidh cuimhne gheur leam féin ri m' bheò
 Air bòichead na bha dlàth duinn,
 'N uair luidh bhur leus air stùc a's lòn
 Toirt deò a's càil às ùr duinn,
 A's sinne 'n glacaibh gaoil gun ghò
 Air bruachaig theòir ghlàis, chùbhraidh.

 An d' thug sibh leibh air sgeith bhur soills'
 An t-aoibhneas bha 'n ar sùgradh
 Gu tir a' Ghil far nach 'eil doills'
 A chaoidh ri faicinn dlù di?
 A cheòlairean a b' phonnmhoir' dàin
 A' snàmh an tlàs coill ùrail',
 An cuimhne leibh a' mhaduinn ghràidh
 A dh' fhàs a nis cho ciùirteach?

 Bu mhaiseach àill' nan craobh mu'n cuair.
 'S iad uaine fo li gréine!
 Is b' ait an sealladh amharc suas
 Air snuadh na doimhn' 's na speuraibh;
 Ach dh' fhalbh gach àgh, a Lilidh bhàn;
 Tha cràdh an àite éibhnis;
 A's slige ghràidh air lònadh làn
 De leòn nach tràigh 's nach tréig sinn.

O R A N.



LEIS AN LIGHICHE MAC-LACHAINN, NACH MAIREANN.
 Gur moch rinn mi dùsgadh, 's an ùr mhadainn chéit',
 'S a dhìrich mi 'm bruthach gun duin' ach mi féin;
 Tha ghrian air a turus a' siubhal troimh 'n speur,
 Dealt na h-oidhche a' tuitlinn thar ùr dhos nan geug.

A dìreadh an aonaich ri aodann a' chùirn,
 'S binn torman a' chaochain is aoibheala bùrn,
 Le 'ròis air gach taobh dheth ag aomadh fo'n drùchd,
 'S e ri dearsadh na gréine ag éirigh 'n a smùid.

'S binn na h-eòin feedh nam preasan gu leadarra 'seinn;
 Tha 'n uiseag làn sòlais ri ceòl os mo chionn;
 Na ba-laoigh anns a' gheumnaich air an réidhlin ud thall,
 'S mac-talla nan creagan 'g am freagairt air ball.

'S àluinn trusgan a' ghlinne suas gu binnein nan stùchd:
 'S cùbhraidih bòltrach nan luibhean 'n am chuinnein mar thùis;
 Ged 's bòidheach gach doire anns a' choille 's a' bhrùchd,
 Ged tha 'm barrach cho ùrail cha duisg e mo shunnd.

An so air faobhar a' mhullaich gur muladach mi—
 Ceann-aobhair mo thuiridh, leam gur duilich r' a inns',
 Nach dirich mi tuille ri munadh 's an tir—
 Nach dean mi èuis-ghàire 'n ghleann àillidh mo chrìdh'.

Cha 'n 'eil gleannan cho aoibheil ri 'fhaotainn mu'n cuairt,
 Le d' bheanntainean àrda 'cur sgàth ort o'n tuath;
 Ann an dùlachd-a' gheamhraidih gun għreann ort, gun fluachd—
 Mo sgaradh 's mo chràdh-lot a bhi d'fhàgail cho luath!

Ged is iomadh fear finealt' anns na h-Innsean ud thall,
 'Chaidh a dh-iarraidh an stòrais, o'n tha 'n tòr oirnn cho gann;
 Am fear ainneamh de 'u àireamh a thig sàbhailt' a nall,
 'Na bhodach gun spéirid, odhar, éisleineach, fann,
 Air tilleadh do'n dùthaich, 's e 'dhùisgeas am bròn,
 'Bhi 'faicinn m'a choinneimh luchd-comuinn na h-òig',
 Cho sunndach, geal, loinneil, ged tha 'ghoinne 'n am pòc—
 Gun uireasbhuidh slàinte, ged tha iad gun stòr.

'S maирг a mholadh na h-Innsean 's gach rioghachd o dheas,
 'S am bi cholann 's an inntinn, 'g an strìochdadadh le teas;
 Far nach urrainn dhuit gluasad gun fhuathas a's geilt;
 Agus uamh-bheist 'g a chùbadh fo dhùiseal nam preas.

'S mi 'ghluaiseadh gun smalan ann an gleannan an àigh—
 'S moch a shiùbbhlainn do phreasan gun teagamh, gun sgàth;
 Anns an òg mhadainn chùbhraidh, 'n uair bhiodh drùchd air
 gach bàrr,

Nàile dhùirinn ri d' stùchd bheinn gun chùram roimh nàmh!

Ach 's tiom dhomh bhi 'g éirigh, 's bhi téurnadh o'n àird;
 Cha dean luinneagan feum dhomh, cha dean éigheach dhomh
 stàth,

Feuch am bàta fo 'comhdach aig còmhnaid na tràigh,
 Tha gu m' ghiùlan null thairis á gleannan an àigh.

Bheir mi sùil thar a' bhealaich air na beanntan mu 'n cuairt;
 So an sealladh mu dheireadh air gach gleannan a's bruach
 A' fàgail leibh beannachd, 'n àm dealachadh uaibh,
 A téurnadh an aonaich 's iad mo smaointean 'tha truagh.

Ach 's diomhain mo smaintean; nach faoin dhomh bhi
 'caoidh;

Cha 'n 'eil neach anns an t-saoghal 'g a fhaotainn le dhiù;
 Ge blàth an fhuil chraobhach 'tha 'taosgadh o m' chridh,
 'S ro ghearr gus nach plosg i fo phlocean 's a' chill.

'Thi 'chruthaich an saoghal, 's a chuir na daoine so ann,
 'S a thug dhuinne Fear-saoraidh a dh-aontachadh leinn,
 Tha thu 'g eisdeachd ri m' òran, cho brònach 'g a sheinn.
 'Bìdh mi 'striochdadh do d'òrdugh, bheir thu dhomhsa mo roinn.

C U M H A.

AIR FONN—"O, 's toigh leam mo nìonag.

LEIS AN LIGHICHE MAC-LACHAINN, NACH MAIREANN.

Thàinig sgeula mo chruadail,
 Gun do chuir iad 's an uaigh thu;
 'S goirt mo chridhe bho 'n chuala,
 Ged nach d' fhuasgail mo dheòir.

✖ Tha do leaba lom, fuaraidh,
 'S trom do chodal, 's ro bhuan e;
 Chaoidh cha 'n éisd thu ri m' luaidh-sa,
 'S cha għluais thu ri m' cheol.

Bha do għluasad gun eucoir,
 Gun uireasbhuidh céille;
 Leam bu taitneach 'bhi 'g éisdeachd
 Ri séisde do bheòil.

Tha do bheul a nis dùinte,
 Cha 'n 'eil léirsinn 'n ad shùilibh;
 'S fuar an cridhe 'bha muirneach,
 Anns an ùir, 's e gun dheo.

Mar bħuannaich am bàs thu
 Seach na dillsean 'tha làthair,
 Cinnidh feanntag 's a' ghàradh,
 'N uair thig fàilinn 's an ròs,

✖ Sud an ròs a bha cùbhraidih,
 Air geug nan dos īrail;
 B' òg 's a' mhadainn e 'brùchdadħ--
 Sheachd a's shùigh e trà-nòin.

Chuir thu mise gu smaointean,
 Nach innis mi 'dhaoine;
 'S maирg chuir uigh anns an t-saogħal--
 'S iomadh caochladh 'teachd oirnn!

Ged tha càirdean gu deurach,
 'S faoin an cumha leam féin e,
 'Theid gu cuirm a's cùirt éiblneis,
 'Giulan éideadh a' bhròin.

Ged tha m' éideadh gun mhùthadh,
 'S mi gun deur air mo shùilibh,
 Gus an cuir iad 's an ùir mi,
 Bidh mi 'a iondrainn ri m' bheò.

Chionn bu toigh leam an nionag—
 Bu ro thoigh leam an nionag !
 Mo sgeul dubhach ga innseadh,
 Thug 'bhi 'd shineadh fo 'n fhòid.

DEALACHADH.

LE N. MAC-NEILL.

Ged a rinn sinn dealach'
 Ann an toiseach Mhàigh,
 'Tha do neul is banail'
 Mairean leam gach tràth ;
 Aogas sona, àghmhòr,
 Sèamh mar fhàir an là,
 Boillsgeadh air mo cheumaibh
 Mar dhirl reul nan àrd.

Séis.—O mo rìbhinn ghaolach.
 O mo chaomhag shuaire ;
 S e bhi dearc' air caoine
 D' eudain ghlain gun ghruaim
 Ni mo chridhe' ùrach'
 Mar le driùchd o shuas ;
 'S annsa d' anail chùbhraidh
 Na deò ciùin nan stuadh.

Mar dhreach tlath nan neula
 Air na speuraibh lom,
 Tha li d' fhuilt fa d' iomhaigh,
 'S air do chiabhaibh donn ;
 Deud is gil' ri fhaicinn,
 'N uair a's tlachdmhoir' d' fhonn,
 Na na sligean sneachd-gheal,
 Glan o chop nan tonn !

'S e caonh bhraon do ghràidh-sa
 Dh' fhág mi fionnor ùr;
 'S tha mi ghnàth a' sireadh
 Dìreadh suas nan stùc;
 'N uair bhios deuran fallais
 'G uisgeachadh mo chùrs',
 'S tusa fàth mo shòlais,
 M' ainnir òg, 's mo rùn.

'N uair is duirche m' oidhche,
 'S mi gun soills' gun treòir,
 Tha grad aiteal m' inntinn
 A' leum siar ad chòir;
 'S théid mi troinnt gach cruidhchàs
 Chosnadh buaidh do phoig,
 Dh' fhaotainn seilbh gu bràthach
 Air do làimh fa-dheòidh.

' SORAIHD LEIS A' MHAIGHDINN. ✓

Soraidh leis a mhaighdinn a tha gun ghruaim,
 'S an a tha mo ghaois' ann an Gleanndaruail, †
 Soraidh leis a' mhaighdinn a tha gun ghruaim.

Soraidh uam thar tuinne, far am bheil a' chruinneag, *

Mur dean saor a' ghiubhais d'fhuaran a thoirt bhuan.
 Soraidh, etc.

Soraidh bhuamsa thairis, o'n Mhorairne ghleannaich.
 Far am bheil mo leannan—caol mhala gun ghruaim.
 Soraidh, etc.

Cha téid fois no tàiné dhomh, ma ni paipeir bànn e.

Gus an cluinn mi 'n d' ràinig an té bhàn gun ghruaim.

Leannan Soraidh, etc.
 + a' sìor theannadh bhuam.

* I mheadh mi mo chomhart, mar dh' eirich an diugh shon
 Gu bheil saor a' ghiubhais a' toist m' ghruaim bhuam

Sgrìobhaidh mi do litir, euiridh mi 'n a drip i,

Falbhaidh i gun fhiosda, ruigidh i Di-luain.

Soraidh, etc.

Ged thigeadh ga d' iarraidh, Morair agus Iarla,

Na gabh h-aon diubh 'm bhliadhna, 's mise, chiall, bhi
bhuaite.

Soraidh, etc.

Ged thigeadh ad fharraid diue agus fear-fearainn,

Fan thusa mar th' agad—banail mar bu dual.

Soraidh, etc.

Ged thigeadh an tàilleir le 'shiosar 's le shnàthaid,

Feuch nach gabh thu pàirt ris—biodh do nàdur buan.

Soraidh, etc.

'N uair dhireas mi 'n t-aonach a shealltann air na caoraich,

'S tric mo shùil gach taolih dhiom, 'n tig a' ghaoth o'n tuath.

Soraidh, etc.

ISE.—'S e mo ghaol an ciobair, ni 'm bruthach a dhìreadh,

Cha dean mi do dhiobair air son mi-run sluaigh.

Soraidh, etc.

OGANAICH AN OR-FHUILT BHUIDHE.

RINNEADH AN T-ORAN SO LE MAIGHDINN OIG, DO DHUINE UASAL

A BHA 'N A LEANNAN AICE. *

SEISD.—Oganaich an òr-fhuilt bhuidhe,

Leat a chinneadh sealg a's siòthionn;

'S ann ad ghruaidh a bhiodh an rudha,

'N uair a bhiodh tu 'siubhal bheann !

— 'N uair a dhìreadh tu na stùcan

Leis a' ghunna chaol nach diùltadh,

'S i do luaidh ghorm a's d' fhùdar,

Chuireadh smùid air feadh nan gleann.

Oganaich, &c.

* G. — Do Chaimbalach i' chinnic am an Minde
(APP, 30) le Muime.

Domhsa b' aithne cuid de d' abhaist,
 Ged nach innis mi ach pàirt deth—
 Sìgthionn a beinn a's iasg á amhainn
 'N uair a thairngeadh càch an t-srann.
 Oganaich, &c.

- Oganaich an òr-fhuilt shníomhain,
 D' fhag thu saca trom air m' inntinn ;
 'S mur a till thu nall do 'n tìr so,
 Mo thoil-inntinn bidh air chall.

Oganaich, &c.

- Gur léir a bhilàth air mo ghruaiddhse,
 Gu 'n tug mi dhuit gaol nach fuaraich ;
 Dh' innis iad gu'n d' thug thu fuath dhomh,
 Ach cha chreid mi, luaidh, an cainnt.

Oganaich, &c.

- Ach nam biodh e mar bu mhaith leam,
 Bhiodh tu 'd *fhactor* air an fhearrann,
 Do chòir sgriobht' o laimh Mhic-Cailein—
 Cha bhiodh mo' earrannsa dheth gann !

Oganaich, &c.

Ged a bhithinn ann an iaruinn,
 Fhad 's bu beò mi ga m' phianadh,
 Cha leig mi do ghaol air diochuimhn'—
 So a' bhliadhna 'liath mo cheann.

Oganaich, &c.

See a good deal Feb 1950, Tír na
Baras, 236.

THOGAINN FONN AIR LORG AN FHEIDH.

Bheir mi hó air mora hó,
 Ithill ó air mora hé ;
 Bheir mi hó air mora hó,
 Thogainn fonn air lorg an fhéidh.

'S miann le breac a bhi 'n sruth cas,
 'S miann le boe bhi 'n doire dhlùth,
 'S miann le eilid bhi 'm beinn àrd,
 'S miann le sealgair falbh le 'chù.

Bheir mi, &c.

Cha mhiann bodaich mo mhiann féin—
 Cha mhiann leis éirigh ach mall ;
 Cha lùb gruagach n a sgéith ;
 Tairngidh e leis féin an t-srann.

Bheir mi, &c.

Nithean sin do 'n d' thug mi spéis,
 'S bu mhiannach leam iad bhi 'm chòir :
 Mo ghunna glaie air deagh ghléus,
 Direadh ri beinn, a's bean òg.

Bheir mi, &c.

'S nithean sin do 'n d' thug mi fuath :
 Do bhean luath 's do chù bhiodh mall,
 'S do shean daoine nach biodh glie ;
 'S do bhean bhig nach altrum clann.

Bheir mi, &c.

Bu mhiann leam ri latha fuar,
 Direadh suas ri aonach cas,
 'N uair a thilginn mac an fhéidh,
 Coin air éill, 's ga 'n leigeil as.

Bheir mi, &c

Leam bu mhiann bhi 'siubhal bheann.
 Osan teann a bhi mu m' chos ;
 Brogan iall a's gunna cruaidh,
 Eilid ruadh a's cù m'a dos.

Bheir mi, &c.

'S ged fhaighinn bean a' chinn bhàin,
 Air mo laimh, bu bheag mo spéis;
 'S mor gu 'm b' annsa leam bean dhonn
 'Bheireadh trom-ghaoil domh le céill.
 Bheir mi, &c.

Nighean Uilleim anns a' ghleann,
 Bean a b' annsa leam fo 'n ghrein;
 'S na 'm biodh Uilleam ann am Blàr,
 Gheobhainnse mo ghràdh, dhomh féin.
 Bheir mi, &c.

'S mo cheist air bean a' chinn duibh,
 'S dochá leam i 'n diugh na 'n dé;
 Mheud 's a chuala mi de 'cainnt,—
 Gur i b' annsa leam fo 'n ghréin!
 Bheir mi, &c.

ORAN GAOIL.

ESAN.—Thug mi 'n oidhche 'n raoir sunndach,
Beatadh dlù ris a' chaladh,
 Gus an d' ràinig mi 'n t-àite,
 Far an d' fhàg mi mo leannan.
 Fhuair mis' i 's i pòsda,
 Ri fear òg aig a' bhaile,
 Le suaim dhingeann nach fhuasgail, n/
 Dh' fhàgas truagh mi ri m' mhaireann.

'S truagh nach robh mi 's mo leannan,
 Ann an gleannan a' cheòbain,
 No 'n iomall na coille,
 Far an goireadh an smearach; 8/

Bhiodh mo làmh, a ghaoil, tharad,
 'S mo cheart air' air do phògadh,
 'S an làmh eil', a ghaoil, sinnte,
 Fo d' chùl sniomhain donn, bòidheach.

ISE.—Thug mi gean agus rùn dhuit,
 A chiall iùil agus aithne;
 'S mi gu'n larbadh mi fhéin riut,
 Naoi mìle o'n bhaile,
 Còig bliadhna' agus raithe.
 Bho 'n bha mi 'n geall ort, a leannain;
 'S beag an t-ioghnadh mar tha mi.
 Bhi cho cràiteach ga d' ghearan.

ESAN.—Mo mhallaichd air gach duine,
 Rinn ar cumail o' chéile;
 Tha mi 'm bliadhna 's an uiridh,
 Fo mhulad mu d' dhéighinn;
 An toll chaidh am chridhe,
 Cha leighis lighich no léigh e,
 Gus an téid mi 's an anart,
 A's fo sparradh na déile.

Mo chiall a' mhathan an t-saoghail,
 Cuim' nach fhaodadh tu falbh leam? c/
 Dean deas do chuid aodaich,
 'S gu 'm faodamaid seóladh.
 Gheibh sinn bat' ar toirt thàiris,
 'S gillean grad 'chuireas seòl rith',
 'S théid sinn thàiris do dh-Eirinn,
 Far nach eubh iad ri'm beò sinn.

ISE.—'S, a chiall a dh-fhearaibh an t-saoghail,
 Tog de d' chaoineadh 's de d' mhulad.
 Siubhail, àmhaire mu'n cuairt ort.
 Bi gu cruadalach duineil;

Sùil amach anns gach àite,
 'S gheibh thu màldag bhios lurach,
 'S leig dhomhsa mar tha mi,
 'Dol bàs leis a' mhulad.

ESAN.—Ach ma chaidh thu, ghaoil, thairis,
 'S nach leannan thu dhòmhhsa,
 Gu'n cluinn mi ga aithris,
 Gur neach air deagh dhòigh thu,
 Le crodh druimionn a's guaillionn,
 Air do bhuaille mar chonhla ;
 Té éile ga 'n cuallachd,
 A's thusa fùgheal ad sheòmar.

ah

ISE.—Bheirinn comhairl' air caileig,
 Gun bhi amaideach, gòrach,
 'S gun i thoirt a gaol-falaich,
 Do bhalach air bhòifhead ;
 Ged bhios e beulach a' tighinn,
 Bidh a chridhe fuar, reòta,
 'S bidh a shùil a's a dheigheadh,
 Dh'fheuch co roghainn is bòidhche.

51

CRUINNEAG BHOIDHEACH A' CHUIL BHUIDHE.

SEISD :— Cruinneag bhòidheach a' chùil bhuidhe,
 Gruaidh mar ròs 's a pòg mar ubhal ;
 Cruinneag bhòidheach a' chùil bhuidhe,
 Tha mi fo leann-dubh ad dhéigh.

Moire, 's mis' a tha fo mhulad,
 Bho 'n là fhuair mi sgeul na dunach !
 Thug iad uam thu 'luaidh gun fhuireach,
 'S dh' fhag sud mise 'sruthadh dheur.
 Cruinneag, etc.

1921 ; Am Deasgadh Dec. 1921

Ach ma thréig thu mi gu buileach,
 Le breug nan droch bhéisteán siubhaił,
 Dh' fhàg sud mise deurach, dubhach,
 'S ga d' chumha 's e is dùth dhomh 'n t-eug.
 Cruinneag, etc.

S ged nach innis mi do dhuin' e,
 'S ann an I a tha I fuireach,
 Ribhinn shiòbhalt nan ceum lurach,
 'S i mar uiseig air bhàrr géig.
 Cruinneag, etc.

Peucag shuairee 'chuach-fhuit bhuidhe,
 'Choisinn buaidh am measg nan eruinneag;
 Oigh na h-uaisle. Iuaidh gach duin' thu,
 Suairee, furanach, neo bħreun !
 Cruinneag, etc.

Tha do shlios mar fħaoileann tuinne,
 Clochan corrach air uchd lurach,
 Do mhac-samhuil ann an eumadh,
 Cha 'n 'eil 's a' chruinne gu léir.
 Cruinneag, etc.

Tha do ghruaidh cho dearg 's na ròsan,
 Muineal geal mu 'n iadh an t-òmbar,
 'S tu mo lili 'measg nan òighean—
 Ann ad bhòichead cha 'n 'eil meang !
 Cruinneag, etc.

Gur a lionmhor mais a' fàs ort—
 Cha 'n aithne dhomh trian dhiubh àireamh.
 Anns gach beus cha léir dhomh d' fhàilinn—
 Thug thu bàrr air each gu léir !
 Cruinneag, etc.

HI HU, O HO, NA'M B'AILL LEIBH E.

Hi hù, o ho, na'm b'aill leibh e,
Deoch-slàint' an fhir o'n thill sinn;
Hi hù, o ho, na'm b'aill leibh e.

'S i so deoch-slàint' a' Chamaronaich,
An sàr dhuin'-usal leannmuineach,
Lion i nuas d' an bharra-ghucaig,
'S théid m' airgiods a g'a dioladh.

Hi hù, etc.

'S i so deoch-slàint' an Alasdair,
Fear ruadh a nuas bho 'n Ghearsdan;
Gur math thig gruag an ceangal ort,
'S i 'n teannachadh le sioda.

Hi hù, etc.

H-uile h-aon mar dh'òlas i,
An aire mhath nach dòirtear i,
'N fhuil uasal 's i gun fhòtas:
'S ann bu chòir dhi bhi gu rioghail.

Hi hù, etc.

'S ged nach ann de d'sheòrsa mi,
'S ann air do chnoc bu chòir dhomh bhi,
Dh' abaireadh na h-eòlaich,
Gu'm bu chòir dhuinn a bhi dileas.

Hi hù, etc.

'S cairdeach do na daoine thu,
'S tu 'theaghach Ghlinne-faochann.
A's gur faillein ùr thu'n chraobhaig
'Tha'm Bun-Aora, taobh Loch-fine.

Hi hù, etc.

Gur math thig còta sgàrlaid ort,
 'S e ùr bho laimh nan tàilleirean,
 Boineid a's coc-àrd innte,
 'S lann Spainnteach a' chinne Illich.
 Hi hù, etc.

Gur math thig féile pleate ort,
 'S cha mhios thig osain bhreacain ort,
 Gartain dhearga, dhaithte,
 'S iad air lasadh anns an t-sioda.
 Hi hù, etc.

Gur h-e mo rùn 's mo roghainn e,
 'N uair théid na h-airm ri'n taghadh air—
 Gunna, sgiath a's adharc ort,
 'S cha chladhaire bheir dhiot iad.
 Hi hù, etc.

Thig Stiùbhartaich o'n Apainn leat;
 Thig Dòmhnullaich, thig Ailpeinich;
 Thig feachd de Chloinn-a-Phearsain leat,
 Cho maith ri marcaich Shìmi.
 Hi hù, etc.

Bidh Clann-an-t-saoir bho Chruachan leat;
 Bidh Leathanach nan cruaidh-lannan,
 Griogaraich bho'n Ruadh-shruth leat
 A chur na ruaig 'n a slor-ruith!
 Hi hù, etc.

ORAN GAOIL.

SEISD—Mo nigh'n bhòidheach nan rosg-mall,
 D'an d' thug mi mo ghaol nach gann,
 Cruinneag bhòidheach nan rosg-mall,
 'S mo nigh'n chruinn, donn, nach till thu rium?

Mo nigh'n bhòidheach nan rosg bàن,
 Nan gorm-shuilean troma, tlàth,
 Gruaidh mar chaorann dearg a' fàs,
 'S gu 'm bu slàn a chì mi thu.

Mo nigh'n, etc.

'S e 'mheudaich m'airtneulachd 's mo ghruaim,
 Thu 'bhi seòladh thar a' chuain,
 'S ioma té d'an d'thug mi fuath,
 Thug i fuath 's cha till i rium.

Mo nigh'n, etc.

Na'm bu leam de dh-fhearann saor,
 Na tha thall 's a bhos an caol,
 'S mi gu'n liubhradh iad do m' ghaol,
 Ach cead do thaobh 'bhi sinnte rium.

Mo nigh'n, etc.

Cha'n ioghnadh thu bhi beachdail, àrd,
 Mòr thoil-inntinneach thar chàich,
 'N uair thug MacCoinnich dhuit a lamh—
 Cha bhi mi slàn mur innsear e.

Mo nigh'n, etc.

'N uair rachadh an fhidheal 'n a gleus,
 Dhannsadh tu air ùrlar réidh,
 Calpa cruinn is lùghor ceum,
 'S mo chridh' am dhéigh'n mur innsinn e!

Mo nigh'n, etc.

Tha thu ro mhath anns gach àm,
 Air gach obair ghrinn a th' ann;
 'S ioma fear a th' ort an geall,
 Nach cuir bann gu siorruidh ort.

Mo nigh'n, etc.

Mo chiomhairl' air gach fear am dhéigh,
 Gun dheanamh mar rinn mi fhéin,
 Gun cùl a chur ri 'leannan fhéin,
 Air son luchd bhreug a's innseagan.
 Mo nigh'n, etc.

Ged théid mi nunn thar a' chuain,
 Cha'n fhaic mi aogas mo luaidh;
 'S glan an rudha tha 'n a gruaidh,
 'S cha bhi mi buan mar pill i riùm.
 Mo nigh'n, etc.

D U A N A G .



LEIS AN LIGHICHE MAC-LACHAINN, NACH MAIREANN.

Ni mi duan do'n ghruagaich bhanail,
 Ribhinn chaoin an aogais fhlathail;
 Seinuidh mi mo dhuan do'n ainnir,
 Dh' fhàs gu banail, banndaidh.

Seinnidh mi mo dhuan do'n òigh,
 A chum a' chodhail 's an tigh-òsd',
 Ged a tha i an tra-sa pòsd',
 Gu'n cuir mi'n òrdugh rann di.

Phòs thu 'n diugh ri fear do rogh'nn,
 'Leanas rout a là 's a dh' oidhch';
 Ach chum thu 'chòdhail ud an raoir,
 Bu chiùin a rinn thu cainnt riùm.

Bu chiùin a chuir thu sud am chluais,
 'S a' h-uile h-aon, 's an àird 'n an suain—
 "Feuch, a ghràidh, nach gabh thu gruaim
 Ged chaidh mi uait gun taing dhomh."

Anns a' mhaduinn chunnaic mi
 Thu ann ad sheasamh air leth sgios,
 'S fear an teagaisg a' cur sios duit—
 Cha bu bhinn a chainnt leam !

Ged a bhiodh tu 'dol fo 'n fhòid,
 An ciste chumhainn, chaoil nam bòrd,
 Cha bhiodh do ghnùis gun tuar na 's mò
 'N uair chaidh na böidean teann ort.

'S e sud a chum mi féin fo phràmh,
 'N am shuidhe diùididh am measg chàich,
 Gu 'n d' thug thu 'n t-sùil ud orm cho blàth,
 Ged bha thu ad bhean-bainnse.

'S tric a bhòidich thu ri m' thaobh
 Nach tigeadh mùthadh air do ghaol ;
 Ach b' éiginn sud a chur fa sgaoil
 Bho 'n chinn an saoghal gann dhuinn.

Mur biodh a' h-uile cùis mar tha,
 'S mi anns an àm so gann 'anu làimh,
 Cha leiginn thu le fear gu bràth,
 Ged dheanadh càirdean aimhreit.

Gur soithreamh, siobhalta do ghnùis,
 Fo d' mhala chaol nach claoen le mùig ;
 Bu chiùin, ro aoidheil leam do shùil,
 Cho caoin ri drùchd an t-samhraidh.

Eisdeachd fòil 'ri d' òrain loinneil,
 'S binne còir na ceòl a' choilich,
 Moch air maduinn cheo a ghoireas,
 Anns an doire 'canntail.

O R A N . ✓

LEIS AN LIGHICHE MAC-LACHAINN, NACH MAIREANN.

So 'n am shìneadh air an t-sliabh,
 'S mi ri iarguin na bheil bhuan,
 'S tric mo shùil a' sealltuinn siar,
 Far an luidh a' ghrian 's a' chuan.

Chi mi thall a h-aiteal caomh,
 'Dearrsadh caoin ri taobh na tràigh ;
 'S truagh nach robh mi air an raon
 Far an deach' i claoon 's an àillt.

'S truagh nach robh mi an tràs'
 Air an tràigh a's àirde stuadh,
 Ag éisdeachd ri còmhradh tlath
 Aig an òigh is àillidh snuadh.

Aig an òigh is àillidh dreach,
 S gile cneas, 's is caoine gruaidh ;
 Mala shiobhalt', min-rosg réidh
 Air nach éireadh bréin' no gruaim.

O ! na 'n innseadh dhomh 'ghaoth 'n iar,
 'N uair a thriallas i thar sàil',
 Ciod an dòigh a th' air mo ghaol—
 'Bheil i 'smaointinn orms' an tràs ?

'N uair a shìn mi dhuit mo lànbh
 Air an tràigh, a' fàgail tìr,
 'S ann air éiginn rinn mi 'ràdh,
 " Soraidh leat, a ghràidh mo chrìdh' ."

'N uair a thug mi riut mo chùl,
 Chunnaic mi thu 'brùichadh dheur ;
 Ged a shuidh mi aig an stiùir,
 'S ann a bha mo shùil am dhéigh.

Chaidh a' ghrian fo stuaidh 's an iar
 Dh' fhàg i fiamh air nial a' chuain ;
 S éiginn domh o 'n àird 'bhi 'triall—
 Sguir an eunlaith féin d' an duan.

Mile beannachd leat an nochd—
 Cadal dhuit gun sporsehd, gun ghruaim ;
 Slàn, gun acaid feadh do chléibh,
 Anns a' mhaduinn, 'g éirigh suas.

O R A N .

LEIS AN LIGHICHE MAC-LACHAINN, NACH MAIREANN.

AIR FONN :—“ *Hail to the Chief.* ”

S neo-shunndach leam m' aigne o'n dhùisg mi 's a' mhaduinn,
 'S mo shùil thar an aisig gu glas-bheinn a' cheò ;
 Mo dhùrachd 'bhi thall ud, 'bhi dlùth ris an ainnir,
 Le sùgradh tairis 'g a tarruing am chòir.
 Gur muladach m' inntinn, fo airsneul 's fo mhìghean,
 Ag ionndrainn na h-ìonag, a's briodal a bеòil :
 Bho'n chaidh mo ghaol lurach null thairis do Mhuile
 Cha dean mi car tuille ach tuireadh a's bròn.

Ge sunndach, 's ge h-éibhinn, 's an ùr mhaduinn chéitein,
 'Bhi 'direadh nan sléibhteann 's ag éisdeachd nan eòin—
 Ge h-ùrail an sealladh dealt dlùth a's drùchd mealà
 'Bhi 'lùbadh gach meangain, 's a sreamadh gach feòirn ;
 'S ann tha aobhar mo chùraim thar caol nan tonn dù-ghorm,
 'M bi luingeas a brùchdadadh fo thùchadh nan seòl ;
 Mo dhùil ri dol thairis a null thar an aisig,
 'S gu'n dùisginn an ainnir le aithris mo bheòil.

Mo dhùil ri dol thairis, 's mo shùil air a' chala,
 Tha smùid thar a' bhaile mar bhadan de 'n cheò ;
 Bu luaineach mo chadal le bruadair mu'n ainnir,
 Is suairce 's is ceanalt' 's is banaile nòs.

Gach dreach 'th'air an nìonag, O, 's deacair dhomh 'n innseadh !
 'Tha farasda, finealta, inntinneach, òg ;
 Mo rùn do chaol mhala, do mhiog-shuilean meallach—
 Deud geal 'n ad bheul tairis, gruaidh thana mar ròs.

Tha soirbheas air éirigh o bhruaillein nan speuran,
 'Cur luingeas 'n an éiginn, 's a' reubadh nan seòl ;
 Cha'n fhaodar leam aiseag, o'n chaochail an latha—
 Tha'n caol 'n a chaoir gheala, 's muir ghreannach fo chròic.
 Na'm biodh agamsa sgiathan, 's mi 'shracadh an iarmait,
 Ged a bhacadh gaoth'n iar mi, agus iarguil nan néoil,
 Gu'm bithinn, 'cheart ain-deoin', ri guallainn mo leannain,
 B'e m' ulaidh, a's m' aighear, 'bhi 'teannadh 'g a còir !

DI-MOLADH AN UISGE-BHEATHA. ✓

LEIS AN LIGHICHE MAC-LACHAINN, NACH MAIREANN.

AIR FONN :—“ *Crodh-laoigh nam bodach.* ”

Cha'n òl mi deur tuille, deur tuille, deur tuille,—
 Cha'n òl mi deur tuille, deur tuille de'n dram ;
 Cha'n òl mi deur tuille, cha dean mi ris fuireach,
 'S mi cinnteach gu'n cuireadh e'n tubaisd am cheann.

Gur mis' tha gu brònach, am luidne 's tigh-òsda,
 Mi 'teannadh ri òran le bàidean gu teann ;
 Ag éirigh air m' uilinn, 's ag éigheach gu duineil—
 “ Cha'n òl mi deur tuille, deur tuille de'n dram.”

'S tràm, éisleineach m' aigne 'n àm éirigh 's a' mhaduinn,
 Mo bhriogais mu m' chasan 'g a tarruing a nall ;
 Mo bhriogais 'n a stròicean, cha dean i mo chòmhach—
 'S e éigheach nan stòp 'chuir am pòca cho gann.

Le m' chois air an ùrlar, 's gann tha mi air dùsgadh,
 'S gur measa na brùid mi le stùrdan 's a' cheann ;
 Le smal air mo léirsinn, 's an t-snigh' air mo léine,
 Mo chridhe làu éislein le speura de 'n dram.

Mo léirsinn air tuiteam, cha léir dhomh mo thrusgan,
 Cha 'n 'eil mi ach tuisleach, a' trusadh gach ball,
 Ann an seòmar na bochdaimh, ag iarraidh gach oisinn—
 Ciamar theid mi air choiseachd 's na h-osain air chall ?

Tha muinntir an tighe ri bùird, agus fanoid,
 O 'n dh' eirich mi falamh, cha 'n fhaigh mi an taing ;
 Bu bhriathrach an raoir iad, 'n àm lasadh nan coinneulan,
 An toiseach na h-oidhche bu chaoimhneil an cainnt.

Bidh iadsan cho fiadhaich mur pàigh thu na fiachan,
 Gach latha 's a' bhliadhna 'g an iarraidh gu teann,
 'Cur eagar ad achlais, le briathran a' mhaslaidh—
 " Tha agam ort tasdan; a's aisig e nall."

Bidh esan cho spòrsail 's a' chlachan Di-dòmhnaich,
 Bho 'n cheannaich e còta le pòiteir an dram ;
 Clann ceathairne còir ann, gun bhoineid, gun bhrògan,
 'S nighean dubh an tigh-òsda le srol air a ceann.

Sguiridh mi 'n bhéisd ud, cha bhi mi 'g a éigheach,
 Gùn fhios a 'm fo 'n ghréin, ciod am feum a tha ann ;
 Their na fir làidir, 'n uair chi iad air sràid mi—
 " Tha pòit' an tigh-thàirne 'g a fhàgail-san fann.

Cha 'n òl mi deur tuille, cha dean mi ris fuireach,
 Cha téid mi le furan an cuideachd mo chall ;
 'N uair chluinneas mi 'n deoch ud 'g a h-éigheach le frogan,
 Bidh iallan mo sporain g' an roladh gu teann.

MAC-GRIOGAIR O RUADH-SHRUTH.

Tha mulad, tha mulad,
Tha mulad ga m' lionadh,

Tha mulad, hochd, truagh orm,
Nach dual domh chaoidh dhireadh.
Tha mulad, &c.

Mu Mhac-Griogair o Ruadh-shruth,
D' am bu dual bhi 'n Gleann-liobhann
Mu Mhac-Griogair, &c.

Mu Mhac-Griogair nam bratach,
D' am bu tartarach pioban.
Mu Mhac-Griogair, &c.

D' am bu shuaicheantas giubhas,
Ri bruthach ga 'dhireadh.
D' am bu, &c.

Crann caol air dheadh lochdradh,
'S ite dhosach an fhir-eoin.
Crann caol, &c.

Crann caol air dheadh shnaitheadh,
Cuid de dh-aighear mhic righ e.
Crann caol, &c.

Ann an laimh dheadh Mhic-Mhuirich,
Ga 'chumail reidh, direach.
Ann an laimh, &c.

Ged a bhual e mi 'm bealach,
Ga m' ghearan cha bhi mi.
Ged a, &c.

Ged a dhean iad orm eucoir,
A thi fein co 'ni dhioladh?
Ged a, &c.

'S luchd a ghabhail mo leith-sgeil,
 Anns a' chaibeal so shios uam,
 'S luchd a ghabhail, &c.

Luchd a sheasamh mo chòrach,
 Is e mo leon iad bhi dhi orm.
 Luchd a sheasamh, &c.

Mo chomh-dhaltan gaolach,
 An leabaidh chaoil, 's an ceann iosal.
 Mo chomh-dhaltan, &c.

Ann an leine chaoil anairt,
 Gun bhainan, gun siod oirr'.
 Ann an leine, &c.

'S nach d' iarr sibh ga 'fuaigheal,
 Mnaithean uaisle na tire.
 'S nach, &c.

Ort a bheirinn-se comhairl',
 Na 'n gabhadh tu dhiom i.
 Ort a bheirinn-se, &c.

'N uair a theid thu n tigh-osda,
 Na ol ann ach aon deoch.
 'N uair e, &.

Gabh do dhrama ad sheasamh,
 A's bi freasd'lach mu d' dhaoine.
 Gagh do, &c.

Na dean diuthadh mu d' shoitheach,
 Gabh an ladar no 'n taoman.
 Na dean, &c.

Dean am foghar de 'n gheamhradh,
 'S dean an samhradh de 'n fhaoiltich.
 Dean am, &c.

Dean do leaba 's na creagaibh,
 A's na caidil ach aotrom
 Dean do, &c.

Ge h-aineamh an fheòrag,
 Gheabhar seol air a faotainn.
 Ge h-aineamh, &c.

Ge h-uasal an t-sheobhag,
 Is tric a ghabhar le foill i.
 Ge h-uasal, &c.

BRUADAR AN DOMHNUICH.

'N raoir chunnaic mi 'm bruadar
 Dh' fhag m' aigne cho luineach—
 Thus' a's mise, a luaidh, a bhi comhladh'.
 Thus' a's mise, etc.

Sinn bhi falbh ri taobh lochain,
 'S bhuall iota gu deoch mi,
 S gu 'n d' smuainich mi sgobag bheag òl deth.
 'S gu 'n d' smuainich, etc.

Ach 'n uair chuir mi ri m' bheul e,
 Cha d' fhaod mi deur fheuchainn,
 Le rumaragaich féir agus mointich.
 Le rumaragaich, etc.

'S chunnacas lascaire làmh ri um,
 'S thuirt mi ris e bli cairdeil,
 'S deoch a thogail á àite glan dhomh-sa.
 'S deoch a thogail, etc.

Ach labhair esan gu fiadhaich,
 " Cha bhi mi aig d' iarrtas,
 'S cha mhò fhreagras mi briathran do bheoil-se."
 'S cha mhò, etc.

Na 'm biodh agam bean bheachdail
 A dh' innseadh gu reachdail,
 Ciod a' blhrigh bh' aig aisling an Dòmhnuich.
 Ciod, etc.

S ann thuirt bean a bha 'm eisdeachd,
 "Tha mise so, tè dhiubh,
 'Ni do bhruadar a leughadh an òrdugh—
 'Ni do bhruadair. etc.

"'S e 's brigh do 'n bhurn shalach
 Mu dheighinn do leanuan,
 Gu bheil sior dhuine ga d' mhealladh le dòchas.
 Gu bheil, etc.

"Le cridhe na foille,
 'S le còmhradh na doille;
 'S gu 'm fag e air dheireadh gun stór thu.
 'S gu 'm fag, etc.

"Ach ma thug thu do chùl ris,
 'S nach dean thu leis lubadh,
 Sin an cupan a ghiùlain sibh comhladh."
 Sin an cupan, etc.

'S chunnacas cupan am laimh-sa,
 Chaidh a thogail gun chaimein,
 'S thug mi stigh e gun aon deur a dhòrtadh.

MO ROGHAINN 'S MO RUN.



Mo roghainn 's mo rùn a chunna mi 'n dé,
 Gu 'n taghainn dhomh fhéin gun stòras i,
 Mo roghainn 's mo rùn a chunna mi 'n dé.

Latha dhomh 's mi falbh nan gleanntaibh,
 'S trom a mheall an ceò orm.
 Mo roghainn, etc.

Latha dhomh 's mi falbh nam fuarbheann,
Thachair a' ghruagach bhòidheach orm.
Mo roghainn, etc.

Thug mi i gu enochdain grianach;
'S dh' iarr mi 'n iasad pòig oirre.
Mo roghainn, etc.

Chrom i ceann 's gu 'n d' ghabh i àrdan,
Tàmailte gu leòir oirre.
Mo roghainn, etc.

Labhair i 's i gabhail rium mi-thlachd,
" 'N ann a chur sios ri m' bheò orm ?
Mo roghainn, etc.

" Ged thigeadh fear-fearainn, cha tréiginn mo leannan.
Na 'n tugadh e geallaidean pòsaidh dhomh.
Mo roghainn, etc.

" Ged thigeadh a triùir, cha ghabhainn h-aon diùbh,
'S do litir, a rùin, am phòc' agam.
Mo roghainn, etc.

" Thug mise mo luaidh do dh' fhear a' chuil-ruaidh,
'N uair chunna mi suas a' mhòintich e.
Mo roghainn, etc.

" Thug mise mo ghràdh do dh-fhear a' chuil-bhàin,
Bidh locar a's täl, a's òrd aige.
Mo roghainn, etc.

" Ach ma 's fear thu tha air mo thi-sa,
Ruirg an tìr an còir dhomh bhi.
Mo roghainn, etc.

" Faigh toil m' athar a's mo mhàthar,
Cead mo chàirdean, 's còrdaidh sinn."
Mo roghainn, etc.

“ Gur guirme do shùil na mhil air an driùchd—
 Thug mise mo rùn, 's cha neònach e.
 Mo roghainn, etc.

“ Bu deirge do ghruaidh, na subhag nam bruach—
 Thug mise mo luaidh, 's mi górách, dhuit.
 Mo roghainn, etc.

“ Bu dubh a ceann, bu dearg a gruaidh,
 Bu lurach a snuadh, 's bu bhòidheach i.''
 Mo roghainn, etc.

O R A N.

MU BHATA 'CHAIDH DO DH-EIRINN A DH IARRAIDH UISGE-BHEATHA ;
 AGUS AIR DO 'N SGIOBAIR LOL AIR TIR AIR SON UISGE, CHUNNACAS
 AN *Cutter* A' TIGHINN AGUS B' EIGINN TEICHEADH 'S AN SGIOBAIR
 'FHAGAIL.

Mo thruaigh léir thu, ille bhuidhe,
 'S ann an diugh tha 'n déigh ḥrt.
 Mo thruaigh léir thu, ille bhuidhe !

— Chuir sinn croinn 's a bhàta
 Dà là mu 'n d' fhàg sinn Eirinn.
 Mo thruaigh, etc.

Chuir sinn na croinn ùr innt,
 'S gu 'n d' fhuair sinn smùid na déigh leinn.
 Mo thruaigh, etc.

Cutteran a's gàidsearan,
 Ga 'r sàrachadh le chéile,
 Mo thruaigh, etc.

Fùdar 's luaidhe Shasunnach
 Toirt farum air a déile.
 Mo thruaigh, etc.

Thog si a cur ream
 Ana am Belfast an t-eon

Thog si a cur ream
 Anna d'm a gheartach []

N.B.I. 114.

— Bha sinn 's a' Chuan-iar leatha,
 Mu'n d' rinn a' ghrian ach éirigh.
 Mo thruaigh, etc.

'N uair a dh' at an fhairge,
 'S i'n "Earbag" a bha treubhach.
 Mo thruaigh, etc.

An "Earbag" 's i cho dionach
 Ri botal fion a's céir air.
 Mo thruaigh, etc.

— Seachad Maol na h-Oa,
 Gun d' ol sinn air a chéile.
 Mo thruaigh, etc.

— Dh' ol sinn slaint' an sgiobair
 Nach robh idir anns an eisdeachd.
 Mo thruaigh, etc.

— Dh' ol sinn buaidh do'n bhàta
 Thug sàbhailt' sinn á Eirinn.
 Mo thruaigh, etc.

Bha uisce 's clacha-meallainn ann,
 A's *canvas* g'a reubadh.
 Mo thruaigh, etc.

— Seachad Caisteal Duairt leath',
 Gu'n robh ar turas réidh leinn.
 Mo thruaigh, etc.

— Bha sinn an Loch-Alainn
 Mu'n d' rinn ach páirt dhiubh éirigh.
 Mo thruaigh, etc.

SORAIDH SLAN DO 'N AILLEAGAN. ✓

Oran do Dhotair Ailean Mac' Illeathain as an Ros Mhuileach, uair a bha e 'dol air chuairt do 'n Eilean Sgiathanach agus a chaidh cunnart bàthaidh air.

LE DOMHNULL MAC' ILLEATHAIN.

SEISD :—Soraidh slàn do 'n àilleagan,

Soraidh slàn do 'n àilleagan,

A ghluais an iùs an ràidhe bhuainn;

Mo dhùrachd thu thigh'nn sàbhailte

Gu fàilteachais do dhuthcha.

Tha iondrainn anns an àite ort,

'S gur fhada leinn bho 'n dh'fhàg thu sinn—

'S e dotaир ruadh nam blàth shuilean,

Tha fiamh a's àilleachd diùc air.

Soraidh slàn, etc.

Gur bliadhna leinn gach seachdain

Bho 'n ghluais thu uainn do Thalasar;

Gun d' thàinig fuachd a's gaillionn oirnn,

'S gur fada leinn an ùine.

Soraidh slàn, etc.

Fhuair sinn sgeul bha duilich leinn,

An àm bhi fàgail Mhile dhuit,

Gun d' fhuair thu deuchainn chumhartach,

'S bu mhuladach sin dhùinne.

Soraidh slàn, etc.

B'e sud an sgeul bhiodh cràiteach leinn,

Na 'n eluinneainaid gu'n d' bhàthadh thu;

Tha m' inntinns' air a h-àrdachadh,

Bho 'n ràinig thu gun chùram.

Soraidh slàn, etc.

Cha bhiodh greim 's an fhearann so.

Tinneas cléibh no an-shocair,

Nach leighseadh tu le d' cheanalas,

'N uair thigeadh d' anail dlùth dhuinn.

Soraidh slàn, etc.

Bu lighiche bha sàr-mhath thu,
 'N uair dh' fheuchadh tu le d' lamhan sinn.
 Mar fhiadh a bhiodh air fanas *
 Bhiomaid slàn a dh-ionns' ar turna.
 Soraidh slàn, etc.

Gur meanglan d' an fhuil rioghail thu,
 Bu dosrach an àm cinntiùn i,
 'S ged tha i nis air crionadh,
 Ciod an ni air nach tig muthadh?
 Soraidh slàn, etc.

Gur mach thig eideadh Gàidh'lach ort,
 'S e ùr bho laimh nan tàilleirean,
 Mar ròsan ann an gàradh
 'S iad a' fàs an àm na dudlachd.
 Soraidh slàn, etc.

Do chalpanan deas, finealta.
 Air dheaibh a' bhradaidh fhior-uisge,
 Troidh chuimir am bròig dhionaich,
 'S e an sioda bhios ga 'dùnad.
 Soraidh slàn, etc.

Tha sealladh sèimh mar mhaighdinn ort,
 'S tha deanamh chruaidh an t-saighdear ort,
 Do chridhe mar an daoimean,
 Deanamh soillse measg gach cùinnidh.
 Soraidh slàn, etc.

Gur curaidh anns an tabaidh thu,
 Gur math thig airm an ceangal ort,
 'S claidheamh fo d' chrios tarsuing,
 Agus gunna 'n glaic nach diùltadh.
 Soraidh slàn, etc.

* A void space.

Na'm faighinn fhéin mar dh' òrdaichinn,
 Do rogha ceil' bhi pòsd' agad,
 A's oighreachd fhearaínn mhòr agad,
 'S ann dhòmh-sa nach biodh càram.
 Soraidh slàn, etc.

Bu chinnteach mi a àite dheth,
 Na 'm b' urrainn mi a phàigheadh duit,
 A's ged nach biodh am màl agam,
 Gu'm faighinn dàil a's ùine.
 Soraidh slàn, etc.

O R A N .



LEIS AN LIGHICHE MAC-LACHAINN, NACH MAIREANN.

Och ! òch ! mar tha mi's mi so'n am ònar,
 A' dol troimh 'n choill far an robh mi eòlach,
 Nach fhaigh mi àit' ann am fhearrann dùchais,
 Ged phàighinn crùn sir son leud mo bhròige.

Neo-bhinn an fhuaim leam a dhùisg á in' shuain mi,
 'S e 'tighin a nuas orm o chruaich na mòr-bheann,
 An ciobair gallda, 's cha chòrd a chainnt rium,
 E 'glaodhaich thall ri cù mall an dòlais.

Moch maduinn chéitein an àin dhomh éirigh,
 Cha cheòl air gheusan, no geum air mòintich,
 Ach sgreadail bhéisdean 's a' chànan Bheurla,
 Le coin' g an eiginneach 'cur féigh air fògar.

'N uair a chi mi na beanntan àrda,
 'S an fhearrann àigh 's an robh Fionn a chòmhnuidh.
 Cha 'n fhaic mi ann ach na caoraich bhàna,
 'S Goill gun àireamh 's a' h-uile còdhail.

Na glinn chiatach 's am faighteadh fiadhach—
 'M biodh coin air iallan aig gillean òga,
 Cha'n fhaic thu 'n diugh ann ach còlobair stiallach,
 'S gur duibhe 'mheuran na sgiath na ròcais.

Chaidh gach àbhaist a chur air fuadach,
 Cha chluinn thu gruagach ri duan no òran;
 Nach bochd an nì e gu n d'shearg ar n-uaislean,
 'S na balaich shuarach n' an àitean-còmhuidh
 'N uair a chi mi na lagain àluinn—
 A' h-uile h-àiridh 'dol fas le còinnich,
 Fo bhadain chaorach le 'n uain 'g an àrach,
 Cha'n fhaod mi ràdhtainn nach b'fhàidhe Tòmas. *

ORAN A' PHRIONNSA. ✓

LE ALASDAIR MAC MHAIGHSTIR ALASDAIR.

SEISD—Hug óho, laill óho,
 Hug óho ró 'n aill leibh
 Hug óho, laill óho,
 Seinn óho ró 'n aill leibh !

Moch 's a' mhadainn 's mi 'dùsgadh,
 'S mor mo shunnd 's mo cheol-gàire,
 Bho 'n a chuala mi 'm Prionnsa
 Thigh'nn a dhùthaich Chiann-Rànuill.
 Hug oho, etc.

Bho 'n a chuala, etc.,
 Gràinne-mullaich gach righ thu !
 Slàn gu 'n till thusa, Theàrlaich !
 Hug oho, etc.

* Faisneachd Thòmais':—

"Cuiridh a' chaora an soc as an talamh,
 Bidh meall òir am bun gach glinne—
 'S Albainn 'n a eriosan geala?"

Gràinne-mullaich, etc.,
 'S ann tha 'n fhior-fhuil gun trailleadh
 Anns a' ghruaidh is mor nàire!
 Hug oho, etc.

'S ann tha 'n fhior-fhuil, etc.
 Mar-ri barrachd na h-uaisle,
 'G éirigh suas le deadh nàdur.
 Hug oho, etc.

Mar-ri barrachd, etc.
 'S na 'n tigeadh tu rithist,
 Bhiodh gach tighearn 'n a àite.
 Hug oho, etc.

'S na 'n tigeadh, etc.
 'S na 'n càiricht' an crùn ort,
 Bu mhùirneach do chàirdean.
 Hug oho, etc.

'S na 'n càiricht', etc.
 Bhiodh Loch-iall mar bu chòir dha,
 'Cur an òrdugh nan Gàidheal.
 Hug oho, etc.

Bhiodh Loch-iall, etc.
 A's Clann-Dònuill a' chruadail,
 'Choisinn buaidh anns na blàraibh.
 Hug oho, etc.

A's Clann-Dònuill, etc.,
 'S iad a chumadh a' chòmh-strith
 Ri luchd chòtaichean màduir!
 Hug oho, etc.

'S iad a chumadh, etc.
 Sud a' chuideachd bhiodh foirmeil,
 Le boineid ghorm a's coc-ard innt'.
 Hug oho, etc.

Sud a' chuideachd, etc.

'S bhiodh am féile 's an fhasan,

Mar-ri gartana sgàrlaid.

Hug oho, etc.

'S bhiodh am féile, etc.

Feile-cuaich air bhae-easgaid,

Paidhir phiostral, 's lann Spàinteach.

Hug oho, etc.

Feile-cuaich, etc.

'S na m faighinn mo dhùrachd.

Bhiodh an Diue * air dhroch càramh !

Hug oho, etc.

'S na 'm faighinn, etc.

Gu 'm biodh "bùidseir" na feòla,

A's a' chòreach m' a bhràghad !

Hug oho, etc.

Gu 'm biodh "bùidseir," etc.,

A's gu 'n gibhtinn "a' mhàighdeann,"

Mar oighreachd d' a bhràthair !

Hug oho, etc.

A's gu 'n gibhtinn, etc.

Ach slàn gu 'n tig thu 's gu 'n ruig thu,

Slàn gu 'n tig thusa, Theàrlaich !

Hug oho, etc.

* Cumberland.

The following stanza, which has passed into a proverb, is said to have been originally the last verse of the song, *Thogainn fonn air lorg an fheidh*, which will be found at page 77.

Mar fhàdadibh teine fo loch,

Mar thiormachadh cloich an cuan,

Comhairle 'thoirt air mnaoi bhuirb—

Mar bhuill' úird air iarunn fuar.

BRATHAINN NAN STEUD. *



ORAN A RINNEADH DO MHAC-COINNICH BHRATHAINN 'N UAIR A

CHUM E COGADH RIS AN RIGH RE SHE BLIADHNA,

by Kenneth Mackenzie, Castle Leathar.

'S tu Brathainn nan steud, cathair mo cheum !

M' aighear an treud chalp-bhiorach !

Suaicheantas an Fhéidh, fuasgait' gu feum,

Mac-Coinnich nan sgéith balla-bhreac !

Slan iomradh dhuit fhéin, sith gu do cheum,

Seaforth an déigh ainmeachadh.

Bidh ceatharn le sùnnid, le h-aighear 's le mùirn,

'Caitheamh do chùirt ana-bharraich.

Gheibhteadh gu leòir, pailteas mu d' bhòrd,

Deoch de gach seòrsa dh' ainmichteadh—

Rum, portair a's beòir ; fion, branndaidh ri òl,

A chuireadh fir òg' fo mheannachd.

Gu'm bu mhiannach le diùc tachairt na d' chùirt ;

Gheibhteadh luchd-ciùil eanchainneach,

'N àm cromaидh do'n ghréin, teannachadh theud ;

Bhiodh farum aig beus dearbhte dhuit.

Min, socair i sluagh ; gun dìth thoirt do dhaoin'-uaisl' ;

Làdir, macanta, cruidh, feara-ghramail ;

'Chumadh taice ri'n taobh, 's cha bi ghlagaireachd chùl ;

'S ann leat gu'm bu diù cealgaireachd.

Dh' éireadh sud le mo rùn, fir Chinntàil' air do chùl

'S tric a choisinn sin cliù naimhdean duit.

Clann-an-Linnean nam buadh, 's tric a dh'iomain iad sluagh

Sud na fir a bha cruidh, ceannsgalach.

Sliochd Mhurchaidh-nan-corc, dh' éireadh iad leat,

'S cha chuireadh a' gheilt amaladh orr' ;

Fiùrana gasd', ùrail an neart ;

'N an dùsgadh, cha chaisg seanachas iad.

* Air in Celtic Monthly, XXI, p.120. (nb II-~~viii~~)

Who published his songs in 1792, where there are 17 verses.

An àm tarruing nam pic, ealamh 's an strith,
 Ghearradh iad cinn a's earballan ;
 Tlachd ri do thaobh, taic' ri do chùl,
 Sliochd Ruaridh bho Thùr Farabairne.

Cloinn-Ic-Rath air do sgàth, ghabhadh do phàirt,
 Nach athadh gu bràth a's fearg orra ;
 Fiughanta, deas ; ciùin nach leig leis,
 A shiùbhladh gu teth, ana-meinneach.
 'N uair shineadh iad crosd' chiteadh gun toirt,
 Cinn an air droch charabhairachd ;
 'S bhiodh naimhdean fo'm bonn, gun anam na'n com,
 Le mireadh nan sonn fara-bhuilleach.

Clann-Dòmhnuill an fhraoich 's leòir ri do thaobh ;
 Leòdaich maraon, a's fearg orra ;
 'N Asaint mu thuath, pailt' de dhaoine-uaisle,
 Cataich cha għluais clearbach leat.
 Tòisich nam mac òrdail am feachd—
 Sròl agus Cat earballach.
 Clann-Chatan na'm pic, a sgathadh 's an strith,
 'S a bheireadh fo chis dearganaich,

Iarla Chromba bho Leòid, 's foirmeil a sheòid,
 Foirfe 's an tòir thonna-bhuilleach ;
 A'n eireachdas slòigh, an ionairst a's dòigh,
 Gu ceannairceach cròc, loma-ruisgeach.
 An ám tarruing duit fhéin, fuasgait' gu feium,
 Fearail, gun léig, bhuaileadh iad ;
 'S bhiodh naimhdean 'n an réis dol as bhupa féin—
 'N an déigh gu réidh, luath-cheumnach !

Clann-Illeathain nam buadh ! gleidheir leat sluagh
 Sgatharra le tuar a' sealg orra,
 Le'n cuilbheirean gleusd', lom-lanna geur,
 Ghearradh gu treun fara-bhuillean ;

'S chitheadh na'n déigh, cuirp air droch ghréidh,
'N a'n cupail air feur gairisneach.

'S an cunnart cha téid maill' air an ceum—

'S gaisgich fo bhréid Albainn iad.

'S mòr d' onair 's do chliù an Lunainn 's a' chìurt;

Tuigs' ann an cuil cha'n shalaicheadh tu;

Dana, misneachail, ciùin, 's tu a thagradh gach cùis,

'S a sheasadh air taobh nan Albannach.

Bha thu gu d' chinne mar chrùn, ad chul-taic' 's ad cheann-
iuil

'S iomadh meangan deas, ùr a champadh leat;

Agus gille glan, òg, theid gu h-iomart le deòin,

'N uair thogteadh do chròc ri geala-bhrataich.

'S tu chum an tir gun bhi glact', iomadh bliadhna le d' neart;
Luchd nan casagan daitht' cha deargadh ort.

Fudar 's luaidh' gun airc, gunna gleusda 's lann ghlas,

Os cionn fèileadh nam pleat neo-airnmigeach.

Sàr cheann thu air feachd, 'chuir do naimhdean fo smachd;

'S do ghaisge 's do neart gu'n dhearrbhadh leat!—

Thoir mo shoraidh-sa null thar Chonain nan steall,

Gu Brathainn nam pios airgiodach.

AN TE SIN AIR A BHEIL MI'N GEALL.

An té sin air a bheil mi 'n geall.

Gruaidh mar chaorann dearg air chrann;

Cruinneag bhòidheach a' chùil duinn,

'Sgil' thu na sneachda nam beann.

Di-luain a għluais sinn ás an tir,

Leis a' cheilp 's bu mhòr a phris;

Ach mur leig sibh dhachaidh mi,

Bidh an tuath gun ni no geall.

An té sin, etc.

'N uair thog mi rithe na siùil bhàin,
 'S a ghlac mi 'n ailm ann am làimh,
 Thoisich i ri deanamh báir,
 'S i 'toirt làn ás bhos a's thall.

An té sin, etc.

'N uair thàinig m'uair aig an stiùir,
 Dearbh cha robh an fhaurge ciùin ;
 'S 'n uair a thug mi riut mo chùl,
 Shil mo shùilean mar an t-allt.

An té sin, etc.

'N uair a shéid e gu cruidh,
 B' éiginn domhsa dol a suas ;
 Cùram mòr nach till mi nuas,
 'Smaointinn air mo luaidh 's an àm.

An té sin, etc.

'N uair bhios mi '*reefad*h an t-siùil,
 Bidh na deòir a' ruith o m' shùil,
 A's eagal orm gu 'n tig fear ùr,
 Air mo chùl a ni mo chall.

An té sin, etc.

Na biodh cùram ort, a ghaoil,
 Ged a sheòlainn roimh na caoil ;
 Bidh an sgiobair air mo thaobh—
 'S e Mac-Ille-Mhaoil a th' ann.

An té sin, etc.

Na biodh cùram ort mu d' lòn,
 Ged a sheòlainn air luing mhòir,
 Théid i 'Ghrianaig fo 'cuid sheòl,
 'S théid am bròn a null 's a nall.

An té sin, etc.

Fhuair mi do litir Di-màirt,
 'S ro mhath dh' aithnich mi do làmh,
 'S mu'n do leugh mi dhi ach pàirt
 Dh' ol mi do dheoch slàint' 'n rum.
 An té sin, etc.

Ach na 'm bithinn-sa na 'm shaor,
 Dheanainn bàta shnàmhadh caoil,
 'Dhol a shealltainn air mo ghaol,
 Ged robh mhuir 'n a caoir 's an àm.
 An té sin, etc.

Gur h-ann gle mhoch air Di-luain
 A fhuair mi 'm *present* thar a' chuain—
 Prine-broillich 'bh' aig mo luaidh,
 'S dual de 'n ghruaig a bh' air a ceann.
 An té sin, etc.

Meoir is grinne 'thairgneas sgriob,
 Leis a' pheann ga 'chur a sios;
 Do litrichean gu'm faighinn fhìn,
 Anns na h-Innsean fada thall.
 An té sin, etc.

Feasgar foghar air Cnoc-àrd
 Air a' bhuan cha robh thu cearr;
 'N uair ghlacteadh coran leat ad làimh
 Dh' fhaodadh càch bhi deanamh bhann.
 An té sin, etc.

DOMHNULL AN DANNSAIR.

Dòmhnull an dannsair 's srann aige tighinn,
 Bidh lùb air a chrann 's gach ball an ruigheadh;
 'N uair gheibh thu 'n tigh *Anguis* dram no dithis,
 Gu'n gearradh tu *figure* air cabhsair.

Am bàta dubh, daraich a th' agad-sa daonnan,
 Cosnadh an arain ag aiseag nan daoine ;
 Cha 'n shan thu aig baile latha gaillinn no gaoithe,
 Gur coidheas leat faoilteach no sàmhradh !

Dòmhnull, etc.

Sgiobair gu stiùradh 's a shùil air an iarmait,
 'S i gearradh muir dhù-ghorm gu dùthaich na riaghailt ;
 'S e baile nam bùthan tha 'n iùrach ag iarraidh,
 Cho luath ris an fhiadh 's e 'n a dheann-ruith.

Dòmhnull, etc.

Ri brais' an t-sruth lionaidh gu sinteagach uallach,
 'N uair shéideadh am *breeze* oirre shineadh i guala ;
 Théid i gu direach gu tìr nan daoine uaisle,
 Ged shéideadh e cruidh ann an ceann oirre.

Dòmhnull, etc.

'N uair thog thu siùil bhàna rì bàrr a croinn chaola,
 Leumadh a's chrathadh i, 's ghabhadh i'n aodainn,
 Sgrogadh tu bhoineid da chromadh air d' aodan,
 'S tu 'gearan an t-aodach bhi gann oirr'.

Dòmhnull, etc.

'S e Mac-Ille-Dhuibh a fhuair urram a' chruadail,
 Sgoilteadh e 'm buinne na 'mheallaibh o 'cruachainn ;
 Seall sibh na luingeas air eagal am fuadach,
 A' suireach an Cluaidh fad a' gheamhraidh.

Dòmhnull, etc.

Thu tighinn gu seòlta 's tu eòlach 's na sgeirean,
 Tha cliù ort, a Dhòmhnuill, feadh chòrsaichean eile ;
 Do chombaist an òrdugh ga 'seòladh 's an deireadh,
 Ga 'd chumail bhar Eilean-nan-gamhna.

Dòmhnull, etc.

Do ghillean cho fileant gu *reefad* a h-aodaich,
 Ainmeanan bòidheach aid ròpanan caola ;
 'S ma 's e 's gu'n tig ceò ort ga 'seòladh roimh 'n chaolas,
 Bidh fear air gach taobh dhi le lanndair.

Dòmhnull, etc.

Tha uaislean a' bhaile so 'tighinn gu straiceil,
 Le 'm brataichean geala 's am bathar gu d' bhàta,
 A' phacaidh bheag Liosach 's i 'tighinn gu sàbhailt',
 Le im agus cais' gu Mac-Labhrainn.

Dòmhnull, etc.

'S e 'm fasan a bh' agad 'n uair bha thu 'n tus d' òige,
 Air tilleadh do Glaschu dhachaidh thar *vòge*.
 Dh' òladh tu uile do chuid san tigh-òsda,
 'S shuidheadh tu comhl' ri fear Gallda.

Dòmhnull, etc.

Tha balaich a' bhaile sò 'tachairt ort daonnan,
 Eagal nam *blackguardan* 's bail Ionar-aora ;
 Cha b' ioghnadh leam idir ged shéideadh tu caonnag,
 'N uair chi iad thu, laochain, 's an dràm ort.

Dòmhnull, etc.

ORAN DO BHOCHDAIBH NA RIOGHACHD.

LE CALUM CAIMBEUL MAC-PHAIL.

Tha bochdan na rioghachd fo bhinn a tha cruidh,
 Aig uachdarain tire, 's fo chls aig an t-sluagh :
 An deirc cha 'n fheud iad iarraidh 's an obair tha i gann,
 'S gun nì ach tigh nam bochd, 's b' fhearr bhi crocht' na bhi
 ann.

Tha Gàidhealtachd na h-Alba gu dearbh na 'h-aobhar bhròin,
 Far an robh na miltean do ghrinn ghillean òg,
 Sean daoine fiachail agus fial mhùathan coir,
 A's caileagan bu chùbhraidh na 'n drùchd air an lòn.

C'ait a bheil na daoine bha taobh nam beann àrd,
 Le beagan cruidh a's chaorach air raon mar a b' àbh'st?
 Nach diùltadh an deirce do 'n fheumnach na 'chàs,
 'S a bheireadh cuid na h-oidhche de chaoimhneas a's blàths.

Tha riaghlairean dùthcha mar stiùir aig an nàmh,
 A' cur air falbh nan laoch 's a' toirt chaorach na 'n àit;
 Gheibh Sasunnach na Beurla gach ni mar is àill,
 'S théid na Gàidheil a sgiùrsadh gu dùthchanan fàs.

'N uair thoisicheas an streupaíd thig feum air a' bhochd,
 Bidh daoin' uaisle ga 'n glaodhaich bhar aodann nan cnoc;
 Freagraidh mac-talla iad, "Cha'n eagal duibh 's a' chàs,
 A's pailteas chaoraich-maola ri aodann a' bhlàir!"

Commandairean ga'n stiùradh á dhùthaich nan Gall,
 Le casan fada, caola, a's corp goirid, fann;
 Sùil nach seasadh cruadal, a's gàirdean gun fheum,
 'S ma chuir sibh cùl ri Gàidheil, fhuair sibh caoraich 'n an
 déigh.

Bidh tighean mòr 'n an luaithre a's uaibhrich gun cheann,
 'S an teaghlaichean ga'n ruagadh bharr guaillibh nam beann;
 Oladh iad an leòir as gach tobar a ta geur
 A dh' fhosgail iad do 'n bhochd—bheir sinn deoch ás dhoibh
 féin.

Bha gàradh an *Eden* 's bu righ e thar chàich,
 Gus an d'thainig an nathair lùbach le cùmhnan tan bais;
 Thuit an sin a challaidean's bha 'mhillsearachd dhoibh geur,
 'S tha an nathair sin an tràs cur nan Gàidheil a's a chéil.

Ma their thu gu bheil mi cruaidh air daoin' uaisle an tràs,
 Tilg 's a' mhéidh-thomhais iad, a's mothaidh mar a tà;
 Mur 'eil eucoir a' snàmh thar ceartais a's ga 'bhàthadh
 Fuilingidh mi mo sgiùrsadh a dùthaich nan Gàidheal.

NA TEAMPULLAICH GHAIDHEALACH.

ORAN DO DH-FHARDAICH FHINN ANN AN GLASCHU.

LE EANRAIG MACILLEBHAIN.

AIR FONN :—*Biodh an deoch so 'n laimh mo rùin.*

SEISD.—Hó ro, chairdean, seinnibh ceòl,
 'S deanaibh iolach air gach seòl,
 Hó ro, chàirdean, seinnibh ceòl.

Togaibh fonn le piob 's le clàrsaich,
 'S deanaibh gàirdeachas gu mòr.
 Ho ro, chàirdean, etc.

Tha ar n-aobhar 'fàs gu làidir,
 Anns gach àite 's an Roinn-Eòrp'.
 Ho ro, chàirdean, etc.

'S i a' Ghaidhlig cainnt na Fàrdaich,
 'S tha i àluinn anns gach dòigh.
 Ho ro, chàirdean, etc.

'S i a' chànan bh'againn daonnan—
 Tha i aosda mar an ceò.
 Ho ro, chàirdean, etc.

Tha ar n-àireamh 'fàs gu lionmhor,
 Dh' ain-deoin mi-ruin agus gò.
 Ho ro, chàirdean, etc.

'S tric a dh' fheuchas iad ri'r slaodadh
 Dh'fhaighinn caochain 's an tigh-òsd'.
 Ho ro, chàirdean, etc.

Riabh cha robh sinn fann no diblidh,
 A's cha striochd sinn ðhaibh ri'r beò.
 Ho ro, chàirdean, etc.

Seasaidh sinn gu duineil, làidir,
'S cha bhi nàire oirnn ni's mò.

Ho ro, chàirdean, etc.

Chaoideh cha strìochd sinn do luchd mi-ruin
Ged a nì iad fanoid oirnn.

Ho ro, chàirdean, etc.

Bhi deanamh dhaoine stuama, fiachail,
'S e air 'n iarrtas a's ar deòin.

Ho ro, chàirdean, etc.

Feuchaidh sinn ri daoine 'theàrnadh,
Tha na 'n tràillean aig an ol.

Ho ro, chàirdean, etc.

'N uair a gheibh sinn iad d'ar Fàrdaich
Bidh sinn càirdeil riù gach lò.

Ho ro, chàirdean, etc.

ORAN NAM FASAN.

LE DOMHNULL MAC-RUAIRIDH.

AIR FONN :—*Cumha Chailein Ghlinn-Iubhair.*

ordan

'S tiom dhomh teannadh ri m' òran
A chur ann an òrdugh,
A dh' innseadh cho pròiseil,
'S a tha òigridh na tir'.
'S beag an t-ioghnadh luchd-òrduigh
A bhi 'gearan an còmhnuidh.
Air na h-adaj/chean cònlach,
Oir tha mòran dhiubh innt'.
Tha luchd-teagaaisg an àite,
A' toirt ruith air an càineadh,
Aig cho beag 's a tha nàir annt,
'S mar a chnàmh iad an tir;

Ged bhiodh airgiod a' chrùin ac'
 Gu'n cuireadh iad ümp' e
 Ann arp fasanan ùra,
 'S aobhar thurs' bhi 'g a lnns'.

Ged a theannainn ri àireamh
 Na h-uile fasain' tha'n drasd' ac,
 Bho nach d' ionnsaich mi *Grammar*,
 Cha dean Gàidhlig a' chuis,
 Air na h-ainmeanan neònach
 A tha 'n duigh aig an öigridh
 Air na h-eididhean bòidheach,

Tha ga'n còmhdach as ùr :
 Bidh *parinn* air an guailibh,
 'S *pelisse* mu na cruachain, *ean chonachan*
 'S *frills* eil' ac' air fhuraigheal
 A' dol mu'n cuairt aig a' ghlùin,
 Bidh *elastic* 's na brògan,
 'S *cordovan* anns a' chòr dhiubh ;
 Le'n cuid sgàileanan bòidheach
 A' còmhdach an sùl.

Sud na fasanan mealltach
 Thàinig h-ugainn bhar Galldachd ;
 Uiread cléibh air a' cheann ac',
 'S cnota teann uime 'shiod.
 Le'n cuid aodaichean uachdair,
 'S beag a chumas de'n fhuachd diubh ;
Double skirt air an cruachaín,
 Co 's uallaich' na sibh !
 Mar gu'm faiceadh tu bàta
 Bhiodh a' tighinn thar sàile, *bhar*
 Bhiodh am peak air a theàrnadh
 A' tigh'nn a mhàin thun a' chroinn.

Reef 's an *tack* ac' gun fhuasgladh,
 'S iad a' coiseachd gu h-uallach,
 Le'n cuid phutanan suaicheant',
 Feuch am buair iad fear eili.

buaig

Sud na maighdeanan guanach,
 Bhios a' casad an gruaige,
 Agus *pad* air a shuaineadh

guanach
casadh

An lagan cruaidh chùl an cinn.

Le'n cuid adajchean neònach
 Sios a' falach an sròine,

An dèis an cur ann an òrdugh,
 Gu bòidheach le siod'.

'S iad a thionnd'as gu h-uallach
 Ma bhios fleasgach ri 'n guallainn,
 Feuch an dean iad a bhuaireadh,

O, mo thruigheagan sibh !
 Ged a dheanadh tu 'm pòsadh,
 'S doirbh an cumail an òrdugh,
 'S nach dean iad car dòigheil

Gus an òl iad an *tea*.

Sud an *tea* rinn an aimlisp
 Bho 'n là thàinig i dh' Alba,

O'n a

'S beag a chunnaic ar seana-mhathair
 Dhi, gu dearbha, r'a linn.

'S leibh, gu cinnteach, ro shearbh i,
 Tha i 'goid uainn an airgid.

leibh

'S mur-a sguir sibh dhe h-eanruich
 'S ann a mharbhas i sibh.

Ged a gheibheadh sibh pàiste,
 Cha 'n urrainn duibh 'àrach,

Bithidh ur cridhe ga 'fhàsgadh
 Leis a' chnàmh a tha innt'.

sibh

Gheibh sibh botul an uair sin,
 'S plob a dh-*Indian* suas ann,
 'S beag an t-iòghnadh an sluagh sin
 A bhi, mo thruaighe, gun chli !

Ma thig cogadh no cruadal,
 'S olc an urra 'n càs cruaigh iad,
 Bidh an naimhdean an uachdar,
 Bho 'n chaill an sluagh ud an clì.
 Bho nach deachaidh an àrach
 Leis a' chich aig am màthair,
 Cha bhi tapadh no tàbhachd,
 Anns an àl ud 'n àm strìth.
 'S beag an t-iòghnadh na truaghain,
 A bhi gun ghaisge gun chruadal,
 Bho 'n a chreachadh an tuath-cheatharn,
 'S a thugadh uatha gach ni.
 'S nach 'eil sion a bhios sùghmhòr,
 No 'chinneas 's an dùthaich,
 Nach toir soitheach na smùide,
 An ceann gach üin' as an tir !

Variationes in M.T., III. 19.

NA TULAICHEAN. ✓

SEISD.—Bho Thulaichean gu Bealaichean,
 'S bho Bhealaichean gu Tulaichean ;
 'S mur faigh sinn leann 's na Tulaichean,
 Gu'n òl sinn uisce Bhealaichean.

Bu Ghriogarach da-rìreadh,
 A Ruadh-shruth an Gleann-liobhann,
 A rinn an ceòl tha riomhach,
 Ris 'n canar leinn "Na Tulaichean."

B' ann an Tigh-na sràide
 A thug iag ionnsaidh bhàis air,
 'S mur bitheadh e ro làdir,
 Bha ochdnar nàmh ro mhurach air.

Ach labhair Iain Dubh Gearr riuth'—
 "Bha mi anns a' cheàrdaich,*
 'S cha chrom mi sios mo cheann duibh,
 Ged thionndadh sibh uile rium."

'N sin bhuail iad uil' air còmhla,
 'S ged bha Iain Dubh 'n a ònar,
 Cha b' ann d' am buannachd tòiseach—
 Bha fuil mu shròin a' h-uile fir !

'S 'n uair thaig e suas a gheur-lann,
 'S a dh' ioc e mheud 's a dh' éibh e,
 Thug e 'n sin Srath-Spè air,
 'S bha té ann a chuir furan air.

Chuir iad cuideachd làdir
 An deigh Iain Duibh Mhic Phàdraig,
 'S 'n uair shaoil leò e bhi 'n sàs ac'
 'S e 'm bàs a bh' air a chumadh dhaibh.

Oir thàinig fios an uaigneas
 Do 'n t-sabhal, 's e 'n a shuain ann—
 "Tog ort, Iain Duibh, 's bi 'gluasad,
 'S thoir as cho luath 's is urrainn duit!"

'S e thuirt a leannan ceutach—
 "A ghaoil, cuir ort ! bi treunmhòr,
 A's dhuit bidh mise feumail,
 Oir éiridh mi ga d' chuideachadh.

"Thoir uidheam dhomh gu sùrdail,
 A's lionaidh mi gu dlùth dhuit,
 'N sin cumsa, 'ghraidh, do chùl rium,
 'S do shùil air a' h-uile fear."

* Alluding to his being armed.

Sheall e cia lion a bh' ann diubh,
 M' an rachadh e g' an ionnsaidh—
 Bha dà fhear dheug a's ceannard,
 Cho teann air 's a b' urrainn daibh.

Chum e riù a' bhòtach,
 'S bha Iseabal ga 'cliòmhnnadh.
 Cha do thar iad gus an eòlas,
 'S ann leòn e gu h-ullamh iad.

Gheàrr e leum gu h-aotrom,
 G' an ionnsaidh agus fraoch air;
 Cha d' fhág e ceann air h-aon diubh,
 " Thoirt sgéil air an turas ud.

Mo bheannachd air an t-sealgair!
 Annad chuirinn earbsa!
 'S tu rinn an gniomh neo-clearbach;
 'S tu dhearbh a bhi urramach!

Thuirt Iain Dubh, 's e 'tionndadh—
 " Bho 'n rinn mi 'n gniomh bha shannt orm,
 Ghaoil, grad thoir deoch d'an leann domh,
 'S gu'n danns mi 'Na Tulaichean.' "

Their breitheamhna na tire,
 Ma labhras iad an fhìrinn—
 " De n' thig de cheol á fidhlean
 'S e 's rìgh dhiubh 'Na Tulaichean.' "

Tha "Tulach-gorm" a's "Seann-triubh's"
 Ro ainmeil 's an àm so;
 A's ged a tha, cha samhl' iad
 Do m' annsachd, "Na Tulaichean."

Ge math a' "Chutach-chaol-dubh,"
 'S gach ceòl a ta ri fhaotainn,
 Cha tig iad mar fhad glaoide
 Do m' ghaol sa, "Na Tulaichean."

B' e 'n t-aighear a's an t-éibhneas,
 'N am cruinneachadh r'a chéile,
 'N uair chluinneamaid na teudan
 Ga 'n gleusadh do "Na Tulaichean."

Air féilibh no aig bainnsean,
 'N uair théid an deoch 'n an ceann-san,
 Gu'n éirich fonn air seann daoin'
 A dhannsadh "Nan Tulaichean."

Na 'm bithinn mar bu ghnàth leam,
 'S Mac-Ailpein a bhi làmh riùm,
 Bu bhinn leam bhi ga 'chlàisteachd,
 'N uair thàradh air "Na Tulaichean."

Ged tha mi leth-chiad bliadhna,
 'S mo chiabhanan air liathadh,
 Cha tugainn fèin mo bhriathran,
 Nach iarrainn "Na Tulaichean."

Bho Thulaichean gu Bealaichean,
 'S bho Bhealaichean gu Tulaichean ;
 'S mur faigh sinn leann 's na Tulaichean,
 Gu'n òl sinn uisge Bhealaichean.

ORAN.*

21. Tha ghaoth 'n Iar cho caithreamach,
 Gu'n d' chùm i 'n raoir am chaithris mi.
 A' smuaintean air na fearaibh sin—
 'S mo mhile beannachd leò !
 A' smuaintean air na, etc.

Ceud soiridh leis na bràithribh sin,
 An cliù 's an nì 's an saoibhireachd ;
 Air mhile bonn cha 'n' àich'ainn-sa.
 Nach b'iad mo ghràdh na seoid.
 Air mhile bonn, etc.

* Air in Albyn's Anthology.

Ceud soiridh leis na bràithribh sin,
 A dh'fhalbh an dé mu'n tràth so uainn.
 Bha Ailein a's bha Rà'ull ann,
 'S ur faicinn slàn gu leòir
 Bha Ailein, etc.

22. Ceud soiridh do'n triall chùramach,
 A dh' fhalbh leis an triall Mhùideartach ;
 Ach thusa, Righ, bhi 'd stiùramaich,
 Air chùlaobh nam fear òg !
 Ach thusa, Righ, etc.

20 Bha oighre Chaisteil-tioraim ann ;
 Gu'm b'fhoighneachdach luchd-ionaid ort !
 'S e sùgh na feòla mire
 Bha ri sileadh ann ad phòir.
 'S e sùgh na feola, etc.

9. —Thig cléoc' de'n t-sioda Spàinneach ort,
 'S na ginidhean 'g am páigheadh air,
 Mu chom 's gun mheang ri àireamh air,
 Ach àilleachd anns gach dòigh.
 Mu chom, etc.

'S tu sealgair féidh am beanntanan,
 An àrd 's an iosal ghleanntanan ;
 Gur uasal brigh do linnteanan ; *shianntan*
 'S tu'n crann a dh' fhàs gun bhòsd
 Gur uasal, etc.

15. Nàmhaid geòidh a's cathain thu,
 Ròin mhaol ri taobh na flathadh thu :
 Bidh 'n dòran-donn an tathunn leat,
 'S bidh abhag air a lorg.
 Bidh 'n dòran, etc.

⊗ e.e. Allan MacDonald of Clanranald and his brother Ronald as they left South Uist for Sherrifmuir (Kill. MSS.).

'S ann dh'fhoighnich a' bhean-sheinnse dhiom,
 Gu furanach 's gu foighneachdach,
 'Na cò'n duin'-uasal loinneil ud,
 'S e 'cur a choimhneis oirnn.'

No cò 'n duin', etc.

Duine smearail, suaire~~is~~ thu,
 Ged thug each Iain-dubh-na-h-uamha ort ;
 Bu tric an comunn uaislean thu,
 Gach uair 'n uair bhiodh tu 'g òl,
 Bu tric an comunn, etc.

'N àm suidh' anns an tigh-sheinnse dhuit,
 Cha chuirn gun cheòl a phàigheadh tu,
 Ach cluich a's ceòl a's gàireachdaich,
 A's geàrrachas mu'n bhòrd.
 Ach cluich a's, etc.

Ol gu sunndach, suigearnach,
 Gun sproc, gun ghruaim, gun bhruiigireachd ;
 Cha stòp a għlaodħainn idir dhuit.
 Ach pige mar-ri còrn.
 Cha stòp a, etc.

16. 'S beag ioghnadh thu bhi àillgheasach—
 Gur rioghail am mac Gàidheil thu ;
 'S ionadh teaghlaich stàtail
 'M bi do shlainteachan 'g an òl.
 'S ionadh teaghlaich, etc.

10 — Thig na h-airm gu h-ionalta,
 Air feileadh geàrr an ioma-chuir,
 Lann tana, gorm, geur, guinideach,
 'S iad fulangach gu leoīr.
 Lann tana, geur, etc.

2. - Ma chaidh thu null thar linnichean,
 Gu 'm bu slàn a chì mi thu !
 Fear chuil-dualaich, shniomhanaich ;
 'S ann leat bu mhiann bhi mòr.
 Fear chuil, etc.

3. - Bu mhiann leat eathar sniomhanach,
 Druim fada 's guaillean dionach,
 Togail suas a's diobradh ann,
 A chiosnaicheadh muir mhòr.
 Togail suas, etc.

4. - Sgiobadh làdir, fhurachair,
 Nach gabhadh fiadh san ruinigil,
 A chumadh air bhàrr tuinne i,
 Cheart aindeoin cur a's ceò.
 A chumadh air, etc.

8. Bu chùmta sios ad bhallaibh thu ;
 Thig triubhas caol an teannadh ort,
 Brog mhìn, dhubh air a teannachadh,
 Mu'n troidh nach gearain leòn,
 Brog mhìn, etc.

Fear sugach, saighdeach, leannanach,
 Nach d' fhòghluim a bhi aineolach ;
 Bu chùirteir am measg chaileag thu,
 'S bu mhaith leat bhi 'n an còir.
 Bu chùirteir, etc.

17. 'S beag ioghnadh sin ged thachair e,
 'S tu geal-mhac ùr nam macannan—
 Leoghann treubhach, tartarach ;
 Ceud oighre Lachainn òig.
 Leoghann treubhach, etc.

AILEIN DUINN, SHIUBHLAINN LEAT, ✓

ORAN LE NIGHEAN FIR SCALPAIDH ANNS NA II-EARRADH.

Gur-a mise th' air mo sgaradh !

Cha'n e sùgradh 'nochd th' air m' aire.

SEISD.—Ailein duinn ò-hì, shiubhlainn leat,

I ri-ri-ri-ibh-ò-hio-hlùg-dirinn-ò.

Ailein duinn ò-hì, shiubhlainn leat,

Cha'n e sùgradh 'nochd th'air m'aire,

Ach storm nan sianta 's meud na gaillinn,

Ailein duinn, etc.

Ach stoirm nan sianta, etc.,

Dh'fhuadaicheadh na fir o'n chala.

Ailein duinn, etc.

Dh'fhuadaicheadh, etc.,

Ailein duinn, a luaidh nan leannan.

Ailein duinn, etc.

Ailein duinn, etc.,

Chuala mi gu'n deach' thu thairis.

Ailein duinn, etc.

Chuala mi gu'n, etc.

Air a' bhàta chaol, dhubbh, dharaich.

Ailein duinn, etc.

Air a' bàta, etc.

'S gun deach' thu air tir am Manainn.

Ailein duinn, etc.

Gu'n deach' thu, etc.,

Cha b'e sud mo rogha cala.

Ailein duinn, etc.

cf. NB II.120; Maidheachdan Firinneach, II.29);

TGS I, XXVII. 394; CM II.429, 378.

Cha b'e sud, etc.,
 Ach caolas Stiadair anns na h-Earradh,
 Ailein duinn, etc.

Ach caolas Stiadair, etc.,
 No Loch Mhiabhag anns na beannaibh.
 Ailein duinn, etc.

Ailein duinn, a Iaoih mo chéille,
 Gur-a h-òg a thug mi spéis dhuit.
 Ailein duinn, etc.

Gur-a h-òg, etc.,
 'S ann an nochd is bochd mo sgeula.
 Ailein duinn, etc.

'S ann an nochd, etc.,
 Cha 'n e bàs a' chruidh 's an fhéisidh.
 Ailein duinn, etc.

Cha 'n e bàs, etc.,
 Ach a fhliuichead 's tha do léine.
 Ailein duinn, etc.

Ach a fhliuichead, etc.,
 'S muca-mara 'bhi ga d' reubadh.
 Ailein duinn, etc.

'S muca-mara, etc.
 Ged bu leamsa buaile spréidhe.
 Ailein duinn, etc.

Ged bu leamsa, etc.,
 'S ann an nochd bu bheag mo spéis di.
 Ailein duinn, etc.

'S ann an nochd, etc.,
 'S mi nach iarradh caochladh céile,
 Ailein duinn, etc.

'S mi nach iarradh, etc.,
 B' anns' bhi leat air mullach sléibhe.
 Ailein duinn, etc.

Ailein duinn, a chill 's a nàire !
 Chuala mi gu'n deach' do bhàthadh.
 Ailein duinn, etc.

Chuala mi gu'n deach', etc.,
 Gur-a truagh nach mi bha làmh riut.
 Ailein duinn, etc.

Gur-a truagh, etc.,
 Ge b'e sgeir no bogh' an tràigh thu.
 Ailein duinn, etc.

Ge b'e sgeir, etc.,
 Ge b'e tiurr' am fàg an làn thu.
 Ailein duinn, etc.

Ge b'e tiurr' am fàg, etc.
 Dh' olainn deoch ge b'oile le m' chàirdibh.
 Ailein duinn, etc.

Dh' olainn deoch, etc.,
 Cha b' ann a dh-fhion dearg na Spàinne.
 Ailein duinn, etc.

Cha b'ann a dh-fhion, etc.
 Ach a dh-fhuil do chuim, 's i b'fhearr leam.
 Ailein duinn, etc.

O gu'm pàigheadh Dia do d' anam,
 Na fhuair mi dhe d' chòmhradh falaich.
 Ailein duinn, etc.

Na fhuair mi, etc.,
 Na fhuair mi dhe d' chuid gun cheannach.
 Ailein duinn, etc.

Na fhuair mi, etc.
 Piosan dhe an t-sioda bhallach,
 Ailein duinn, etc.
 Piosan dhe an, etc.,
 Ged nach téid e'm feum ri m' mhaireann.
 Ailein duinn, etc.
 Ged nach téid e 'm feum, etc.
 M' achanaich-sa, Righ na Cathrach.
 Ailein duinn, etc.
 M' achanaich-sa, etc.
 Gun mi 'dhol an ùir no 'n anart.
 Ailein duinn, etc.
 Gun mi 'dol, etc.,
 'N talamh-toll no 'n aite falaich.
 Ailein duinn, etc.
 'N talamh-toll, etc.,
 Ach 's a' bhall an deach' thu, Ailein.
 Ailein duinn, etc.
 Ach 's a' bhall, etc.
 Gur-a mise th' air mo sgaradh !
 Ailein duinn ò-hì, shiubhlainn leat,
 I-ri-ri-ri-ibh-ò-hio-hùg oirinn-ò,
 Ailein duinn ò-hì, shiubhlainn leat.

MAIRI OG. ✓

LE PARAIG CAIMBEUL (PARAIG MOR ARD-SEILE), SEALGAIR-
 FHIADH A B' FHEARR A BH' ANN R'A LINN.

E, hó-ró gur tù mo rùn;
 Thug mi gaol 's cha b' aithreach leam ;
 Mo cheist nlonag a' chuil duinn ;
 'S toigh leam shin mo Mhàiri òg.*
 * His favourite gun.

* 1733-1816. Fought at Minden - capt. in 42nd. 6 ft 4 in.
 Buried at Coomys cemetery, Fort William. - Celtic Monthly, V. 207.
 Author of "Thogaimh form air long an fhéidh".

Gur-a mise tha gu tinn,
 'M bothan beag a's mi leam fhin,
 Gun mheigead goibhre no mein—
 'S mòr an t-ioghnadh mi bhi beò.
 E, ho ro, etc.

Gur-a mise tha so mhulad,
 'M bothan beag an cois na tuinne;
 B' fheàrr a bhi mar bha mi 'n uiridh,
 'S a' ghleann mhullaich am bi 'n ceò.
 E, ho ro, etc.

Gleann na sithne! gleann an fhéidh!
 Gleann nan uaislean 's nam fear treum!
 'N uair a rachadh tu air ghleus,
 Gu'm biodh mac-na-h-éild' fo leòn.
 E, ho ro, etc.

Dh' fhalbh do mhathair 's chaochail d' athair,
 'S cha 'n 'eil do chairdean ri 'm faighinn;
 'S "ged tha mi gun chrodh, gun aighean,"
 Mo chion-falaich Màiri òg!
 E, ho ro, etc.

Cha 'n 'eil duin'-uasal a th' ann,
 Eadar Nis a's Loch-nan-ceall,
 Nach bi 'maoidheadh air mo cheann,
 Chionn bhi 'n geall air Màiri òig.
 E, ho ro, etc.

Cha 'n 'eil uasal no fear-fearainn
 Eadar Müideart 's ceann Loch-Carthuinn
 Nach 'eil an déigh air mo leannan—
 Siùl a' mheallaидh Màiri òg!
 E, ho ro, etc.

Ged bu leamsa 'n nighean ruadh—
 Nighean Impire 'n taoibh tuath,*
 'S mòr gu'm b'anns' bhi sìnte suas,
 Air druim a' chuain le Màiri òig.
 E, ho ro, etc.

Ged bu leamsa 'n nighean bhan,
 Le buaile chruidh, a's le 'cuid àil,
 'S mòr gu'm b' anns' a bhi mar thà,
 'S a bhi 'n gràdh le Màiri òig.
 E, ho ro, etc.

A bhean-na-bainnse, tog do ghruaim,
 'S fhada leam a tha thu 'd shuain;
 Thoir Gleann-a-màilibh ort a suas,
 'S bheir thu fuaim air damh nan cròc.
 E, ho ro, etc.

'N uair a dhireas mi 's a' mhadainn,
 Gu Gleann-a-cama-dhoire bharraich,
 Bidh mo ghunna caol fo m' achlais,
 'S damh nan cabar bidh fo leòn.
 E, ho ro, etc.

'N uair a theid mi 'chur nan lòn,
 'S coimhdheas leatha muir a's tir;
 Coma leam co bhios 's an luib,
 Ach an rìbhinn Màiri òg.
 E, ho ro, etc.

Mur biodh dhomh bhaintighearna bhàn,
 Nighean oighre fir mo ghràidh,
 Bheirinn sgrìob a sios gun dàil
 'Ghleann-a-màilibh am bi 'n ceò.
 E, ho ro, etc.

* A Russian gun.

ORAN

DO MHNAOI-UASAIL OIG GHайдHEALAICH, AGUS I 'TIGHINN
DACHAIDH A SASUNN A PHOSADH.

Le Iain Caimbeul, anns an Leideig.

Nàile, 's i mo ghaol-sa 'n ribhinn
'Thill air ais gu tìr a sinnsear;
Bha 'n fhuil Ghaidh'lach 'ruith gu diomhair,
'G iarraidh dh' ionnsaidh fraoch nam fior-bheann. ...
'G iarraidh dh' ionnsaidh sneachd nan àrd-bheann,
'S creagan corrach tìr a' chàirdeis.
Ged tha cluaintean Shasuinn àillidh
'S mòr gu'm b'fhearr bhi 'measg nan Gàidheal.
'S iomadh buaidh tha, luaidh, riut sinte—
Buaidhean nach gabh dhomhsa innseadh ;
Buaidhean pearsa, buaidhean inntinn ;
Buaidhean nach gabh luaidh no sgrìobhadh.
Nàdur fiachail, fialaidh, finealt,
Ann am pearsa chuimir, dhùrich ;
Cridhe blàth, le gràdh air llionadh,
'S caoimhneas tlàth do dh-àrd 's do dh-ìosal.
'S iomadh là bho 'n shuidh do shluagh-sa
An Airdmhucnais chais nan stuadhan ;
'S Diarmaid féin le 'shleagh 's le 'armachd
'Sealg nan torc feedh chnoc na Garbhaird.
'N eala bhàn ri guileag bòidheach,
Air an loch 'toirt dhuit a còmhdhail ;
'S Meadarloch 's Muc-càrna còmhladh
Deanamh gàirdeachais rì d' phòsadh !
Taing do'n shear thug nuas air làimh thu,
'S ghoid á Sasunn flùr cho àillidh ;
'S mòr am beud gun thu bhi làmh rium,
'S luchd do dhùthcha 'n geall gach là ort.

Nis gu'n guidh sinn dhuitse 's dhàsan,
 Làithean fada 's sonas àghmhòr—
 Sliochd do shliochd a bhi 's an àite,
 'S oighreachd d' aithrichean 'bhi fàs leat !

ORAN



DO IAIN DOMHNULLACH, MAC IAIN, MHIC SHEUMAIS.

Le 'Mhuime, Nic-Còiseam.

A mhic Iain, mhic Sheumais,
 Tha do sgeul air m' aire.
 Air fara-lai leò, air fara-lai leò.

Là blàr a' chéidhe,
 Bha feum air mo leanabh.

Hi-ò hiri-ibhò hi-éileadh
 Hi-ò-hiri-ibhò rò-o hao-o
 Chall éileadh-ò hiri òho-hi-oho.

La blàr a' chéidhe, etc.
 Air fara-lai-leò, etc.

La blàr na feithe,
 Bha do léine ballach.
 Hi-ò-hiri-ibhò, etc.

La blàr na féithe, etc.
 Air fara-lai-leò, etc.

Bha fuil do chuirp uasail
 Air uachdar an fhearainn.
 Hi-ò-hiri-ibhò, etc.

Bha fuil do chuirp uasail, etc.
 Air fara-lai-leò, etc.

Bha fuil do chuirp chàraidh
 A' drùghadh troimh 'n anart.
 Hi-ò-hiri-ibhò, etc.

Bha fuil do chuirp chàraidh, etc.
 Air fara-lai-leò, etc.

Bha mi féin 'g a sùghadh,
 Gus 'n a thùch air m' anail.
 Hi-ò-hiri-ibhò, etc.

Bha mi féin 'g a sùghadh, etc.
 Air fara-lai-leò, etc.

Bha 'n t-saighead 'n a spreol
 An corp seòlta na gloine.
 Hi-ò-hiri-ibhò, etc.

Bha 'n t-saighead 'n a spreol, etc.
 Air fara-lai-leò, etc.

'S cha do ghabh thu 'm bristeadh
 Lamh leigeadh na fala.
 Hi-ò-hiri-ibhò, etc.

'S cha do ghabh thu 'm bristeadh, etc.
 Air fara-lai-leò, etc.

- Bho'n là thug thu 'n cuan ort,
 Bha gruaim air no beannaibh.
 Hi-ò-hiri-ibhò, etc.

Bho'n là thug thu 'n cuan ort, etc.
 Air fara-lai-leò, etc.

smal - Bha snidh' air na speuraibh,
 'S bha na reulta galach. *'g am galach*
 Hi-ò-hiri-ibhò, etc.

Bha snidh' air na speuraibh, etc.
Air fara-lai-leò, etc.

Bha 'n raineach a' ruadhadh,
'S bha 'n luachair gun bharrach,
Hi-ò-hiri-ibhò, etc.

Bha 'n raineach a' ruadhach, etc.
Air fara-lai-leò, etc.

'Se mac' Mu mhac Iain, mhic Sheumais,
Duine treubhach, smearail.
Hi-ò-hiri-ibhò, etc.

Mu mhac Iain, mhic Sheumais, etc.
Air fara-lai-leò, etc.

Gruaidh ruiteach na féile
eibhléag Mar éibhil 'g a garadh.
Hi-ò-hiri-ibhò, etc.

Gruaidh ruiteach na féile, etc.
Air fara-lai-leò, etc.

Cha 'n eagal leam dith dhuit,
Ach sioban ga d' dhalladh.
Hi-ò-hiri-ibhò, etc.

Cha 'n eagal leam dith dhuit, etc.
Air fara-lai-leò, etc.

Anns an eilein iosal,
Eadar Niall a's Ailein.
Hi-ò-hiri-ibhò, etc.

Anns an eilein iosal, etc.
Air fara-lai-leò, etc.

Anns an eilein fhuaraidh,
Gun luachair gun bharrach.
Hi-ò-hiri-ibhò, etc.

* Bu cheannard roimh obhagh thu id maoisimh thio cinisil.
Le cluicheannadh genn conasadh 's dé! cha d'fhearradh sgàrr' ior.
Chon ràiradh tu chluasaig agha chuisin am li gaineamh.

- Anns an eilein fhuaraidh, etc.
 Air fara-lai-leò, etc.
- Na'm biodh agam curach,
 Gu'n cuirinn air chuan i.
 Hi-ò-hiri-ibhò, etc.
- Na'm biodh agam curach, etc.
 Air fara-lai-leò, etc.
- A's gille math turuis
 'Bhiodh furachail uaithe.
 Hi-ò-hiri-ibhò, etc.
- A's gille math turuis,
 Air fara-lai-leò, etc.
- Feuch am faighinn naigheachd
 Air mac an duin' uasail.
 Hi-ò-hiri-ibhò, etc.
- Feuch am faighinn naigheachd, etc.
 Air fara-lai-leò, etc.
- Na'm faighinn beachd sgeul'
 Air ògh' Sheumais a' chruadail.
 Hi-ò-hiri-ibhò, etc.
- Na'm faighinn beachd sgeul', etc.
 Air fara-lai-leò, etc.
- 'S càirdeach a Righ Leoghais,
 Mo leoghann glan, uasal.
 Hi-ò-hiri-ibhò, etc.
- 'S càirdeach a Righ Leoghais, etc.
 Aîr fara-lai-leò, etc.
- Mac-Leoid anns na h-Earradh,
 'G e caraid e 's fuar e.
 Hi-ò-hiri-ibhò, etc.

MacLeod anns na h-Earradh,
Air fara-lai-leò, etc.

'S càirdeach tha mo leanabh,
'Shiol Ailein Mhic-Ruairidh.
Hi-ò-hiri-ibhò, etc.

'S a mhic Iain, mhic Sheumais,
Tha do sgeul air m' aire.
Hi-ò-hiri-ibhò-hi-éileadh, etc.

ORAN DO NA FASAIN,

LE DOMHNULL MAC-RUAIRIDH.

AIR FONN :—*Moladh Beinn-dorain.*

URLAR.

Tha solus aig *Miss Laing*,
Anns na seomraichibh,
Maighdeanan ro ghrinn
Aice 'còmhnuidh annt ;
Cnap an cùl a cinn,
Cnot uime de 'n t-siod'—
Fasan 'thug i 'n tir so,
'S cha bhòidheach e.
'S mòr gu 'm b' annsa cir,
'S car uimpe de stiom,
Currac air an cinn,
'S e bu bhòidhche leam.
'S ann is coltach sibh,
Ri maighdeanan Lìt'
'H-uile te ri strìth
Co is leomaiche ;
Seacaid de 'n t-siota
Mar chomhdach orr'
Ginidh ann am pris,
Mu'n cairear i uimp',

Creachaidh iad an tir so
 Le'n góraiche.
 Comhairl' bheirinn fhin,
 Air na h-óganaich—
 Gun iad a bhith strith,
 Ris an t-seòrs' ud dhiubh.
 'S goirt a bhios an cinn,
 Mur faigh iad an *tea*;
 B' fhearr a bhi 's a' chill
 Na bhi pòsda riuth'.

SIUBHAL.

Na maighdeanan luideach,
 Le 'n trusganaibh neònach,
 'S e fasan gun tlachd
 A tha aca ga 'n cómhdach';
 Bidh *tunic* m'an cruachainn,
 A's bearnan a suas as,
 'S com eil' as air fhuaigheal
 'Tha fuathasach neònach.
 Le'n cais'eart *elastic*
 A' sròiceadh 's a' sracadh,
 'S ann dh' fheumas iad *carpet*
 Bhi aca fo 'm brògaibh.
 Ma fhliuchar an casan,
 Bidh cnatan gu leòr orr';
 Co 's urrainn an cumail,
 'S iad uile cho pròiseil?
 Cha 'n eil stàth dhomh bhi 'g inns',
 Mar a dh' fhàg iad an tir so;
 Le fasain ro riomhach
 Gu'n mhìll iad a stòras—
 An t-aodach 's a' chais'eart
 A chleachd sinn o'r n-òige.

Tha 'n inntinn air għluasad,
 A mach thar nan cuantan,
 Gu Galldachd 's an uair,
 Far am buannaich iad stòras.
 'S ann a sheobladh iad thairis
 Far robh Fionn o chionn tamuill,
 A dh' Eilean na meala,
 'S e fearann na h-òige.
 Far an cnuasaich iad barrachd
 'S a mhairesas ri'm beò dhaibh.
 Gheobh iad uachdaran fearainn,
 'Chumas suas iad ri 'm maireann,
 'G am bi spréidh agus earras—
 Sud barail nan leòmag.

URLAR.

Tha maighdeanan 's an tìr so
 Tha mòrchuiseach,
 Tha *dessert* a dhith
 Air gu leòir aca ;
 'S rud anns am bi brigh,
 'Bhios aca le *tea* ;
 Cha 'n éirich iad tràth,
 Cha tig e ri 'n càil,
 Fuireach anns a' bhlàths,
 Sud a chòrdadh riuth'.
 'S mòr an t-aobhar truais.
 Mar tha cuid de 'n t-sluagh,
 Nis air cinntinn suas,
 Ann an stròdhàlachd.
 Fasain bha 's an Fhraing
 Air tighinn a nall ;
 Bidh *Soiree* 's an àm,
 Air gach còdhail ac'.
 Cha dean brochan méig

Feum an aite *tea*;
 'S mòr an t-aobhar spid
 A thé dh' òlas e.
 B' fhéarr dhaibh brochan càil
 'Ghabhail 's a' mhios Mhàirt,
 'S e bheireadh dhaibh slàint
 Fad an beò-laithibh—
 Dh' fhàgadh fallain, fuasgailteach,
 Ogail iad;
 Fulangach air fuachd,
 Muigh an àm na buan',
 Ged bhiodh sneachda suas
 Mu na dòrnaibh ac'.
 Sin agad a' bhuaidh
 A bha air an t-sluagh
 Bho'n a chinn iad suas—
 Cha robh pròis annta.

AN CRUNLUATH.

Cloinn-nighean anns an fhearann so,
 'S b'e 'n t-amadan gun eolas
 A theannadh riuth' ri leannanachd,
 No mhealladh gin de'n t-seorsa.
 Tha 'n inntinnean cho aralach
 'S nach urrainn duibh an anagladh
 Bidh fuachd n an druim gun charuchadh
 A' gearain air an còmhdaich,
 Cha 'n éirich iad ach aindeonach,
 Mur cuir thu *tea an* tarraig dhaibh,
 A thogas fuachd na maidne dhiubh
 Mu'n ceangail iad an còta.
 Gu'n cum iad cnàmhan-teallaich riut,
 Ag innseadh mar tha'n aimbeartas,
 'S a mheud 's a th' orra dh' anshocair,
 Le ghainhead 's a tha 'n stòras.

Ged leanainn air an ealaín dhaibh,
 Fhad 's 'bhithinn air an talamh so,
 Cha 'n innsinn trian de'n aimbeartas
 Tha 'n ceangal ris a' phòr ud.

DO'N CHUTHAIG. ✓

LEIS AN LIGHICHE MAG-LACHAINN NACH MAIREANN.

Fait' ort féin, a chuthag ghorm,
 Le d' oran ceolmhor, milis ;
 'S e seirm do bheoil 's a' chéitein og
 A thogadh bron o m' chridhe.

'S ro bhinn leam d' fhuaim 's a' mhadainn chéit',
 'S tu air bàrr géig 's an innis,
 No 'm feasgar ciùin aig bun nan stùc
 'N uair bhiodh an drúchd a' sileadh.

O, innis c' àit' an robh do thriall
 'N uair bha na siantan fionnar ;
 N' an robh thu 'tosd gun chàil, gun toirt,
 An còs a' chnuic fo dhubhar ?

'S mor m' fharmad riut, a chuathag chaomh,
 Cha dean thu bron 'n ad shiubhal ;
 Chionn tha do dhoire daonnan gorm,
 'S do chridhe daonnan subhach.

Ged theicreas tu roimh 'n fhuachd air àm,
 Gu'm faic do ghleann thu rithist ;
 Ach 'n uair bheir mise ris mo chùl,
 Cha bhi mo dhùil ri tilleadh.

'S truagh nach b' urrainn domh leat triall
 Air astar sgiath' 'n ar dithis—
 Le caismeachd bhinn 'toirt fios gach àm
 'N uair bhiodh an Samhradh 'tighinn.

ORAN.

AIR FONN :—“*Coille Chragaidh.*”

LEIS AN LIGHICHE MAC-LACHAINN NACH MAIREANN.

Nis o 'n chaidh an sgoth 'n a h-uidheam,
 Suidheam air a h-ùrlar ;
 Cuiribh oigear seolta, sgairteil,
 Do Chloinn-Airt g' a stiùradh ;
 Nall am botal, lion an copan,
 Olamaid le dùrachd
 Deoch-slàinte gach creutair bochd
 'Tha 'n diugh fo sprochd 's an dùthaich.

Sìudaibh illean, càiribh rithe,
 Bithibh cridheil, sunndach ;
 Thugaibh làmh gu h-ealamh, dàn'
 Air cur an àird' a siùil rithe ;
 Na biodh cùram oirbh, no eagal,
 Seasamaid ar cursa ;
 Ruigidh sinn gu cala sàbhailt',
 Ged is dàn an ionnsaidh.

Chaidh sinn seachd air a' Ghràtar
 Ged a b' àrd a bhùirich ;
 Ged a bha Bun-dubh cho gàbhaidh
 Ràinig sinn a nunn air ;
 'Dol seachad Sòi, Righ, bu mhòr
 An crònan bh' aig na sùighean ;
 'S e mo ghrádh an stiùradh grinn,
 Nach leigeadh mill g' ar n-ionnsaidh.

Nunn do Mhuile, nunn do Mhuile,
 Nunn do Mhuile théid i ;
 Nunn do Mhuile air bàrr tuinne
 Ged robh mhuir a' beucaich.

x = Omagh in Donegal.

'S mi tha sunndach air a h-ùrlar,
 Air bàrr stùigh ag éirigh;
 Mo ghràdh an iùbhrach làidir, dhùbailt',
 'S na fir lùthmhòr, ghleusda !

O R A N.

AIR FONN:—"O nighean donn nan gabhar."

LEIS AN LIGHICHE MAC-LACHAINN NACH MAIREANN.

Ged a tha mi 'n nochd 's a' chòisridh
 Maille ri fleasgaichean bòsdail,
 'S nionagan cho riomhach, spòrsail,
 Le sioda 's le srol a' danns—

Nionagan cho riomhach, stràiceil,
 'S beag a chuir mi dh' ùigh 'n an àbhachd ;
 'S mòr gu'm b' annsa leam 'bhi 'mànran
 Riut, a ghràidh, air sgàth an tùim.

'S mòr gu'm b' annsa leam bhi 'sugradh
 Leis an nionaig chaoin-ghil, chùil-duibh,
 Anns an doire 'n goir an smùdan—
 Bun an stùic air ùrlar glinn.

Chi mi pailteas deoch 'g a taomadh—
 Fion a's branndai 's brigh a' chaochain,
 B' annsa leamsa uisg' an aonaich
 Bho d' làimh chaoimh aig taobh an uillt.

'S ann a bhòdhras iad le 'n ceòl mi—
 Piob, a's fidhléireachd, a's bòilich ;
 'S mòr bu bhinne leam do chòmhradh,
 'S d' òrana 'bu mhòdhar fuinn.

'S ann leam fhéin bu bhinne chòisridh
 Anns a' mhaduinn chéitin, cheòthar—
 Uiseagan os cionn nan lòintean,
 Smeòraichean air meòir 's a' choill,

Crodh a' nuallanaich 's a' geumnaich,
 Laoigh a' ruithteis, a's a' leumnaich—
 Buachaillean a' ruaig a chéile,
 A' cumail an treud ud cruinn.

Sud an ceol is binne chualas,
 Luinneag foil aig bannal ghruagach,
 Ag iomain a' chruidh-laoigh do 'n bhuaille—
 Cuach a's buarach air an druim.

Mo leannan fhein 'n an teis-meadhoin,
 'Seinn an orain cheol-mhoir, mhilis,—
 Anail chùbhraidh, deud is gile,
 Anns a' bheul is grinne ponc.

Lasadh mo chridhe le gràdh dhuit
 'N uair a nochdadhu air fàireadh,
 'S tu cho geal ro cobhar sàile,
 'Tighinn gu tràigh air bhàrr na tuinn.

Ged a thug mi ré a' Gheamhraidh
 Air na sràidean anns a' Ghalldachd,
 Bidh mi 'triall an tùs an t-Samhraidh
 'Shealltann m' annsachd anns na glinn.

Théid mi 'shealltann air an ainnir
 'N uair a thriallas uainn an t-Earrach ;
 Leam bu taitneach suidhe mar riut,
 Mo làmh tharad, 's mi riut teann.

Leam bu taitneach suidhe làmh riut
 Ann am bhreacan air an àiridh,
 Ag eisdeachd ri d' chòmhradh màlda—
 Bhiodh mo làmh fo d' leadan donn.

AM MINISTEIR 'S AM BAILLIDH. ✓

Le Donnachadh Mac-Dhunléibhe.

Am Ministeir 's am Bàillidh,
 Am Bàillidh 's am Ministeir;
 Ged 's truagh rinn orm am Bàillidh,
 'S e shàraich mi am Ministeir.

Diciadain rinn sinn gluasad,
 Bha ghaoth bho'n tuath mar shireadhmaid;
 Thachair Bean Rob Ruaidh* oirnn,
 'S gu'n d' thug i 'Chluaidh a thiota sinn.

Am Ministeir, etc.

'Dol seachad sraid *Jamaica*,
 Cha chluinnt ach Beurla sin aca;
 Bha buidealan ga'n teumadh,
 'S chuir sinn r'a cheile sgillinnean.

Am Ministeir, etc.

'Dol seachad air an *Trongate*,
 Bha *fun* ac' oirnn nach ruithemid;
 Gach fear a's muc air ròp aige,
 Gu'm b' olc an *drobh* ri'n iomain iad.

Am Ministeir, etc.

'N uair thomhais mi Diluain i,
 Cha robh mo dhuais ach meadhonach;
 Cha b' urrainn i bhi buadhar,
 Cha d' fhuair mi ach aon *ghini* oirre.

Am Ministeir, etc.

Illean, bithibh sunndach,
 'S na biodh cùram idir oirbh;
 Ge d' chaill sinn air a' *bhùidseir*,
 Tha cùinneadh 's na h-igheanan.

Am Ministeir, etc.

* Steamer, "Helen M'Gregor."

'N uair chaidh sinn do 'n tigh-òsda,
 'S a thòisich òl nan siolachan,
 Bha Eoghan toileach còrdadh
 'S gun phòsadhbh a bhi idir ann.

Am Ministeir, etc.

Thuirt Donnachadh "Bidh sinn *clear* 's iad,
 'S 'n an lionain cha riobar sinn;
 Gu'm b' fhearr leam nighean clobair,
 Ged cheannaichinn fhin na riobainean."

Am Ministeir, etc.

'Dol seachad Cill-a-chiaran,
 'S e h-aon 's a' chiad a ruitheadh e;
 'S ged' gheibhinn's a bhi 'm Iarla,
 Cha'n iarrainn dol a rithist ann.

Am Ministeir, etc.

Ma bheir mi pòg do nionaig,
 'S gu'n innsear sud do'n Mhinisteir,
 Gu'm féum mi urras làidir,
 Gu bràth nach dean mi rithist e.

Am Ministeir, etc.

'N uair chaidh mi stigh do'n t-searmoin,
 Chuir iad an àird air spiris mi,
 'S gur mise fhuair mo léireadh,
 Le teanga gheur a' Mhinisteir.

Am Ministeir, etc.

Tha'n rìgh a' tighinn do'n dùthaich,
 'S mo dhùrachds' gu'n tigeadh e,
 'S an ceann a thoirt de'n Bhàillidh,
 'S am bàs a thoirt do'n Mhinisteir.

Am Ministeir, etc.

AIR A' GHILLE THA MO RUN.

SEISD :—Air a' ghille tha mo rùn,
 Tha mo rùn air a' ghille ;
 Bho'n a thug thu ri um do chùl,
 B'e mo dhùrachd thu thilleadh.

'S ann a fhuair thu d' àrach òg,
 'N Apainn bòidheach nan gillean ;
 'S beag an t-ioghn' thu dh' eirigh suas,
 Ann an uaisle 's an grinneas.

Air a' ghille, etc.

'S meanglan thu d'an chraobh nach lùb,
 Gur tu fiuran do chinnich ;
 Leathanaich nach lùb 's an streup,
 'S cha 'n 'eil beum air a' ghille.

Air a' ghille, etc.

Falt do chinn tha dualach, dlùth,
 D' anail cubhraidh, ro mhilis ;
 Dà shùil mheallach, chorragh, chiuin,
 'S tu mo rùn de na gillean !

Air a' ghille, etc.

'S ro-mhath thig sud do mo rùn,
 Boineid dhù-ghorm a's iteag ;
 Féileadh preasnach nam ball dlùth,
 Claidheamh-cùil agus biodag.

Air a' ghille, etc.

Tha thu ro-mhath air an t-sliabh,
 Thoirt nan eun bharr na h-iteig ;
 Gunna dubh a leagadh fiadh,
 'S earbag riabhach an firich.

Air a' ghille, etc.

'N uair a rachadh tu 'n tigh-òsd',
 'S tu nach sòradh an gini;
 Bhiodh na botail air a' bhòrd,
 Càch ga 'n òl, 's thu ga'n sireadh.
 Air a' ghille, etc.

'S ann am Muile nam beann fuar,
 Tha mo luaidh de na gillean;
 Dh' aithnichinn thu 'measg an t-sluaigh,
 Leis na h-naislean a' tighinn.
 Air a' ghille, etc.

Feasgar Nollaig 'dòl gu bàl,
 Loisg a's chràidh sud mo chridhe;
 Gach fear le nionag aig' air làimh,
 'S fear mo ghràidh-sa gun tilleadh.
 Air a' ghille, etc.

'S'd é mo theid thu do'n taobh tuath,
 Gu'm bu luath ni thu tilleadh;
 Tha na nionagan an gruaim,
 Bho nach d' fhuair iad an gille.
 Air a' ghille, etc.

Gu bheil m' inntinn-sa cho trom,
 Ro luing mhoir air bheag sgiobaiddh;
 Bho'n a dh'fhalbh an gille donn,
 'Thogadh fonn air mo chridhe.
 Air a' ghille, etc.

Their mo mhàthair riùm gach uair,
 "Eirich suas 's tog do mhisneach;
 Ged 'tha 'n gille fada uait,
 Cha bhi gruaim air 'n uair thig e."
 Air a' ghille, etc.

'S tric mo shùil thar a' chuain,
Feuch 'd é'n taobh ni thu tighinn ;
'S ged a chi mi gillean òg,
Cha tog bròn bharr mo chridhe.
Air a' ghille, etc.

'S ann am Muile nam beann àrd,
Tho mo ghràdh de na gillean ;
'S ged nach d' thug thu dhomh do làmh,
Do dheoch-slàinte cha tillinn.
Air a' ghille, etc.

O R A N.

LE UILLEAM MAC-A-GHOBHUA.

Thug mi greis ann an armait Dheòrsa,
A mach air m' eòlas am measg nan Dù-Ghall ;
Bheir mi nis greis eil' air gòraich',
Air siubhal mòintich a's dìreadh stùc-bheann.

Och mar tha mi 's mi 'siubhal fàsaich,
A's damh na cràice air cur a chùl rium ;
Nach bochd mo chàrambh 's mi nochd gun fhàrdaich,
'S ged théid mi 'n àiridh, cha 'n 'eil mo rùn ann !

'S moch an diugh a rinn mi éirigh,
Ach 's moiche dh'fheumainn mur bithinn ciùrrta ;
'S e mac na h-éilde, le 'langan éibhinn,
Ag iasraidh céile, a rinn mo dhùsgadh.

Och mar tha mi, etc.

Tha mo chaileag 'dol a phosadh
Fear gun eòlas, le mòran cùinnidh ;
'S e dh'fhàg mi deurach i bhi 'g a h-éigeach,
Le lagh na cléire, 'n a céile ùmaidh.

Och mar tha mi, etc.

Nach cuimir, bòidheach a' chruinneag chòmhlnard,
 'S i dol an òrdugh gu stòl a' phùsaidh!
 'S i toil a càirdean a rinn i 'n dràsta—
 Na'n robh mi làmh rith' cha d'rinn i 'n cùmhnant!
 Och mar tha mi, etc.

Ach 's truagh nach robh mi 's mo leannan dualach,
 'S a' bhadan uaine 's an goir an smùdan;
 'S an doire luachrach 's 'am biodh an ruadh-bhoc,
 'S am fraoch m'an cuairt duinn 'n a dhualaibh dùghorm
 Och mar tha mi, etc.

O R A N

LE DOMHNULL ORRA, AN ILE.

AIR FONN :—*Posda ceangailte trath.*

Thug mi mo cheist duit mar chéile,
 Cha'n àicheadh'nn mo spéis duit gu bràth ;
 Cha ghabhain an saoghal 's do threigsinn,
 Na'n tugadh tu fhéin domh do làmh.
 Na'm faighinn le h-òrdugh na cléir' thu,
 Cha'n fharraidiinn spreigh leat gu bràth,
 Gu'm b'fhéarr leam gun pheighinn domh fhéin thu,
 Na mòran le té 'bhiodh gun stath.

Do chalpa deas, cumachdail, dùmhail,
 Troidlh chuimir air ùrlar 's air sràid ;
 Ban-damnsair tha sgiobalta, lùghmhòr,
 'S gu'n cois'neadh i cliù anns gach bàl ;
 Le feobhas do bheus a's do ghiùlain,
 Gu'n d'rinn thu mo lùbadh gu làr ;
 'S gur iomadh gill' òg anns an dùthaich,
 A dh'fhaodadh a' chuis so a ràdh.

'S tu ainnir nan ròs-ghruaidhean daithte ;
 'S tu òigh an fhuilt bhachalaich, thlàith,
 Gu h-anlgach, deanachdach caiste,
 'S gu'n gléidh e an dealt air a bhàrr.
 Do sheang chorp cumachdail, banail ;
 Gur gil' thu na canach a' chàrr,
 'S cha'n fhaodadh an rìgh bhi gun leannan,
 'S tu bhi an àit' aithnichte dha.

Dà ghorm-shuil' mheallaich ad aodann,
 Fo'n mhala chiùin, aobhach is àill',
 Do ghruaidh'n cho dearg ris na caorainn,
 Do bhilean mar mhaoth-ròs fo bhlàth ;
 Gu'n d' thug mi de cheist a's de ghràdh duit,
 Gu'n cuirinn an saoghal ad phàirt,
 Gu'n reicinn mo chridhe cho saor riut,
 'S a gheibheadh tu maorach 's an tràigh.

'S i ghruagach a thaghainn mar chéile,
 Té urramach, bheusach, gun sgàth,
 A dh' fhuaigheadh, a sgriobhadh, 's a leughadh,
 'S a chumadh mo leintein an àird ;
 Té sheasadh a gealladh gu dìleas,
 'S nach tréigeadh an nì bhiodh i 'g ràdh,
 'S cha'n iarrainn a leannain bhi lionmhòr,
 Air eagal a lionadh le stràic.

Cha'n aithne dhomh eron ort r'a innseadh :
 Cha ghabhadh tu diteadh le bàrd ;
 Cha bhiodh ann ach toibheum dha strìth ris—
 Cur fodha na firinn le tàir.
 'S tu 's boidlche bha riabh anns an rìogh'chd so,
 'S cha téid thu air di-chuimhn' gu bràth,
 'S gur onair am feasda do dh-Ile.
 Do leithid de ribhinn ann dh'has !

CHUIR IAD AN T-SUIL A PILOT. ✓

Chuir iad an t-suil á Pilot bàn,
 Chuir iad an t-suil á Pilot;
 Chuir iad an t-suil á Pilot bochd,
 'S gun fhios ciod an lochd a rinn e.

Diol mo chuid mulan aig mucan a' chùbair,
 Chuir iad 'n an smùid an raoir iad!
 'S beag a bha fhios a'm gu'n robh iad 's an dùthaich
 Fhad 's a bha 'n t-suil am Pilot.

Ghleidheadh e dhomhsa 'n gàradh-càil,
 Gu là bho'n chromadh an duibhre;
Policeman riabh cha robh aig na Goill
 Cho math ris air faireadh na h-oidheche.

Ged théid mo do m' leaba cha'n fhaigh mi lochd cadail,
 Le balaich a' bhaile 's an oidhche;
 Ach dh'fhaodadh na suirichean fuireach aig baile,
 Mur dalladh a' chaire mo Philot.

Saoil sibh fhéine nach bu neo-bhanail,
 Am buill' thug a' chaile le foill dha?
 Gur maирg gill' òg 'g an leannan a' bhéisd,
 Bho'n chuir i bho fheum mo Philot.

'S ged a bhithinn-se tamul air chuan,
 Gun tighinn gu uair na h-oidhche,
 Ruigeadh tu 'n cladach a's gheobhadh tu mi,
 Ged rachainn air tìr an Haighnis.

Bha mo chuilein-se ro-mhath air fuadach,
 Chuireadh e suas ri beinn iad;
 Bho chùl an tighe gu'm falbhadh e siùblach,
 'S ruigeadh e Tùr-an-t-saighdeir.

Chuir mi *petition* a dh-ionnsaidh na Ban-righ
 A dh'innseadh mar thachair do Philot,
 'S thuirt i gu'n cuireadh i *gini* am dhòrn,
 A chuireadh sùil òir am Pilot.

ORAN GAOIL.

SEISD :—Horionn ò, hì rì,
 Hùg éile, hó ró,
 Horionn ò, hì rì.

Tha mo chion air an ogbhean
 'Thainig oirnne thar linnean—
 Reult aillidh nan oighean,
 Ann am boidh'chead 's an grinneas !
 Horionn o, etc.

Reult aillidh nan oighean,
 Ann am boidh' chead 's an grinneas !
 Slios mar shneachd air an t-sleibhe,
 Ri là greine air ghilead .

Horionn o, etc.

Slios mar shneachd, etc.
 Beul is deirge na 'n ròs aic',
 Gruaidh is boidh'che na 'n t-siris.
 Horionn o, etc.

Beul is deirge, etc.
 Deud geal is glan 'dluth—
 Tha d' anail chubhraiddh ro mhilis.
 Horionn o, etc.

Deud geal, etc.
 'S cha mhise 'chiad oigear
 'Rinn thu 'leon anns a' chridhe.
 Horionn o, etc.

Cha mhise, etc.

Le d' ionhaigh 's le d'bheusan,
'S ionadh cend thà fo thiomadh.

Horionn o, etc.

Le d'iomhaigh, etc.

'S fearr an ceol leam do chomhradh,
Na'n smeorach air bhinneas.

Horionn o, etc.

'S fearr an ceol, etc.

Troidh chruinn am broig chomhnaird,
Nach dean feoirnein a mhilleadh,

Horionn o, etc.

Troidh chruinn, etc.

Gur luthor i 's t-seomar,
'N am ceol 'thoirt o'n fhidhill.

Horionn o, etc.

Gur luthor, etc.

Tha mais' ann ad aodann
Nach faodar a thilleadh.

Horionn o, etc.

Tha mais', etc.

Co sheallas fo'n ghirein air,
Nach caill a leirsinn car mionaid!

Horionn o, etc.

Co sheallas, etc.

Tha mise gun storas
Le goraich mo chinnidh.

Horionn o, etc.

Tha mise, etc.

Dh'fhag sud mi ri m'bheo
Fo throm leon a's fo thiomadh—

Horionn o, etc.

Dh'fhag sud, etc.

Nach faod mi bhi lamh riut,
Le d' mhanran 's le d' mhireadh.

Horionn o, etc.

Nach faod mi, etc.

Cha 'n 'eil agams' a dhànanachd
An drast dol ad shireadh;

Horionn o, etc.

Cha 'n 'eil, etc.

Ach na'm faighinn coir sgrìobhте
Air an rioghachd gu 'h-ionmall,

Horionn o, etc.

Ach na'm faighinn, etc.

Gu'm bu bhan-righ Catriona,
An ribhinn is grinne!

Horionn ò hì rì,

Hùg éile, hó ró,

Horionn ò, hì rì.

BHI GA'N CUIMHNEACHADH 'S GA'N IONDRAINN.

Bhi ga'n cuimhneachadh 's ga'n iondrainn,

Na fir ùr a dh'fhalbh thar sàile;

Bhi ga'n cuimhneachadh 's ga'n iondrainn.

'S ann Di-luan a dh' fhalbh na fleasgaich,

'S a ghabh iad an cead d'an càirdean;

'S gu'm b'i sud a' chuideachd rioghail;

B'onair iad do'n tìr a dh'fhàg iad.

Bhi ga'n cuimhneachadh, etc.

'S gu'm b'i sud, etc.
 Caipin Donnachadh, mac Mhic-Dhùghail,
 Leis an d'fhalbh na fiùran àluinn,
 Bhi ga'n cuimhneachadh, etc.

Caipin Donnachadh, etc.
 'S na'm bu mhac thu mar an t-athair,
 Dheanadh tu'n toirt dachaidh sàbhailt.
 Bhi ga'n cuimhneachadh, etc.

'S na'm bu mhac, etc.
 'S bhiodh tu gléidh teach air do dhaoine,
 'S cha b' chùis fhaoin an toirt bho d' lamhan.
 Bhi ga'n cuimhneachadh, etc.

'S bhiodh tu gléidh teach, etc.
 'S o'n 's e Donnachadh lamh bu chruaidhe,
 'S tric a fhuair e buaidh air nàmhaid,
 Bhi ga'n cuimhneachadh, etc.

'S o'n 's e Donnachadh, etc.
 'S tric a fhuair e buaidh le onair—
 'S ann tha cothrom aig an dràst oirr',
 Bhi ga'n cuimhneachadh, etc.

'S tric a fhuair e buaidh, etc.
 Le chuid ghillean sgairteil, gleusda,
 Làdir, reubhairteach, neo-sgàthach.
 Bhi ga'n cuimhneachadh, etc.

Le chuid ghillean, etc.
 Théid iad uile deas 'n an tarraing,
 Grad mar dhealanach gu làmhach.
 Bhi ga'n cuimhneachadh, etc.

Théid iad uile, etc.
 'S geal an claidheamh 's an erios-guaille—
 Dh'éireadh buaidh le sluagh mo ghràidh-sa!
 Bhi ga'n cuimhneachadh, etc.

'S geal an claidheamh, etc.
 Anns a' h-uile càs a's cunnart,
 'S mòr an t-urram fhuair na Gàidheil.
 Bhi ga'n cuimhneachadh, etc.

Anns a' h-uile càs, etc.
 Dh'fhàgadh iad na Goill gu h-iosal,
 Cuid 'n an sùneadh 's air am màgan.
 Bhi ga'n cuimhneachadh, etc.

Dh' fhàgadh iad na Goill, etc.
 Ogh' Iain Chiar a bha 'n Dun-olla,
 Rachadh togarrach 's na blàraibh.
 Bhi ga'n cuimhneachadh, etc.

Ogh' Iain Chiar, etc.
 'S iomadh fear a laidh 's nach d' éirich,
 Dh'innseadh sgéil an déigh do làimb-sa.
 Bhi ga'n cuimhneachadh, etc.

'S iomadh fear a laidh, etc.
 'S b' ann diubh 'n robair ruadh bha 'n Eirinn ;
 Chuir thu ceann na béisd 's a 'mhàileid.
 Bhi ga'n cuimhneachadh, etc.

'S b' ann diubh 'n robair, etc.
 'S thug do ghill' e 'thigh Iarl Antrum,
 'S chroch air sreing e ris a' chlàraidh.
 Bhi ga'n cuimhneachadh, etc.

'S thug do ghill' e, etc.
 'S ann Di-luain a dh'fhalbh na gillean,
 'S leam bu mhilis an deoch-slàinte.
 Bhi ga'n cuimhneachadh, etc.

ORAN GAOIL.

le bag un kean

SEISD :—Gu 'm bu slàn do 'n mhaighdinn,

Do'n d'thug mi luaidh ;
 Taobh Loch-Aie a dh'fhàs i,
 Geung bhlàth nam buadh ;
 Gu 'm bu slàn do 'n mhaighdinn,
 Do 'n d'thug mi luaidh.

Ainnir laghach, bhòidbeach,
 'S math thuirt iad Nic-Leòid riut—
 Aobhar-ciùil gach òigeir,
 Chuireadh seòl air duan.

Gu 'm bu slàn, etc.

Muineal mùn na h-ainnir,
 Mar shneachdùr na beinne,
 Broilleach blàth mar theine,
 Còmhdaich muillein buaidh.

Gu 'm bu slàn, etc.

'S air do bhroileach àluinn,
 Sheallainn sios air Ban-righ ;
 'S chumadh fiamh do ghàire
 Mi gu bràth bho 'n uaigh.

Gu 'm bu slàn, etc.

'S ann 's a' chlachan dùmhail,
 Ghabh mi beachd an tùs ort ;
 'S ged bhiodh càch ag ùrnuigh.
 Bhiodh mo shùil ort shuas.

Gu 'm bu slàn, etc.

Ged sheinneadh an còmhlan,
 Cha bhiodh m' inntinn còmhlan' riu,
 'S ged a labhradh Pòl rium,
 Bhiodh Nic-Leòid am smuain.

Gu 'm bu slàn, etc.

** Chancery Rec'd 1866.*

'S truagh nach robh mi, eudail,
 A's tu ris an spréigh ann,
 Luidhinn fhéin 's an fhraoch leat,
 'S tu ri m' thaobh mar uan.
 Gu 'm bu slàn, etc.

T U I R E A D H .

LEIS AN LIGHICHE MAC-LACHAINN NACH MAIREANN.

Tha mulad orm, tha mulad orm,
 Tha eudthrom air mo chliabh ;
 Am shìneadh air an tulaich ghuirm,
 Air m' uilinn anns an t-sliabh ;
 A' dearcadh bharr a' mhullaich so
 Air a' ghleann 's an d' rugadh mi,
 'Cuimhneachadh na bhuieadh dhomh,
 'S gach duine dhiubh air triall.

'S iomadh òigear curanta
 A chunnaic mi 's a' gheann,
 Gu lùthor, làidir, fulangach,
 Gun uireasbhuidh, gun mheang ;
 Bu chaoimhneil, càirdeil, duineil iad,
 Gu bàigheil, pàirteach, furanach—
 An sár dhuin' uasal urramach
 'N a churaidh air an ceann.

'N uair chruinnicheadh an còmhlan ud
 An déigh trà-noin fo bheus,
 Gu'm b'fhnorr, binn na h-oigheanan
 A' téiseadh ceol nan teud.
 Cha'n iognadh mi bhi 'g osnaich,
 'S mo chridhe bhi 's a' phosgartaich ;
 Air Nàile, gur a coltach mi,
 Ri Oisean'n déigh na Féinn'.

Tha mulad orm, tha mulad orm,
 Gur duine mi gun toirt,
 A' cuimhneachadh air m' uireasbh'ean,
 Cha'n urrainn domh 'bhi 'tosd ;
 Am aonaran 's an t-saoghal so,
 Gun phruip, gun taic', gun daoin' agam,
 'S mi air an udail fhaontraighe,
 Mar fhaoilinn feadh nam port.

Tha dealt na h-oidhche 'drùghadh
 Air na dh' fhuirich orm de m' chiabh ;
 Tha 'n speur a' nochdadhl rionnagan
 Gu tiugh an ear 's an iar ;
 Ag éirigh thar na tulaich ghuirm,
 A teurnadh leis na mullaichean,
 Tha mulad orm, tha mulad orm—
 Cha'n urrainn mi 'chur dhiom.

AN T-EACH ODHAR.

'S e mo laochan an t-each odhar,
 Thainig á Glaschu fodham ;
 'S e nach gabhadh cuir air theadhair,
 Air Acha-nan-gandha.

'S e mo loachan an t-each-iarrainn,
 Leis an d' thàinig mi do Ghrianaig ;
 'S 'n uair a thairngeadh iad an t-srian,
 'S e fiadh nach rachadh teamn air.
 'S e mo laochan, etc.

Sud an t-each aig bheil an sgriob,
 Cha toir e mionaid ri mile;
 Théid e air leth-dusan sinteag,
 Seachad sios air *Renfrew*!

'S e mo laochan, etc.

'N uair a dh'fhalbh e 'n sin 'n a throtan,
 A' cheart cho luath ri *Mail Coach*,
 Gu'n do chrom mi sios fo'n drochaid,
 Mu'n sgrogadh e 'n ceann diom.

'S e mo laochan, etc.

Righ! gur mise ghabh an t-eagal,
 Cha mhor nach deachaidh mi'm bhreislich;
 'N uair a thòisich e ri breabail,
 Gu'n do theich na beanntan.

'S e mo laochan, etc.

'N uair a chaidh e stigh do'n *tunnel*,
 'S a sheall mi mach air an uinneig,
 Shaoil mi nach facinn leus tuille,
 'S gu'm bu duine dall mi!

'S e mo laochan, etc.

Righ! gur mise ghabh an t-ioghnadh,
 'N uair a ghabh e an t-sùrdag,
 Mach troimh phairceanan *tùirneip*,
 Troimh chùirn agus deanntaig.

'S e mo laochan, etc.

Chaidh mi suas gu fear an fhearainn,
 Feuch am faighinn e r'a cheannach;
 'S chuirinn dhachaidh e gu Sellar,
 Tharraing feamainn gheamhraidh.

'S e mo laochan, etc.

Chuirinn e dh'ionnsaidh a' Mhàidseir,
 A tharraing nan giomach an t-Sàilein ;
 B' fheàrr e na'n t-each ruadh aig Da'ih,
 No'n làir bhàn aig *Sandy*.

'S e mo laochan, etc.

Ach na'm faighinn-se chur dhachaidh
 Còmh' ri *pony* Acha-rainich,
 Bhiodh Dughal, mac Iain 'Ic-Lachainn
 'Cumail ceart na h-engine.

'S e mo laochan, etc.

'S na'm faighinns' air an *rail* e,
 H-ùile car gu Rugh'-na-h-àirde
 Ghabhainn troimh mhonaidhean Fhearnaig,
 'S theàrnainn air Gleann-Sanda.

'S e mo laochan, etc.

Ach na'm faiceadh cuid de dhaoine,
 Dìreadh ri Bealach-gaoith e,
 'S ann a thòisicheadh iad ri glaodraich
 Gu'm b' e 'n saoghal thall e !

'S e mo laochan, etc.

Sud an t-each 's a bheil an cruadal,
 'S a fhuair an t-urram air luaithead :
 'S e nach fheumadh dol a bhualadh,
 Sguab dha anns a' gheamhradh.

'S e mo laochan, etc.

'N uair a chriochnaich mi mo dhuanag,
 Chaidh a h-éisdeachd le duin'-uasal,
 'S thuirt e rium na'n rachainn suas,
 Gu'm faighinn cuach de bhranndaidh.

'S e mo laochan, etc.

O R A N.

DO AILEAN CAMARON.

IONAR-SGATHADAIL, LE SEUMAS SHAW.

So deoch-slàinte Ghaidheil ghasta
 Choisinn cliù air thùs nan gallan,
 Làmh a ni na crùin a sgapadh,
 'S nach bi airsneulach ga 'n diòl.

Dh' innsinn air thoiseach an òrain
 Fineadh an fhiùrain gun fhòtus,—
 Camaronaich o bhun na Mòr-thir
 'S o Lochaidh an òltheadh fion.
 So deoch, etc.

'S ioma meangan a tha lùbadh,
 'S a' dìreadh mu ghuailnibh an fhiùrain,
 Bidh na Camaronaich air thùs ann,
 A's Dòmhnullaich nach dìultadh strìth.
 So deoch, etc.

'S beag an t-ioghnadh sud a thachairt,
 Ged nach tionndadh tu le gealltachd,
 'S fuil nan Stiùbhardach o'n Apuinn
 'Bualadh bras 'cur reachd mu d' chrìdh'.
 So deoch, etc.

Do na h-uaislean tha thu càirdeach ;
 Cha'n ann bho 'n iomall a dh'fhàs thu ;
 Eadar Aird-ghobhar a's Cinn-gheàrr-loch
 Far an àird' am fàs a' choill.
 So deoch, etc.

'S beag an t-ioghnadh i bhi éibhinn,
 Ge b' é té a gheobh dhi fhéin thu—
 Cridhe fialaidh'n còm na céille
 Nach cuir éislein oírr' a chaoidh.
 So deoch, etc.

Dannsair thu air ùrlar clàraidh,
 Cho math 's a tha measg nan Gàidheal ;
 Cha mhios thu'd sgiobair bàta,
 Ga 'toirt sàbhailte gu tìr.
 So deoch, etc.

Dà shùil mheallaich ann ad aodann,
 Aghaidh mhaiseach, thlachd'or, aoibhach,
 Shios mar eala bhàn nan caoiltean.
 'Shnamhadh aotrom air an tuinn.
 So deoch, etc.

'S iama talla a's tigh-tàirne,
 Am bi iad ag òl do dheoch-slàinte.
 'S sgoileir thu 'sgriobhas gu sàr-inmath ;
 Dròbhar àrd air a' chrodh-laoigh.
 So deoch, etc.

'S ioma baintighearn' le 'cuid stòrais,
 A dhiodh toileach air do phòsadhl,
 Le fàinneachan air am meòraibh,
 Le 'n gùnn daichean sròil a's siod.
 So deoch, etc.

Dh' éireadh tu moch maduinn chéitein,
 Bhiodh damh nan cabar fo éislein ;
 Cha'n eil fios aig neach fo 'n ghréin so,
 Ciod an ceud-fath tha ga d'bhìth.
 So deoch, etc.

'S beag an t-ioghnadh thu bhi ainmeil,
 'S thu'n fhuil rioghail, mhuirnich, mheamnaich,
 Tha thu d'an fhine neo-clearbach—
 Gallain ris an earbd' an Righ.
 So deoch, etc.

O R A N.

'S é luath-bheul na h-ìgh'nne duibh
 Chuir gruaim air mo leannan rium,
 Tha m' fhuaths' air an nighinn duibh,
 Nach urrainn mi ga 'àicheadh.

Gun d' thug mi eion do'n chiobair,
 Do ghaol a thug do'n tìr mi ;
 Gur mis' a tha fo nhi-ghean,
 Ma dhìobair thu cho tràth mi.
 'S e luath-bheul, etc.

Do ghruaidhean mar an caorann
 Do shlios cho gheal 's an fhaoilinn,
 Dà shùil ghorm ad aodann ;
 Do mhala chaol a chràidh mi.
 'S e luath-bheul, etc.

Calp' an t-siubhail bhòidhich,
 Troigh shocair am bròig chòmhnaird ;
 Mur am faigh mi còir ort,
 Cha bheò mi gu Feill-Màrtainn.
 'S e luath-bheul, etc.

'S e mo ghaol an t-òigear
 Is deise théid an òrdugh ;
 Gur mise th' air mo leònadadh,
 Bho'n sheòl thu uainn air sàile.
 'S e luath-bheul, etc.

'S ann aig taobh na dige,
 A shuidh mi leat a bhrìodal ;
 'S bu toilichte bha m' inntinn,
 Na sgriobhadh air na h-àrdaibh.
 'S e luath-bheul, etc.

Dh'fhalbh mo leannan bòidheach,
 Am bliadhn' a dh'-arm Righ Deòrsa,
 'S cinnteach mi thair mhòran,
 Gu'n còrd thu ris a' Mhàidseir.
 'S e luath-bheul, etc.

Gur mise tha gu brònach,
 'S mi m' shuidh' air cnoc am ònar,
 'S mi 'n so a' deanamh òrain,
 Do'n òigear tha mi 'n gràdh air.
 'S e luath-bheul, etc.

Gur e mo ghaol an t-uasal
 A dhìreas ris a' chruachan ;
 Do ghunna air do ghuallainn,
 'S an eilid ruadh fo phrànadh ann.
 'S e luath-bheul, etc.

ORAN CHLOINN-GHRIOGAIR.

AIR FONN :—*Bothan-àiridh 'm Praigh-Raineach.*

Mi am shuidhe 'n so 'm ònar
 Air còmhnhard an rathaid,
 Dh'fheuch am faic mi fear fuadaín
 'Tigh'nn o Chruachan a' cheathaich.

Dh'fheuch an faic, etc.
 'Bheir dhomh sgeul air Clann-Ghriogair,
 No fios c'ion a ghabh iad.

'Bheir dhomh, etc.
 'S iad bu chuideachda dhòmhnsa
 Di-dòmhnuich so chaidh.
 'S iad bu, etc.
 Cha d' fhuair mi d' an sgeula
 Ach iad bhi 'n dé air na sraithibh—

Cha d' fhuair, etc.

Thall 's a bhos mu Loch-fine,

Ma 's a fior mo luchd-bratha;

Thall 's a bhos, etc.

Ann an Clachan-an-Diseart,

'G òl fion' air na maithibh.

Ann an Clachan, etc.

Bha Griogair mòr, ruadh ann—

Làmh chruaidh air chùl claidhimh.

Bha Griogair, etc.

Agus Griogair, mòr, meadhrach—

Ceann-feadhna' ar luchd-tighe,

Agus Griogair, etc.

Mhic an fhir á Srath-Arduil,

Bhiodh na bàird ort a' tathaich,

Mhic an fhir, etc.

'Bheireadh greis air a' chlàrsaich

'S air an tàileasg gu h-aighear,

'Bheireadh greis, etc.

'S a sheinneadh an fhidheal,

'Chuireadh fiughair fo mhathanan.

'S a sheinneadh, etc.

'S ann a rinn sibh 'n t-sithionn anmoch

Anns a' ghleann am bi'n ceathach.

'S ann rinn sibh, etc.

Dh'fhàg sibh an t-Eòin bòidheach

Air a mhòintich 'n a laidhe;

Dh'fhàg sibh, etc.

'N a stairsnich air féithe,

'N déigh a reubadh le claidheamh.

- 'N a stairsnich, etc.
 'S ann a thog sibh ghreigh dhùghorm
 Bho luban na h-abhann.
- 'S ann a thog sibh, etc.
 Ann am bothan na dìge
 Ghabh sibh dion air an rathad ;
- Ann am bothan, etc.
 Far an d' fhàg sibh mo bhiodag.
 Agus crios mo bhuilg-shaighead.
- Far an d'fhàg, etc.
 Gur i saighead na h-araich
 So thàrmaich am leathar.
- Gur i saighead, etc.
 Chaidh saighead am shliasaid—
 Crann fiar air dhroch shnaitheadh.
- Chaidh saighead, etc.
 Gu'n seachnadhl Righ-nan-Dùl sibh
 Bho fhùdar caol, neimhe,
- Gu'n seachnadhl, etc.
 Bho shradagan teine,
 Bho pheileir 's bho shaighead,
- Bho shradagan, etc.
 Bho sgian na roinn' caoile,
 'S bho fhaobhar caol claidhimh !
- Bho sgian, etc.
 'S ann bha bhuidheann gun chòmhradh
 Di-dòmhnuich 'm bràigh bhaile ;
- 'S ann bha, etc.
 'S cha dean mi gàir éibhinn,
 'N àm eirigh no laidhe.

'S cha dean, etc.

'S beag an t-ioghnadh dhomh féin sud,
'S mi an déigh mo luchd-tighe.

'S beag an t-ioghnadh, etc.

'S mi'm shuidhe 'n so 'm ònar
Air còmhnaid an rathaid.

GED THA MI GUN CHRODH GUN AIGHEAN. ✓

SEISD—Ged tha mi gun chrodh gun aighean,
Gun chrodh-laoigh gun chaoraich agam;
Ged tha mi gun chrodh gun aighean,
Gheobh mi fhathast òigear grinn.

Fhir a dh' imicheas thar chuantan,
Giùlain mìle beannachd uamsa,
Dh' ionnsaidh òigear a' chuil dualaich,
Ged nach d'fhuair mi e dhomh fhìn.

Ged tha mi gun chrodh, etc.

Fhir a dh' imicheas am bealach,
Giùlain uamsa mile beannachd;
'S faod's tu innseadh do mo leannan,
Gu'm beil mi'm laidhe 'so leam fhìn.

Ged tha mi gun chrodh, etc.

Fhleasgaich thàinig nall á Suaineart,
Bu tu fhéin an sàr dhuin'-uasal;
Gheobhainn cadal leat gun chluasaig,
Air cho fuar 's g' am biodh an oidhech'.

Ged tha mi gun chrodh, etc.

Ged nach 'eil mo spréidh air lòintean
Mo chrodh no mo chaoraich bhòidheach,
Bheirinn tochar dhuit an òrdugh,
Cho math ri te òig 's an tir,

Ged tha mi gun chrodh, etc.

Ged tha mi gun chrodh gun chaoraich,
 Cha'n 'eil mi gun mhaise 'm aodann ;
 Dh'fhighinn breacan a bhiodh caol dhuit,
 'S dheanainn aodach a bhiodh grinn.

Ged tha mi gun chrodh, etc.

Naile! 's mise tha fo mhulad,
 A's mi 'tamh. 's an t-seòmar mhullaich ;
 An leannan bh' agamsa an uiridh,
 'S ann tha 'n diugh rium cùl a chinn.

Ged tha mi gun chrodh, etc.

Naile! 's mise th'air mo leònadh,
 Mu òigear a' chuil bhachlaich, bhòidhich ;
 Gur e sud an sgeul a leòn mi,
 Thu bhi 'giùlan còt' an Righ.

Ged tha mi gun chrodh, etc.

Naile! 's mis' tha dubhach, deurach,
 'N seomar ard a' fuaigneal leine ;
 Chaidh mo leannan gu *Jamaica*,
 'S ciod am feum dhomh bhi ga 'chaoiadh ?

Ged tha mi gun chrodh, etc.

AN GILLE DUBH CHA TREIG MI.

An gille dubh cha tréig mi,
 'S le fear a' chruidh cha téid mi :
 An gille dubh cha tréig mi,
 Bho'n thug mi fhéin mo ghealladh dha.

Tha mo chàirdean deònach,
 'S iad toileach mise 'phòsadh,
 Ri fear air son a stòrais—
 Nach gòrach leibh 'n am barail iad !

An gille dubh, etc.

— Is e mo ghaol an t-uasal
 A dh' imich thar nan cuantan ;
 Bu shealgair choileach-ruadh e,
 M' an gluaiseadh iad 's a' chamhanaich.
 An gille dubh, etc.

'N uair dhireadh tu na stucan
 Le d' ghunna caol nach diùltadh,
 Bhiodh coilich-dhubh na durdail
 Ga'n toirt a chùl nan toman leat.
 An gille dubh, etc.

'N uair theid thu thun na feille
 Do'n chlachan ri là greine,
 Cha 'n fhaicear measg nan ceudan
 Fear eugais a' ghille dhuibh !
 An gille dubh, etc.

— Gur e mo ghaol an t-oigear
 Aig 'bheil a' phearsa bhoidheach — *mheall-shuil*
 Troidh chuimir am broig chomhnaird *Gur a thionainn* *de cùl*
 Nach toir air feoirnein carachadh. *A mheadhoin* *tòm* *so*
 An gille dubh, etc.

Gur e mo ghaol an t-oigear
 Aig bheil a' mheall-shuil bhoidheach ;
 Gu'n aithnichinn do cheum còmhnràd
 A mach air lòin a' bhaile so.
 An gille dubh, etc.

— Gur e mo ghaol an t-àrmunn
 A chaidh a nunn thar sàile ;
 Na 'm faighinn cead do chàirdean,
 Gun dàil gu 'n deanainn banais dhuit.
 An gille dubh, etc.

— Cha b' iognadh mi bhi 'n tòir ort,
 'S do ghruaidhean mar na ròsan ;
 Do chneas mar chanach lòintean,
 'S mar ite 'n eòin do mhalaidean.
 An gille dubh, etc.

'S ann an raoir a rinn mi bruadar
 Am chadal air a' chluasaig—
 'S a' mhadainn, 'n uair a ghluais mi,
 Gu 'm b' fhada bhuam an gille dubh.
 An gille dubh, etc.

Gur mise th' air mo lionadh,
 'Bhi cuimhneach air do bhriathran ;
 Gu 'm b' fhearr nach fhacas riabh thu,
 Ma thug thu 'm bliadhna 'n car asam.
 An gille dubh, etc.

Ma rinn thu mise 'thréigsinn
 Le comhairle luchd-bréige,
 Cha 'n fhiosrach mi fo 'n ghréin
 Ciod am feum a th' anns an leannanachd.
 An gille dubh, etc.

— Ma rinn thu mise 'thréigsinn
 Le comhairle luchd-bréige,
 Mo mhive beannachd féin leat
 Bho 'n 's e gu 'm b' fheudar dealachadh.
 An gille dubh, etc.

O R A N G A O I L. *

nemach
 Nach gòrach mi gad' chaoineadh, 's nach caoineadh tu mi,
 'S ro ghòrach ^{do} thug ma gaol dhuit, 's gu'm faod thu bhi ga m' dhith;
 Ma 's e lugh'd mo stòrais, a dh' fhàg do dheòin ga m' dhith,
 O's fheudar dhomh bhi beò, ged nach pòsadh tu mì.

Ciod rinn mi ort a dh-eucoir, 'n uair thréiginn an tìr?
 Cha tugainnse beum ort, ged thréigeadh tu mi;
 Cha chreidinn droch sgeul ort, cha bu léir dhomh as i;
 'S ged chuireadh iad breug ort, cha'n éisdinnse rìth'.

Ged gheibhinn's an Roinn-Eòrpa, 's na bheil de stòras innt',
 Ged gheibhinn sud air m' òrdugh, a's àite còmhnuidh innt',
 Ge'd dh' éighteadh am dhiùc mi, 's ged chrùinnteadh mi'm rìgh,
 O b'fheàrr a bhi riut pòsda, mur diùltadh tu mi.

'S i mo ghaols' an òg-bhean, is bòidhche na càch;
 Do chùl daithte 'n òrdugh, mar neòinein a' fàs;
Mo ghaolsa mhaighdean bhòidheach, o'n tig an còmhradh blàth—
 Na'n gealladh tu mo phòsadh, bu bheò mi o'n bhàs.

'S i mo ghaolsa mhaighdean, 's *fine* theid 'n a gùnl,
 'S i mo ghràdhsa mhaighdean, gu'm faighnidhinn thu—
 Gu'm faighnidhinn roimh n-òr thu aig bòidhchead do shùl,
 'S e'n gaol a thug mi òg dhuit thug déòir air mo shùil.

G Mo chridhe cha dean éirigh, ged dh' éisdinn ri ceòl;
 M' aigne cha 'n 'eil eutrom, ge'd 's fheudar dhomh bhi beò;
 Tha leann-dubh air m' aodann, 's mi daonnan fo bhròn;
 O b' fheàrr mu'n tug mi gaol dhuit bhi'u ciste chaol nam bòrd.

G Gur mise tha fo ghruaimein, 's nach gluais mi leam fhìn,
 Mu'n ghaol thug mi do'n ghruagaich, 's gun duais dhomh da chinn;
 Ma bheir fear eile bhuam thu, nach truagh a bhios mi;
 O b' fhearr a bhi 's an uaigh na thu, luaidh, bhi ga m' dhìth.

Comhairl' thoirt air òig-fhear—'s cha ghòraich e i—
 Gun ghaol thoirt do dh-òg-bhean, cho bòidheach 's g'am bi i,
 Ma labhras i gu ciùin ruit, cum dùinte do chridh',
 'S feuch, mu'n toir thu rùn di, gu'n lùb thu leat i.

CUMHA AN T-SEANN GHайдHEIL,

AIR 'FHAGAIL LEIS FEIN 'S A' GHLEANN.

Le N. Mac-Leoid.

Tha sgiathan na h-oidhche ga 'n sgaoileadh a nall,
'S an ceò air a lùbadh mu stùcan nam beann;

Tha deòir air mo shùil-sa 's gun m'aigne ach fann,
Air m'fhagail am aonar a' caoineadh 's a' ghleann.

Tha eunlaith nan geugan a' ghleusadh an rann,
'S a' leumnaich le sòlas, 's ri ceòl feadh nan crann;
Tha 'n àlach mu'n cuairt daibh gu h-uallach a' danns',
Ach àlach mo ghaoil-sa, gach aon diubh air chall!

Tha mo chiabhagan tana, 's tha claisean am ghruaidh,
Oir tha céile mo ghraidh-sa 'n a sìneadh 's an uaigh,
Agus triùir dhe mo phàisdean mu bhlàthmhoire greann,
'N an sìneadh fo leacan a' chlachain ud thall.

Ged tha eoin bheag a' chéitein a' tréigsinn nan tom,
'N uair a chomhdaicheas reòdhtachd a's dòruinn am fonn,
Bheir samhradh mu'n cuairt iad gu bruachaibh nan allt—
Ach càirdean mo ghaoil-sa cha taobh iad an gleann.

Tha na fàrdaichean blàth a bha 'g àrach nan sonn,
Bu shuilbhire gàire 's bu bhàigheile com,
Far am b'fhàbharach càirdeas do'n ànrachan lom,
'N an làraichean fàsail air cnàmh gus am bonn.

Cha'n fhaicear am buachaill' a' ruagail mu'n chrò,
No banarach guhanach, le buarach 'n a dòrn;
Bu bhinn leam a duanagan uallach, gun ghò,
Le cuaillein m'a guaillibh mar dhualaibh de'n òr.

Cha'n'eil clàrsach no seannsair ga'r dùsgadh le ceòl,
'S tha mactalla 'n a shùain ann an uaimhibh nam fròg;
'S na laoich a bha lùghor mu stùcan a' cheò,
Rinn fòirneart an sgiùrsadh bho dhùthaich an òig'.

Ach sìth do na dh'fhalbh agus buaidh leis na seòid!
 Tha m' fheasgar-s' air ciaradh 's mo ghrian fo na neòil;
 Cha 'n fhad' gus an crìonar mo chiabhan fo'n fhòid,
 Far an caisgear gach pian, 's an téid crioch air gach bròn.

BIODH AN DEOCH SO 'N LAIMH MO RUIN. ⊗

SEISD :—Biodh an deoch so 'n laimh mo rùin,
 Slàinte le fear an Tùir;
 Biodh an deoch so 'n laimh mo rùin.

Oladh no na òladh càch i,
 Biodh i làn air ceann a' bhùird.
 Biodh an deoch, etc.

Sùil gu'n d'thug mi thar mo ghuallainn,
 'S rinn mi cuairteach air a' chuan.
 Biodh an deoch, etc.

Chunnacas bàta air an fhairge,
 'S lamh dhearg air an stiùir.
 Biodh an deoch, etc.

— Chunnaic mi 'dol seach na caoil i,
 'S badan fraoich 's an t-slat-shiùil.
 Biodh an deoch, etc.

Fhir a chunnaic air an t-sàil' i,
 Beannaich an long bhàn 's a crew.
 Biodh an deoch, etc.

Beannaich a croinn àrd 's a h-acfhuinn,
 A cuid acraichean 's a siùil.
 Biodh an deoch, etc.

Ged a tha mi so an Cola,
 B'e mo thoil e dol a Rùm.
 Biodh an deoch, etc.

Agus as a sin do dh-Uithist,
 Na 'n d' fhuair mi mo ghuidhe leam.
 Biodh an deoch, etc.

- 'S maирg a shamhladh Cola creagach,
 Ri Dùnbheagain no Dun-tuilm.
 Biodh an deoch, etc.

Mo rùn air muime nam macaibh,
 A bhiodh ga'n altrum aig a' ghlùin.
 Biodh an deoch, etc.

'S gur-a ladurn' thuirt am balach,
 Ri Mac-Cailein an Tùir.
 Biodh an deoch, etc.

- Mûr a b'e gur tu mo bhrathair,
 'S mi nach àicheadh idir thu.
 Biodh an deoch, etc.

'S e am mac a b' fhearr na 'n t-athair,
 An cliù, an aighear, 's an sùnnnd.
 Biodh an deoch, etc.

'S truagh nach fhaicinn Caisteal Dhùbhàird
 'Dol 'n a sprudhan anns a' ghrunnd.
 Biodh an deoch, etc.

Dh' blain deoch slàinte Righ Seumas,
 'Bhi ga 'eigheach air a' chrùn.
 Biodh an deoch, etc.

Bidh mi 'nis a' sgur ga m' sheisreach,
 Bho'n tha 'm feasgar 'leagail drùchd.
 Biodh an deoch, etc.

MAC OG AN IARLA RUAIDH.

SEISD.—Hillinn, illinn, iù ho-ró,
 Hillinn, illinn, iù ho-ró,
 Hillinn, illinn, iù ho-ró,
 Hillinn iu-ò, hug óro à.

“Cha teid mise chaoi dh de m’ dheòin
 Gu mac òg an Iarla Ruaidh,
 Gus an cuir a’ bheinn ud shios
 Culaobh ris a’ bheinn ud shuas.

“Cha téid mise chaoi dh de m’ dheòin
 Gu mac òg an Iarla Ruaidh,
 Gus an dean an eala bhàin
 Nead gu h-àrd air bharr nan stuadh.

“Cha téid mise chaoi dh de m’ dheòin
 Gu mac òg an Iarla Ruaidh.”
 Gus an cuir am bradan breac
 Trì chuir mhear an crò nan uan.”

Thog a muime thall a ceann—
 “ ’S gorach leam do chainnt, a luaidh ;
 Bheir thu gaol roimh Fheill-an-ròid
 Do mhac òg an Iarla Ruaidh.

“Cainnt nan og-bhean tha mar dhruichd
 A ni grian a shughadh suas ;
 M’an tig Samhain bidh tu pòsd’
 Aig mac òg an Iarla Ruaidh.”

A’ bheinn ud shuas ’s a’ bheinn ud shios,
 Cha do charaich riabh ’s cha ghluaís,
 Ach thug Mairi gaol gun ghò
 Do mhac òg an Iarla Ruaidh.

Tha 'n eala 'gur 's an eilean bhàin,
 'S am bradan tàrr-gheal feedh a' chuain,
 'S tha Mairi nis 'n a céile phòsd'
 Aig mac òg an Iarla Ruaidh.
 Hillinn, illinn, etc.

ORAN DO GHILLE A CHAIDH A BHATHADH.

SEISD :—Air fàillirinn, illirinn,
 I ho ró hù o;
 Air fàillirinn, illirinn,
 Och o rinn ù.

'S ann aig Port an Tigh-àiridh,
 'Thogadh siùil ris a' bhàta;
 'S cha b' i 'n stiuir a rinn d' fhàgail,
 Ach gu 'n d' fhàil'nich na bùird.
 Air fàillirinn, etc.

'S ann shios aig Sgeir-chailleach,
 Tha mo ghaolsa 'n a laidhe,
 Fo fhaoileig na mara,
 'S fo ghaillinn nan stùdh.
 Air fàillirinn, etc.

'S mòr am beud do chùl clannach
 Bhi g'a reubadh 's an fheamainn,
 Gun chiste, gun anart,
 Ach gainneamh a' ghruinnd,
 Air fàillirinn, etc.

'S na 'n rachadh do bhàthadh,
 'N uair a chaidh mo thriùir bhràithrean,
 Gheibhinn leth-sgeul, a ghràidh-ghil,
 Gu bràth bhi ga d' chaoihd.
 Air fàillirinn, etc.

~~No. 17 p. 129~~

'S cha truagh leam do phiuthar,
 Ged a tha i dheth dubhach;
 Théid is' ann an cuideachd,
 'S bidh a mulad air chùl.

Air fàillirinn, etc.

Gur truagh leam do mhàthair
 A shaothraich air d' àrach,
 'S nach d' fhuáir i de dh-fhàbhar
 Bhi ga d' charamh 's an ùir.

Air fàillirinn, etc.

Fhir nan camagan donna,
 Mhuineil ghil 's an uchd shoilleir,
 'S mi gu 'n rachadh ad choinnimh,
 'S cha bu choma leam thu!

Air fàillirinn, etc.

'S mi 'dìreadh a' bhealaich,
 'S trom mo cheum 's mi air m' aineol
 'S ma bha sùgradh air m' aire,
 Chaidh e tamul air chùl.

Air fàillirinn, etc.

'S ann air feasgar Di-màirt,
 Dh' fhalbh sgiobadh bha àluinn,
 Chaidh a dh-iarraidh a' bhàta,
 Rinn d' fhàgail 's a' ghrunnd.

Air fàillirinn, etc.

'N uair thruiseas na gillean,
 'S a sheinneas an fhidheal,
 Ciamar thogas mo chridhe
 'S gun thu 'tighinn, a rùin!

Air fàillirinn, etc.

[*The following stanzas evidently belong to another song having a similar refrain.*]

Tha 'n Nollaig a' tighinn,
 Ris nach éirich mo chridhe,
 'S cha cheil mi ort idir,
 Gu bheil snidh' air mo shùil.
 Air fàillirinn, etc.

'S ann am bothan na buaile,
 'S an taice na h-uaisle,
 Rinn do ghaol-sa mo bhuaireadh,
 Gar 'n d' bhuannaich mi thu.
 Air fàillirinn, etc.

Tha mo ghaol air an fhleasgach—
 Chuir mi litir g' a ghreasad,
 'S ged nach dean e mo fhreasdal,
 Tho mo chion air co-dhiubh.
 Air fàillirinn, etc.

A' dìreadh 's a teàrnadh
 Nam bruthaichean àrda,
 Chi mi tighinn am bàta,
 'S gun mo ghràdh air an stiùir.
 Air fàillirinn, etc.

'S gur mi tha fo mhulad,
 Air an fhraoch 's mi air m' uilinn;
 Chi mi 'm bàta fo 'h-uidheam,
 'Tigh'nn bho Uithist nan stùc.
 Air fàillirinn, etc.

O R A N

LE GILLE OG D' A LEANNAN AGUS I AIR FHAGAIL.

An nochd is tric a' faireach mi
 Le cabhaig ás mo shuain ;
 Mi carachadh 's a tionndadh,
 'S ag iondrainn na bheil bhuan ;
 Gur i an ribhinn bhanail ud
 A dh' atharaich mo shnuadh,
 Bho 'n ghabh mi cead le duilichinn
 Glé mhoch-thràth dhi Di-luain.

Cha 'n 'eil uair a chi mi thu
 Nach lion thu mi le bròn ;
 Mo chridhe trom le duilichinn,
 'S e mulaideach gu leòir,
 Mu 'n té ud a bha feitheamh orm,
 Le foighidinn ro-mhòir,
 B' fheàrr mu 'n d' riunn thu m' fhàgail
 Am bàs gu m' chuir fo 'n fhòid.

Ochòin ! a's ciod a dh' fharraich mi
 'N uair chaidil mi cho mòr,
 'S a leig ni dhiom le di-misnich
 An ribhinn aoibheil òg !
 B' fheàrr a bhi gun aodach,
 An ciste chaoil nam bòrd,
 Na bhi faicinn d' aodainn,
 'S nach fhaod mi dol ad chòir.

Cha 'n àiceadh mi ach aidichead,
 Gun fhacal ann de bhréig,
 Nach d' fhuaire agus nach faighinn-se
 Na b' fheàrr na thu fo 'n ghréin,

Ma bha thu rianh tràth foilleil dhomh,
 Bha choire agam féin ;
 Mo ghaol a' nhaighdean ûrailteach,
 'S ro mhuladach mi 'd dhéigh.

Do dheud tha mar na neòineinean,
 Do phògan mar a' mhil ;
 Do chùl tha bachlach, òr-bhudhe,
 'S e 'n òrdugh air do shlios ;
 'N uair theannadh tu ri 'shliògadh
 Gur fada 'chit' a dhreach ;
 'S 'n uair leagadh tu le cìr e
 Leat mheallteadh mile fear.

Is diombach mi do 'n bhalach ud,
 Thàinig oirnn á machair Ghalld' ;
 'S a rinn le stòras buaireasach,
 Do mhealladh bhuan 's an àm ;
 Na 'n tachrainn anns a' bhealach air,
 No anns a' ghleann ud thall,
 Gur ann mu dhéigh na gruagaich,
 A rachainn 'bhualadh lann.

Ach bheirinn mionnan firinneach
 Co cinnteach ris a bhàs,
 Ged a leagteadh 'm Biobull,
 'N a shìneadh air mo làmh,
 Nach eulas dad de mhi-chliù ort,
 Ach sòghail, caoimhneil, blàth ;
 Cha b' iognadh thu bhi dileas dhomh,
 Bho 'n thug mi féin dhuit gràdh.

Gu 'm bu slàn do m' ghruagach ;
 Is mìlis cainnt a beoil—
 Dh'fhàg thu bho'n Di-luain ud mi,
 Fo bhruilleadh a's fo leon.

Cha'n fhaod mi féin a ràidhinn,
 Gu'n d' fhag thu mi le d' dheòin ;
 Ach bhiodh do chàirdean diombach,
 Mur aontaitcheadh tu leo.

IS TOIGH LEAM A' GHAILDHEALTACHD. ✓

LE IAIN CAIMBEUL, ANNS AN LEIDEIG.

AIR FONN :—“ *Cogadh no sith.* ”

Is toigh leam a' Ghàidhealtachd, 's toigh leam gach gleann,
 Gach eas agus coire an dùthaich nam beann ;
 Is toigh leam na gillean 'n an éideadh glan, ùr,
 A's boineid Ghlinn-garaidh mu'n camagan dlùth.

Is toigh leam 'n an deis' iad, o'm mullach gu'm bonn,
 Am breacan, an t-osan, an sporan, 's an lann ;
 'S bòidheach iad sgeadaicht' an éideadh an tìr—
 Ach 's suarach an deise, seach seasúlhachd an crìdh'.

Sheas iad an dùthaich 's gach cùis agus càs,
 Duais-bhrathaidh cha ghabhadh ged racht' an cur bàs ;
 'S ged shàraicht' an spiorad 's ged leagteadh an ceann,
 Bha 'n cridhe cho daingean ri carraig nam beann.

Is toigh leò na h-igheananagan 's b' ainneamh an t-àm
 Nach bithinn 'n an cuideachd 'n uair gheibhteadh 'bhi ann :
 'S na 'm faighinn-se té dhiubh á dùthaich mo chrìdh',
 Gu 'n siùblainn-se leatha gu ionmal gach tìr.

'S toigh leam a Ghàidhlig, a bàrdachd 's a ceòl,
 'S tric 'thog i a nìos sinn 'n uair bhiodhmaid fo leòn ;
 'S i dh' ionnsaich sinn tràth ann an làithean ar n-òig,
 'S nach fàg sinn gu bràth gus an laidh sinn fo 'n fhòd.

'S toigh leam' na cleachdaidhnean ceanalta bh' ann;
 Na biodh iad air dhi-chuimhn' a nis aig a' chloinn;
 An coimhneas, an càirdeas, am bàigh a's an t-eud,
 Thug cliù dhoibh 's gach dùthaich fo chùirtean nan speur.

Nis tha dùthaich ar gaoil 'dol fo chaoraich 's fo fhéidh;
 Sinn gu 'r fuadach thar sàile mar bhàrrlaich gun fheum:
 Ach thigeadh an oruaidh-chàs, 's co sheasas an stóirm?
 O, co ach na balaich le 'm boineidean gorm'!

Co sheas ris na Frangaich ri àm *Waterloo*?
 'S an *Russia*, chuir *Alma* gu h-iosal 's an ùir?
 Co, anns na h-Innsean, 'thug saorsa do 'n t-sluagh?
 O, co ach na Gàidheil bho dhùthlaich na buadh!

Canar an gaisge 's an domhan mu 'n cuairt,
 Air sgiathainbh na gaoithe g'a sgaoileadh thar chuan:
 Is fhad 's a bhios rìoghachd 'n a seasamh air fonn,
 Bidh cuimhne gu dìlinn air euchdan nan sonn.

'S ma rùisgear an claidheamh a ritist gu strìth,
 Ged 's ainneamh ur cuideachd, bidh trusadh 'n ar tir;
 Bidh clanna nan Gàidheal ri aghaidh gach càs,
 'S iad guallainn ri guallainn, gu buaidh no gu bàs.

THUG MI GAOL DO'N T-SEOLADAIR.

le laon MacGillivray ✓
 Air feasgar samhraidih Sàbaid dhomh

'S mi gabhairl sràid leam féin,
 Na smèòraich bha gu ceilearach,
 'S iad àrd air bhàrr nan géug—
 Mi cuimhneach' air an àrmunn
 Is àillidh tha fo 'n ghréin—
 Nach truagh nach robh mi còmhla riut
 A' còmhradh greis leinn féin!

Bho 'n thàinig mi do'n dùthaich so
 Gur beag mo shunnd ri ceòl,
 Bho 'n dh'fhàg mi tìr nan àrd-bheann,
 Far 'n d' fhuair mi m' àrach òg ;
 Far am biodh féidh 's na firichean,
 A's bric air linne lòin,
 Far 'm biodh na h-òighean uaibhreach
 'Dol do 'n bhuaile le 'n laoigh òg'.

Tha m' athair a's mo mhàthair,
 'S mo chàirdean rium an gruaim ;
 'S ann tha gach h-aon-dhiubh 'g ràidhinn—
 "Gu bràth an tig ort buaidh ?
 An di-chuimhnich thu ghòraich
 Bho d' òige 'thog thu suas ?"
 'S ann thug mi gaol do 'n t-seòladair
 'Tha seòladh thai a' chuain !

Tha 'anail leam cho cùbhraidih
 Ris na h-ùbhlàn 's mi ga 'm buain ;
 A dheid cho geal 's an iùbri,
 A chneas mar fhaoileann cuain ;
 A ghruidhean mar an caorann,
 'S a chaol-mhala gun ghruaim—
 O, thug mi gaol nach dìobair dhuit
 Gus 'n sìnear mi 's an uaigh !

Gur lionmhor mais' ri àireamh
 Air an àrmunn dh'fhàs gun mheang,
 Gu 'n aithnidhinn féin air faireadh thu,
 'S tu àrd air bhàrr nam beann ;
 Bu deas air ùrlar clàraidh thu,
 'N uair thàirneadh tu 'n tigh-dhanns—
 Troigh chuimir am bròig chluaiseinich—
 'S gach gruagach ort an geall !

Thar leam gur mi bha gòrach
 'N uair a thòisich mi ri dàn;
 Cha bhàrd a dheanadh òran mi,
 'S cha chòir dhomh dol 'n a dhàil;
 Tha ni-eigin air m' innitimse
 'S cha 'n fhaod mi inns' do chàch,
 Gu 'n tug mi gaol do 'n t-seòladair
 Air long nam mòr chrann àrd.

Ach innsidh mise 'n fhìrinn duibh—
 Mur bheil mo bharail faoin,
 Tha gaol nam fear cho caoeh laideach,
 'S e 'seòladh mar a' ghaoith,
 Mar dhriùchd air madainn chéitein,
 'S mar dhealt air bhàrr an fheòir;
 Le teas na gréine éiridh e
 'S cha léir dhuinn e 's na neòil.

'S ma s' nì e nach 'eil òrdaichte,
 Gu 'n còmhlaich sinn gu bràth,
 Mo dhùracdh thu bhi fallain,
 'S mo roghainn ort tharr chàich!
 Ma bhrist thu 'nis na cùmhantán,
 'S nach cuimhne leat mar bha
 Guidheam rogha céile dhuit
 A's laidhe 's éirigh slàn!

MUILE NAM MOR-BHEANN. ✓

Am Muile nan craobh tha mhaighdean banail,
 D' an d'thug mi mo ghaol 's mi faoin am bharail;
 'S ma chaidh e fo sgaoil 's nach faod mi'faighinn
 Gu'n taobh mi caileagan Chòmhail.

SEISD.—Bho'n tha mi gun sunnd, 's is dùth dhomh mulad,
 Cha tog mi mo shuil ri sugradh tuille :
 Cha teid mi le muirn gu cuirt nan cruinneag,
 'S mo run am Muile nam mor-bheann.

— Tha maise a's uaisle, suairceas a's ceanal,
 A' direadh a suas an gruaidh mo leannain ;
 Ma bheir thu dhomh fuath, 's nach buan do ghealladh
 Ni uaigh a's anart mo chòmhdaich.
 Bho 'n tha mi gun sunnd, &c.

— Tha maise no dhà ri àireamh fhathast
 Air bean a' chuil bhàin nam blàth-shul meallach ;
 Ma bheir thu do làmh, gu'm fàs mi fallain,
 'S bu shlàinte mhaireann do phèg dhomh.
 Bho 'n tha mi gun sunnd, &c.

— Do shlios mar an flaoileann, taobh na mara,
 Do ghruaidh mar an caorann, sgaoilt' air mheangan ;
 Sùil ghorm is glan aoidh, fo chaoin-rosg thana—
 'S tu 'n òigh a mhealladh gach òigear.
 Bho 'n tha mi gun sunnd, &c.

Tha smuaine no dhà an tràth-s' air m' aire ;
 Cha 'n innis mi 'chàch ceann-fàth mo ghalair ;
 Ged laidheas mi tràth, cha tàmh dhomh cadal,
 'S do ghràdh ga m' sgaradh an còmhnuidh.
 Bho 'n tha mi gun sunnd, &c.

— Gur math 'thig an gùnn o'n bhùth do'n ainnir,
 'S an fhasan is àire 'n cuirt nan Gallaibh ;*
 Troidh ghloin am broig àir—'s i dùint' le barr-iall—
 Nach lùb air faiche am feòirnein.
 Bho 'n tha mi gun sunnd, &c.

* Lowlanders.

Do chul mar an lion 'n a mhile camag,
 Nach greannach fo chir, a's siod' ga 'cheangal;
 Do dheud mar na disnean, dionach, daingean;
 Beul binn a ghabhail nan òran.

Bho 'n tha mi gun sunnd, &c.

'S e 'sgar mi o m' chiall ro mhiad do cheanail,
 'S o'n chaidh thu do 'n t-sliabh, nach b' fhiach leat m'
 fharaid;
 'S e d' aogas a's d' fhianmh 'chuir pian am charaibh,
 'S cha mhiann a bh' agam air stòras.
 Bho 'n tha mi gun sunnd, &c.

A HO RO, MO_MHAI RI LURACH.

¹² Mac Maírl Ìorach

A ho ro, mo Mhàiri lurach, Paisle lurach
 Do 'n d' thug mi mo ghaol cho buileach,
 'S e dh' fhàg mi am bliadhñ' fo mhulad,
 Nach fhaod mi fuireachd ad chòir.

Moire 's i mo ghaol a' ghrugach,
 Seang chorp fallain—thug mi luaidh dhuit;
 'S bho nach fhaod mi deanamh suas riut,
 Bidh mi fuasgaladh nan seòl.
 A ho ro, etc.

4

Bidh mò smuainteán anns gach àm ort, Ged a b' ann a' dol do 'n chrann mi;
 Chuir thu seacharan am cheann, 'S cha 'n amais mi air ceann þan ròp',
 A ho ro, etc.

Bidh mi smaointeach ort am leaba,
 Bidh mi bruadar ort am chadal,
 Cha leig mi thu, 'ghaoil, ás m' aire.
 Fhads' tha mi air thalamh beò.
 A ho ro, etc.

6. 'S ann bha daeine les an eusair
Feuchdann sunn a' chuid leis cum
Feuch, a' ghaeil, nach toir thu geil dhàibh
Is nach leisot thu rin nas mò.

GHAIDHEALACH.

187

3. 'S tu mo chadal, 's tu mo dhùsgadh,
'S anns a' mhadainn 's tu 's cruit-chiùil dhomhl,
'S ann ort a leagainn mo chùrsa, Ort a shuisleachadh
'N uair bhiodh càch an dlùths' a' cheò.
A ho ro, etc.

Moire, 's i mo ghaol an ainnir—
Do dhà grhuaidh mar chaor air mheangan,
Fàileadh an t-subh-chraoibh de d' anail,
S' gur tu m' aighear de n' tha beò.
A ho ro, etc.

Moire, 's i mo ghaol an ribhinn—
Com is deise leam a chi mi;
Mala chaol mar it' an fhìor-eòin—
'S toigh leam fhìn mo Mhàiri òg.
A ho ro, etc.

2. An robh thu 'm barail, a Mhàiri, Na bi s...
Gur h-ann ga d' mhealladh a bha mi?
'S dòcha leam thu na mo mhàthair,
Ged is i rinn m' àrach òg.
A ho ro, etc.

1. An robh thu 'm barail, a ghruagach, Na bi s...
Gur h-e do stòras bha mi ruagadh, a bhuaic...
Tha do thochar ann ad ghruaidhean— thochair...
B' fhèarr leam sud na buaille bhò.
A ho ro, etc.

Cha ghabh mise sud mar thàmait,
Ged chuir thu fear ùr am àite;
Ach bidh mise falbh air sàile—
'S gur fhaisge dhomh bàs na beò.
A ho ro, etc.

5. Bidh mi sunnaeachadh gach uair ort
Ged h-ann a' dìreach a' chruaillaire
Eag a' form gun tour iad bhuaic...
'S mo chean 's mo luaidh ort cho mòt

ORAN.



AIR COMHDHAIL BHLIADHNAIL LUCHD AITEACHAIDH MHUILE AGUS I
CHALUIM CHILLE.

LE DUGHALL MACPHAIL.

AIR FENN.—“*Dh' olainn slainte Thearlaich.*”

LUINNEAG—Deoch-slàinte Chòirneil Gàrdyne,
Dh' òlamaid fo stràchd i,
Air chumhnant 'fhaicinn ann an Glaschu,
Fo bhratach nan Gàidheal.

Dh' òlamaid a shlàinte,
“Ged leònadh i gu bàs sinn”—
An sar dhuin'-uasal leis nach suarach
Beus a's tuar nan Gàidheal.

Deoch-slàinte, etc.

'S taitneach leam an sgeul ud
A dh' fhiosraich mi 'n Duneideann,
E 'bhi tigh'n thar' bhàrr nan tonn,
Gu coinneamh chlann na féille.

Deoch-slàinte, etc.

Air ghaöl an nochd bhi làmh ris,
An “Seònraichean na Banrigh,”
Sùd mi 'n diollaid an eich iarraiñn,
'Dol gu h-iar air bànnidh.

Deoch-slàinte, etc.

B'i sud an lùchairt àluinn,
Gun choimeas dhi air àirde,
Air leud 's air fad, an dealbh 's an dreach,
Ach *Parthenon* na h-Aithne.

Deoch-slàinte, etc.

'N uair thaom a stigh do'n lùchaint,
 'N an sreathan daingean, dùnhail,
 Na fiùrain dhileas nach do dhiobair,
 Cleachdadhbh tìr an dùthchais—
 Deoch-slàinte, etc.

Air ceann gach reang, 'n uair għluais iad,
 Bha 'phiob is riogħail nuallan—
 A chliathlu dhlonach, chruaidh-ghlan, bliinn,
 A thogadh bliinn gach smuairein.
 Deoch-slàinte, etc.

Na maighdeanan deas, guamach,
 Le lì nan beann 'n gruaidhean,
 Ri taobh nan gallan ùrail, sgeanail,
 Sunndach, smiorail, uasal.
 Deoch-slàinte, etc.

An òigridh fħallain, fħuasgħalt',
 Gun għaoqid, gun għiombi, gun bhruailein,
 Grainne-mullaich nam flath duineil,
 Bho Mhuile nan fear-bheann.
 Deoch-slàinte, etc.

Bha 'n sealladh ud ni b' àillidh,
 Na fèillean *Juno's Bhàcuis*;
 An còmhlan rùnach, clann mo dhùthcha.
 'Danns' air ûrlar clàraidh.
 Deoch-slàinte, etc.

Bha Rosaich ann 'n an ceudan,
 Bho 'n Liob gu ioħdar Chréithich,
 'S o Eilein I nan garbh-fhear mòra,
 'S nam ban bòidheach, beusach.
 Deoch-slàinte, etc.

* She was a d. of Hugh Munro, tide-waiter, Tolmoyne. She died in Mull, 3rd June, 1860, aged 65. Understood that song composed c. 1820 to Capt. John Campbell, Kilmodine, Morvern - Cela Monthly, xi. 35.

Mar stoirm a marcachd sìne,
Ri creagan Bhuirg a's Ghribuinn,
Bha sliochd nan sonn o Loch-nan-ceall,
Dà thaobh a's ceann Loch-scriodain.
Deoch-slàinte, etc.

A Mòr-inis nan sàr-laoch,
Cuinnish a's Leth'r Arois,
Sliochd nan dròbhair à Gleann-forsa,
'S cosgaraich o'n t-Sàilein.

Deoch-slàinte, etc.

Gu finealt' mar bu dual dhoibh,
Bha òigridh na Leth-uachdraich,
Bho oighreachd Dhubhaird a's Lochbuidhe—
Ceann uidhe nan uaislean,
Deoch-slàinte, etc.

THA MO RUN AIR A' GHILLE. ✓

cc. by Catherine Munro, Mull (cc.) *

Tha mo rùn air a' ghille,
'S e mo dhùrachd gu'n tig thu;
'S mi gu'n siùbhladh leat am fireach
Fo shile nam fuar-bheann.

cc. Oidhche shamhraidh dhomh 's mi 'nì ònar,
Na 'm b' urrainn domh gu'n denainn òran,
'S truagh, a rìgh, nach robh mi pòsd'
Air òigear a' chùil dualaich!
Tha mo rùn, etc.

cc. O, gur e mo cheist an t-òigear,
Fear chùil duinn 's an leadain bhòidhich;
'S mi gu'n siùbhladh leat thar m' eòlais,
Ged tha 'n còta ruadh ort.
Tha mo rùn, etc.

Nàile 's e mo ghàidh an t-òigeas
Ag an eilean! Pleasaù blàthadh
Gheòr dìubh - dhaonair òrlamh
'S gràinn air iorsat ghearradhach.

(From Mr
Cormandale)

GHAIDHEALACH.

191

Mòine 's e mo ghàidh an fìrinne
'S mòr a thug mi 'ghaoil do'n fhiùran,
Tha mach á teaghlaich Chill-Lànduinn;
Sealgair ~~fàide~~ thiadh thu 'm beinn a' bhùiridh,
'S eilid lùth nan lnath-chas.

Celtic Monthly
XI. 35

Tha mo rùn, etc.

cc. Ged tha blàth na bric' ad aodann,
Cha do lughdaich sud mo ghaol ort;
'S mi gu'n siubhladh leat an saoghal,
Na 'n saoilinn do bhuannachd.

Tha mo rùn, etc.

Phosainn thu dh'aindeòin mo chairdean,
Gun toil m' athar, no mo mhathar;
Iain saor a tha mi 'g àireamh,
Bho 'n 's e chnàmh a' ghruag dhiom.

Tha mo rùn, etc.

cc. Tha'n Nollaig a' tigh'n as ùr oirn,
Ged a tha, gur beag mo shùrd rith':
'M fear nach fagadh anns a' chùil mi.
Air chul na'n tonn uaine!

Tha mo rùn, etc.

cc. 'S beag a shaoiliun fein an uridh,
Gu'n treigeadh tu mi cho bùileach;
Mar gu'n tilgeadh craobh a duilleach.
Dh'fhas thu umam suarach.

Tha mo rùn, etc.

Sid:

Ca chadail, ca chadail,

Ca chadail 's cha tannah,

~~Iarsam faigh mi mo liannan~~

~~an an glaibh mo límbh~~ ORAN GAOIL.

'S i so a' bhliadhna chuir ás domh

'S a sgiol am falt bharr mo chinn.

'S a' chuid a dh'fhan deth air glasadhl, *nach eil*

~~Is a' falbh 'n a mholl~~ leis a' ghaoith. *shad*

of book on floor, (191)

- G** Cha dean lighich bonn feum dhomh,
 Nì fo 'n ghréin ach aon nì,
 Bho 'n nach fhaicinn mo cheud-ghràdh,
 'S mi call mo chéille g'a caoidh.
- G** Tha mo shùilean air sileadh,
 Ceart cho mhìn ris an allt,
 Tha mo bheul air fàs tioram,
 'S tha mo chridh' air fàs fann.
- G** Chaidh mo choiseachd am moillead,
 Chaidh mo chadal air chall;
 Bho 'n là dhealaich mo leannan 'Storage nach mi thà pàthach
 duns a'
- Gur i'n òigh a th'air m' aire,
 Bean nan gorm-shùilean blàth';
 Bean nan calpannan cruinne,
 Nach 'eil tuisleach air blàr.
- Cha léir dhomh eron cuim ort
 Bho d' mhullach gu d' shàil,
 Ach nach d' aontaich thu lùbadh,
 A chiall 's a rùin, rium le blàths'.
- { — 'S ged a théid mi do 'n leabaidh,
 Cha 'n fhaigh mi eadal no tàmh,
 Ach a' smaointinn mu m' leannan
 Bean is banaile dh' fhàs. }
- Sùil ghorm is glan sealladh—
 Fhuair thu barrachd air càch;
 Leam is gil' thu fo d' anart,
 Na 'n eal' air an t-snàmh.
- Thug mi gaol dhuit da-rìreadh
 Seach aon té fo 'n ghréin,
 Ni mi 'chomhdach le firinn,
 Agus 'innseadh gun bhréig.

G.
 (3th, 17)
 by W. Ross

Gua a mis' tha fo mbòlaid
 Mu is nach nomin mi innis'
 Iba rac troim ior mo chridhe
 nach toz prodhùl no fiobh.

—Ged bu leam na trì riogh'chdan,
 'S còir sgrìobhte dhomh fhéin,
 Bheirinn iad le toil-inntinn,
 'S d' fhaotainn singilt' o'n chléir.

—Na 'm falbhadh am faoileach
 'S an uair chaochlaideach, fhuar,
 Bheirinn sgrìobh thar a' mhonaidh
 Dh' fhios na cailinn ud shuas.

—Tha do ghruaidh mar na ròsan,
 'N uair is bòidhche gu 'm bi,
 Blas na meal' air do phòige,
 'N uair a dheònaichinn i.

—Tha do ghruaidh mar an caorann,
 No mar aogasg an ròis,
 Beul briotanach caoin thu,
 Mala chaol mar it' eòin.

Troidh chruinn am bròig aotruim—
 Thug mi gaol dhuit ro-mhòr,
 Fhad 's is maireann mo shaoghal
 Cha chaochail mi seòl.

Tha mo cheann air a lionadh
 Le flabhrus ro àrd,
 Le breisleach do chiall-sa,
 'S le iarguin do ghràidh.

Chuirinn fios ort na 'm b'fhiach leat
 Tighinn, a chiall, air mo sgàth,
 'S na 'n tigeadh tu 'm fhianuis
 Bhithinn ciad uair ni b'fheàrr.

Tha mulad, tha mulad,
 Tha leann-dubh orm fhéin,
 Chionn gu 'n d' leig mi mo chruinneag,
 Le aon duin' tha fo 'n ghréin.

'S ma rinn iad ~~tha~~^{do} mhealladh
 Ann an gradaig bhuam fhéin,
 Leigidh mi mo chiad beannachd
 Gach aon là ás do dhéigh.

NIGHEAN DONN NAM MEALL-SHUIL.

Hùgaibh air nigh'n donn nam mall-shuil,
 'S trom mo cheum an déigh mo leannain ;
 Hùgaibh air nigh'n donn nam meall-shuil !

Mo nighean donn nam mala caola,
 'S misde mi na thug mi 'ghaol dhuit ;
 Cha d' fhuair mi dhuit cron no aobhar,
 Ach cho aomach 's bha do ghealladh.

Hùgaibh, etc.

'S mo nighean donn nam meall-shùil blàth,
 'S misde mi na thug mi 'ghràdh dhuit :
 Leam nach b' aithreach suidhe làmh riut ;
 Thug thu dhomh do làmh 's do ghealladh.

Hùgaibh, etc.

Gur a lionmhor mais a' fàs ort,
 Bho mhullach do chinn gu d' shàiltean ;
 Leis gach beus cha léir dhomh d' fhàillinn ;
 Thug thu bàrr air càch le ceanail.

Hùgaibh, etc.

Do phears' aotrom, aoidheil, sunndach,
 Fonnmhor, gun bhi trom air ùrlar,
 Seang-chorp fallan, gun bhi dùmhail,
 Cho math 's gu 'n tig gùnn bho 'n cheannach.

Hùgaibh, etc.

'S iomadh sruthan mear mu d' ghuaillean,
 Lachannaich, dà thaobh Choir-uanain,
 Griogaraich nan lann bho 'n Ruadh-shruth,
 D' am bu dual an ruaig a leanait.
 Hùgaibh, etc.

Meur is fòglumt' air cur gréis thu,
 Beul is binne, 's grinne leughas,
 'S tu mar smeòrach anns a' chéitein
 'Gabhail bheus air gheugan barraich.
 Hùgaibh, etc.

Moire 's i mo ghaol an rìbhinn !
 Cas is deise 'théid roimh'n ruidhle.
 Mala chaol mar it' an fhior-eoin,
 Deud geal ibhri, dionach, daingean.
 Hùgaibh, etc.

So mo litir 's giùlan bhuam i
 Chum na rìbhinn thug mi luaigh dhi,
 'S innis dhi nach toir mi fuath dhi,
 Gus an dean an uaigh mo sgarradh.
 Hùgaibh, etc.

'S iomadh latha chaith mi 'n cheàrdaich,
 'S mi 'n dùil gu 'n deanainn do thàladh,
 'S bho 'n thug d' athair aghaidh-nàir' dhomh,
 Bidh mi 'fàgail agad beannachd.
 Hùgaibh, etc.

MOLADH NAN LAOCH GAIDHEALACH.

LE CAILEIN CAIMBEUL.

SEISD :—Ho gur coma leam a' bhrigis,
 Gur-a liobasda fo m' shàil i;
 'S mòr a b' anns' an t-éile cuaiche
 Dhol a shealg feedh chruch a's àrd-bheann.

Tha mi 'cuimhneachadh gach sòlais,
 Far an robh mi òg air m' àrach ;
 Gheobhteadh isg a's eunlaith fhiadhaich
 'S a bhi sealg nam fiadh feadh àrd-bheann,
 Ho gur coma, etc.

Sud an t-àite 's an robh 'n t-éibhneas—
 Tha gach luibh ni feum a' fàs ann :
 Biolair uaine 'n uisg' an fhuarain
 'Bheireadh do gach sluagh an slàinte.
 Ho gur coma, etc.

Cèòl bu bhinne leam bhi 'g éisdeachd,
 'N àm éirigh gréin air sgéith nan àrd-bheann ;
 Bhiodh an coileach-dubh a' dùrdail,
 Cubhag a's "gu-gùg" 's gach àit' aic'.
 Ho gur coma, etc.

Chluinnteadh langanaich an fhéidh ann,
 'S chiteadh treud diubh anns gach fàsaich ;
 'S bhiodh an crodh a' ruith gu buaile,
 'S dol air uairean thun na h-àiridh.
 Ho gur coma, etc.

Far an lionmhòr gillean òga,
 Ged chaidh mòran diubh thar sàile :
 'S bu chùis eagail do gach riogh'chd iad,
 H-uile linn diubh mar a dh'fhàs iad.
 Ho gur coma, etc.

Bha iad uile làn de chruadal,
 Mar chuala sibh mu Dhonachadh 'n Aighe ;
 A's Ian Ruadh (gu'n robh gach buaidh leis !)
 Bha'n a cheannard sluaigh do'n bhan-righ.
 Ho gur coma, etc.

Ach na'm faighinn-se an tòran
 Chur an òrdugh ann an Gàidhlig,
 Dheanainn moladh air na h-uaislean,
 Bha cho suairce ris na Gàidheil.

Ho gur coma, etc.

Bho nach d'fhuair mi orra eòlas,
 Cha 'n urrainn mi gu leòir a ràdhtuinn,
 Air neo dh'innssinn dhuibh am buadhan,
 'S an stoc uasal ás an d' fhàs iad.

Ho gur coma, etc.

Mo mhìle beannachd-sa gach uair dhaibh,
 'S guidheam gur-a buan dhoibh slàinte ;
 Bидh sinn uile an deagh rùn daibh—
 'Sona 'n dùthaich anns an d' fhàs iad.

Ho gur coma, etc.

Tha gach duine làn de shòlas,
 Mu chruinneachadh mòr na Gàidheal ;
 Tilgeil cloiche, 's car de chabar,
 'S òrd 'n a dheannaibh le neart gàirdein.

Ho gur coma, etc.

'S 'n uair chluinneadh iadsan sgal na pìoba,
 Bhiodh iad inntinneach mar b' àbhaist ;
 Gu'm bu mhath a ruith na réis iad,
 'S leumadh iad mar fhéidh nan àrd-bheann.

Ho gur coma, etc.

Sud na gillean a bha treubhach—
 'S mòr an éifeachd anns na blàraibh,
 'N aghaidh na lasrach a's na luaidhe,
 Gu ro chruaidh gu bualach stàilinn.

Ho gur coma, etc.

Sir Cailean féin, an ceannard uasal—
 'S e Morair Chluaidh a chaint' an dràst ris—
 'S mòr an t-urram e do 'n rioghachd,
 'S is toilinntinn e d'a chàirdean.
 Ho gur coma, etc.

'S ann le misnich a's deadh-sheòltachd,
 A thàirneadh ann an òrdugh blàir iad ;
 'S mur gabh an ànmhaid an ratreuda,
 Gu'n laidh gach creubhag dhiubh 's an àraich.
 Ho gur coma, etc.

Cha robh 'n leithid riamh 's an rioghachd ;
 Bheireadh iad gu sìth gach ceàrna :
 Aig an Alma, 's a' Chriméa,
 Gun di-chuimhn' 'bhi air Balaclàbha.
 Ho gur coma, etc.

'N uair bha tàirneanach nan canan
 'Cur mactalla ás gach àite,
 Bha Sir Cailean, agus buaidh leis,
 'Brosnachadh a suas nan Gàidheal.
 Ho gur coma, etc.

Nis nam biodh iad uile dileas
 Anns gach ni mar bha na Gàidheil,
 Bhiodh Sebastopol air strìochdadadh,
 'S Russia fo chìs do'n bhan-righ.
 Ho gur coma, etc.

Fhuair iad urram anns na h-Innsean
 Nach bi air di-chuimhn' do na Gàidheil :
 'S e Righ nan dùl a ghabh dhiubh cùram—
 Gach moladh a's gach cliù bhi dhasan !
 Ho gur coma, etc.

A NIGHEAN DONN AN T-SUGRAIDH.

SEISD :—A nighean donn an t-sùgraiddh,
 'S mo chaileag laghach, shunndach—
 A nighean donn an t-sùgraiddh,
 Gu 'n siùblainse air m' aineol leat.

Gur ann oidhch' Fheill-Brighte
 A bhruadair mi os iosal ;
 'S 'n uair thionndaidh gu briodal,
 Cha d' fhuair mi fhìn ach faileas diot.
 A nighean donn, etc.

A' chiad Di-luain d' an ràidhe,
 Ghabh mi mòran gràidh ort ;
 Gu 'm fagainnse mo chàirdean,
 'S air sàile rachainn thairis leat.
 A nighean donn, etc.

Tha d' fhalt a sios mu d' ghuaillich,
 Air dhath an òir, 'n a dhualaibh ;
 Is math 'thig sioda luachmhòr,
 Mu ghuaillich grinn na h-ainnire.
 A nighean donn, etc.

Do ghruaidean mar na ròsan,
 Do bràghad mar an neòinean ;
 Thug mi gaol 's mi òg dhuit,
 'S cha bhi mi beò mur faigh mi thu.
 A nighean donn, etc.

Do phòg air bhlas nam figis,
 Do dheud cho geal 's an ibhri ;
 Is lionmhòr fear tha 'n tì ort,
 'S gu dilinn nach fhaigh iad thu.
 A nighean donn, etc.

⊗ 66 - NE 1. 242.

Cha 'n e meud do stòrais
 A chuir mi fhìn an tòir ort;
 Thug mi gaol 's mi òg dhuit,
 'N uair bha mi gòrach, amaideach.
 A nighean donn, etc.

Ged bu leam de stòras,
 Na bheil 's an Fhraing 's an Olaind,
 Gu'm b' fhearr leam bhi riut pòsda
 Na òr an Righ ged fhaighinn e.
 A nighean donn, etc.

Is mise tha fo éislein,
 Gach latha 's mi ag éirigh,
 A' cuimhneachadh air m' eucag,
 A's Mac-a-gheill a' laidhe leath'.
 A nighean donn, etc.

MAOL-RUAINIDH GHLINNEACHAIN.

Hà, ho-ró, Maol-Ruainidh Ghlinneachain,
 À, ho-ró, Maol-Ruainidh !
 Dh' fhàlbh do mhàthair 's thug i 'm fireach oírr',
 Ha, ho-ró, Maol-Ruainidh !
 Dh' fhàlbh do mhàthair 's thug i 'm fireach oírr',
 Ha, ho-ró, Maol-Ruainidh !
 Dh' fhàg i 'n gleann 's na féidh a' fuireach ann.
 Ha, ho-ró, Maol-Ruainidh !
 Dh' fhàg i 'n gleann, etc.—Hà, ho-ró, etc.
 Clochan geal' a's bainne 'sileadh leo,
 Ha, ho-ró, Maol-Ruainidh !
 Clochan geal,' etc.—Hà, ho-ró, etc.
 'S na ma tig an t-aon là thilleas i,
 Ha, ho-ró, Maol-Ruainidh !

'S na ma tig, etc.—Hà, ho-ró, etc.

Thug i 'm balg 's an robh do chuid mine leath',

Ha, ho-ró, Maol-Ruainidh!

Thug i 'm balg, etc.—Hà, ho-ró, etc.

Thug i chuach 's an robh do chuid ime leath'. 52

Ha, ho-ró, Maol-Ruainidh!

Thug i chuach, etc.—Hà, ho-ró, etc.

Thug i chearc a bh' air an iris leath',

Ha, ho-ró, Maol-Ruainidh!

Thug i 'chearc, etc.—Hà, ho-ró, etc.

'S ciod e, ghaoil, a bhiodh tu 'sireadh orm—

Hà, ho-ro, Maol-Ruainidh!

Ciod e, ghaoil, etc.—Hà, ho-ro, etc.,

'S nach 'eil im, no ciath, no min agam?

Ha, ho-ró, Maol-Ruainidh!

'S nach 'eil im, etc.—Hà, ho-ró, etc.

Gheobh thu bainne na bà druimfhinn bhuam,

Ha, ho-ró, Maol-Ruainidh!

Gheobh thu bainne, etc.—Hà, ho-ró, etc.

Gheobh thu ciath, a's iasg, a's sithionn bhuam;

Ha, ho-ró, Maol-Ruainidh!

Gheobh thu ciath, etc.—Hà ho-ró, etc.

Gheobh thu glùn, a's mùirn, a's mire bhuam,

Ha, ho-ró, Maol-Ruainidh!

Gheobh thu glùn, etc.—Hà, ho-ró, etc.

'S tiugainn leam do'n t-Sithein urad ur,

Ha, ho-ró, Maol-Ruainidh!

'S tiugainn leam, etc.—Hà, ho-ró, etc.

Hà, ho-ró, Maol-Ruainidh Ghlinneachain,

Ha, ho-ró, Maol-Ruainidh!

FAILTE DHUIT A'S SLAINTE LEAT. *

Seisde Te Fhearchair Mac Dhomhnaill
SEISD—Fàilte dhuit, a's slàinte leat!

'S i 'n fhàilte chuirinn ás do dhéigh—

Fàilte dhuit a's slàinte leat.

Fhleasgaich òig a dh' fhàg an dùthaich,
 'S e mo dhùrachd dhuit gu dian,
 Turus taitneach 's ruigheachd sàbhailt,
 Dh' ionnsaidh 'n àit an d' rinn thu triall.
 Fàilte dhuit, etc.

Bho'n a dh' fhàg thu càirdean gaolach,
 Tha gach aon fo àmhghar geur ;
 Tha gach sean a's òg fo mhì-ghean,
 A's gach nìonag 'sileadh dheur.
 Fàilte dhuit, etc.

Cha 'n fhaicear nis do choin ri mireadh,
 Chaoiagh cha mheasg iad anns an ruraig.
 Iad a' donnalaich gu túrsach,
 'S fàth an iondrainn air a' chuan.
 Fàilte dhuit, etc.

'N uair a għlacadh tu do ghunna,
 'S lodhainn fħuilteach ás do dhéigh,
 B' fhearail, iollagach do shìnseag,
 'Dol na frith air sealg an fhéidh.
 Fàilte dhuit, etc.

'S tric 's a' mhadainn leis a' pheileir,
 Leag thu 'n eilid air an tom ;
 'N coileach dubh air slios na mòintich,
 Agus ròn air bhàrr nan tonn.
 Fàilte dhuit, etc.

'S tu bha aoidheil 'measg nan gaisgeach,
 Oigear gasda nam fear fial ;
 Cridhe mòr an com an uassail—
 Ort bu shuarach a bhi crion.
 Fàilte dhuit, etc.

Ilog iad oim gne oibh mi gornal,
'S gur e int-eil d' an tig an spuis
Ach na faighinn thu li i ghearradh
Bhithinn eis stòlla iost fléini.

'S iomadh té a tha glé mhòdhar,
A's an t-òr aice 'n a mhill,
Leis am b' fheàrr aic' thu r' a guallainn,
Na aon uachdran anns an tìr.
Fàilte dhuit, etc.

Ged bhithinn-sa am athair òighe,
'S pailteas stòrais agam dhi,
B' fheàrr leam falamh thu mar chliamhuinn
Na fear spiocach ged bu rìgh
Fàilte dhuit, etc.

'S beag an t-ioghnadh thu bhi uaibhreach,
Agus uasal anns gach àit',
Stiùbhardach de dh-fhuil nan rìghrean,
'Lean na mìltean anns gach càs.
Fàilte dhuit, etc.

'S gur Mac-Rath thu á Ceann-t-sàile,
'S tu o d' mhàthair math 's gach linn,
Ri Mac-Coinnich 'chum an oighreachd,
Dh' aindeoin saighdearan an rìgh.
Fàilte dhuit, etc.

'S glan a fhreagras sud do d' phearsa,
Féileadh preasach 's e gun chearb,
Paidhir phiosal 's taghadh biodaig,
Air bhac-easguid nach 'eil meanbh.
Fàilte dhuit, etc.

Aodann aoidheil làn do chàirdeas,
Beul a' mhànrain gun bhi fiar;
A's làmh dheas air cùl a' bhotuil,
'Lionadh copan bras 'n a triall.
Fàilte dhuit, etc.

Nàile ghuidhinn dhuit gun bhrosgul,
 Sláinte, sonas, agus miadh,
 'S cuibhl' an fhortainn bhi 'dol timchioll,
 Ceart mar fhreagreas i do d' mhiann.
 Fàilte dhuit, etc.

A's thu philleadh do ar 'n ionnsaidh,
 Làn a dh'iunntais fo do chòir ;
 Saoghal fada gus a mhealtuinn,
 'S fois nam beannachd dhuit fa-dheòidh !
 Fàilte dhuit, etc.

LUINNEAG,



LE MAIRI NIC EALAIR,

AIR DHI DEOCH DE DHROCH UISGE 'FHAOTAINN.

SEISD.—O hi-rì, ho raill ó,
 Raill ó, ho raill ó ;
 O hi-ri, ho raill ó,
 Mo chridhe trom, 's cha neònach !

'S e 'chuir mis' a dheanamh duain,
 'Mheud 's a chuireadh orm de ghruaim,
 Leis an deoch de dh-uisge ruadh
 A fhuair mi an Hanòbhar.

O hi-rì, etc.

'S ainneamh 'chaochail sruth os cionn
 A' chlabair a bha ann an grunnd
 Na h-aibhne a bha ruith gun sunnd,
 Le bùrn nach tugadh solas.

O hi-rì, etc.

Coma leam an t-uisge glas,
 Coma leam a dhreach 's a bhlas ;
 'S mòr gu 'm b' fhearr na feadain bhras
 A thig bho chas nam mor-bheann !
 O hi-ri, etc.

Cha robh fionnarachd ann riabh
 Mar bha 'n sruthanan nan liabhs,
 'Chuireadh fallaineachd an cliabh
 Gach iotmhòr a ni ol asd'.

O hi-ri, etc.

'S i mo run-sa tir nam beann—
 Abhainn fhior-uisg, anns gach gleann ;
 Torman binn aig mile allt,
 'S iad mar bhean-bainns' an ordugh !
 O hi-ri, etc.

Comhdach min-fheoir air gach bruaich,
 Laist' le ròsan 's bòidhche snuadh ;
 'S gur h-ioc-shlainteach a sruthain fhuar,
 Nach cruadhaich a' ghaoth-reoite.

O hi-ri, etc.

A thir an fhior-uisg', thir mo chrìdh,
 'S beag an t-ioghnadh ged a bhiodh
 An ròs 's an lili a' cur strìth
 An gruaidhean mine d' òigridh !
 O hi-ri, etc.

'S neartmhòr d' osag leam, 's is ùr,
 Ag eirigh luchdaichte le tùis,
 'N uair tha ghrian ag ol an drùchd
 Bho d' thrusgan flùrach, bòidheach.
 O hi-ri, etc.

Cha b' ioghnadh Deorsa 'bhi an diomb
 Ris an òg d' an d' thug thu rùn ;
 Bu tu 'n neamhnaid ann a chrùn,
 A's cha b' i dùthaich 'òige.

O hi-rì, etc.

'S ged tha mis' an so air chuairt,
 Tha'n Gleann-Comhann eutrom luath ;
 'S 'n uair a theid a siùil a suas,
 'S ann tuath a ni seoladh.

O hi-rì, etc.

'S 'n uair ruigeas mise tir an àigh,
 Tir mo dhàimh, a's luchd mo gràidh,
 Nàile, theid mi fhein gun dàil,
 A dh-ol mo shàth á Lòchaidh !

O hi-rì, etc.

AN T-SOBHRACH MUILEACH.

LE DUGHALL MACPHAIL.

Fàilte an Ughdair do Shòbhraichean a fhuair e á Eilean Mhuile, air
 dha am planntachadh ri taobh lilidhean, 'n a ghàradh ann am Baile
 Dunéideann, anns a mhios Mhait, 1870.

AIR FONN :—“ *Birlinn bhan a Chùbair.* ”

SEISD—A lilidh, reul nam flùran,
 Ged fhuair thu urram,
 'S taitniche gu mòr leam
 An t-sòbhrach Mhuileach.

A lilidh chaoin-gheal, uasal,
 Na biodh eud no gruaim ort ;
 Ged nach tu mo luaidh
 Cha 'n 'eil mi suarach umad.
 A lilidh, etc.

Tha thu ùigheil, luach'or,
 Aig islean a's aig uaislean ;
 Bidh na bàird ri luaidh ort
 Anns gach duan a's luinneag.
 A lilidh, etc.

Tlachd a's miann mo shùl thu,
 'Measg nam blàth 's nam flùran ;
 'S coma leam gach ùmpaidh
 Nach biodh mùirneach umad.
 A lilidh, etc.

Ach fhuair mi deideag làmh riut,
 Anns gach buaidh bheir bàrr ort—
 Sòbhrach bhanail, mhàld'
 'Chaidh àrach 's an Leth'r-Mhuilich.
 A lilidh, etc.

Mo shobhrach gheal-bhuidh', thlàth,
 D' an dùthchas a' choill' fhàsail ;
 Bha do bhreath a's d' fhàs
 Am bràighe Creag-an-Iubhair.
 A lilidh, etc.

Cha b' e blàths a' ghuail
 A thug dhuit càil a's tuar,
 Ach feartan grian nam buadh,
 A's anail fhuar Chaol-Muile.
 A lilidh, etc.

Feadh nan raointean lom ud,
 Far nach cinn na foth'nain,
 Gheobhteadh dlòthaibh trom dhiubh
 Air gach tom a's tulaich.

A lilidh, etc.

'S coidheas deas no tuath leat;
 'Measg nan càrn 's nam bruachag,
 Cinnidh tu gu guamach,
 Fallain, snuaghор, lurach.

A lilidh, etc.

Ged a thig ort dùiseal
 Ann an àm na dubhlachd,
 Cha tig bàs fo 'n ùir ort,
 Ged robh 'n fhionntainn guineach.

A lilidh, etc.

Dh' aindeoин cruas a' gheamhraidh,
 'S fuachd an fhaoiltich chraintidh,
 Bidh do thrusgan bainns' ort
 M' an tig àm na cuthaig.

A lilidh, etc.

An tìr na toit' 's nan dù-Ghall,
 Fad o thìr do dhùthchais,
 Tog do cheann gu sunndach
 'S cuir air chùl am mulad.

A lilidh, etc.

ORAN-MOLAIDH DO NIGHINN UASAIL ARAID. ☈

LE GILLEASBUG C'AIMBEUL, AN C'EANN-LOCH-EIREANN.

Feasgar Luain 's mi muigh air chuairt,
 'S a' ghleannan uaine, neòineanach,
 'S mi bhi 'm shìneadh air an luachair,
 Bhruadair mi 's bu neònach leam,
 An rìbhinn uasal, is mò buaidhean,
 A bhi cluaneis còmhlaigh rium,
 'S 'n uair a mhosgail mi o'n tùirneal
 Bha mi thirseach, brònach dheth.

O cha robh ann ach faileas faoin,
 Cha robh mo ghaol-sa còmhlaigh rium ;
 'N uair shaoil mi i bhi dlùth do làimh,
 O b' fhad' a thàinig o m' chòmhlaigh i—
 An rìbhinn ùr, do'n d' thùg mi 'n uidh,
 Dh' fhàg bruite, tinn, fo m' chòta mi ;
 'S mur faigh mi còir oirre le cinnt,
 'S i chill is àite-còmhnuidh dhomh.

Gu cinnteach càirear mi 's an uaigh,
 Ri luaths mur dean thu tròcair orm ;
 'S mi 'n ceangal aig do ghràdh cho buan,
 'S nach dualach dhomh bhi sòlasach ;
 Oir ged a shiubhlainn deas a's tuath,
 Mu 'n cuairt air an Roinn-Eòrpa so,
 Cha'n eil bean eugais ann do m' luaidh,
 Am beus, an uaisl', 's an spòrsalachd.

Cha'n eil bean eugais ann do m' ghràdh,
 No te bheir bàrr am boidhchead ort ;
 Bho chrùn do chinn gu sàil do bhuinn,
 Ro chumte, grinn, gun lòdalachd ;

Cha'n 'eil crón cumaídh ort r' a luaidh,
 'S gu bheil do bhuaidhean còrdadh riúim;
 'S bidh sàr dhaoin'-uaisle ag òl á euachaibh,
 Slàinte bhuan an còmhnuidh dhuit.

Bidh sàr dhaoin'-uaisle, treubhaeh, tapaídh,
 Spéiseil, gasda, mòr-chuisseach,
 Ri luaidh gun bheud air beul nam beus,
 'S a' eur an céill a dòigheanan;
 'S iomad òigear fearail, finealt',
 'S pailteas nì a's stòrais dhaibh,
 A chunntadh suarach iad gu léir,
 Air ghaol bhi réidh am pòsadh riut.

O 's ann air ceann nan iomadh dual,
 A dh' fhàs a' ghruag is dòmhaile;
 Gu pleatach, euachach, dreachar, snuadh-dhubh,
 Lùbach, dualach, feòirleineach;
 'S an siod' thig o na h-Innsean Shuas,
 Air uachdar, cumail còmhdaich air;
 A's páirt dheth crochadh sios gu d' ghualinean,
 'S òr do chluas ga chòmhlichadh.

O 's lionar buaídh, a tha riut fuaighe,
 Nach gabh luaidh no fòghlum dhomh;
 'S tu 'n fhior fhuil uasail nach robh suarach—
 Dhuit bu dual o d' sheòrsa sin;
 Na sruthain mheara, ghlana, uaibhreach,
 Díreadh suas ad phòraibh-sa;
 O 's glan an ir' o'n deach do bhuaineadh,
 Cha robh snuadh an fhòlaich oirr'.

Dà mhala chaoil, mar it' an eòin,
 Air gnùis, is lòidhche fàilteachadh;
 Dà shùil mar dhearcagan an fhraoich
 Ad aodann, a's fiamh-ghàir orra;

Tha deud geal, snaidhite, mar a' chaile,
 Am beul na mais a' tàmhachadh ;
 Do bhilean tana, dearg' mar ròs,
 'S do phòg mar ùbhlan gàraidh leam.

Cha'n ann mar chraoibh an coill gun sgoinn,
 A dh' fhàs an loinn bhean àluinn so ;
 No mar lus am fàsach faoin,
 A bhiodh feadh fraoch nan àrd-bheannan ;
 Ach slat de'n abhal a bha daor,
 Ri 'n d' fhuairear saoth'r a' ghàradair ;
 'S i ùrar, direach, dosrach, caomh,
 'S a h-ùbhlan maoth a' fàs oirre.

Do sheang chorpa sàr-gheal, fallain, nuadh,
 Mar eala 'chuain an spòrsalachd ;
 No mar fhaoilinn thig o'n tràigh,
 Gu'n toir thu bàrr am boidhchead Orr' ;
 No mar éideig ghil nan càrn,
 'N uair tharladh tu air mòintich Orr' ;
 No mar chanach an cois càir ;
 No sneachda bàn air mòr-bheannan.

Do chalpa geal-ghlan, cuimte, garbh',
 Air dealbh a' bhradarain shàile ;
 'S an troidh, gun chearb, is foirmeil' falbh,
 Nach dochunn calg nan àileanan,
 Am bròig phiollaich, dhuibh, o'n bhùth,
 Théid ginidh 's crùn a phàigheadh oirr' ;
 An àm do dh-fhidhill chur air sunnd,
 Bu ghrinn air ùrlar-clàraidh thu.

'S ge h-éibhinn leibh a dheàlras grian,
 Air sliabh ri madainn cheòbhanaich,
 Cha ghabh i samhlachadh ri m' chiall-s',
 Cha'n'eil i trian am bòidhchead dhi ;

'S tu reult-iil os cionn nan nial,
 Tha miaghail aig gach seòladair,
 A'deàlradh anns an àird-an-iar,
 'S iad 'g earbsa trian de'n eòlas riut.

A's ged a chuir mi cuibhrionn sìos,
 A réir mo mhiann, an òrdugh dhuit,
 Cha chuirinn crìoch, a chaoidh, le rian,
 Ach gann, air trian de d' dhòigheanan;
 Ach fhir a dh' imnicheas mu 'n cuairt,
 Na ceil mo dhuan, ach fòghlum e,
 Do'n mhaighdinn chunnaic mi Dì-luain,
 Ann a' ghleann uaine, neòineamach.

A N T-O I G E A R U A L L A C H. ✓

LE SEUMAS MUNRO.

AIR FONN :—“*An Gille guanach.*”

SEISD.—'S e 'n t-òigear uallach a sheòl thar chuan uainn
 Rinn m' fhàgail truagh dheth, 's a luaisg mo chridh'.
 A fhleasgaich uasail an leadain dualaich,
 Tha mi fo ghruaim o'n a dh' fhàg thu 'n tir.

Ged thig an Samhradh le 'thrusgan greannar
 A' sgeadach ghleann agus bheann le 'lith,
 Cha tog e fonn air mo chridhe trom-sa :
 Tha 'n saoghal lom leam 's mo shouin am dhith.
 'S e 'n t-òigear uallach, &c.

Cha b' ionnan m' àbhaist an uair bu ghnàth leam
 Bhi 'n glaic mo ghràdhdaich air sgàth na frith ;
 An duilleach uaine 'n a sgàil mu'n cuairt duinn,
 'S a thrusgan snuaghar mu bhruaich a' ghlinn.
 'S e 'n t-òigear uallach, &c.

An coireal ceòlar air feadh nan cròc-mheur,
 'S an t-eas, gu bòidheach, a' dòrtadh still;
 An crodh air àilean, 's an teas ga'n sàrach,
 'S na laoigh le h-àilleas ri h-àbhachd dhuinn.
 'S e 'n t-oigear uallach, &c.

An t-oigear dualach, 's a cheann an cluain rium.
 A' gabhail dhuanag á 'chuanal binn;
 Treis eil' air briodal, gu milis, miogach,
 'S mo chneas dluth-fillte 'n a mhìn-ghlaic ghrinn.
 'S e 'n t-oigear uallach, &c.

An sin b' e m' àilleas a' choill' 's na blàithean,
 'S bhi tathaich fàsaich a's sgàil na frith,
 Le m' oigear àluinn, do'n d' thug mi 'n gràdh sin
 A dhùisg dhomh cràdh o'n a dh' fhàg e'n tìr.
 'S e 'n t-oigear uallach, &c.

An t-oigear àillidh a sheòl air sàile
 Gu fonn Astràili an àraich mhìn;
 Gu'n leag e sàrach air m' uchd-sa 'n dràsta,
 A chuir an èas mi o'n dh'fhàg e'n tìr.
 'S e 'n t-oigear uallach, &c.

M A R B H - R A N N



DO THEARLACH STIUBHARD, FEAR BHÀILE-CHAOLAIS, A CHAOCHAIL
 'S A' BHILIADHNA, 1855.

Le Donnachadh Mac-Aonghais.

AIR FONN. "Mort Ghlinne Comhann."

'S gur mise tha tùrsach,
 Tha mo chridhe fo leann-dubh 's fo bhròn,
 Bho 'n a thàinig as ùr oirnn
 Sgeula cràidh dh' fhàg fo chùram na slòigh;

Deadh fhear Bhaile-Chaolais,
 Ris an deanamaid faoilte gu leoир,
 A bhi an cadal nach dùisg e,
 Am baile Pheairt ann an dùthchas a sheors'.

'S e do bhàs bhi ga éisdeachd
 Aig do mhuinnitir mar sgeula le bròn,
 A thromaich mo chreuchdan,
 'S a rinn mo chridhe-sa reubadh am fheòil ;
 Bho 'n a dhealaich thu féin riunn,
 Fhir a b' urrainn ar réiteach 's gach dòigh,
 'S a dheanadh ar riaghladh,
 'S nach biodh trom oirnn le fiachan ad dheoin.

Cha leur dhuinn gaiameamh an tobair
 Gus an tràigh e mu choinnimh ar sùl,
 No fasgadh na coille,
 Gus an téid sinn air aghaidh an luim,
 No taic' an fhir uasail,
 A sheasadhbh 's an fhuaradh ri'r cùl,
 Gus 'n do chuir sinn 's an uaigh thu—
 Och mo chreach ! mo sgeul cruadail an tòrn !

'S ionadh bantrach dheurach
 Anns an dùthaich fo éislean gu leoир,
 Mu chul-taice nam feumach
 A bhi na 'laidhe gun éirigh fo 'n fhòd ;
 Bu tu clach-oisinn na stéidhe
 Nach fhaiceadh an eucoir 's a' mhòd,
 'S ionadh dilleachdan tréigte
 A rinn thu àrach gu ceutach mu d' bhòrd.

'S bu cheann-iuil thu do'n òigridh,
 'G an tarruing o ghòraich gu stéidh ;
 'S cha robh thu trom air am pòea
 Le ùnlagh an tòir am mi-chéill ;

'N uair a dh'innseadh tu 'n càsan,
 'S a leughadh tu'n failinn gu léir,
 B'i do chomhairle làidir,
 Gun tighinn tuile ad lathair 's a' cheum.

Bu leat urram nan uaislean
 Anns gach ceàrna mu'n cuairt duinn gu léir ;
 Bu leat ùrnaigh nan truaghan,
 'S tu nach druideadh do chluas riu na'm feum,
 Le d' aigne ghloin, shuairee,
 'S an robh iochd agus truas a' comh-streup.
 Nach fhaiceadh acras na fuachd orr'—
 'S tric a ghiulain thu'n uallach leat féin

Bu mhór do bhàigh ri d' luchd-dùthcha
 Ann an comunn na cùirt aig a' mhòd,
 'S tric a choisinn e diumb' dhuit,
 A' tagradh làidir an cùisean le còir ;
 Chi iad nise le 'n suilean
 Gu 'n d' atharraich an cùrsa gu mòr,
 Nach bi sochair nan dù-ghall
 Ach seire sheachrain gun dùrachd na 'tòir.

Do chliu tha dhomhsa do-innseadh
 Am measg mhaitean na tire gu léir :
 Bha thu 'd cheann anns gach sìth dhaibh,
 'G an stiùradh le firinn 's gach céum :
 A' deanamh soilleir d'an inntinn
 Gach euis a bhiodh diomhair dhoibh fein—
 Gu faicinn arain aig diobaraich
 A bhiodh air udal, 's d'an dileab an déirc'.

Thruis do mhuinnitir ri chéile
 Dheanadh coinnimh riut féin mach o'n ghleann ;
 Ged bu ghoirt leo an reuson
 Thu bhi fo chìs aig an eug anns an àm,

A' tighinn air charbad each cruidheach,
 Le brat dubh'chais a's cumh' air gach sreing,
 Gu Cill-Iain mo rùin-sa
 Far an d' fhàg sinn 's an ùir thu gu 'r call.

Far an d' fhàg sinn do luaithre
 Aig Eaglais Easbuigeach bhuaidhar nan ceud,
 Da 'n d' thug na h-Abstoil làn àghdaras,
 Na riaghailt, 's na h-àrmraighean mar stéidh;
 Mar ri sochairean slàinte
 'S an do chreid thu gu làidir gu léir,
 'S a bheil sinn an dòchas le tròcair
 Gu bheil d' anams' aig sòlas na 'dhéigh.

'S goirt leam càramh do chéile,
 'S bean na h-aonar ad dhéigh i gach là,
 Bho 'n chaill i iuchair a' ghliocais
 A dh' phosgladh sùilean an tuigse do chàch—
 A chuireadh ceart iad le reusan
 Ann's gach gnothach a b' èigiunich càs'
 Nis o'n chuir sinn do'n chill thu
 C'ait' am faigh sinn 's an linn so ni d' àit?

Ach tha mo dhòchas 's an Ard-righ,
 'S e mo dhùrachd gach là e 's gach uair,
 Gu'n seas Dùghall ad àite,
 Ann an dùthchas 's am bláths mar bu dual;
 A' toirt toil-inntinn d' a chàirdean,
 Le urram, deagh nàdur, a's buaidh;
 'S gum b' e an Tì sin is àirde
 A bheir dha saoghal a's slàinte bhios buan!

CHLUINN MI NA H-EOIN.

[*The author of this Song was the late John Campbell, Farmer, Torosay, Isle of Mull. Captain Campbell of Achnaeroish, the subject of it, was the last of an ancient family, "the Campbells of Braeglen;" the occasion was his return with the Scots Greys from Ireland; Campbell composed a number of excellent Songs, none of which were hitherto published with the exception of "A Mhorag mur dean thu tighinn,"*]

Chluinn mi ha h-eòin, 's binn leam na h-eòin,
Na h-eòin, na h-eòin bhòidheach, blinne.

Chluinn mi na h-eòin, 's binn leam na h-eòin.

'S binn leam fhèin na bha mi 'g éisdeachd,
Madainn chéitein 's spréidh a' sileadh.

Chluinn mi, &c.

'S binn leam smèòrach air bharr géige,
'S uiseagan 's an speur ri iomart.

Chluinn mi, &c.

'S binn leam coileach dubh ri dùrdail,

'S ceare an tùchain dlùth ga shireadh.

Chluinn mi, &c.

'S binn leam gog nan coileach-ruadha

'S moiche ghluaiseas 's a' bhruaich firich.

Chluinn mi, &c.

'S binn leam cuthag le 'gùg-gùg,

'S a' mhàduinn chiùin air stùc a' għlinne.

Chluinn mi, &c.

'S binn leam guth na h-eala buadhaich—

Luinneag is glan fuaim air linne.

Chluinn mi, &c.

'S binne na iad sud gu léir

An naidheachd éibhinn a fhuair sinne—

Chluinn mi, &c.

Na *Scots Greys* air tigh'nn á Eirinn,
 Sàbhailte gun bheud, gun mhilleadh.
 Chluinn mi, &c.

An *Captain Caimbeul* le 'chomannda,
 De na bh' ann 's e b' annsa leinne.
 Chluinn mi, &c.

O na'n greasadadh Righ na gréin' thu
 Gu d' thir féin gu 'm b' éibhinn leinn' e!
 Chluinn mi, &c.

Gu tigh mòr nan tuireid àrda,
 'S e 'dol fàs gun àird' air inneal.
 Chluinn mi, &c.

An tigh a thog dhuit Flath na féille;
 'S ioma sùil 'bha deurach uime.
 Chluinn mi, &c.

Sliochd Iain bhig 'ic-Iain-'ic-Dhòmhnuill,
 G' an robh còirichean Bhràigh-Ghlinne. ✗
 Chluinn mi, &c.

FAILTE DO 'N EILEAN SGIATHANACH. ✓

LE NIALL MAC-LEOID.

O, failt air do stùcan,
 Do choireachan ùdlaidh,
 Do bheanntainnean sùghor
 Far an siubhladh am meann!
 Tha 'n geamhradh le 'dhùblachd
 Mu na meallaibh a' dùnadadh,
 'S gach doire le 'bhùirean,
 Air a rusgadh gu bonn.

it: clm 7 v. 13; Nall. MSS., 61.

Chi mi Cuchuilinn
 Mar leoghann gun tioma,
 Le 'fhiag d' an t-sneachd
 Air a pasgadh m' a cheann ;
 'S a ghruidhean a' srùladh
 Le easanan smùideach
 'Tha 'tuiteam na 'n lùban
 Gu urlar nan gleann.

Do chreagan gu h-uaibhreach,
 Mar challaid m' an cuairt dhuit,
 'S na neòil òir an iomairt,
 A' filleadh mu 'm bàrr ;
 'S am bonn air a sguabadh
 Le srùlaichean gruamach,
 Bho bharcadh a' chuain
 A' toirt nuallain air traigh.

O, e' àit 'eil na gaisgich
 A dh' àraich do ghilcan,
 'Bu shuilbheara maenus
 Mu stacan a' cheo—
 Le fùdar 'g a sgailceadh
 Bho 'n cuilbheirean glana,
 'S am miolchoin 'n an deannaibh,
 Nach fannach 's an tòir ;

Na laoch nach robh meata
 Ri aodann na batailt,
 Nach aomadh gu taise
 Ri caismeachd an nàmh ?
 Cha 'n 'eil raon agus machair
 Air na sgaoil iad am bratach,
 Nach d' fhàg iad an eachdraidh
 Gun mhasladh do 'n àl.

Ach tha 'm fàrdaichean sguabte,
 'S an seomraichean uaine—
 Iad fein a's an gaisgeadh
 'N an cadal fo 'n fhòid;
 'S tha osag nam fuar-bheann,
 Le 'h-osnайдhean gruamach,
 Ga 'n caoidh mu na cruachan,
 'S a' luaidh air an glòir.

O, e' àit 'eil gach sòlas
 'Bha agam am òige—
 'Toirt meal' as na ròsan
 Mu d' chòsagan tlàth?
 Tha companaich m' eòlais
 Air am fuadach o 'n còmhuidh,
 Tha mhil air a deothal
 'S tha 'n ròsan gun bhìtlàth.

Ach 's caomh leam do ghleanntan,
 Do shrathan 's do bheanntan,
 'S an ceò tha na chadal
 Air baideal nan àrd',
 Na ciabhagan torach,
 Na srònagan corrach,
 'S na sruthain ri coireal
 Do 'n eilid 's d' a h-àl!

Gu ma buan a bhios d' eachdraidh,
 Agus cliu aig do mhacaibh,
 Gus an crionar an talanh,
 'S am paisgear na neoil!
 Fhad 's 'bhios sioban na mara
 A' bualachd air caraig,
 Bidh mo dhurachd gun deireas
 Do dh-Eilean a' Cheo!

CUMHA IONAR-GHAIRIDH. ✓

LE SEUMAS MUNRO.

AIR FONN :—“ *Muile nam mòr-bhean.*”

Mi 'g amhare mu'n cuairt air bruachaibh Ghairidh,
 Tha m' aigne fo ghrnaim gun luaidh air aighear,
 A's Tùr nan clach uaine fuar gun chaithreim,
 Ge b'aobhach fathrumach, uair, e!

Air Tùr nan clach uaine, uair, cha b'ainneolach
 Gliongar nan cuach aig cuanal barraicht'
 De rogha nan uaislean, cuairt fo cheanal
 An stuaigh a' Gleannaich bu shuairee.

Bhiodh inneal nan nual a b' fhuaim-mhor callan
 A' taomadh na cuairte dual 's an talla;
 A's filidh nan duan 'eur suas na h-ealaidh
 A' luaidh air sean-nos nan cruidh-bheum.

Bhiodh nnathan nan dualag cuachach, mar-ris
 A' cheannard a b' u aisle tuar a's canachd :
 De 'n bha 's an Taobh-tuath b' e luaidh nam pannal,
 Air suaireas, Alasdair Uaibhreach.

Ach, 's cadal gun suain (mo nuar !) do cheannard
 A choisinn a' bhuaidh “air chuan 's air thalamh ;”*—
 'S o'n chaidh e 's an uaigh mheath snuagh a thighe,
 'S tha gruaim 'g a thathaich gu duaichnidh !

Tha coille nan geug bu cheutaich' meangan
 Gu dubhach, fo speur nan neul nach geanail :
 A's Casain nan stend gun ghleus, gun teanail,
 Aig feur fo cheannas 's aig luachair !

* “Per MARE per TERRAS.”

Air gàradh nan ròs 's nan òighean geala
 Tha aogasg a' bhròin gu mòr air laidhe,
 Bho 'n ghluaiseadh na ròis bu bhòi'che sealladh,
 Sliochd òg an tighe, o'n dualchas.

Tha Cianalas trom gun fhonn 's an talla ;
 Tha Sàmhechair mu'n Tom† a b' fhonnar ath-ghuth
 'N uair shiùbhladh an Sonn le dhonn-eich mheara
 'N a charbad dealain air chuairt uainn.

Tha filidh nan duan gun luaidh air gaisge
 Bho'n chuireadh s'an tuam ceann-sluaigh nan caisteal—
 Chaidh ceòl nan dòs dualach suas a thasgaidh,
 'S an sròl a phasgadh fo ghruaman.

'S e mheudaich mo bhròn—an t-òigear allail,
 An Sàr, Aonghas Og, an Cnòideart thall-ud,
 Bhi 'gimeachd o shlògh, 's o nòs, car tamuill,
 'S o chòir a Sheanar, thar chuaintean.

AN GAIDHEAL AN TIR CHEIN A' MOLADH TIR A DHUTHCHAIS.

LE IAIN CAIMBEUL, 'S AN LEIDEIG.

AIR FONN :—“*Guidheam slainte do'n ribhinn mhalfa.*”

Is tric mi cuimhneach air tir mo dhùthchais,
 Air tir nam beanntan 's nan gleanntan ùrar :
 Air tir nan sgàrnaichean àrda, ruisgte,
 Nan creagan corrach, 's 'nan lochan dùghorm.

† Tom Iain 'ic Dhùghaill.

Air sruthain chaisleach nan caran lùbach,
 Ri mire 's gleadhraich feedh bhae a's stùchdan ;
 No 'ruith gu sàmhach 's a' gheannan chiùin ud,
 'S an doire challtuinn gu teann 'g an dùnadh.

An eidheann dhualach mar sgàil-bhrat uaine,
 'S a' gheamhradh 's fuaire fo shnuadh a' fàs,
 'S i 'dion le 'sgiathan nan àrd-chreag liath ud,
 Mar gu' m b'e h-iarrtas an cumail blàth.

An tonn ri crònan air cladach còmhnard,
 Le morbhan bòidheach 'toirt ceòl gu réidlì ;
 No 'g éirigh suas dhuinn le toirm an uamhais,
 'S an cath na chuartaig 'g a sguab' do'n speur.

Sud tìr a' chàirdeis 's an d' fhuair mi m' àrach,
 'S a bheil a' Ghàidhlig is àillidh fonn,
 'S i thogadh m' inntinn 'n uair bhithinn tursach,
 'S a dh' fhàgadh sunndach mo chridhe trom,

Is tric a thionndaidh mi air mo chùlaobh,
 'N uair chluinnin dlùth i air sràid nan Gall ;
 Mo chridhe dh' éireadh mar aiteal gréine,
 'Thoirt sùil am dhèigh a dh' fheuch cò bhiodh ann.

Is ged a shealladh na Goill a' sios oirnn.
 'N uair bhiodhmaid dìreach o thir nam beann ;
 Fuidh 'n chairt is suaraiche 's tric a fhuaras,
 Am fiadh is luachmhoir' am measg nan crann.

'S i sud an dùthaich a thog na fiùrain,
 Bha gaisgeil, cliùiteach, bha iùlmhor, treun,
 A sheasadhbh láidir a dhòn gach càs leinn,
 'S gu bràth nach d' fhàilnich an là an fheum.

Tha 'n gaisgeadh aimmeil is tric a dhearbht' e,
 Air tòr 's air fairge, an eath 's an strith;
 B' iad luchd an fhéilidh gu bràth nach géilleadh.
 Fhad 's ruigheadh deur de fhuil réidh na 'n crìdh'.

'S i 'n fhior fhuil uasal o thèir nan fuar-bheann
 A bhiodh 's a' ghruagaich d' an tugainn spéis;
 Té bhruidhneadh blàth riunn 's a' chànan àluinn
 Bu ro mhath thàthadh ar gràdh r' a chéil'.

'S a chaoiadh cha chaochail an tlus tha 'm thaobhsa
 Do m' thèir 's do m' dhaoine a b' aobhach leam;
 'S cha leig air dielnimhn' gach comhairl' phriseil,
 Thug teachdair dileas na firinn dhuinn.

A' s ged a ruiginn-sa cùl nan Innsean,
 'S gach eilean rìonuhach 's na tìrean thall:
 Is ann am dhùthaich a ghuidhinn m' ùir bhi
 'N uair bhiodh mo shùilean ga 'n dùnadh teann.

'S mo chead 's an uair so do thèir nam buagh ud,
 'S mo bheannachd buan leis an t-sluagh tha ann,
 'S an cliù a fhuair sinn o linn ar sinnsir,
 Gu ceann ar crìche nach dealaich ruinn.

O R A N.

LE DÒMHNULL MACMHATHAIN, DO BHEAN
 MINISTEIR, A BHA ANN CEANN MU DHEAS CHINNTIRE, DO 'M
 B'AINM MAIRIAN NIC-MHARCUIS.

Do bheatha nuas o'n tìr-so shuas,
 A bhean is stuama còmhراadh,
 Ma's fior an fhuaim a tha am chluasaibh,
 'S iomadh buaidh ort còmhla':

Tha cùl do ghruaige bachlach, dualach,
 Air a chur suas an ordugh,
 Gu bachlach, réidh, air fiamh nan teud,
 Gu maiseach ceutach, òrbhuidh',

D'aghaidh dhàicheil ann an sgàthan
 A ni an sgàile bhòidheach ;
 Do rosg gun smùr fo d'mhala chiùin,
 A' còmhlaich do shùil mhòdhair ;
 Gu gorm, dreachail, mar na dearcan,
 Mar dhùchd faich' air feòirnein ;
 'S ge b'e dh'innseadh uile d' àilleachd,
 Cha b'e am bàrd gun fhòghlum.

An uair a shuidheas na mnài uaisle,
 'S iad ri fuagheal còmhlaadh,
 'S ann air do ghnìomh nach biòdh an spìd,
 A' eur an t-siod' an òrdugh ;
 Do ghreim riomhach, daingean, dionach,
 Cothrom, cinnteach, còmhnaidh,
 Gu h-niseil, glan, gun smùr, gun smal,
 Aig flùr nam ban an òrdugh.

Meòir is grinn' thu air an sgrìobhadh,
 A chur sios na còrach,
 'S a thairngeadh sgrìob, le innleachd einn,
 Ann 's nach do chinn a' ghòraich ;
 A bheir sgeul fior dhuinn as a Bhìobull.
 Anns am bheil brìgh gach còmhraigdh ;
 'S cha bhiodh mo chluasan sgith do'n fhuaim,
 Bho mhoch Di-luain gu Dòmhnaich.

Tha do ghruaidean mar an caorann
 An gàradh craobh nan ròsan ;
 Fàileadh nan sùbh-craobh de d'anail,
 Blas meala air do phògan ;

Chiteadh dealradh an fhion Spàintich
 Sios roimh d' bhràghad rò-gheal ;
 Tha do bhian mar shneachd 's an t-sliabh,
 Ga chur gu dian, air mòintich.

Tha do shlios mar eala chaoil,
nn/ No mar fhaoileain mòr-chuain,
 Do sheang-chorp fallain, gnètheil, banail,
 Cneas mar chanach mòintich ;
 Muineal geal d'an tig an rìomhadh,
 M'an iadh an siod 's an t-òmar ;
 Do bhriodal ciùin 's do smèideadh sùl
 A mhealladh rùn gach òigfhir.

Do dheud shnaighte mar na dìsean,
 Cothrom, cinnteach, còmhnhard ;
 Am beul gun bheud, nach tugadh beum,
 'S nach labhradh breug no góraich.
 Ma's a fior mo bharail fein ort,
 Le ro bheagan èolais,
 'S tom gach tulach do dh-aon duin' thu
 Fhuair uait cuireadh pòsaidh.

'N uair a théid thu air an àurlar,
 An cunntas nam ban òga,
 Do chas lùthar, 's do cheum siùbhlach,
 Troidh nach lùb am feòirnein,
 Modhail, mùinte, mar bu dùchas,
 Ciall, a's cliù, a's fòghlum ;
 Aig iomairt chas le mais' a pearsa,
 'S iomadh fear bha 'n tòir ort.

Is cinneadh do mhàthar uile
 Curaidhean do chlann Dònuill ;
 Laidir, duineil, creuchdach, fuitteach,
 'S furachail mar leòghainn :

Airidh-mhuilinn, ceann na cuideachd,
 'S b' urramach an cònspull,
 A sheasadhl dileas, gus a' chrìoch,
 Air cùl an rìgh 's na càrach.

'S mi tha toilicht' dheth an tràs,
 Thu bhi 'n Cnoc-Bàn a chòmhnuidh ;
 Baile prìseil, nan seud riomhach,
 'S gach toilintinn fheòlmhor ;
 Posd' air Ministeir na sgìreachd,
 Aig am bheil brìgh gach còmhraidi,

Tha fuaim a chainnt mar chloich le gleann,
 A' teagasg ceann gach sgeòil duinn.

Ach a nis, mo bheannachd buan dhuit
 Bho'n is bean uasal òg thu ;
 Cuimhnich d' uaisle 's bi gu stuaima,
 Mar bu dual do d' sheòrsa :
 Tha thu a shiol na 'n sruthan uasal,
 'S b'i sin smuais Chlann-Dònuill
 Saoghal réidh dhuit féin, 's do d' chéile,
 'S rinn mi féin dhuit òran.

O R A N .



LE DONNACHADH MAC-NA-CEARDADH.

AIR FONN :—“*Mort Ghlinne-Comhunn.*”

Rìgh gur mis' tha fo chràdh dheth !
 Leam is bliadhna gach là bho Dhiluain,
 Sgeul mo shùgraiddh 's mo mhànrain,
 Liòn mulad gun àireamh mi 's gruaim ;

'S mi mar uan gun a mhàthair,
 'N déigh siounach nan càrn 'bhi ga ruag'—
 'S cha 'n fhaod mi innseadh mar tha mi,
 Eagal nàmhaid fo sgàil bhi ga luaidh.

Bha mi 'n dé aig an làraich,
 'S mi siubhal na fàsaich leam fein,
 'S mi faicinn an àite
 Far am b' àbhaist do m' ghràdh bhi ri spréidh ;
 Na 'm biodh Beinn-Làbhair aig làraich,
 'S Loch Tagha an àrdan nan stùc ;
 Gheibhinn sealladh fo'n bhràighe
 Do 'n ionad 's an d' fhàg mi mo rùn.

Ged a dheanteadh am Dhiùc mi
 Na idir ged chrùinte mi 'm rìgh,
 'S ged gheibhinn còir air gach cùmhnan
 Bha dligheach bho thùs iad a bhi ;
 Bhi ás d' aonais, a' ghaoil,
 B'e sud smùirnean am shùil-se a' chaoiadh,
 'S mur dean thu 'n ath-ghearr a lùbadh,
 Chi thu féin gur sgeul iùr e bhios fior.

Ach 's lionnhor trioblaid a thàinig
 Ri linn a pheacaidh thug Adhamh oirnn o thùs,
 Rianuh fhathast 'o 'n tràth sin,
 Cha 'n 'eil latha gun ànradh ás iùr ;
 A bhean a fhuair iad 's a ghàradh,
 Dh' fhag i 'gineal na'n tràillean 's gach chìs.
 'S thug i eunhachd a' bhàis orra—
 O ! creideadh do Shàtan nach b' fhiù !

'S maирг a dheanadh bonn-tàir
 Air aon neach de shìol Adhamh ann an ni,
 'S gun annaimh uile ach bràthairean,
 Ged bha uabhlreachd uàdurra leinn ;

Cha robh ach buachaile 'n Dailbhidh,
 'S fhuair i nighean do Shaul bha na rìgh,
 'S gabhaibh eiseimpleir bho Iàacob,
 A rinn seirbhis do Làban car tìm.

Do bheulan tana is àilidh
 Na ròs riabh a rinn fàs ann an lios ;
 'S tha d' anail ni's cùbhraidih
 Na mhil a's e drùgh'dh o na sgip.
 'S e do shlios a bhi dlùth rium,
 'S a bhi faodainn do dhiùrrais gun fhios,
 A dh' fhàgadh m' aigne-se sunndach
 'S cha bhiodh m' osnaidh ga 'n cunntas cho tric.

'S e chuir do chàirdean an gruaim rium,
 Iad bhi smaointeach gu'n d' fhuair mi do spéis,
 'S mi na 'n shilean cho suarach,
 Bho nach cunntadh air buaile mo spréidh ;
 Ach do ghaol-sa tha fuaithe,
 Gu daingean an uachdar mo chléibh,
 'S a chaoiadh nach dean fhuasgladh,
 Gus an latha, no'n uair thig an t-eug.

'S ann tha mise 's an uair so,
 Mar shionnach nam fuar-bheann fo phràmh,
 'S mo smuainnteann gu truagh dhomh,
 Ciamar ghlacas mi 'n t-nan air a' chàrn ;
 Ma tha 'm fortan cho cruaidh dhomh,
 'S gun euir a' chuibhil mu'n cuairt an ear ceàrr,
 Bidh gach sealgair dhomh buailteach,
 Gus an euir iad air ruaig mi do'n chàrn.

Ach cinnidh iasg air gach aonach,
 'S bidh na caoileanan uile air tràgh'dh,
 'S biadh sneachd dubh anns gach caol-ghleann,
 'S bidh na fitich mar fhaoileagan bàn ;

Air na leacan bidh maorach,
 'S coille no fraoch cha bhi fàs,—
 Mu 'n tig crioch air mo ghaol dhuit—
 Chuir sud saighead am thaobh-sa an sàs.

Bidh mi nis a co-dhùnadadh,
 Ann an dòchas gun ùraich mo cheum,
 Ged bha mi tamull ro chrùbach
 'N dùil gu 'm buidhinninn-se ùine 's an réis;
 Do ghaol annad-sa 'mhùth
 'S do gheallasdhs ùr dhomh gu 'm bìth,
 'S gus an cuir iad 's an ùr mi,
 Cha tagh mi te ùr ás do dhéigh.

MO NIGHEAN DUBH. ✓ *

SEISD.—Mo nighean dubh, tha bòidheach dubh,
 Mo nighean dubh, na tréig mi :
 Ged theireadh cach gu bheil thu dubh,
 Cha geal's an gruth leam fhein thu !

Moch là Coimle anns a' mhadainn,
 'M leaba 's mi gun éirigh,
 Gu 'm facas òigh an taice rium,
 'S a gnùis ro dhreachmhòr, ceutach.
 Mo nighean dubh, &c.

Tòisichidh mi aig do chasan,
 Chum do mhaise 'leughadh ;—
 Didòinnuich a' dol an chlachan,
 Bean do dhreach cha léir dhomh.
 Mo nighean dubh, &c.

Thig stocaidh gheal air rogha dealbha
 Air do chalpa gle-gheal ;
 Brògan barra-chumh'nn, 's bucaill airgid—
 Oigh air dhealbh na gréin' thu !
 Mo nighean dubh, &c.

Seang chorp fallain, mar shneachd meallain,
 No mar chanach sléibhte ;
 Mar fhaoileag chladaich, ri là gaillin,
 Air chuan mara 'g éirigh.
 Mo nighean dubh, &c.

'S math thig gùn 's an fhasan duit,
 Cho math 's a tha 'n Duneideann,
 Mu d' mheadhon caol 'g a theannachadh,
 'S a' chamhanaich 's tu 'g éirigh.
 Mo nighean dubh, &c.

Do shùilean mar na dearcagan,
 Do ghruaiddh air dhath na céire,
 Cùl do chinne air dhreach an fhithich,
 'S gradh mo chridhe fhéin ort.
 Mo nighean dubh, &c.

Sùil chorragh ghorm fo d' chaol mhala
 Bho 'n tig an sealladh éibhinn,
 Mar dhealt camhanaich 's an Earrach,
 'S mar dhruchd meala Chéitein.
 Mo nighean dubh, &c.

Tha falt dubh, dualach, trom, neo-luaidhте,
 'N ceangal sguaiib air m' euchdaig ;
 Gur bòidheach e mu d'chlusaibh,
 'S cha mheas' an cuaillein bréid e.
 Mo nighean dubh, &c.

Cha dean mi tuilleadh molaidh ort—

O, 's tu mo rogha céile!

'S ann ort a tha 'n eùl fàinmeagach,

Mar sud 's am bràighe glé-gheal.

Mo nighean dubh, &c.

✓ 'S ole a rinn do chàirdean orm

'S gu'n d' rinn iad pàirt ort fèin d' e,

'N uair chuir iad ás an dùthaich mi,

'S mi 'n dùil gu 'n deanainn feum duit.

Mo nighean dubh, &c.

'S ged nach deanainn fidhleireachd,

Gu 'n deanainn sgriobhadh 's leughadh,

'S a nàile! dheanainn searmoin duit

Nach talaicheadh neach fo 'n ghréin oirr'.

Mo nighean dubh, &c.

ORAN DO'N OLLA IAIN MACLACHUINN, ✓

NACH MAIREANN.

LE DONNACHADH MAC A' PHERSAIN.

AIR FONN :—“*Mort Ghlinne-Comhunn.*”

Fhuair mi naigheachd do bhàis;

'S ioma h-aon a bhios cràiteach g'a luaidh;

Sàr cheann-feadhna nan Gàidheal

'N diugh bhi g'a chàradh 's an uaigh.

Bu tu lighich na slàinte,

'Dheanadh cobhair air càch a bhiodh truagh;

Och mo sgaradh, 's mo chràdh-lot,

Gun d'rinn thu ar fàgail cho luath.

'N uair a thàinig a' chrioch ort
 'S ioma h-aon a bha cianail gu leòir,
 'S mòr mulad do chàirdean,
 Ged is beag tha 's an àite dhiubh beò.
 Bha na mnathan ri saothair,
 'S iad gun fhurtachd no faochadh g'an leòn,
 Bualadh bhasan, 's a' caoineadh,
 'S chuir an tuireadh ud gaoir ann am fheòil.

'S ann air Ceadh' Thobar-mhoire
 A bha 'm bròn aig luehd comunn do ghaoil ;
 Bha na bochdan gu h-àraid,
 Ag osnaich 's an làimh air an taoibh.
 Chruinnich maithibh an ~~fite~~
a)
 Le onair 'eur àird' air an aog,
 'S ghléidh iad sùil air a' bhàta,
 Gus an deachaidh i sàbhailt troimh'n chaol.

'S ann 's a' Chnocht chaidh do chàradh,
 Anns an ùir a bha nàdhur do sheòrs',
 Taobh a' chaoil 's am bi 'chàllach,
 'S na luingis fo làn an cui'd seòl.
 Tha thu 'd chliù 'dh' Earraghàidheal,
 'S do 'n dùthaich a dh' àraich thu òg,
 'S fad 's a bhruidhneas sinn Gàidhlig,
 Cumars cuimhn' air do bhàrdachd, le ceòl.

'S ann 's a' Mhorairne Ghleannaich,
 Fhuair thu d' àrach a d' leanabh 's tu òg,
 'S ioma latha glé uallach
 Thug thu chòmhnuidh 'n Rath-thuaithe nam bò,
 Bha thu eòlach mu 'n Fhamhair ;
 'S tric a chaidh thu g' a choimhead do 'n Tòr,
 'S fearail 'shnàmhadh tu 'n caolas
 Ged bhiodh gaillionn an fhaoilltich ri d' shròin.

'S iona té a thug gaol dhuit,
 'S cha b' ann miodalach, faoin a bha 'n gràdh,
 Rinn thu 'n eridheachan aomadh,
 'S iad air mhire gu d' fhaotainn air làimh,
 Sgaoil na lasraichean gaoil ud,
 Mar fhaluisg ri fraoch nam beann àrd.
 O'n 's ann dionuibhain bha 'n saothair.
 Chunnt iad aighear an t-saoghal na chràdh.

'N àm suidhe 's tigh-thàirne,
 'N uair 'chruinnicheadh na Gàidheil mu 'n bhòrd,
 'Cur miu 'n cuairt na deoch-slàinte,
 'S tu dheanadh a pàigheadh, 's a h-òl ;
 'Sunndach sheinneadh tu 'n duanag,
 Le botal a's cuach ann ad dhòrn,
 'N uair bhiodh bodaich do dhùthcha,
 'S an eridhe g'a mhùthchadh le bròn.

'S na 'n robh géire gu m' dhùrachd,
 'S gu 'm bu léir dhomh gach cùis mar bù chòir,
 'S mis' a mholadh gu d' chùl thu,
 On a b' aithne dhomh thu anns gach dòigh—
 Crùa lurach nam flùran,
 Tha cliù ort a' d' dhùthaich bho d' òig,
 Gnùis àillidh an fhiùrain,
 'S iona té leis 'm bu chliùiteach do phòg.

Ged is dàna dhomh labhairt,
 Mu dhéighinn mòrachd a's flaitheas an Rìgh,
 Tha mi 'n dòchas, le aighear,
 Nach robh amhuinn Iòrdan dhuit clì,
 Gu'n do threòraich na fàidhean
 Gu geata nan gràs thu air tìr,
 Le deich mìl' ann an àireamh,
 'S iad a' seinn air a' ghràdh tha gun chrìoch.

*Do Dhomhnuall ORAN. * Govin Sléiteach*

SEISD.—Fàill ill ó ro, fàill ill ó,
 Fàill ill ó ro éile,
 Hi rithill uithill agus ó,
 'S na thugaibh hó ro éile.

Gur mise tha trom, airtneulach,
 'S a' mhadainn a's mi 'g éirigh;
 Tha ghaoth an ~~ois~~ a' gobachadh *iar* /
 'S cha'n i mo thogairt fhéin i.
 Fàill ill, etc.

Tha ghaoth an ~~ois~~ a' gobachadh, *iar* /
 'S cha'n i mo thogairt fhéin i;
 'S i ghaoth an ~~ois~~, a b' aite leinn, *ear* /
 A's lasan oirre 'g éirigh.
 Fàill ill, etc.

'S i ghaoth, etc.
 Gu'n tigeadh oirnn am bàta
 D'am b' àbhaist a bhi treubhach.
 Fàill ill, etc.

Gu'n tigeadh, etc.
 Uachdaran na tir oirre—
 Mo dhith ma dh' éireas beud da!
 Fàill ill, etc.

Uachdaran na tir', etc.
 Uachdaran na dùthch' innte—
 Gu bheil mo dhùrachd féin leis.
 Fàill ill, etc.

Uachdaran na dùthch', etc.
 Hi rì gu 'm b' ait lean fallain thu,
 Ad chaisteal ann an Sléibhte!
 Fàill ill, etc.

* Le Nigheam Aonghus 'ic Dhomhnuill Bhòim
 'ic Dhomhnuill Óig, Sampla, Uibhist a Tuath.

Hi rì gu'm b' ait, etc.
 Far am bi na fièhlirean,
 'S na pioban ann ga'n gleusadh.
 Fàill ill, etc.

Far am bi na, etc.
 A's far am bi na gillean òg
 Is bòidhche théid fo 'n éideadh.
 Fàill ill, etc.

A's far am bi, etc.
 Far am bi na h-iglmeagan,
 (Bu bhinn leam bhi ga'n eisdeachd.)
 Fàill ill, etc.

Far am bi, etc.
 Is bòidhche théid air ùrlar
 An àm a' chiùil a ghleusadh.
 Fàill ill, etc.

Is bòidhche, etc.
 Is iomadh òigear furanach,
 Cruaidh, fulangach le féile.
 Fàill ill, etc.

Is iomadh òigear, etc.
 A dh' éireadh leat, a Dhònnuill,
 Na 'n d' rachadh tòir air Seumas.
 Fàill ill, etc.

A dh' éireadh, etc.
 Dh' éireadh, Mac-Mhic-Alasdair
 'S Gleann-garaidh leat le chéile.
 Fàill ill, etc.

Dh' éireadh, etc.
 A's dh' fhàgaimh-sa mo dhùthchaich
 Air chumhnant a bhi réidh riut.
 Fàill ill, etc.

A's dh' fhagainn, etc.
 Bheirinn sgriob a Lunnainn leat
 Na'm biodh mo thuras réidh dhomh.
 Fàill ill, etc.

Bheirinn sgriob, etc.
 Ach 's mise tha gu muladach.
 Air m' uilinn, a's mi 'g éirigh.
 Fàill ill, etc.

ORAN.

LE IAIN CAIMBEUL, 'S AN LEIDEIG.

[*The subjoined verses were composed on a young Highland officer who served in the Peninsular War. He was one night seized with a presentiment that he was to be killed in the battle that was pending on the morrow. His brother officers tried to laugh him out of it, but in vain. He wrote home to his friends, bidding them farewell, left his affairs in order, and "foremost fighting fell." The verses are written as if by his sweetheart.]*

Togaibh a' bhratach, a chlanna mo shluaign-se,
 Togaibh le caithream i, togaibh le buaidh i;
 Bi dileab bhur sinnsear an fhior fhuil gun truilleadh,
 A chumadh an àird sinn 's gach càs agus cruadal.

Sud an fhuil Ghàidhealach bha ceannsgalach buadhor,
 Luchd caithidh an fhéile a's breacana guaile;
 Cha teicheadh roimh 'nàmhaid 's cha'n fhaichte 's an ruaig iad,
 'S bu làidire dh' fhàsadhl mar b' àirde an cruaidh-chas.
 Togaibh a' bhratach, etc.

'N uair chìeadh air faich' iad le 'n deiseachan uaine,
 A' siubhal an rathaid 's a' phioibh a' toirt fuaim doibh—
 Ri aodann a' chatha a's rughadh na'n gruaidhean—
 O e' àit' bheil an eridhe nach tiomadh san uair ud?
 Togaibh a' bhratach, etc.

'S ged seasmhach an spiorad nach pilleadh roinidh'n fhuathas,
 Sùil chorragh na'n aodann nach faodteadh a ghluasad—
 Co shaoileadh 's an tràth ud an spàirn ghoirt a fhuaradh,
 A dealach' ra'n leannain an gleannan an uaigneis?
 Togaibh a' bhratach, etc.

Faic iad a nis fior luchd-fine nam fuar-bheann,
 Dìreadh le braise gun athadh roimh 'n uamhas;
 Gach gunna ri làmhach an àm tighinn a nuas orr',
 Ach rinn sinn an ciosnach' ged mhill iad mo luaidh-se.
 Togaibh a' bhratach, etc.

Co 'm fear ud a chi mi 'na shineadh gun ghluasad?
 'N fhuil chraobhach a diobradh 's gun aon a ni fuasgladh;
 Fhalt canagach bòidheach na dhubh-lùban cuachach,
 A snàmh anns a ghaoith 's gun aon-ghaoil ann bheir dual as.
 Togaibh a' bhratach, etc.

Tha 'n claidheamh 's e sìntte a nios ri d' chrios-guaille,
 'S e fhathast a d' ghlaic tha air glasadh 's air fuaradh;
 'S ma rinn thu daibh striochdadh 's ann dileas a fhuaradh,
 'S triúir naimhdean na'n sineadh 'n uair spion thu a d' thruaill e.
 Togaibh a' bhratach, etc.

Tha 'm breacan bha deas ort air preasadh le ruaidhe,
 A's sruthan na fola toirt dath ás an uaine;
 Tha d'intinn a sioladh 's an ribhinn ad' smuaintean,
 A's manran a beòil a' toirt ciuil ann ad chluasan.
 Togaibh a' bhratach, etc.

'S an oidhche mu'n d'fhàg thu bu chràiteach an smuain ud.
 Guth an rabhaidh ag rádh nach robh dàil anns an uair dhuit:
 Cha b'ioghna, a ghràidh, ged bha thu ga d' chàradh,
 A's tannasg a' bhàis, 'geurach' fhàl ga d' thoirt bluam-sa.
 Togaibh a' bhratach, etc.

O's truagh mi da-rìreadh bho'n dh'innseadh an tuairsgeul,
 Mo chìrì tha air lionadh 's mo bhas ga'n sior bhualadh;
 Tha esan gle iosal mu'n tric rinn ni bruadar,
 'S eha chlaidheamh a mhill e, ach innleachd na luaidhe.
 Togaibh a' bhratach, etc.

A's each 'nuair thig dhachaidh le caithream 's le luathghair',
 Bidh mise gle fhalamh gun charaid 's an uair ud;
 A's ghuidhinn am bàs gun mo làithean thoirt buan dhomh,
 Na'm faighinn gu bràth bhi ga m' chàradh 's an uaigh leat.
 Togaibh a' bhratach, etc.

DUANAG A' CHIOBAIR. ✓

LE DOMHNULL PHAIL, ANN AN CEANN-A-GHIUSAICH.

Gu'm bheil mulad air m' inntinn
 Bho'n a thàinig mi 'n tìr so,
 'S nach fhaic mi mo nighneag dhonn, òg.
 'S nach fhaic mi mo nighneag, &c.

Bho nach faic mi mo chaileag
 Do'n d'thug mi 'n gaol-falaich—
 'S ann a dh'fhàg mi i 'n Raineach nam bò,
 'S ann a dh'fhàg mi i 'n Raineach, &c.

'S ann a dh' fhàg mise 'ghruagach
 An fhuilt cham-lubaich, chuachaich,
 An taobh thall do Dhruim-Uachdair an fheòir.
 An taobh thall do Dhruim-Uachdair, &c.

Tha deud shnaighte mar dhìsinn,
 'Am beul meachair na rìbhinn,
 'S gur milse na fioguis a pòg.
 'S gur milse na fioguis, &c.

[*Mic' leis do an Óg - éileach
ain measg leacalda na Beala -
cluaidh an t-eileach ag d'ingl o'r a cùil.*]

Ciochan corrach, 's iad glé-gheal,
Ann am broilleach a léine,
Mar aiteal na gréin' ri là ceò.
 Mar aiteal na gréin', &c.

Slios mar eala nan cuantan
No mar shneachda nam fuar-bheann,
Calpa cuimir, 's troidh uallach am bròig.
 Calpa cuimir 's troidh uallach, &c.

'S cha 'n 'eil samhla do m' luaidh-sa
'Measg na chi mi mu'n enairst domh
Ged chruinn'cheadh na tha shluagh anns an t-Sròin.
 Ged a chruinn'cheadh, &c.

Ged a chruinn'cheadh an dùthaich
Gu féill Chinn-a'-ghiùsaich,
Cha biodh té ann do 'n dùraiginn pòg,
 Cha bhiodh té ann, &c.

Cha 'n e sid rinn mo chiùrradh
Bho 'n a thàinig mi 'n dùthaich-s'
Ach nach fhaod mi 'dhol null air do thòir.
 Ach nach fhaod, &c.

Mur biodh ach asdar aon oidhche,
Eadar mise 's a' mhaighdean,
'S tric rachainn 'g a foighneachd le deòin.
 'S tric rachainn 'g a foighneachd, &c.

Ach tha 'n t-asdar cho fada,
'S nach faod mi dol dachaидh
Eagal each 'bhi 'g am fhaicinn 'san ròd.
 Eagal each 'bhi 'g am fhaicinn, &c

'S an stoc air mo chùram,
Bidh mo mhaighstir 'g am ionndrainn,
'S mi 'g an eumail air eùl Bail'-a'-chrò.
 'S mi 'g an eumail, &c.

* *I am going to add the Ballad Bear għid u.*

'S mòr gu'm b' fheàrr 'bhi ga 'm buach'leachd
 Ri mullach na guaille
 Far nach iarradh iad buachaill' ri 'n sròin.
 Far nach iarradh, &c.

Far nach biodh orm bonn càraim
 'Nuair a' chuirinn mo chù riùth'
 Ged a bhithéadh iad dùinte le ceò.
 Ged a bhitheadh, &c.

'S mi gach latha 'g an cuallach
 'S iad cho duilich a bhuach'leachd,
 'S mi'g an cumail mu'n cuairt do 'n Chreig-mhòir.
 'S mi 'g an cumail mu'n cuairt, &c.

Ni mi 'n litir so dhùnadadh,
 'S a chur 'n a drip ann a' d' ionnsaidh,
 'S bi'dh tu fiosrach nach mùth mi mo dhòigh.
 'S bi'dh tu fiosrach nach mùth, &c.

'S ged a bheir mi seachd bliadhna,
 A' siubhal nan erioch so,
 Te eile cha 'n iarr m i's tu beò.

ORAN



LE CALUM CAIMBEUL MACPHAIL.

AIR FONN :—*An té sin air am bheil mi 'n geall
 A gruaidh mar chaorann dearg air chraun.*

Thàinig sgeul o thir nan Gall,
 A thog aoibhneas feadh nan gleann ;
 Sheinn na h-eòin air bhàrr nan geug,
 'S bha mire-leum aig féidh na 'm beann.

Mar aiteal gréin' o àird nan speur,
 Thàinig an "sgeul-dhealan" le spéid,
 Ag ràdh gu 'n d'rugadh oighre òg;
 Tarmad Chailein mhòir a bh' ann.

Thàinig sgeul, &c.

Fàillean òg ri craobh nam buadh,
 A' chraobh a sheas gach teas a's fuachd ;
 A's mar a b' aosda 'bha i 'fàs,
 Bu mhò a blàth gu àird nan crann.

Thàinig sgeul, &c.

B' i sud a' chraobh a thrus na meòir,
 Thar gach craoibh anns an Roinn-Eòrp' ;
 Tha 'h-urram àrd an cùirt nan Righ,
 'S fhuair i 'brigh an tir nam beann.

Thàinig sgeul, &c.

Tha 'n t-oighre òg de shliochd nan Leògh'nn,
 A sheas Albainn riamh 's gach còir ;
 Siol Dhíarmaid a's Righ Raibeart cruaidh.
 'Thug iomadh buaidh le cruadh's an lann.

Thàinig sgeul, &c.

'N uair a chuala sinn an sgeul,
 Las an fhuil 's a' h-uile féith,
 Shuidh na saor-thoilich * gu féisd
 A's 'n a dhéigh bha ceòl a's danns'.

Thàinig sgeul, &c.

Dh' òlainn slaint' a' cheannaird chòir,
 Slàint' a mhic 's a chéile-phòsd' ;
 'S ghuidhinn sonas, sòlas buan,
 Agus buaidh leò anns gach àm.

Thàinig sgeul, &c.

* Volunteers.

ORAN ✓

*Do Sheumas Mac-Gille-Sheathanaich, Bard Loch-nan-Eala,
ann an éirig an orain a riun e do'n treas réiseamaid
Earraghaidhealach.*

LE DONNACHADH MAC-IONMHUINN, AN TIRITHE.

AIR FONN :—“ *Ochoin a righ, gur e mi tha muladach.* ”

Gur bòidheach deàrrsach an pàrti Leadhanaich
'N uair théid iad còmhla 's an Oban Lathurnach,
'N uair bheir an Còirneal iad ann an òrdugh
Cha'n'eil fo Dheòrsa n' as bòidheche 'dh' amhaireas

Mo rùn na fiùrain 'tha lìghor, ealanta,
Bu mheasail, cliùteach 's gach cuis na fearaibh sibh,
Le 'r crios, le 'r phidse, le 'r musg, le 'r fùdar,
'S gach ball cho sguirte 's nach fhaighe mearrachd dhiubh.

B' iad sin na saighdearan ! 's aoibheil 'n sealladh th' orr',
'S iad tilgeadh soillse mar bhoillsgeadh dealanaich,
An àm dol cruinn duibh 's a' phàirce ghrinn ud
Bhiodh piob a' seinn duibh g' ur toirt o 'n bhaile mach.

'N àm dol gu geàrrd gu 'n toir càch an aire dhuibh,
Le 'r brògan àrda gu h-àluinn lainuireach,
Gur tric bha òganach duibh le òrdugh
An taic a' Chòirneil 's bu mhath an airidh e.

Gur fada 'm thàmh mi gun dàn a labhairt air
A' chreutair ghrànnla so chuir oirnn aineadas,
Rinn e ar càineadhl gun aobhar dhasan,
Na'm biodh tu làmh riùm gu 'n geàrrte 'n teang' asad.

Tha thu, a shiochair', mar mhial-chu acarach
Air feadh na tìreach a dh' fleuch de thachras riut,
Gu 'n d' innseadh dhomhsa do ghnàths' bho t-òige;
Cha bhiodh an còt' ach 'n a shròicean lachduinn ort.

Ge maith do mhaighstir gur nàir' r'a aithris air
 'Bhi gleidheadh cù air a dhùn cho sgaiteach riut,
 Gu criomadh chnàmhan 's gu gearradh shàiltean :
 B'e sin do ghnàths' anns gach àit' an tachradh tu.

Gu 'n gléidh e thu, 's b'e do cheaird o 'n 's tapaidh thu
 'Bhi glanadh thrinnseirean, ni bu taitneach leat ;
 Do shròn th' air sgliapadh ag imleach mhiasan ;
 Tha créis mu d' bhial dhiubh, 's rinn t-fhiasag malcadh leath'

Gur tric a bha thu la d' bhàlgan craicinn ort,
 Ri trusadh eòrna agus cleòcan tarsuing ort,
 Cha 'n fhaicte brògan a' dion do spògan,
 B'e gnàths do sheòrsa bhi 'n còmhnuidh cas-ruisgte.

A nis o 'n 's plàigh thu 's nach bàrd ach aithlis thu,
 Gu 'n sguir mi'g iùns' ort, 's cha b' fhiach dhomh teannadh
 riut,
 'N ad mhasladh tha thu do mhuinntir t' àite,
 A bhéisd gun làire le d' chaineadh ascaoineach.

O R A N



LE IAIN MAC DHOMHNUILL, ANN AN EILEIN MHUILE

AIR FONN :—“ *O, nach robh sinn mar bha.* ”

O, cha 'n urrainn mi ann,
 Gu de mar is urrainn mi ann ?
 Cha 'n urrainn mi dìreadh a' mhullaich
 Bho 'n dh' fhàs sinn uile cho fann.

Ma thig na Russianaich thairis,
 Mar tha iad a' bagairt 's an àm,
 Co a thilleas iad dhachaidh ?
 'S na gaisgich againn' air chall.

'S iad gu 'n seasadh an làrach,
 'S nach bitheadh gun àrach an call,
 'S mur strìochdadh na naimhdean dnoibh toileach,
 Gu 'm bitheadh an collan gun cheann.
 O, cha 'n urrainn, etc.

Na Gàidheil fhuranach, ghleusda,
 'S an gunn' air dheadh ghleusadh 'n an làimh,
 'Bheireadh an coileach bhar gheugan,
 'S a leagadh mac éilde 'n a dheann ;
 Mar sud a's luchd-breacan an fhéilidh,
 Chíte air sléibhte nam beann ;
 Ach ciobairean glasa nan aomul,
 'S beag orr' na daoin' a bhios ann.
 O, cha 'n urrainn, etc.

A' mhuinntir a bhiodhmid a' tathaich,
 Air lionmhòr fathach nan gleann,
 Tha iad a nis air dol thairis
 Do rioghachdan fada bh' uainn thall ;
 'S ann oirnn a thàinig an latha,
 'Bhi 'g éisdeachd glamartaich Ghall,
 'Stiùireadh a' choin air gach taobh dhiom—
 Sgoiltidh an glaodhaich mo cheann.
 O, cha 'n urrainn, etc.

Caoraich mhaola á Sasunn
 A' tighinn bho mhachair nan Gall,
 An àite crodh-laoigh agus aighean,
 Bhiodh againn air sraithean nan gleann,
 Gruagaichean òg a' toirt d' air' oirre
 'M bothan na barraich 's an àm,
 A' leigeil nan gobhar 's ga 'n cuallach
 Tiomchioll air bruachan nan allt.
 O, cha 'n urrainn, etc.

Na tighean 's am faighte an aoidheachd

Air àireachan caoine nan gleann,

Tha iad a nise gun daoine.

Na 'n totaicheadh maola gun cheann;

'S leac-an-teinntein dh' fhuardach i,

Còinteach a's luachair mu 'ceann;

Sud far am faighte na gillean

Bhiodh math ann an iomairt nan lann

O, cha 'n urrainn, etc.

O R A N

LE AONGHAS MAC MUIRICH, A MUILE.

AIR FONN:—"Ower the water tae Charlie." *

SEISD.—'S e fàth mo mhulaid gu 'n d' fhàs mi duilich,

Bho 'n dh' fhàg mi buileach an t-àite,

'S ann fada mo thuath a'n iomall a' chuain

Tha 'n t-eilein 's an d' fhuair mi m' àrach.

— 'S e mheudaich mo mhulad bhi 'm bliadhna 's an uraidh

Gu cian bho m' chuideachd air ànradh,

'S ge taitneach le cuid a bhi 'n Glaschu fuireach,

'S e b' anns' a bhi 'm Muile nan àrd bheann.

'S e fàth mo mhulaid, etc.

— Fhir a théid thairis do Mhuile nam beannaibh,

Thoir soraidh bhuam dhachaidh gu m' chàirdean,

A's innis gur maith leam bhi cluinntinn gur maireann

Gach duine 'n Loch Leamhainn mar dh' fhàg mi.

'S e fàth mo mhulaid, etc.

Ma gheibh mi mar 's maith leam thu dùil 'am dol fhathasd
 A chumail na calluinn mar b' àbhaist ;
 'S ged bhios mi air m' aineol cha leig mi ás m' aire
 Gach fasan bh' aig clanna nan Gàidheal.
 'S e fàth mo mhulaid, etc.

Ged tha mi 's an àm so 'n còmhnuidh measg Ghall
 Tha m' inntinn an geall air bhi làmh riubh,
 Bu taitneach mar chéaird leam bhi fiadhach feadh bheann.
 Seach giùlan na lannadair* ghrànnnda.
 'S e fàth mo mhulaid, etc.

N uair bhios mi leam fhéin a mach air an oidhche
 'G imeachd air lom nan sràidean,
 Gur tric bhios mi caoidh bhi 'n dùthaich nan Gall,
 Le comunn gun suim do m' chànanain.
 'S e fàth mo mhulaid, etc.

'N am faighinn mo dhùrachd, phillinn do m' dhùthaich,
 'S cha bhiodh mo dhùil ri fhàgail,
 'S cha tug mi cho fad' ann am baile nan dù-Ghall
 Mur bitheadh 's an ùir mo chàirdean.
 'S e fàth mo mhulaid, etc.

- Marbhphasg air na daoine 'chuidich an sgaoileadh,
 'Mheudaich 's a dhaor na màil oirnn,
 Ach guidheam do phàirt dhiubh mu 'm fàg iad an saoghal,
 Gu 'm faigh iad na 'n saothair pàigheadh.
 'S e fàth mo mhulaid, etc.
- Rinn pearceall chaorach, fearann a dhaoradh,
 'S dh' innis dhuinn daoine 'n fhàistneachd—
 Gu 'n cuireadh iad gaisgich nan gleannanibh air faointraidh,
 'S dùthaich nan laoch 'n a fàsach.
 'S e fàth mo mhulaid, etc.

* Policeman's Lantern

Cha 'n ioghnadh mi idir bhi sileadh nan deur,
 'N àm cuimhneachadh gniomh gach bàillidh,
 Mur chuir iad fo chaoraich gach aonach a's sliabh,
 'S na daoine chuir cian thar sàile.
 'S e fàth mo mhulaid, etc.

— Na 'n éireadh dhuinn cogadh a thigh'n air an tìr,
 Co 'sheasadh an rioghachd bho 'n làmhaid?
 Ach creididh na Sasunnaich fhathasd gur fior,
 Gur mòr ga 'n dith na Gàidheil.
 'S e fàth mo mhulaid, etc.

Gur h-iomadh fear treun bha ro-mhath 's an streup
 'S a chuireadh retreat air làmhaid,
 Tha 'n diugh an America leagadh nan geug,
 A's caoraich a's féidh na àite.
 'S e fàth mo mhulaid, etc.

— Tha fearann ar gaoil fo fhroinneach 's fo fhraoch,
 'S gach machair a's raon gun àiteach,
 S'cha 'n fhad' a 'bhios duin' ann am "Muile nan craobh,"
 Ach Goill agus caoraich bhàna.
 'S e fàth mo mhulaid, etc. /176

— Tha crioch air mo dhuan mu 'n gabh sibh rium gruaim,
 Bho 'n 's eallainn gun bhuaidh a bhàrdachd :
 Ach fhad' s' bhios mi maireann cha toir mi dhi fuath,
 Oir cumaidh i suas a Ghàidhlig.
 'S e fàth mo mhulaid, etc.

ORAN MULAID,

LE EANRAIG MACILLEBHAIN.

[*The chorus here given belongs to an old song the remainder of which cannot now be recovered. The following verses, composed in keeping with the spirit of the chorus, have been written chiefly with a view to perpetuating and popularizing the simple, but beautiful melody to which the chorus is wedded.]*

SEISD.—Hù o, tha mi tinn,
 Tha mi caoidh mo leannain,
 'S mór a thug mi 'ghaol
 Do 'n té 's caoile maladh,
 Hù o, tha mi tinn !

Thar gach té fo 'n ghréin,
 Thug mi spéis do m' chailin,
 Nis' o 'n fhuair i bàs,—
 'Chaoiadh cha 'n fhàs mi fallain.
 Hù o, tha mi tinn !

Bha thu màlda, còir,
 Suaireeil, òrdail, banail ;
 Nàdur fialaidh ciùin,
 Oiteag chùbhraidh d'anail,
 Hù o, tha mi tinn !

Ort-sa bha gach buaidh,
 Bha thu uasal, dreachar ;
 B' àluinn thigeadh ceòl
 A' d' bheul bòidheach, meachair.
 Hù o, tha mi tinn !

Anns a' chòisir bhinn,
 'N àm 'bhi seinn nan luinneag ;
 Thug thu bàrr gu léir,
 Air na ceudaibh cruinneag.
 Hù o, tha mi tinn !

'S tric bha mi 's mo ghràdh,

Ann an sgàil na coille,

Thogadh ise ceòl,—

'S dh-éisdeadh eòin na doire.

Hù o, tha mi tinn !

Chuir iad thu 's an iùir,

Socair, ciùin, a'd' laidhe ;

'S mis' cha 'n fhaic mo rùn,

Gus an dùisg mi 'm flaitheas.

Hù o, tha mi tinn !

Bhitheinn-se le m' luaidh,

Taobh nam bruach 's nan gleannan ;

Tha i nis 's an uaigh,—

O, cha għluais mo leannan !

Hù o, tha mi tinn !

Dhòmh-sa bha mo rùn

Mar reult-iùil mo bheatha,

Thug mi dhi mo għuràdh,

'S dh' fhalbh mo shlāinte leatha.

Hù o, tha mi tinn !

'S goirid bhios mi beò,

'S mi ri bròn a's mulad ;

Rinn do bhàs mo leòn,

'S fóghnaidh dhòmh-s' am buill' ud !

Hù o, tha mi tinn !

D'aite-sa 'n am chridh !

Nì cha lion air thalamh ;

Ann an tir an àigh,

Dhòmh-s' cum àite falamh.

Hù o, tha mi tinn !

Dh' fhalbh mo leannan féin,

'S tha mi deurach, dubhach,

Tha mi 'triall na 'ceum,

Ciod am feum 'bhi 'fuireach ?

Hù o, tha mi tinn !

O GUR BRONACH M' ANAM FO SPROCHD. ✓

LE SEUMAS MUNRO.

FONN—"Dheanainn sùgradh ris an nigh'n duibh."

SEISD :—O gur brònach m' anam fo sprochd,
 Bho'n a dh'fhògradh uam mo leannan !
 O gur brònach m' aigne gun chlos !

Tha mo chridhe trom, fo éislean,
 'S cian an t-éibhneas orm air aineol,
 O gur brònach, etc.

Bho'n a chaidh mo rùn uam fhuadach,
 Chaidh mo shuainhneas orm am mearachd.
 O gur brònach, etc.

'N uair a dh'éireas mi gur cràiteach
 Mi fo phràmh a' caoidh mo leannan.
 O gur brònach, etc.

'N uair a ghabhas mi gu tàmh
 Cha chlos is gnàth leam ach a' chairis.
 O gur brònach, etc.

Rìgh, cha b' ionann m' fhonn 'n uair b' àbhaist
 Dhomh bhi màrran ris an ainnir.
 O gur brònach, etc.

'S i an cluain gu daingean dlùth rium
 Air fraoch ùr nan cùirnean meala.
 O gur brònach, etc.

Ach tha gruaim a' blhròin air sgaoileadh
 Bho'n a thréig mo ghaol am fearann.
 O gur brònach, etc.

Och 's e 'm bròn is céile dhòmh-sa
 Bho'n a chaill mi 'n òg-bhean cheanail.
 O gur brònach, etc.

MAIRI BHAN DHAIL-AN-EAS.

'S mithich dhòmlsa tòiseachadh,
 'Us m' òran 'chur an céill;
 Gur fhada bho 'n bu chòir dha
 'Bhi ann an òrdugh réidh:
 Tha m' inntinn-sa cho luaineach
 Ri gaoith tuath air bhàrr nan geug,
 Ma 's è 's gu'm pòs a' ghruagach
 'Tha shuas ann an Gleann-Eit'.

Gur bòidheach leam a dh'fhàs thu
 Bho d' bhàrr gu sàil do bhuinn;
 Cha'n 'eil cròn ri àireamh ort,
 'S tu bean an nàdur ghrinn,
 Nar mhealamsa mo shlàinte
 Mur b' fheàrr leam na bhi 'm righ,
 Cead bhi 'laidhe làimh riut,
 'S mo làmh fo d' mhuineal mìn.

Gur lionmhor mais ri 'h-aithris
 Air an ainnir a's math snuagh;
 Do shlios geal mar an caineal,
 No mar eala nan tonn uain';
 Shiubhail mi bho 'n Apuinn,
 A mach gu Uisge Chluaidh,
 'S bean d' aogais anns an astar sin,
 Cha'n fhaca mis', a luaidh.

Tha falt bachlach, bòidheach ort,
 Air dhath an òir na 'dhuail,
 Gur fiambach, sgiamhach, òrbhuidh' e
 'An òrdugh ann an cuaiach.

Bha m' inntinn-sa làn sòlais,
 'N uair bha mi 'chòmhnuidh shuas,
 'S a nise bho'n a dh'fhàg mi e
 Cha'n 'eil mo thàmhnach truagh.

Their iad gu'm bu ghòrach mi,
 Mo ghaol cho mòr thoirt dhuit,
 Gu'n robh mi 'cinntinn gòrach,
 'N uair 'bu chòir dhomh a bhi glie;
 Ach 'eisididh mi ri 'm bòilich
 'S a chaoidh ri m' bheò cha chreid
 Gu'm faigh fear eile còir ort,
 No gu'm pòs thu gun mo chead.

— Tha nìonagan an àite so,
 Ri tàir orm gu mòr,
 Gu'n d'thuirt iad rium am *bachelor*
 Gu'm beil mi sean gu leòdir,
 Ach cha b' i 'n aois a liath
 Mo chiabhagan cho mòr,
 Ach sioban nan tonn dùbh-ghorm,
 A' tigh'nn bho chùl nan seòl.

B'e sid an obair ànradhach,
 Dh' an d'thug mi gràdh 's mi òg,
 Fad na h-oidhche Geamhraidh,
 A' *riofadh* teamu nan seòl;
 Bheirinn greis ga 'stiùireadh,
 'S an sneachd air cùl mo dhòrn
 'Toirt gliocais as a' chombaist
 Gu'm b' e sid pong an t-seòid.

Gur lionmhor anns an àite so,
 Mo naimhdean bho chionn greis,
 A chionn gu'n d' thug mi gràdh
 Do 'n nigh'n bhàin 'tha 'n Dail-an-eas.

Tha fleasgaich anns an àite so,
 'S gu 'm b' fheàrr leo gu'n robh mis'
 'An iomall domhain fad air falbh,
 Gun earbsa ri tigh'nn as.

Ged a bhithinn fad air falbh,
 Bhiodh m' earbsa ri tigh'nn as,
 A shealltainn air mo ghràdh,
 An nigh'n bhàn a's àillidh dreach;
 Cha'n 'eil e anns an àl so,
 No 's an àl a thig am dhéigh,
 Bean do mhais', a Mhàiri,
 'S tu 's àille tha fo 'n ghréin.

'S iseal a thuit m' inninn-sa,
 'S cha dìrich i ri m' bheò;
 A chaoiadh cha dean mi innseadh
 An nì sin 'tha ga m' leòn,
 'S gus an téid mo thiodhlaiceadh,
 'An eistidh dhùonaich bhòrd,
 Cha tréig mi gaol na h-ighneige,
 Dh' fhàg m' inninn trom fo léon

ORAN D'A NIGHINN,

LE DOMINULL MAC-RUAIRDAIDH.

AIR A' CHEATHRAMH LATHA DEUG DE 'N MHAI RT, 1871.

Gur e mise tha fo mhì-n-ghean
 'S mi-leam fhéin air a' chnoc,
 Cha 'n 'eil m' aigne rium sioblalt'--
 Gu 'm bheil m' inninn fo sprochd,
 Gun mo chuideachadh làmh rium,
 Sgeula 'chràidh mi gu goirt:
 Ach ma rinn thu nis m' fhàgail,
 'S mòr an gràdh 'bh'agam ort.

Bha mi 'n raoir aig an teine
 Na mo chaithris 'n déigh chàich,
 Gus an robh mi a' smaointean
 Gu'n 'ghabh daoine mu thàmh,
 An dùil gu'n cluinnin do bhruidhinn,
 A' tighinn mar b' àill;
 'S nuair a ghabh mi 'n sin fadaichd,
 Chaidh mi 'n leabaidh fo pràmh.

O cha d' fhuair mi 'n raoir eadail,
 Cha robh m' aigne na 'tàmh,
 'S mi ri ionndrainn na gruagaich
 Dh' fhalbh Diluain gu math tràth;
 Gu 'm bi snidh air mo chluasaig
 Iomadh nair air do sgàth;
 'S bochd an naigheachd gu 'n ghluais thu
 Do 'n Cheann Uachdrach a thàmh.

 'S iomadh crois 'th' anns an t-saoghal
 'S mise a dh' fhaodadh a ràdh,
 Fhuair mi buillean bha ciùrrta,
 'S tric mo sgiùrsadh le bàs;
 'N uair a thug thu do chìl rium
 Shil mo shùilean gu làr,
 Cha 'n 'eil stàthi dhomh bhi 'g innseadh
 Gu 'm bheil m' inntinn fo phràmh.

O cha sheinn mi 'chaoidh òran,
 Thuit mo shòlas gu làr,
 Dh' fhalbh mo shùgradh 's mo dhòchas.
 'S thàinig bròn nis na'n àit:
 Tha mo chridhe gu sgaoileadh,
 Tha mi 'smaointean, le cràdh:
 'S tha mo chadal ro luaineach,
 Ort a' smaointean gach tràth.

'S ann ort fhéin tha 'n cùl dualach
 Mar bu dual dhuit a' fàs;
 'S goirt an naigheachd r'a luaidh leam
 Gur e għluais thu am bàs;
 Dh' fhàg sid snidhe air mo għruaidhibb
 Na h-uil' uair għeibh mi fāth;
 'S mar a caochail mo smuaintean
 Gur i 'n uaigh mo lag-tàimh.

O'n a dh' fhàgadh thu 'd aonar
 Thug mí gaol dhuit thar chàich,
 Och a rìgh! 's beag a shaoil mi
 Gu'n tigeadh caochladh cho tràth;
 Ach mo bheannachd gu buan leat
 A dh-ionnsuidh uarach do bhàis:
 Agus Ard-Righ nam buadhan
 A bhi mu 'n cuairt ort mar għeàrd.

Ged tha d' athair car dripeil
 Mar a bl̄rist air le bàs,
 Cha 'n e idir a għluais thu,
 Och, mo thruaighe! cho tràth,
 Ach do mħuime bhi 'n gruaim riut,
 Mar a chualas aig càch;
 Gu 'm bheil sid riutha fuaithe
 Nuas o dhualchas a' fàs.

Bha do mħuime ro ghorrach
 'Dol ga d' fhògaирт cho tràth,
 Le cuið smuaintibb ro neònach,
 Mar tha 'n stoiri ag ràdh,
 Tha do pheathraichean òg leam
 Gus mo chòmhñadh na 'thràth;
 So an t-Earrach a ghual mi;
 Och, mo thruaighe mar tha!

So an t-earrach a chiùr mi
 Dh' fhàg mi tùirseach a ghnàth,
 'N nair a thug thu do chùl rium
 Thuig mi 'ruin, mar a bha,
 O cha 'n fhaic mi 'n Fhéill-Pheadair
 'S an t-seadh so gu bràth :
 Bi nis Ard-Righ nan dàlan
 'Ga mo stiùradh le d' ghràs.

Tha mo chlais'neachd air tréigsinn,
 'S gu'n mo léirsinn ach mall,
 Tha sud a' teagasg le reusan,
 Gu bheil mo réis aig a ceann ;
 A Thì a dh' fhuling 'n am àite
 'S a bha dhomh gràsmhor 's gach àm,
 Biodh do Spiorad 'g am stiùradh
 Ré mo chùrsa troimh 'n ghleann.

'Nuair a pheacaich ar sìnnsean
 Dh' fhàg iad dìleab aig càch,
 Ged bha 'fhereumhaichean iosal,
 Rinn iad dìreadh an àird
 'S tric a mheall iad na firean'
 Bu dilse na càch ;
 Tha na boirionnaich cinnteach,
 Iomadh fillte ro cheàrr.

Ged a dh' ìnnseinn-sa 'n tiotal
 Mar a misde cha 'n fheàird ;
 Tha air aithris 's an " fhìrinne"
 Le cinnte mar tha ;
 'S iomadh earrann 's a' Bhìobal
 A ni 'n dìteadh gu bràth ;
 'S anns na litrichibh prìseil
 Chaidh a sgrìobhadh le Pàtl.

Ann an Gnath-fhocail Sholaimh
 Fhuair mi coimeas no dhà;
 Gu 'm bheil teine 'nam broilleach,
 Bhios 'n a dholaidh do chàch,
 O cha ruig mi leas fianuis
 A bhi 'g a h-iarraidh 's a' chàs;
 An neach bu ghlice 's an t-saoghal
 Chuir e aont^z ris mar tha.

O Thighearna phrìseil,
 Do'n léir gach nì a bhios ceàrr,
 Dean do lagh nis a sgriobhadh
 Air a h-inntinn gun dàil,
 Thoir dhi gliocas na "firinn"
 Nach dìobair gu bràth
 'S dean a treòrachadh dìreach
 Dh' ionnsuidh rioghachd nan gràs.
 Ach a nis 's a' cho-dhùnadh
 'S e mo dhùrachd gu bràth
 Gu 'm biodh Ard-Righ nan dùlan
 'G ad stiùhiradh 's gach àit,
 O, bi tric ris ag ùrnuigh,
 'S cum do shùil air a ghnàth
 'S bheir e dhachaidh a null thu
 Dh' ionnsuidh dùthaich Chanàin.

FANAIDH MO MHAIRI BUILEACH O 'N TI.

LE EÒBHAN MAC COLLA.

FONN.—"The Laird o' Cockpen."

'Illean, nach mise 'bha 'm bhurraidh bochd, truagh?
 'N uair bha mi gun phòsadh chreid mi na chual',
 A's thuirt mi, le Màiri 's math dheth bhios mì,
 Oir fanaidh mo Mhàiri buileach o 'n ti.

Fanaidh mo Mhàiri buileach o'n òl,—
 A'n àite a béis théid an gloine r'a sròin ;
 Cha n-ionann 's na banagan shluigeas a trì—
 A's fanaidh mo Mhàiri buileach o'n ti.

'S lurach mo Mhàiri 'bleodhann na spréidh !
 Tha i gu cinnteach taghte air gréis ;
 'S eòlach air cuibhioill i, clobhaidh i 'n lion,
 A's fanaidh mo Mhàiri buileach o'n ti.

Ach thachair am pòsadh, dh' ath'raich an duan,—
 Faic sinn nis còmhla 'm bothan na truaigh ;
 Thàinig na paislean, Ochain, a rìgh !
 A's, dh' amais mo Mhàiri dol air an ti.

A's, ged a tha 'n olainn gun għainne mu 'n spàrr,
 Seallaibh am burraidh 's na *ragan* m' a chlàr !
 An gloin' air a bilibh gu 'n amais gun strìth
 A's, Ochain, mo leòn ! cha-n fhan i bho 'n ti.

'S ged tha i air dheireadh car beag air an fhu'al,
 'S leath' 'n t-urram air *clobhadh*, 's tha 'bhlàth air mo chnuaic !
 Le olcas a bleodhainn chaidh '*Chean-fhionn* 'an diosg'
 'S gu 'n cumadh i obair ri tobar le ti.

Mo thruaigh air fear falamh a 'għeibh té le stràic,
 Mo thruaigh co 'sam bith e 'għeibh aon nigh'n a màth'r,
 Mo thruaigh thar a h-uile nì fear mar tha mì¹
 A thuīteas air banaig do 'n iodhal an ti.

O R A N

LE DEORSA CAIMBEUL, LIGHICHE, CIONABUS, DO CHATRIONA
 TAILLEIR, CEANN-TRAIGH, A'N ILE.

SEISD :—Fuirich a rìbhinn phrìseal, phrìseal,
 Fuirich a rìbhinn 's dìlse na càch,
 A mhaighdean is luraiche, fuirich a'n Ile,
 Og-bhan is dilse chì mi gu bràth.

Cha dirich mi bruthach, 's cha shiubhail mi còmhnard,
 Tuilidh ri m' bheò 's mo smèðrach 'n a tàmh,

Ach éisdidh mi ghàir thig o bhàrr nan tonn mòra,

'S dh' fhuilling mi bròn gu leòir air do sgàth.

Fuirich, etc.

Chunnaic mi 'n t-eithir a' feitheamh na h-uaire,

Mhealladh i bh' uamsa gruagach mo ghràidh;

Ma sgaradh o chéile sin, b' éibhinn an uaigh

Seach an-shocair bhuan 's gun bhuaidh aig a' bhàs.

Fuirich, etc.

A mhaighdean is bòidhche na smèòrach 's a chéitein,

'Soilleir an sgeul tha r'a leughadh an dràsd,—

Ged 's bòidheach an conasg, gur stobain gu léir e,

'S faicilleach théid gach creutair 'n a dhàil.

Fuirich, etc.

Le soirbheas 's le sruithean mar ghuidhinn a' d' dhéigh,

Gach calladh an téid thu, 'gheug an fhuilt thlàth,

Bidh mise trom dubhach air tulaich leam fhéin,

'S mi sruthadh nan deur gu geur air do sgàth.

Fuirich, etc.

Pòg 'o d' bheul milis na faighinn gun ghruaim e,

Dheanadh e m' fhuasgladh, ged 's cruaidh e 'o 'n bhàs;

A ghaoil thigeadh rughadh a's lasadh a' m' ghruaidhean,

Air eagal a luaidh do bhuaireadh le càch.

Fuirich, etc.

'S e m' acaimh 'n uair shìnear mi losal 's an ùir

Nach llonadh an driùchd do shùil ghorm bhìath,

Ma mheallas mi sìth ann an rioghachd nan dùl,

Far am binne luchd-ciùil, bi nunn air mo sgàth.

Fuirich, etc.

Ma tha thu gun fhortan cha 'n 'eil *tochar* a dhì orm,

Airgiod no nì ged nach 'eil ann ad làmh,

Bheir mi mo mhionnan nach fhaic thu mo mhì-thlachd,

'S gheibh thu bhuan sì-chainnt, seirc agus gràdh.

Fuirich, etc.

Ma 's ann a' tèr air mo nì, na cuir sìos air mo dhaoine,
 Dhiùlt iad thu 'ghaoil, bha iad faoin ann an càs,
 An Tì a chuir mise gu piantan an t-saoghal,
 Cha d' fhàg e gun daoine mi, dh' fhaoidt' thoirt a làth'r.
 Fuirich, etc.

Tha airgiod a's òr aum am phòca gu h-uallach,
 Agus erodh guaillionn air buail' air mo sgàth—
 'S e rinn an eucoir a' bhéisd a thug uam thu,
 'S tha mi fo ghruaim o mhaduinn Dimàirt.
 Fuirich, etc.

Fhuair mise litir 's mi fàgail na tìr so,
 Bho fhear a bha dileas dhomh ann an daimh,
 Cha 'n urrainn mi 'freagairt, 's mo chridh' ann an lle
 Glaist' aig an rìbhinn 's ise 'n Ceanentràigh.
 Fuirich, etc.

Mo shoraidh o 'n Oa, gu fear òg a' chùil shniomhain,
 'S deimhin leam féin gu 'n tug mi dhuit gràdh,
 Ach ma bhios mi maireann, théid mi fhàthast do dh' Ile
 'S dhuit-sa gu cinnteach bheir mi mo làmh.
 Fuirich, etc.

ISE G' A FHREAGAIRT.

Mo shoraidh o 'n Oa, gu fear òg a' chùil shniomhain,
 'S deimhin leam féin gu 'n tug mi dhuti gràdh,
 Tha mo ghaol dhuit cho buan ris an fhuachd tha san fhior-uisg'
 Caimbeulach rioghail, foinnidh, deas, àrd.

NA BROGAN DANNSAIDH. ✓

LE IAIN MAC DHUGHAL.

SEISD.—Cha dean na brògan dannsaidh,—
 An gnothuch idir, idir, idir;
 B' olc na brògan dannsaidh,
 Nach maireadh idir dhòmh-sa.

Na brògan 'fhuair mi 'an Dunfris—
 Ged a bha aid bòidheach, piollach ;
 Thug mi 'n charraig iad g'a milleadh,
 'S gun d' rinn sud an stròichdeadh.

Cha dean, &c.

Gun robh 'n *gutta percha* daor dhomh,
 'S shaoil mi e 'bhi saor ra cheannach,—
 Thug e na builg air mo bhuiinn,
 'S bi'dh cuimhn' agam ri 'm bheò air.

Cha dean, &c.

Dh' éirich an t-uachdar o'n bhonn,
 'S bha m' òrdag mhòr air lom na dallach :
 Sgaoil na deireannan o'n sàiltean,
 'S rinn iad m' fhàgail còmhla.

Cha dean, &c.

Cha bhi mi cos'lach ri càcha,
 Ged' theid mi gu bàil na banais,
 B' fheàrr dhomh 'n *dibhersoin* a chall—
 Na dannsadhl le droch bhrògan.

Cha dean, &c.

Bha iad olc gu leum na fèitheadh,
 'S cha robh feum annnt' anns a' charraig,
 'S dh'fheumainn fuireach fad o'n ghriosaich
 Ged bhiodh m' fheusag reòta.

Cha dean, &c.

'M fear a thàth ra chèile 'n' tùs iad—
 Cha toir mise turn dha tuilleadh :
 On a mheall e mi le foill—
 Gur h-ann a thoill e 'chòrcach.

Cha dean, &c.

Mur a dealaich e ri dhòighean,
 Cha toir duine beò dha cuirein :
 Faodaidh e 'n dorus a dhùnad.
 'S luidhe 'n èil na mòna.

Cha dean, &c.

'N t-airgiot a chruinnich mi fhéin,
 A reic nam biobull anns gach baile—
 'S mòr am milleadh air mo chliù—
 A thoir do dhiù nan gròigean.

Cha dean, &c.

MO RUN GEAL, DILEAS. ✓

[*The Chorus of this song evidently belongs to a much older composition, and seems to have no particular connection with the succeeding verses. The second verse occurs in the "Oran Gaoil" given on page 37, and it is difficult to decide which song has the better claim to it.*]

SEISD.—Mo rùn geal, dileas, dileas, dileas,
 Mo rùn geal, dileas, nach till thu nall ?
 Cha till mi fhéin riut, a ghaoil, cha 'n fhaod mi,
 Oir tha mo ghaol-sa 'n a laidhe tinn.

Is truagh nach robh mi an riochd na faoilinn
 A shnàmhadh aotrom air bhàrr nan tonn ;
 A's bheirinn sgrìlobag do 'n eilean Ileach,
 Far bheil an ribhinn dh' fhàg m' inntinn trom.
 Mo rùn geal, etc.

Is truagh nach robh mi 's mo rogha céile,
 Air mullach shléibhte nam beanntan mòr,
 'S gun bhi ga 'r n-éisdeachd ach eòin an t-sléibhe,
 'S gu'n tugainn fhéin di na ceudan pòg !
 Mo rùn geal, etc.

Thug mi còrr agus naoi mìosan,
 Anns na h-Innsean a b' fhaide thall ;
 'S bean bòidh'chead d' aodainn cha robh ri fhaotainn—
 'S ged gheobhainn saor iad cha'n fhanainn ann.
 Mo rùn geal, etc.

Tha d' anail chùbhraidih mar fhàile ùbhlann,
 A's tha do shùilean gu meallach, gorm ;
 Is tu bean-uasal is grinne dh' fhuaigheas ;
 'S ann ris a fhuair thu do thogail òg.
 Mo rùn geal, etc.

Thug mi mìos ann am fiabhrus claoidhite,
 Gun dùil rium oidhche gu'm bithinn beò ;
 B'e fàth mo smaointean a là 's a dh-oidhche.
 Gu 'm faighinn faochadh a's tu bhi 'm chòir.
 Mo rùn geal, etc.

Cha bhi mi 'strìth ris a' chraoibh nach lùb leam,
 Ged chinneadh ùbhlann air bhàrr gach géig :
 Mo shoraidh slàn leat ma rinn thu m' fhàgail,
 Cha d' thàinig tràigh gun mhuir-làn 'n a déigh.
 Mo rùn geal, etc.

Mo mhionnan bheir mi air clàr a' Bhìobuill
 Gur h-i an fhìrinn a th' ann am bheul—
 Nach téid mi sios ann an leabhar sgìreachd,
 Le té gu sìorruidh ach thu féin.
 Mo rùn geal, etc.

Is coma leam ged a shil an latha ;
 Is coma lean ged a laidh a' ghrian ;
 'S ceart coma leam ged a robh mo leaba
 Gu fada, fada 's an àirde 'n iar !
 Mo rùn geal, etc.

TALADH IAIN MUIDEARTAICH.

LE IAIN MAC CODRUM, RIS AN ABRADH IAD GU COITCHIONN

IAIN MAC FHEARCHAIR.

[Rinneadh an t-òran so mar a leanas:—Air là áraidh air do Iain Mac Codrum, am bàrd, tighinn à Uibhist-mu-thnath do Bhaile-nan-Cailleach, inhothaich, Mac-'ic-Ailein dha a nuas an cladh, 's dh' fhàlbh e 'n a chòinneamh, agus Iain Muideartach, 's e 'n a phàisde beag, aig air làimh. Suas thun a' Bhail'aird chuir e boun oir an làimh a phàisde 's dh' iarr e air ruith an coinneimh a' bhàird 's a thoirt da. Rinn am páisde so. Dh' fhaighnichd am bàrd deth an roth aige db' airgiod ach sid, agus fhreagair e nach robh. "Mata," ars' am bàrd, "cha'n eil aon oighre fearainn 's an t-saoghal a bheireadh dhomhsa a chuid gu h-iomlan ach thu fhéin." An sin thug e 'm páisde 'n a uchd 's choisich e sios thun an tighe, 's cha ghabhte naith e gus an deanadh e òran dha. Dh' iarr am bàrd mar fhàbhar a dh' uine thoirt da fhad 's a bhiodh e dol tiomchioll a' ghàraidh-chàil. Fhuair e sid; agus 'n uair a thàinig e air ais sheinn e 'n t-òran so. Tha nis dhùth air cend-gu-leth bliadhna bho 'n rinneadh e.]

Mhoire 's e mo rùn mo leanabh,
 'S tu mac oighre Mhic 'ic Ailein,
 Ogha 's iar-ogh' nam fear fearail,
 Chaidh 'ur n-alla fada 'ga cur.

B' fheàrr leam féin gu'n cinneadh sid dhuit,
 Aois, 'us fàs, 'us àilleachd an cruth,
 Maise, 's féile, 's géire le guth.

Taing do 'n Ard-righ thu bhi firionn,
 Chum 's gu 'm meudaicheadh tu 'n fhinne,
 'S gu 'm biodh tu a' d' spailp air do Chinneadh,
 'S an deadh ionad 's a bheil thu 'n diugh.

Bhi gu siobhalt' bhuineadh sid dhuit,
 Garg 'us min mar chàrite ri d' uchd,
 Paitl, 's rìoghail, 's aoidheil mu d' chuid.

B' fheàrr leam fhéin gu'n cluinneadh càch e
 'N uair nach bithinn fhéin a làthair,
 Iain Muideartach bhi 'na àrmunn,
 Air an lèrach am bheil e 'n diugh:
 'N a cheann tàmha ri tàrmunn puirt,
 Anns an àros 'n seinnear a' chruit;
 'S bhiodh do chàirdean mènranach riut.

Thaoblh do sheanar 'us do shean-mhath'r,
 Craobh a b' aithne dhòmhhsa 'leamhuinn,
 Comunn mo rùin a dh' fhàs ainmeil,
 As an ana-meinn cha d' rinn iad bun.

Cha robh mì-run filte ri 'n cruth;
 Iochdmhor, siachail, 's fialaidh mu 'n euid,
 Cliù, 'us ciatamh, 's rianadh le guth.

'S iomadh rioghachd agus nàisean,
 'S an do mheudaich sibh 'ur càirdean,
 Mar 'rinn sibh ri Prionnsa Teàrlach,
 'N uair bha 'ghràisg a' bagairt a mhort.

Lean an dùthechas clùiteach ud riut—
 Dol an cunnart d' annia 's do chuirp;
 Thaoblh an cùil cha tionndadh iad stuth.

Fir Chnoideart 's ann leibh gu'n druidealh,
 'Rachadh mar sheabhadh 's na druidibh,
 B'e beachd 'ur naimhdean bu ghlice,
 Thaoblh 'ur misnich gu 'n b' fheàrr dhoibh sgur.

Luchd 'ur eucoir ghéilleadh iad tur.
 Meud 'ur beuma, 's géiread 'ur luinn,
 'N déigh an léireadh b' éigin dhoibh sgur.

An fhinne mhòr 's am pòr dh' fhàs ainmeil,
 Domhnnullaich, 's Raonullaich chalma,
 Bha gu fuiteach, stròiceach, feargha,
 'N uair a chàirte 'n arguin ri 'n uehd.

'S e Clann Raonuill bhoillsgeadh mar thuil,
 'N àm na caornaig chraosgladh iad fuil;
 Fearg 'nan aodann 's b' aognuidh an eruth.

C'àite an robh iad riamh ri 'n àireamh,
 'S iad 'nan seasamh ri h-nehd nàmhaid,
 H-aon a bhuidhain air Clann Rà'uill;
 'S iomadh àrach 's an d' rinn iad bruth?

Le 'n gaoir-chatha-farum an uile;
 Cinn 'g an sgathadh, snaidheadh air cuirp;
 Luaidhe treabhadh domhain troimh 'm ful.

C' àit' an eulas riamh ri 'n àireamh,
 'S iad 'nan seasamh air cùl Spàintich,
 H-aon a bhuadhach air Clann Rà'uill,
 Gnùis gun fhàillin, stàilin mar stuth;
 Dream gun eagal, 'sheasadh roimh 'n *trup*;
 Cruaidh, gu fearail, tarruing air stuie;
 Stialladh ghearran 's fhear air am muin.

Bha Clann Rà'uill treun aig 'Arla;
 'Nuair bhrosnuich Lachlainn am bàrd iad,
 Sheas iad dileas mar an stàilinn
 Gus an robh 'n nàmh toileach air sgur.
 Na fir àluinn àireamh dhìu thuit,
 'S cha bu nàr dhoibh tràghadh air ful;
 'S b' iomadh àrmunn 'bhàsaich le guin.

An cuinilme leibh là blàir Léine?
 Bha na Frisealaich 'nan éiginn,
 Cha d' shàbhail fear as a chéud din,
 'S ghléidh sibh féin bhur cuid gus an diugh.
 Na fir thaobh gheal' b' fhaobharach guin,
 Luaidheadh aodach caol agus tiugh;
 Cloithean miàlair 's càrnaid 'nan cur.

Ri linn Alasdair 's Mhontòis,
 Bha sibh 'nar caithream an Lòchaidh;
 Bu ghleusda, baranta, Dòmhnull
 Leomhann erò 's an tòrachd a muigh.
 Bha 'ur naimhdean diolta dhe 'ur cluich:
 Thug iad maoim a mach air a' mhuir,
 Broinn air bhroinn a ruith leis an t-struth.

B' iomadh fear-cleòc' agus Aibid,
 Bha chòta cho fliuch r'a chais'eart,
 Fòghlum an t-snàmh' nach robh aige ;
 Air an aigeal luidh iad air ghur.
 Cha robh daol a' faochnadhl an cuirp :
 Oir bha 'n aodach caol agus tiugh ;
 Ni nach b' ioghnadh, 'aognuidh 's e fliuch.

Là eil' ann an Coille-chmagaiddh,
 Dh' fhalbh Mae-Aoidh 's gu'n d' fhàg e 'bhaggage,
 B' fheumail an gnionmh rinn an t-each dha,
 Air na bh' aige chuir e droch bhuil.
 B' iomadh sonn a b' fhonn'oire guth,
 Bh'air Raon-Ruairidh 's fueran o'n cuirp,
 Cinn 'us gruagan luidht' ann am ful.

Là eil' ann an Sliabh an t-Siorraim,
 Cùis an àir a dh'àraich tioma,
 Thuit Ailean an neart an teine ;
 Leoinhann smearail 's b'fhearail a chruth.
 'S truagh an tòrachd 'thàinig thar muir,
 Dh' fhàg sid leòinte 'stigh sinn 's a muigh ;
 Nis, sinn stòlda 's còir dhuinn bhi sgur.

AN GLEANN 'S AN ROBH MI OG.



LE N. MAC-LEOID.

AIR FONN.—“When the kye come home.”

'N uair philleas ruinn an samhradh,
 Bi'dh gach doire 's crann fo chròie,
 Na h-eòin air bhàrr nam meanglan,
 Deanamh caithreamh bhinn le'n ceòl.

A' chlann bheag a' ruith le fonn,
 Mu gach tom a' buain nan ròs;
 B'e mo mhiann a bhi 'san àm sin,
 Anns a' ghleann 'san robh mi òg.

Anns a' ghleann 'san robh mi òg.
 Anns a' ghleann 'san robh mi òg,
 B'e mo mhiann a bhi 'san àm sin,
 Anns a' ghleann 'san robh mi òg.

'Sa mhaduinn 'n àm dhuinn dùsgadh,
 Bhiodh an driuchd air bharr an fheòir
 A' chuthag a's gu-gùg aic',
 Ann an doire dlùth nan cnò,
 Na laoigh òg a' leum le sunnd,
 'S a eur sinùid air feadh nan lòn,
 Ach cha'n fhaicear sin 'san àm so,
 Anns a' ghleann 'san robh mi òg.

Anns a' ghleann 'san robh, &c.

'N àm an tional do na bluailidh,
 B'e mo luaidh a bhi na'n còir;
 Bhiodh a duanag aig gach guanaig,
 Agus cuach aice na dòrn,
 Bhiodh Mactalla freagairt shuas,
 E ri aithris fuaim a beòil,
 Ach cha chluinnear sin 'san àm so,
 Anns a' ghleann 'san robh mi òg.

Anns a' ghleann 'san robh, &c.

Ann an dùblachd gharbh a' gheamhraidh,
 Cha b'e àm bu ghainn' ar spòrs,
 Greis air sùgradh, greis air dannsadh
 Greis air canntaireachd a's ceòl;
 Bhiodh gach seanair aosmhòr, liath,
 G' innseadh sgialachdan gun ghò,

Air gach gaisgeach fearail, greanmhòr
 Bha 's a' ghleann 'n uair bha iad òg.
 Bha 's a' ghleann 'n uair bha, &c.

Bha de shòlas dhe gach seòrs' ann,
 'Chumadh òigridh ann am fonn,
 Cha robh uisge, muir, no mòinteach,
 Air an còmhdaich bho ar bonn;
 Ach an diugh tha maor a's lann.
 Air gach alltan agus òb:
 Cha'n 'eil saorsa sruth nam beanntan,
 Anns a' ghleann 'san robh mi òg.
 Anns a' ghleann 'san robh, &c.

Tha na fàrdaichean 'n am fàsaich,
 Far an d' àraicheadh na seòid,
 Far 'm bu chairdeil fuaim an gàire,
 Far 'm bu chàirdeil iad mu'n bhòrd;
 Far am faigheadh coigreach bàigh,
 Agus ànrach bochd a lòn,
 Ach cha'n fhaigh iad sin 'san àm so,
 Anns a' ghleann 'san robh iad òg.

Anns a' ghleann 'san robh, &c.

Chaochail maduinn ait ar 'n òige,
 Mar an ceò air bhàrr nan beann,
 Tha ar càirdean a's luchd-eòlais,
 Air am fògradh bhos a's thall;
 Tha cuid eile dhin nach gluais,
 Tha na'n cadal buan fo'n fhòid,
 Bha gun uaill, gun fluath, gun ann-tlachd,
 Anns a' ghleann 'san robh iad òg.

Anns a' ghleann 'san robh, &c.

Mo shoraidh leis gach cuairteig,
 Leis gach bruachaig agus còs,

Mu'n tric an robh mi cluaineis,
 'N àm bhi buachailleachd nam bò:
 'N uair a thig mo réis gu ceann,
 Agus feasgar fann mo lò,
 B'e mo mhiann a bhi 'san àm sin
 Anns a' ghleann 'san robh mi òg.
 Anns a' ghleann 'san robh, &c.

MORT GHLINNE-COMHANN. ✓

LE DOMHNUL MacCALLUM, ANN AN GREIGNIS.

Soraidh leat O Ghleann mo ghràidh!
 Tha ridht' an diugh a' d' leine bhàis;
 As do dhéigh gu bràth, gu bràth,
 Cha bhi 'm bàrd aeh deurach, brònach.
 Tha do ghaisgich uaibhreach, stàiteil,
 Measg na mhoitadh air an àireamh;
 'S tha do thighean 'nis 'nan làraich
 Far an d' àraicheadh 'n ar n-òig' sinn.

Anns an fheasgar bha sinn aobhach,
 Gabhail òrain, shunntach, aotrom;
 Och! mo dhiùbhail! 's beag a shaoil sinn
 Bhi cho sgaoilteach fo àm éiridh:
 Gum biodh cuid 'nar leabaidh leòinte;
 Cuid 's na cuidhean sneachda reòidhete;
 'S anns a' choill gu 'm biodh an còrr dhinn
 Caoidh le déòir an dream a dh' eug dhinn.

Dhuisg an raoir an gearan geur mi;
 Las mi 'n lòchran air dhomh éiridh,
 'S chunnaic mi mo mhac 'na shléitrich,
 Fhuil ga thréigsinn 's e gun deò ann.

Helen Coll.

Och ! nach mis' a thuit a cheud fhear,
 Chum 's nach fhaicear leain-sa m' eudail,
 Anns an leabaidh leòinte, reubte
 Leis na béisdean bha gun tròcair.

'Nuar a dh' éirich lasradh gruamach,
 Soilleir, dealrach, dian m 'n cuairt dinn,
 Sinne fhuair an sealladh fuath'sach,
 Cha chuir duan do bhàrd an céill e.
 Gillean òg' gun anail chìtear,
 Leanaban maoth' o 'm màth'ir gan spìonadh,
 'S balachain bheag gun stàdh ri crìosgail,
 "Co bheir dhon duinn, c' àit an téid sinn?"

Gu bhi sàbhaitt cha robh dòigh air,
 Oir b' i 'n oidhch' bha fiadhaich dòbhaidh
 Anns am facar fuil Chlann-Dònuill
 Air a dòrtadh 's iad gun éiridh.
 Ach mur biodh ar n-òigridh suaineach
 'Nuair a bhuaile' an stailinn chruidh orr',
 Cha robh 'n fhuil air làr gun truailleadh,
 'S cha robh buaidh aig luchd na h-éucoil.

Ach 'bhi moirte 's mòr gu 'm b' fheàrr leam
 Na gu 'n dòirtinn féin le m' lànhaibh
 Fuil an dream bhiodh ruim cho bàigheil,
 'S iad gun sgàth gu suaineach, sàmhach.
 Riamh cha 'n fhacas dream cho seòlta,
 Dream cho fulteach air bheag tròcair
 Ris na daoin' a shuidh aig bòrd leinn
 'S a ghabh còmhnuidh leinn mar chàirdean.

'S iomadh nighneag fhoinnidh, bhòidheach
 Dh' fhàgar leò gun àite còmhnuidh,
 Anns an fhàsaich fhuair gun sòlas,
 Gun neach beò ann 'ghabhas truas dhiu,

'S ionadh màth'ir tha 'n diugh fo léireadh,
 Caoidh gun fhois a mic 's a céile;
 'S iadsan reòidhте 'm fuil a chéile,
 Sneachd ag éiridh àrd mu 'n cuairt orr'.

'S bochd da-rìreadh mar a dh' éirich;
 Do chuid ghaisgeach air an reubadh;
 Aig do naimhdean do chuid spréidhe;
 'S iad 'nan sléitrich do chuid chòmhnuidh.
 Soraidh leat O Gleann mo ghràidh!
 Tha ridht' an diugh a' d' léine bhàis;
 As do dhéigh gu bràth, gu bràth,
 Cha bhi 'm bàrd achi deurach, brònach.

AM BRUADAR SO, AM FAOIN-SGEUL E?

LE ÈÒBHAN MAC-COLLA.

FONN :—“*Màiri bhàn Dhail-an eas.*”

Am bruadar so, am faoin-sgeul e?
 No 'm faod e a bhi fior,
 Do gheallaiddh mean gu 'n dì-ch'nicheadh
 Tu air son òir no mì?
 Cha tig, cha tig ath-sgeul domh air—
 Nan tigeadh b' éibhneach mì;
 Ach o'n chaidh 'n t-snaim do-sgaoilidh ort,
 Dhe 'n t-saogh'l so tha mi sgìth.

O 's maирг 'ni earbs' á boirionnach!
 Gur h-ainneamh gheibhear té
 'Bhios dìreach anns an leannanachd
 No leanailteach 's a' ghaol;

Mar 's bòidhche 's ann a's caraich' iad,

Tha 'n aigne mar a' ghaoth;

Bu daor a fluair mi aithn' air sud

Bho ainnir an fhuilt chaoin.

Bu daor, bu daor a cheannaich mi

An sonas nach robh buan;

'N uair shaoil mi 'bhi aig cala

Chaidh mo philleadhl thun a' chuain;—

Mo thruaigh mi! ciod so dh'fhairim mi

Nach d' aithnich thu ni 's luaith'?

'S anu 'n uair rinn càch do spìnneadh bhuan

A dhùisg mi ás mo shuain.

O! c' uime, 'ghaoil, a dh'fhàg thus mi?

Bha là 's bu leam do phòg,—

Bu leam do blàr mòr mánranach,

'Bha aon uair blàth gu leòir;

Bu leam bhi 'd' chneas, 's b' e 'm Pàrras e!

'N uair bhitheadh càch 'nan clò;—

Bha uair 's bu leam, mar meallta mi,

Do chridhe fallsa fòs.

'S e thu 'bhi 'n cneas an aineolaich

A nis a' gabhail suain

A rinn mo chàileachd fhannachadh,

'S a thanaich elis mo ghruaidh,

An saogh'l cha 'n fhada mheallas mi,

O! 's falamh é 's tu bhuan,—

A ghaoil, bi aoibhinn, toilichte

Théid mi gu h-ealamh 'n uaigh!

'N uair chuireas iad fo thalamh mi

'S a chinneas tharam feur,

An tig, an tig thu 'ghal air m' uaigh?

No 'n sil thu aona dheur?

Cha sil! cha sil! cha teann thu ris,—

B' e 'n t-iongantas an té

A rinn mo bheatha ghiorrhachadh

'Bhi duilich as mo dhéigh!

A fhleasgaich òig, bi furachail,—

Aon earail gabh uam féin,

Na taobh ri té 'bhios eireachdail

Mar aithne dhuit a beus;

Ged gheibh thu 'n coslas aingil i,

Ma 's caileag i gun stéidh,

Gu 'n dean i 'n tùs dhòt amadan,

A's aithreachan 'na dhéigh.

EILIDH BHAN CHOIRE-CHNAIMH. ✓

LE EOCHAN MAC COLLA.

AIR FONN :—“*Buain na rainich.*”

SEISD.—Eilidh bhànn Choire-chnàimh

Maighdean bhànil nam beus ceanail,

Eilidh bhànn Choire-chnàimh,

Cò nach tugadh gaol dhi?

Mi 'n.so 'm aonar 's manadh pòig orm

O 'n mhàmai òig 's rùn cléibh dhomh,

'S beag an t-ioghnadh cainnt mo chrì' bhi

“Greas a nìos ort, 'eudail!”

Eilidh bhànn, etc.

Gaol gach gille, cliù gach filidh

Tuath no deas gun téid mi—

Na'm b' fhearr-dàin mi mar a b' àill leam

Gu là bhràth bhiodh sgeul ort.

Eilidh bhànn, etc.

Gun dad fasgaidh aich mo bhreacan,
 'S mo lanh dheas mu d' chaol-chrios,
 Sud mar fhuair mi 'n oidhche 's buaine
 Tric ro-luath 'g ar sgaoileadh.
 Eilidh bhàin, etc.

Ged tha Fear a' Bhraighe, thall ud,
 'S ciadan eile 'n déigh ort,
 S leam-sa, neothar-thaing dhoibh uile,
 Gaol a's furan m' eudail !
 Eilidh bhàin, etc.

'S truagh nach b' ann an nochd, a leannain,
 Dh' òlar deoch na réite,
 'N sin le'r gairm gu Cill-a'mhunna
 Cha bu ruith ach leum domh !
 Eilidh bhàin, etc.

ORAN GAOIL,

LE ALASTAIR MAC DHUGHAILL ANNS AN SGUIL.

SEISD.—O, cha cheil mi, ù, cha cheil mi,
 O, cha cheil mi nach tu 's feàrr leam !
 'S mì nach ceil air sluagh an t-saoghal,
 Nach tug mì mo ghaol thar chàich dhuit.

'S cha bhi iongantas air daoine,
 Ged thug mi mo ghaol thar chàich dhuit ;
 'N uair a dhùnnseas mi do bhuaidhean,
 'S bheir mì suas dhuibh ann an dàn iad.
 O, cha cheil mi, etc.

Tha do ghruaidean mar na ròsan,
 'N uair is bòidhch' iad amns a' ghàradh ;
 Do dhead shmaigle mar an ibhrídh ;
 Dà shùil mhìogach 's iad ro-nàrach.
 O, cha cheil mi, etc.

Meur is grinne th' air an sgrìobhadh,
 'S cha 'n 'eil nì nach d' fhuair thu làmh air ;
 Bu tu banarach na buaile,
 'S cò bheir buaidh ort leis an t-snàthaid ?
 O, cha cheil mi, etc.

Bròg chuimir, ghrinn, nach dochainn feòirnein,
 'S tha thu còir a' falbh na sràide ;
 Pearsa chumaehdail, deas, dìreach,
 'S cha'n'eil mìr dhiot 's am bheil fàilinn.
 O, cha cheil mi, etc.

'S cha 'n 'eil maighdean òg 's an tìr so,
 'Thig a mòs riut ann an àilleachd ;
 'S e do ghaol a chuir fo chìs mi,
 'S ged bu rìgh mi 's tu bu bhàurighinn.
 O, cha cheil mi, etc.

Tha thu siobhalt', tha thu suairee,
 'S tha thu uasal a thaobh nàduir ;
 Ma tha neach 's am bith nach eual e,
 An Sgamadail a fhuair thu d-àrach.
 O, cha cheil mi, etc.

'S lionar buaidh a tha air m' fheudal,
 Cha 'n urrainn dhomh gu léir an àireanh ;
 'S uaibhreach fear a gheibh dha féin thu,
 'S truagh a'd' dhéigh gach fear 'thug gràdh dhuit
 O, cha cheil mi, etc.

O, gur trom a thug mi spéis dhuit,
 'S cha 'n 'eil feum dhomh 'bhi ga àicheadh ;
 Mar a faigh mi thu ri m' ghuallainn
 Gur e 'n uaigh is àite tàiné dhomh.
 O, cha cheil mi, etc.

'S ma bhios daoine nis a feòraich,
 Co chuir òrduigh air an dàm so;
 Innsear dhoibh gur e Mac-Dhùghaill
 'S anns an Sgùil a fhuair e àrach.
 O, cha cheil mi, etc.

L U I N N E A G.

LE DÒMINULL MAC EACHARN.

AIR FONN.—“*The Flowers of the Forest.*”

Chunna mi na gruagaichean,
 Le'n cumain 'us le'in buaraichean,
 A' bleodhan a' chruidh ghuailfhinn,
 Air uabhar an t-sléibh.
 Le'n luinneagan 's le'n òrain,
 A' tional a' chruidh còmhla,
 Bu bhinne leam a chòisir,
 Na smeòrach air ghéig.
 Ach 'nis cha 'n fhaic mi gruagach ;
 A' bleodhan cruidh air buaile,
 No idir na buachaillean,
 A' cuallach an treud.
 Cha'n fhaicear crodh air àiridh,
 Cha'n fhaicear spréidh le'n àl ann,
 'S ann tha na glinn a b' àille,
 Nam fàsaich fo fhéidh.

 Na srathan a bu bhòiliche,
 'S an robh na daoine 'chòmhnuidh,
 'Us anns' am faight' an òigridh,
 Bu mhòdhaire heus.

An diugh gu fuaraidh, fàsail,
 Gun aon chuid buar no bàrr annt,
 'Us dachaidh nam fear àbalt,
 'N an làraichean réidh.
 Cha'n fhaicear tigh fo' smùid ann,
 Cha chluinnear ceòl no mùirn ann,
 'Us far am biodh na diùnlaich,
 D'an dùchas bhi treun.
 Tha'm fiadh a' dol 'sa' bhùireadh,
 Tha'n coileach dubh 'san dùrdail,
 'Us comunn caoin mo rùin-sa,
 An dùthchanna céin.

'Us ged nach fhaic an t-àl so
 Na h-uile nì mar bhà e,
 Cho cinnt' 'sa tha mi 'g ràdh, chì
 An t-àl thig 'nar déigh.
 Oilean agus fòghlum
 A' togail suas na h-òigridh,
 'Us Gàidheil mar bu chòir dhoibh,
 'Nan còirichean fhéin.
 Na gleanntan bi'dh fo àiteach,
 Na beannntan bi'dh fo àalach,
 Us pailteas anns gach fàrdaich,
 Mar b' àbhaist o chéin.
 'S an àite bròn 'us thùirse,
 Bi'dh aighear agus sùgradh,
 Ma gheibh am *Blackie* cùirteil
 Na cùisean g'a réir.

THA MI TROM 'S DUILICH LEAM. ✓

SEISD.—Tha mi trom 's duilich leam,
 'S muladach mar tha mi,
 O'n chuir mo leannan cùl rium,
 Cha téid fear ùr 'na àite.

'Nuair chaidh mi thun a chladaich leat,
 'S a dh' amhaire mi a' d' bhàta;
 Gu'n robh mo chridhe 'eoineadh
 Ged 'rinn mi faoin an gàire!
 Tha mi trom, &c.

Bha uair a bha mi cuireadach,
 Mar uiseagan an fhàsaich:
 'N uair chuimhnaichinn do shùgradh
 A fhleasgaich àir nam blàth-shùil.
 Tha mi trom, &c.

Ach o'n a rinn thu caochladh
 Àir faoin-tràgh rinn thu m' fhàgail,
 O'n mheall thu le' do ghaol mi;
 Cha 'n fhaod mi bhi mar bhà mi.
 Tha mi trom, &c.

Chunna' mi'n raoir bruadar,
 A dh' fluasgail ás gach càs mi;
 Gu 'n robh thu rium ri suaireas,
 Cho nasal 's a bu ghìnàth leat.
 Tha mi trom, &c.

'N uair dh' fhosgail mi mo shùilean,
 'N àm dùsgadh as a phràmh sin;
 Bu mhuladach mo smaointinn,
 Gur aisling faoin a dh' fhàg mi.
 Tha mi trom, &c.

'Nuair chumainc mis' an tòisach thu
 'N ad shniadh air stoc a' bhàta
 'S e cóig bliadh'n' den a dh' aois
 A bha mi ghaoil 'n uair thug mi gràdh dhuit.

Ach soraidh le do leannanachd,
 On dh' aithnich mi do nàdur ;
 'N uair si 'n té lùisbach riabhach ;
 A mhiannaich thu na m'aite.
 Tha mi trom, &c.

Cha bhi mi féin an diùmha ruit.
 A rùin ma's ise 's feàrr leat ;
 'S gur hì do rogha céile,
 Ni éiridh leat am màireach.
 Tha mi trom, &c.

ORAN DO DH'EILTHIREACH.

LE BAINTIGHEARNA D' OYLY.

SEISD.—Tha mo chridhe trom, trom,
 Cha 'n éirich leam fonn,
 Bho'n dh' fhalbh an long bho thìr ;
 Tha i nis fo sheòl,
 'S gaol mo chridhe air bàrd,
 Gun dùil gu 'n till e chaoidh.

Tha e nis air falbh uam,
 Còig mìos' air a' chuan,
 Gu 'n dùthaich ùr, uaine, fada thall,
 Far bheil pailteas spréidh air aonach,
 'S na ceudaibh mìle caorach,
 A's obair ri fhaotainn ann.
 Tha mo chridhe, etc.

Thug mo rùn gealladh dhòmh-sa,
 Gu 'n deanadh e mo phòsad,
 'N uair bhitheadh aige stòras a's nì,

'S nach deanadh e mo dhi-chuimhne,
 'S gu 'n enireadh e gu m' iarraigdh,
 An ceann dà bhliadhna do thìm,
 Tha mo chridhe, etc.

O, 's trom leam bhi fàgail
 Na tìr an d' rinneadh m' àrach,
 Mo fhineadh 's mo chàirdean gu léir,
 Ach 's mòr a tha mi 'n dùil,
 Nach fad gus 'n euir iad cùl rith',
 'S gu 'm bi iad uile falbh na m' dhéigh
 Tha mo chridhe, etc.

Leam 's eanail tìr m' eòlais,
 Gun aighear, gun sòlas,
 Gun mhire, gun cheòl, gun danns',
 Tha na h-uachd'rain air 'fàgail,
 Cha 'n urrainn sinn bhi tàmh innt',
 'S e a nis air a reic do 'n Ghall,
 Tha mo chridhe, etc.

Tha Ghàidhealtachd, 's Eirinn
 Fo dhòruinn 's fo éigin,
 'S an Gall bho thìr gu tìr,
 Na mìltean a' cur sùrd orr',
 'S a' toirt na dùthch' ùir orr',
 Mu 'n téid iad uile dhìth.
 Tha mo chridhe, etc.

O, Ghàidhealtachd ghaolach !
 Nan cladach 's nam faoileann,
 Nan innis 's nan aonach naine,
 Nam beannaibh mòra, àrda,
 Nan luingeas a's nam bàta,
 Tigh'n fo sheòl bho àird a' chuain.
 Tha mo chridhe, etc.

O, Ghàidhealtachd àluinn !
 Nan eilein 's nan àrdach,
 Nan caisteal air bhàrr gach bruach,
 Nam fleasgach ùr meamnach,
 Bu deise bha 'n Alba—
 Mo chreach mar a dh' fhalbh iad uainn !
 Tha mo chridhe, etc.

O, Ghàidhealtachd dhealbhach !
 Nan coille a's nan garbhlach,
 Nan coire gu sealg an fhéidh,
 Tir iolair nan creag mòr i,
 'S gach eun 's binne còmhradh,
 Gu smeòrach àir bhàrr nan geug.
 Tha mo chridhe, etc.

O, Ghàidhealtachd chàirdeil !
 Nan ceud mile fàilte,
 Mo bheannachd 's mo ghràdh ort a chaoiadh,
 Tir nan saighdeirean ainmeil,
 Thug barrachd air gach armait
 An cogadh an arm an rìgh.
 Tha mo chridhe, etc.

FHLEASGAICH UIR, LEANAINN THU. ✓

SEISD.—Fhleasgaich ùir, leanainn thù,
 Fhir a' chùil bhòidhich ;
 Fhleasgaich ùir, leanainn thù.

2. 'S mi gu'n rachadh ad choinnimh,
 Air mo bhonnaibh gun bhrògan.
 Fhleasgaich ùir, &c.

3. } Fhir nan calpanan glé gleas
as do sheill tha mi lòrach. - MT 21.15.

Air bonnadh mo chasan,
Ged bhiodh clachan ga'n stròiceadh.
Fhleasgaich ùir, &c.

Ged bhiodh reothadh ro chruaidh ann,
'S sneachd fuar air a' mhòintich.
Fhleasgaich ùir, &c.

1. Fhir nan calpanan donna,
Rinn mi coinneamh glé òg ruit.
Fhleasgaich ùir, &c.

Fuir a' bhruiic air do léine,
'S fuil an fhéidh air do chòta.
Fhleasgaich ùir, &c.

Fuir an laoigh bhric, bhallaich,
Mar bhannaibh mu d' dhòrnaibh.
Fhleasgaich ùir, &c.

'S mi gu'n siùbhladh Gleann Rao'ill leat,
Agus dà thaobh Loch Lòchaidh.
Fhleasgaich ùir, &c.

Dh' fhalbhainn air muir no air tìr leat,
Gu ruig críoich na Rionn-Eòrpa.
Fhleasgaich ùir, &c.

Ged nach mò leat mi 'm bliadhna,
'S tric a dh' iarr, thu mo phòg orm.
Fhleasgaich ùir, &c.

Bu tu sealgoir i' mblàrachd
Thug thu guis a domh coireach.
Bu tu sealgoir na riada
'S leis aha laman an sòn oit.

Cha bhi mi ga d' chàineadh
Gar an dàn dhomh do phòsad.

Fhleasgaich ùir, &c.

Ach guidheam gu slàn thu
Gach là fhad 's is beò mi.

Fhleasgaich ùir, &c.

AN NIGHEAN DUBH.

'Nighean dubh nan gruaidhean craobhach,
Bha mi uair 's bu bheag a shaoilinn,
Gu 'n caidilinn an oidhch' as t-aogais;
Chaidh sud aog a's chaochail e cruth.

Tha thu suarach umam an diugh,
Ged bha uair 'bu toigh leat mo ghuth;
Tha thu suarach umam an diugh.

'N uair a bha sinn anns na gleannfaibh,
'Cuallach a' chruidh-laoigh mu'n mhainnir;
Shaoil mi fhéin nach robh air thalamh
Fear a mhealladh bean a' chinn duibh.

Tha thu suarach, etc.

A thé sin a tha aig na gamhna,
Bha mi uair 's bu mhor mo gheall ort;
'Sgil' thu na sneachd air na beannataibh,
Anns an àm 's am bitheadh 'g a chur.

Tha thu suarach, etc.

Tha mi lag, ged bha mi làidir,
Tha mi sgìth gu siubhal fhàsach;
'S gur e thug mo chridhe mhàin,
Ro mheud a' ghràidh a bharaig mi dhuit.

Tha thu suarach, etc.

Tha do chneas cho geal 's an fhaoileann
 Do dhà ghruaidh cho dearg 's an caorann ;
 Suilean meallach, gorm ad aodann,
 Mala chaol mar ite 'n loin-duibh.

Tha thu suarach, etc.

Tha thu boidheach, tha thu lionneil,
 'S duilich leam gu 'm bheil thu foilleil ;
 'S binn' thu na guth 'choilich-choille,
 Anns an doire 'n goireadh e moch.

Tha thu suarach, etc.

Is tric a bha saill air seann each,
 Agus puinsean ann an glainne,
 Amhuil sin a's gaol mo leannain,
 Mar chop geal air bharraibh nan sruth.

Tha mi suarach umad an diugh,
 Ged bha uair 'bu toigh leam do ghuth ;
 Tha mi suarach umad an diugh !

SLAN LE GLEANNDARUAIL.

Le Iain Mac-na-Cearadadh a bha 'n a mhaighstir-sgoil ann an Strontian agus a tha nis ann am Prince Edward's Island. Bha 'n t-òran air a syriobhadh 's a' bhliadhna 1837, air son òganach a mhuinnitir a' Ghlinne a bha 'dol do dh-Australia.

AIR FONN.—“ Cumha Airdmeàrnaig.”

Slan le beantan an fhraoch
 Dhosach, gluagach, chaoin,—
 Badan suaicheantais dheadh Čhloinn-Dòmh'uill,—
 Le shugh meal a's céir, <
 A's 'g an sàsach' dheth fein le sògh ;
 'S a' toirt fasgaidh ri fuachd
 Do chaoraich 's do dh-uain,
 'S do na cearcagan ruadh, an lòn.
 'S a' toirt fasgaidh, etc.

'S le Gleannadarual mo chrìdh',
 Righ gach gleann tha 's an tìr!
 Far an d' àraicheadh mi bho m' ògh—
 Gleann nan coiltean 's nan raon,
 Gleann nan glacag 's nan craobh,
 Gleann nan aighean, nan laoigh, 's nam bò;
 Gleann nam bradan, 's nan grìs,
 Gleann nan cam-lùba mìn,
 Gleann is pailte 's an einn gach pòr!
 Gleann nan bradan, etc.

Far an bínne na h-eòin,
 Far an grinne na h-òigh'n,
 'S iad gu ceileireach, ceòlmhor, còir;
 Modhail, beusach, gun ghruaim,
 Teisteil, chirteil, grinn, suaire',
 Tuigseach, foghluimte, stuaim', gun phròis;
 Dreachail, meachair, gun mheang,
 Ann am pearsa 's an cainnt,
 'S iad deas, ròsail, gun sgraing, gun sgleò.
 Dreachail, meachair, etc.

A's na fleasgaich is àill',
 Foinnidh, fearail, làn bàigh,
 Uasal, smiorail, air sràid 's aig mòd;
 'S iad ard-inntinneach, dian;
 'S anns an tìr am mor miadh—
 'S iad a sheasadhb gun fhiamh a' chòir!
 'Reachadh foirmeil gu strìth,
 'Bheàreadh nàimhdean fo chìs,
 A's nach géilleadh gu slorruidh beò.
 'Rachadh foirmeil, etc.

M' an cuir gleanntan m'an cuairt
 Dhiubh crann-dachd an fhuachd,
 Bidh Gleannadarual nam buadh 'n a ghlòir;

Bidh chraobh-ubhal fo bhlàth,
 Bidh an duilleach aig 'fhàs,
 'S ceileir cuthaig an sgàth nam fròg ;
 'S Mac'-Illeathain le 'phìob,
 'N àm na gréin bhi 'dol sios,
 A' toirt fuaim as an tìr le 'cheòl.
 'S Mac'-Illeathain, etc.

Achaidh-teangain an àigh,
 Soraidh slan leat gu bràth !
 S leis gach neach a tha 'tàmh air d' fhòid ;—
 Slàn le cuideachd mo ghràidh,
 Slàn le m' athair 's le m' mhàth'ir,
 Slàn le m' pheathraighean bàigheil, òg ;
 Slàn le m' bhràithrean gu léir,
 Slàn le m' chàirdean 's luchd-spéis,
 Slàn le uiseag nan speur 's a ceòl !
 Slàn le m' bhràithrean, etc,

'S eiginn dòmh-sa nis triall,
 'Dh-fhàgail dùthaich nan triath,
 Nam filidh nan cliar 's nan seòid ;
 Na h-earba, 's an fhéidh,
 Agus iolair nan speur,
 Na h-eala, nam peuc, a's nan còrr ;
 Nan sìthean, 's nan cruach,
 A's nan dùn, a's nam bruach,
 Nan doire, nan cluan, a's nan còs.
 Nan sìthean, etc.

Ged tha 'n dùth'ch so lan bhuadh,
 'S iomadh diomh 'tha rith' fuaight' ;—
 Cha chum ceileir na cuaich rium lòn,—
 Tha na fearainn ro dhaor,
 A's na tuarasdail saor,
 S cha 'n 'eil farraid air saothair dhaoin' òg ;

Ach tha siùil ris an long
 'Tha gu m' aiseag thar thonn,
 Gu *Australia*, fonn an fheòir.
 Ach tha siùil, etc.

O R A N G A O I L. ✓

SEISD.—Faill ill o, agus horo éile,
 Hao ill o, agus horo éile,
 Faill ill o, agus horo éile,
 A fhleasgaich dhuinn nach ann duinn a dh' eirich.

O, nan tachradh tu 's an fhraoch orm,
 A fhleasgaich dhuinn an leadain chraobhaich,
 Luidhinn fhéin leat air bheagan aodaich,
 Ged 'bhiodh an sneachda g'a chur 's an aonach.
 Air faill ill o, etc.

'S thug mi gaol dhuit 's cha 'n fhaod mi àicheadh,
 Nach tug piuthar riamh d'a bràthair,
 'S nach tug bean d' a leanamh ràidhe,
 'S nach tug bò riamh d'a laogh air àiridh.
 Air faill ill o, etc.

'S thug mi gaol dhuit, 's cha tug mi fuath dhuit,
 'S tha mo chàirdean uile 'n gruaim riùm,
 'S maирg a dh' iarr e riamh nach d' fhuair e—
 Uisge blàth 'thoirt bho leachdan fuara.
 Air faill ill o, etc.

'S trom an eudtrom air built mo bhrògan
 'Dol do 'n chlachan air Di-dòmhnaich,
 Dh' fheuch am faic mi ann an t-òigear,
 An giullan donn sin a gheal mo phòsadh
 Air faill ill o, etc.

Thuirt mo mhàthair gu càirdeil, ciùin rium,
 A chaileag nàrach na cuir diù ann,
 'S cia mar 's urrainn mi ri ghiùlan,
 'S gu 'm bheil do phòg leam air bhlas nan àbhlàn?
 Air faill ill o, etc.

Thaig m' athair nùile 'n òr dhomh,
 'S gheall mo mhàthair buaile bhò dhomh,
 Ged gheibhinn sud a's an saoghal còmhl' ris,
 'S mòr gu 'm b' annsa leam féin an t-òigear.
 Air faill ill o, etc.

'S a phiuthar ghaolach, dean gu réidh rium,
 Na cum an crodh a's na laoigh o chéile,
 'S ged a bhithinn-se air an déiree,
 Na cumaibh uam-sa rùn mo chéile.
 Air faill ill o, etc.

CHA MHOR NACH COMA LEAM COGADH NO SITH. ✓

LE IAIN MAC DHOMHNAILL, CEANN LOCH-LEAMHAIN, AM MUILE.

SEISD.—Fal o, hal dal o hog i o ho ro ì,
 Fal o, hal dal o hog i o ho ro ì,
 Hithill ù, hillinn o, agus ho, ho ro hì,
 Cha mhòr nach coma leam cogadh no sith.

Tha mi 'n so bho chionn tamuil, 's mi 'n Lathurna fuar,
 'S cha choinnich mi caraid 'ni labhairt rium suaire',
 'S tha mo dhùil ri dol thairis gach là agus uair
 Do Mhuile nam beannan, 's nan gleannanaibh uain'.
 Fal o, etc.

Thoir mo shoraidh le dùrachd gu dùthaich mo ghaoil,
 Far am bitheadh a tathaich na h-aighean 's na laoigh ;
 Gach lusan a's flùr ann fo dhriùchd air an raon,
 'S bi'dh enothan a's àbhlàn a' lùbadh nan eraobh.

Fal o, etc.

'S tha daimh a' chinn-chabraig ann fhathast gu leòir,
 'S tha 'm boc anns an doire, 'ni taoghal 's an t-sròin,
 'S na coireachan riabhach mu 'n iadhadh an ceò,
 Ga 'n ruagadh 's a mhaduinn, 's coin sheang air an tòir.

Fal o, etc.

'S thig an t-uisge glan, rioghail, bho chìochan nam beann,
 Gu mireagach, cuarteagach, luath leis gach gleann ;
 'S b'e sud an deoch uasal nach bruailleineach leinn,
 'S ged dh' òlamaid fuaran cha tuain'laich 'ur cinn.

Fal o, etc.

Tha gobhair 's na creagan, 's minn bheaga gu leòir,
 Bidh searaich a' cleasachd, 's ri beadradh air lòin,
 'S an t-iasd air gach amhainn, a ghlaicte le seòl,
 Le cuileag g'a bhiadhadh, 's g'a shrianadh le snòid.

Fal o, etc.

'S coilich-dhubha ri dùrdail air stùchdan an t-sléibh,
 Na clearan ri tùchan gu dlùth aig a sgéith,
 Eòin bheaga ri òrain, 's ri crònán mu 'n ghéig,
 An uiseag 's an smèòrach, nach ceòlmhor iad fhéin.

Fal o, etc.

'S e gog nan eòin ruadha ga 'n gluasad 's an fhraoch,
 Gur binn leam an ceòl th' aig a chòisir ri m' thaobh,
 A's geummaich nam bò 'dol gu crò beag nan laogh,
 A's luinneag nan gruagach air buaile chruidh chaoin.

Fal o, etc.

'S moch maduinn chiùin, chéitein, nach spéisear na th' ann,
 A' chuthag 's gug-gùg aic, gu sunndach air crann,
 'S gach eun 'bha 'n a chrùban 's an dùblach 's e fann,
 Air dùsgadh 's an t-sàmhradh 's gun cheann dhiubh air chall.

Fal o, etc.

S ionadh àit' bheil na daoine bu chòir a bhi ann,
 'S tha fearann nach saoil sibh fo chaoraich nan Gall :

'S na 'n tilleadh iad flathast, fior ghaisgich nan lann.
 Gu 'n rachadh fir Shasuinn 'chur dhachaidh na 'n deann.
 Fal o, etc.

'S chaidh am féileadh beag, cuachach, deas, uallach, air chùl,
 'S gach giomanach gunna, bha siubhal nan stùe,
 'S bho 'n chuir sibh thar sàile na Gàidheil a null,
 Co a gbleidheas a h-àite do 'n Blàin-righ 's d' a crùm.

Fal o, etc.

'N uair dh' éireadh Cloinn Dòmhnuill, 'si 'n dòigh bh' aca riamh.
 'Bhi seasamh na còrach, luchd leònadh nam fiadh,
 'Dol an toiseach a chatha, le claidheamh a's sgiath,
 'S gu'n deanadh iad pronnadh mu 'n cromadh a' ghrian.

Fal o, etc.

'S iad bhitheas a' ruagadh cho luath ris na féidh,
 Clann 'Illeathain bho 'n Dreòlain, fir cheannsallach, threun,
 'S Clann Dughail bho 'n Mhòrair; na Leòdaich iad fhéin,
 'S Clann-an-t-Saoir bho thaoblh Chruachan, a nuas bho
 Ghleann Eid.

Fal o, etc.

Tha saighdeirean sgairteal fo bhrataich Loch-Ial,
 Cloinn Cham'roin bho Lòchaidh, mar leòghainn gun fhiambh,
 Bha maith anns a' chònnspaid 's nach sòradh dol sìos,
 'S e fèin air an toiseach gu 'm brosnach, gu gniomh.

Fal o, etc.

'N uair dh' éireadh na Granntaich a nall bho Strath-spé,
 Clann Choinnich Chinn-tàile, fir làidir ach géill,
 Chuireadh cùl air an nàmhaid 's e b' àbhaist doibh fhéin,
 'S a dh' fhàgas 's an àraich fuil bhlàth air an fheur.

Fal o, etc.

'N uair dh' éireadh fo 'r brataich, na gaisgich tha cruaidh,
 Bho Shléibhte nam bradan 's bho Ghàrraiddh mu thuath,
 'S a chuireas le carraig an latha le buaidh,
 'S a sheasas an làrach 'n uair air air càch bhiodh an ruaig.

Fal o, etc.

'TOIRT M' AGHAIDH RI DIURA. ✓

SEISD.—O hùiribh, i hùiribh,
 O hùiribh o gheallaidh,
 Bheir mi ho na ho éille,
 'S e bhi réidh riut bu mhaith leam.

'Toirt m' aghaidh ri Diura,
 'S mo chùl ri Port-Ascaig,
 Shil gu frasach mo shùilean,
 'S gun mo dhùil ri tigh'n dachaidh.
 O hùiribh, etc.

'N uair a chuir iad air bòrd thu
 Air long mhòr nan trì-chrannaibh,
 'S ionadh té bha gu tìursach,
 'S deòir a' sruthadh gu talamh.
 O hùiribh, etc.

Cha chreidinn a chàch e,
 Gu 'n robh thu 'fàgail a' bhaile,
 Gus an robh na siùil bhàna
 Ga 'n càradh ri cramaibh.
 O hùiribh, etc.

Latha Nollaig am màireach,
 'Cur nam bàir leis na camain,
 Cia mar sheasas mi chòmhail
 'S gun an t-òigeir aig baile?
 O hùiribh, etc.

Bu tu leannan nan gruagach.
 'S tu uasal a's maiseach,
 Gruaidhean meachair mar mhaighdean,
 Sùil an t-saighdear fo d' mhalaideh.
 O hùiribh, etc.

Tha thu foghainteach, làidir,
 'S tha thu tàbhachdach, smearail,
 'Dol an éideadh a' Ghaidheil,
 Air an tràigh bu tu 'm meangan.
 O hùiribh, etc.

Tha thu 'chinneadh mo mhàthair,
 Fhir nam blàth-shùilean meallach,
 Clann 'Illeathain o'n Dreòlain,
 Dream òg an àm tarruing.
 O hùiribh, etc.

Gaol peathar, gaol bràthar,
 Gaol màthar a's athar,
 An gaol a thug mi cha tréig mi,
 Gus an téid mi 's an anart.
 O hùiribh, etc.

C U M H A M H I C - L E O I D .

LE BAINTIGHEARNA D'OYLY.

Tha dùthaich MhicLeòid fo bhròn 's fo mhulad,
 Bho Chuilinn gu Stròm cha chluinnt' ach tuireadh,
 Sliochd Ruari Mhòir nam bratach 's nan sròl,
 Mo chreach 's mo leòn nach till iad tuillidh.

Cha till, cha till, cha till iad tuillidh,
 Cha till, cha till, cha till iad tuillidh,
 Cha till, cha till, cha till Mac Leòid,
 Mo chreach 's mo leòn nach till iad tuillidh.

Tha cumha 's caoidh air tìr 's air linne,
 Cha chluinnear ceòl no spòrs nan gillean,
 O, b' fheàrr bhi 's an Dùn an dùthaich do rùin,
 Na d' chùl ris 'n Dùn gun dùil ri tilleadh.
 Cha till, etc.

O, Thormaid Mhic Leòid tha 'm bròn ga m' mhilleadh
 Cha tog mi chaoiadh fonn air rann no iorram,

Tha do bhuaile gun bhò gun do spréidh air an lòn,
 Gun bhradan na d' chrò no do sheòl air linne.

Cha till, etc.

Tha do chaisteal gun cheò, gun cheòl, gun uidheam.
 Gun sunnd air bòrd, no òl na dibhe,

Gun sòlas tha 'n Dùn gun bhratach tha 'n Tùr,
 'S bean òg do rùn 's a sùil ri sileadh.

Cha till, etc.

Clann altruim mo ghràidh, luchd a' ghàire 's a' mhire,
 Do 'm b' entrom leum 'ur ceum air glinne,

Leam a b'aluinn an cinn, 's an casan beag, grinn,
 'S am billibh bha binn nach eluinn mi tuillidh

Cha till, etc.

Tha do mhàthair fo éislein, deurach, duilich,
 Do chinneadh gu léir fo éigin buileach,

'S piuthair do luaidh gun chadal gun suain,
 'S an fhuaim 'n a cluais nach till thu tuillidh.

Cha till, etc.

Thug iad "Tormaid gun dad" ort, 'n uair bhaist iad 's
 an Dùn thu,

Gu'n leanadh an t-ainm riut, O, 's beag bha mi'n dùil ris,
 B'e sin manadh na truaighe chuir seachad gach buaidh
 ort,

'S a ghreas ort an uair nach till thu tuillidh.

Cha till, etc.

Mo thruaighe air siol Leòid! tha 'm bròn orr' uile,
 Cha chluinnt "seid suas", air bruach no tullaich,

Siol Thorcuill na gréine, 's an ceannard ga 'n tréigsinn,
 Siol Thormaid an déigh sin, 's nach till iad tuillidh.

Cha till, etc.

ORAN-MOLAIDH DO CHOMUNN GAIDHEALACH
BHAILE THORONTO.

LE EÒBHÍAN MAC-COLLA.

Ciad fàilt' air a Chomunn an dé a rinn coinneamh

Gu dùthchas a's duinealas 'chinnmail a suas—

Seann-dhùthchas nan Gàidheal, an eilidh a's an càinain—

A chainnit sin a thàinig bho Adh'mh dhuiinn a nuas;
Mar sud anns an éideadh, air sràid no air sléibhte.

Tha uallach, deas, eatrom—grinn, greadhnach an smuadh.

Sar-chomunn mo chridhe! Cha'n ioghnadh ged bhithinn

An so, mar is dligheach, a' guidbe dhuiibh buaidh.

B'e 'm bendl e, da rireadh, na'n deanamh sibh dichuimhn'

Air Ceòlraidiu 'nr dùthcha—fior dhùthaich nam Bàrd

Bho mhac rìgh na Féinne gu Dòinacha Bàn geur-bhinn,

Co'n tìr sin fo'n ghréim air a h-aosdain bheir bàrr?

Co'n neach leis nach sòlas bhi'n cuideachd luchd òrain?

Deagh ionradh 'nan còmhlaadh mo stòr agus m' àgh;

Bibh sibh-se nis dileas do chleachduinn co rioghail,

'S a chaoidh cha téid dìth air cainnt ghrinn nam beann àrd.

Cha 'n eòl domh toil-inntinn is mò na bhi 'eluinnitinn

Piob mhòr nan dos enaimh-gheal is fonnmhöire fuaim;

'Nuair théid i gu còmhlaadh air faiche no'n seòmar,

B'e 'n ceòl thar gach ceòl leam a torman 'nam chluais.

'N àm lannan a rusgadh, 's na h-àrmuin do 'n rim i

Air nàimhdean a' brùchadh le gnùisean gun ghruaim,

Suas " Gillean an Fheile " air pioban deagh-ghleusach,

'S cha duilich a' leughadh cò 'n taobh a' gheibh buaidh!

'S iad cleachduinn nach measa gu neartachadh chriosá

Bhi 'tilgeadbh a' Chabair 's a' cur na Cloich-neirt;

'Se sid a rinn làidir ar n-athraichean tà'chdach,—

Mo thruaigh iad thig ceàrr orr a's stàilinn nan glaice!

Am fear leis an suarach bhi 'g altrum no luaidh air
 Gach lùth-chleas grinn, nasal ta 'n uair so 'n ur beachd,
 Cha deanainn a chàineadh, ged 's cinnteach a ta mi
 Gur siochaire grànnnd' e de dh-àl air bheag tìochd.

Ged 's mithich nis dhomh-sa 'bhi criochnachadh m' òran,
 Tha tuille gu leòir a bu mhiann leam a ràdh
 Mu dhéighinn na tir sin tha daonnan air m' inntinn—
 Seann-Albainn do-chiosnaicht', do 'n fhìrinn thug gràdh.
 Ciad soraidh thar chuan bhuan g'a h-ionnsuidh ! Mo chrudal,
 Bhi 'n so, mar eun-fuadain, fad' uaip,—ach ged tha,
 Mu 'n téid ás mo smuainte tir àluinn nan cruach-bheann
 Bithidh 'n eridhe so fuar anns an luaithre a' cnàmh !

A N G I L L E D O N N.

SEISD.—'S mise tha fo mhì-ghean,
 Mu 'n ghille dhonn,
 Oigean nan rosg miogach,
 Dh' fhàg m' inntinn trom,
 'S mise tha fo mhì-ghean
 Mu 'n ghille dhonn.

'S mise th' air mo sgaradh,
 Bho thoiseach an earraich,
 Dhealaich uam mo leannan
 Maraiche nan tonn.
 'S mise, etc.

Thug mi gaol a chràidh mi
 Do sgiobair a' bhàta,
 Gheibhinn cadal sàmhach
 Leat air bhàrr nan tonn.
 'S mise, etc.

'S e'n gaol a thug mi òg dhuit,
 An diugh a tha ga m' leònadhl,
 A chaoidh cha diòbair m' fheòil thu,
 Fhad 's is beò mo chom.
 'S mise, etc.

Oir tha mòran bhuidhean
 Air mo rùm 's ma luaidh-se
 Bu tu làmh a' chruidhail,
 Mòran uails' a' d' chom,
 'S mise, etc.

'S e bhi ort a' bruidhinn,
 An nochd a tha gu m' ruigheachd,
 Oigear, a Chloinn Iain,
 'Dh' fhág mo chridhe trom.
 'S mise, etc.

'S maraich' thu gu seòladh,
 Cho mhath 's a ghlac ròpa,
 Sealgair thu air mòintich,
 'S leònadhl tu 'n damh-donn.
 'S mise, etc.

'N uair thigeadh tu dhachaidh,
 'S do ghunn' ann a d' achlais,
 Sealgair geòidh a's eal' thu,
 'S a' cheare riabh'ch air fonn. *see note*
 'S mise, etc.

'Dol 'stigh an Caol Cannach
 Shéid e oirbh gu frasach,
 Thàinig fairge tharsuinn,
 'S bhual e thu gu trom.
 'S mise, etc.

Thàinig air do chùl-thaobh,
 Na chuir amis a' ghrunnd thu,
 'S e dh' fhàg mise tursach,
 Mo rùn bhi 'tànàl' fo 'n tonn.
 'S mise, etc.

O R A N.



LEIS AN LIGHICHE MAC LACHAINE, NACH MAIREANN

AIR FONN:—“*A nochd gur faoin mo chadal domh.*”

'S uain' an fhòid fo'n d' adhlaic iad
 An ainnir chaomh 's an ùir,
 Le sòbhraichean, 's le neòineinean,
 Am measg nam feòirnein dlùth;
 Ach spiolam nuas an fheanntag so,
 Cho coimheach, feamtaidh, gnù,—
 Cha shamhladh air an ainnir thu,
 'G an robh an aigne chiùin.

Cha shamhladh air an ainnir thu
 'G an robh an aigne chiùin,—
 Nach deanadh lochd, 's nach tugadh beum,
 Nach nochdadhl eud no tnù;
 Bha seire, a's gràdh, a's làighealachd
 Gu h-àillidh ann a' d' ghmùis.
 Cò 'chunnaike thu gun ghaol 'thoirt duit?
 Cò 'blàruidhmeadh ort gun chiùin?

'S tron an diugh mo smaointinean,
 A' cuimhneachadh aig d' uaigh,
 Am feasgar ciùin a dhealaich sinn
 Le beannachdan 'g an luaidh:

Cha robh lochd 'n ar conaltradh,
 No brosgal, cleith, no cluain ;
 Ach seirc, a's gràdh, le ceanalas,
 A's carantachd le stuaim.

Bu gheàrr an ùin' 'n a dhéigh sin
 'N uair thàinig sgeul a' blàròin,
 Nach fhaiceamaid ri'r maireann thu
 Air thalamh anns an fheòil ;
 Tha do chré 's an duslach,—
 Tha mis' an so gun treoir,
 'Am dhuine tuisleach, euslainteach,
 'Am sheasamh crom aig d' fhòid.

'Am sheasamh erom a' dearcadh
 Air na leachdan 'tha mu'n cuairt,
 Le m' chiabhan liath air tanachaadh,
 'S a' ghaillonn air mo shnuadh ;
 Tha 'n Aois a' teachd am fagus dhomh,
 A' bagraadh orm gu truagh,
 Le mìle gaoid a's anshocair,
 'G am theannadh ris an uaigh.

Chi mi thar a' mhonaidh ud
 Air coimhead os mo chionn,
 An duibhre air na mullaichean,
 'S an rionnag a' tighinn dlùth ;
 Tha dealt na h-oidhche a' tearnadh orm,--
 Cha léir dhomh nis, fo m' shùil,
 Cho uain' 's tha 'n fhòd fo 'n d' adhlaiceadh
 An aimir chaomh 's an ùir.

C A S A G A N E I S G.

LE DONNACHADH NAM BLAR.



SEISD.—Ho rì ill ho ro bha,

Ho rì ill ho ré,

Ho rì ill, hao rì ill,

O hi rì ill ho ré.

Ach a Mhurchaidh òig thàilleir,

Gu ma slàn bhios tu fhéin,

Rinn thu m' aodach a chàradh

'S gheibh thu pàigheadh da réir.

Ho rì ill, etc.

Rinn thu m' aodach a chàradh

'S gheibh thu pàigheadh da réir,

Chuir thu pòca fo 'n achlais,

Air casag an éisg.

Ho rì ill, etc.

Chuir thu pòca, etc.,

'S math i 'dhìreadh a' mhunaidh,

'S mo ghuonna fo m' sgéith.

Ho rì ill, etc.

'S math i 'dhìreadh, etc.

Ged a shileadh an t-uisge,

Cha fhliuchadh e 'n gleus.

Ho rì ill, etc.

Ged a shileadh, etc.,

Cha bu mhios' i air astar,

Gu faiche nan ceud.

Ho rì ill, etc.

Cha bu mhios' i etc.,

An Dunéideann 's an Glaschu,

Righ gu m' b' fhaicheil' mo cheum.

Ho rì ill, etc.

An Dunéideann, etc.,
 Bha na h-uaislean a b' àirde,
 'S bu stàiteile beus.

Ho rì ill, etc.

Bha na h-uaislean, etc.,
 Tigh'nn a thogail a *phàtrein*,
 Air an t-sräid as mo dhéigh.
 Ho rì ill, etc.

Tigh'nn a thogail, etc.,
 'S iad a' feòraich co 'n tàilleir,
 Nach robh faillinn 'n a bheum.
 Ho rì ill, etc.

'S iad a' feòraich, etc.,
 'S iad a' feòraich co 'n t-àite
 As an d' thàinig mi féin.
 Ho rì ill, etc.

'S iad a' feòraich, etc.,
 Thàinig mise ás an eilein
 Far an leagte na féidh.
 Ho rì ill, etc.

Thàinig mise, etc.,
 Thàinig mise air thurus,
 Mach á Muile nan geug.
 Ho rì ill, etc.

Thàinig mise air thurus,
 Mach á Muile nan geug,
 Bho theaghlaich Loch-buidhe,
 'S thug sud urram dhomh féin.
 Ho rì ill, etc.

C U M H A B R A T H A R. ✓

SEISD. — E horin ò ho e ho,
 Hao ri ill ag o,
 Hugan ò ho la ill o,
 Agus hao ri ri o.

Ach a Mhurchaidh 'ic Leòid,
 An Righ mòr ga d' bheannachadh,
 Leam is aithghearr an sgeul,
 'Thug thu 'n dé do 'n bhaile so.

E horin, etc.

Leam is aithghearr an sgeul
 'Thug thu 'n dé do 'n bhaile so,
 Tha mo blàthair deas ùr.
 Air do chùl gun charachadh.

E horin, etc.

Tha mo blàthair deas ùr,
 Air do chùl gun charachadh,
 Ann an eiste nam bòrd
 Fo shròn nan geannairean.

E horin, etc.

Ann an eiste nam bòrd
 Fo shròn nan geannairean,
 Ann an eiste 'chinn chaoil,
 'S na saoir g' a teannachadh.

E horin, etc.

Ann an eiste 'chinn chaoil,
 'S na saoir g' a teannachadh,
 Ann an léine chaoil, fluair,
 'S i gun fhuaigheal bhannan oirr',

E horin, etc.

Ann an léine chaoil fhuair
 'S i gun fhuaigheal bhannan oirr' !
 'S daor a cheannaich mi 'chàisg,
 Loisg a's chràidh an t-earrach mi,
 E horin, etc.

'S daor a cheannaich mi chàisg,
 Loisg a's chràidh an t-earrach mi
 Chaill mi snàmhaische 'chaoil,
 Nach glaodhadh na h-aiseigean.
 E horin, etc.

Chaill mi snàmhaische chaoil,
 Nach glaodhadh na h-aiseigean,
 Agus marbhaische 'n éisg,
 'S an fhéidh air na bealaichean.
 E horin, etc.

Agus marbhaische 'n éisg,
 'S an fhéidh air na bealaichean,
 'Choillich dhuibh air a ghéig,
 'Bu bhinn gleus 's a' chamhanaich.
 E horin, etc.

'Choilllich dhuibh air a ghéig,
 'Bu bhinn gleus 's a' chamhanaich,
 'S air laeh a' chinn ghuirm,
 Cha bhiodh t-urchair mearachdach.
 E horin, etc.

GU 'N TOGAINN FONN GU H-AIGHEARACH.

—LE AILEIN DUOINIAICH.—*

SEISD.—Irinn àrinn u horo,
 Irinn àrinn u horo,
 Irinn àrinn u horo,
 Gu'n togainn fonn gu h-aighearach.

* By Mrs Campbell, Grennan (Bom Durk Ailein),
 Cest. May., II. 154.

Turus dhòmh-sa mach air chuairt,
 Thachair mi air Gleann-a-euaich,
 An làmh a dhìoladh dhomh duais,
 'S bho 'n d' fhuair mi rud an latha sin,
 Irinn àrinn, etc.

Gur tu ceann-uidhe nam bàrd,
 Nam filidhean 's nan luchd-dàin,
 'S 'n uair a shìneadh tu do làmh,
 Cha b' fhàillineach dhoibh crathadh dhi.
 Irinn àrinn, etc.

Ceist nam ban bho thìr nam bò,
 Bho Shrath-chluainidh gorm an fheòir,
 Far an d'fhuair thu t-àrach òg,
 'S chunnta mòran aighean dhuit.
 Irinn àrinn, etc.

'S lionmhor maighdean bhanail, chiùin,
 'S caoile maladh, 's guirme sùil,
 'S deirge gruaidh, 's a's gile gnùis,
 Nach diùltadh dol a' d' rathad-sa.
 Irinn àrinn, etc.

Giomanach air chùl an fhéidh,
 'S tric a leag thu iad 's a' bheinn,
 Le d' ghunna glaichd air dheagh-ghleus,
 A tholladh béin gun amharus.
 Irinn àrinn, etc.

'S tric a leag thu màthair laoigh,
 'S a' choire ghorm air a taobh,
 A's eillid-bhinneach nan eas caol,
 'S coileach-fraoch 's a chamhanaich.
 Irinn àrinn, etc.

extra verso (first.) Chumha mis' thu seachad suas
 's feile' pràeach oit mo'n cuairt,
 Bonnid ghom os eom do chluainis
 's gum b' nallach am mac uthar thu.

Leat bu mhiann bhi 'm beinn a cheò,
 'G iarraidh fàth air fear na cròic,
 Air do shùil cha laidheadh sgleò,
 'S tu seòltá 'dol a dh' amhare ris.
 Irinn àrinn, etc.

Moch 's a' mhadainn air an tòir,
 B'e do roghainn thar gach ceòl,
 'Bhi 'g éisdeachd nam làn-damh mòr,
 Aig Fillein-ròid 's an langanaich.
 Irinn àrinn, etc.

Nàmhaid na h-eala 's a gheòidh,
 'S na lacha 'tiudheas air an lòn,
 Le gunna caol nach diùlt ri h-òrd,
 'S a leònadh anns an athar iad.
 Irinn àrinn, etc.

Greas an t-shearag sin a nuas,
 'S euir gu h-ealamh i mu 'n cuairt,
 Deoch-slàint' fir Ghlinne-cuaich,
 'S gun éireadh buaiddh 's gach latha leis.
 Irinn àrinn, etc.

Am fear nach òl i gun cheilg,
 Gabhaidh sinn ris uile fearg,
 Togaidh sinn an t-sabaid gharg,
 Le bata garbh a gabhail air.
 Irinn àrinn, etc.

Gluaiseadh e bho cheann a' blàird,
 Fuadaichear e ás ar cùirt,
 Cha dòcha leinn e na 'n eù,
 'S e bhràid am fear nach gabhadh i.
 Irinn àrinn, etc.

FIOS THUN A' BHÀIRD,

NA ORAN BEAN DHONNACHAIDH.*

LE UILLEAM MAC DHUNLEIBHE, AM BARD ILEACH.

AIR FONN.—“When the kye comes home.”

[It may be interesting to the readers of the “Oranaiche” to know the occasion of this Song, the origin of the chorus “Fios thun a’ Bhàird,” and the name “Oran Bean Dhonnachaidh.” It was as follows:—The Bard expressed a great desire to have a piece of home-made “Islay Cloth” to make a kilt or jacket of; Mr. R. Blair, now minister of St. Cuthbert’s Church, Glasgow, sent the Bard a web of grey home-made cloth, got from his mother for this purpose, with the following address upon it, “Fios thun a’ Bhàird Ilich, o’ Bhean Dhonnachaidh.” In return for this William Livingstone sent the following song, hence the name and Chorus.]

Tha ’mhaduinn soilleir grianach,
 ’S a’ ghaoth ’n iar a’ ruith gu réidh,
 Tha’n linne sleamhuinn siocail,
 O na chiùinich strì nan speur.
 Tha’n long na h-éideadh sgiamhach,
 ’S cha chuir sgios i dh’ iarraidh tàmh,
 Mar a fhuair ’s a chunnaic mise,
 A’ toirt an fhios so thun a’ Bhàird.
 Thoir am fios so thun a’ Bhàird,
 Thoir am fios so thun a’ Bhàird,
 Mar a fhuair ’s a chunnaic mise,
 Thoir am fios so thun a’ Bhàird.

So crùadhais’ a mhios’,
 ’S an téid do’n dithreadh† treudan bhò,
 Do ghlinn nan laghan naigheach,
 Anns nach enir ’s nach buainear pòr,

* The worthy woman here represented is Mrs. Blair, lately in the farm of Lonbàn, near Bowmore, Islay.

† Aite fasail.

Leab-ìnnse buar nan geum,
 Cha robh mo roinn diubh'n dé le càch*
 Mar a fhuair 's a chunnaic mise,
 Thoir am fios so thun a' Bhàird.

Tha mìltean spréid air faichean,
 'S caoirich gheal air creachain fhraoich,
 'S na féidh air stùcan fàsail,
 Far nach truaillear lär na gaoith,
 An siolach fiadhaich neartmhòr,
 Fliuch le dealt na h-oiteig thlàih,
 Mar a fhuair 's a chunnaic mise,
 Thoir am fios so thun a' Bhàird.

Tha'n còmhnard 's coirean garbhlàich,
 Còrs' na fairg' 's gach gràinnseach réidh,
 Le buaidhean blàthas na h-iarmait,
 Mar a dh' iarramaid gu léir,
 Tha'n t-seamair fhiadhain 's neòinein,
 Air na lòintean feòir fo'm blàth,
 Mar a fhuair 's a chunnaic mise,
 Thoir am fios so thun a' Bhàird.

Na caochain fhìor-uisg' luath,
 A' tighinn a nuas o chùl nam màm,
 Bho lochain ghlan gun ruadhan,
 Air na eruachan fad' o'n tràigh,
 Far an òl am fiadh a phailteas,
 'S bòidheach ealtan lach 'g'an snàmh,
 Mar a fhuair 's a chunnaic mise,
 Thoir am fios so thun a' Bhàird.

Tha Bogha-mòr an t-sàile,
 Mar a bha le reachd bith-bhuan,
 A' mòrachd maise nàduir,
 'S a' cheann-àrd ri tuinn a' chuain,

* Mr. Blair resigned his farm at Martinmas, 1863.

A riombal geal seachd mìle,
 Gainmhean siobt' o bheul an làin,
 Mar a fhuair 's a chunnaic mise,
 Thoir am fios so thun a' Bhàird.

Na dùilean* stéidh na cruitheachd,
 Blàth's 'us sruithean 's anail neul,
 Ag altrom lusan ùrail,
 Air an luidh an driùchd gu séimh,
 'Nuair a thuiteas sgàil na h-oidhche,
 Mar gu'm b'ann a' caoidh na bha,
 Mar a fhuair 's a chunnaic mise,
 Thoir am fios so thun a' Bhàird.

Ged a roinneas gathan gréine,
 Tlus nan speur ri blàth nan lòn,
 'S ged a chithear spréidh air àiridh,
 A's buailtean làn de dh-àlach bhò,
 Tha ILE 'n diugh gun daoine,
 Chuir a chaor' a bailtean fàs,
 Mar a fhuair 's a chunnaic mise,
 Thoir am fios so thun a' Bhàird.

Ged 'thig ànrach aineoil,
 Gus a' chala, 's e 's a' cheò,
 Cha'n fhaic e soills' o 'n chagailt,
 Air a' chladach so ni 's mó,
 Chuir gamhlas Ghall air fuadach,
 Na tha bhuainn 's nach till gu bràth,
 Mar a fhuair 's a chunnaic mise,
 Thoir am fios so thun a' Bhàird.

Ged a thogar feachd na h-Alb',
 Is clàuiteach ainm air faich' an àir,
 Bithidh brathach fluraoich nan Heach,
 Gun dol sìos 'ga dòn le càch,

* Elements.

Sgap mi-run iad thar fairge,
 'S gun ach ainmhíean balbh 'na'n àit,
 Mar a fhuair 's a chunnaic mise,
 Thoir am fios so thun a' Bhàird.

Tha tighean seilbh na dh'fhàg sinn,
 Feadh an fhuinn 'na'n càrnan fuar;
 Dh'fhalbh 's cha till na Gàidheil,
 Stad an t-àiteach, eur a's buain,
 Tha stéidh nan làrach tìamhaidh,
 A' toirt fianais air 's ag ràdh,
 Mar a fhuair 's a chunnaic mise,
 Leig am fios so thun a' Bhàird.

Cha chluinneag luinneag òighean,
 Seisd nan òran air a' chléith,
 'S cha'n fhaicear seòid mar a b' abhaist,
 A' cuir bàir air faiche réidh,
 Thug ainneart fògraidd uaimh iad,
 'S leis na coimhich bnaidh mar 's àill,
 Leis na fhuair 's na chunnaic mise,
 Biodh am fios so aig a' Bhàrd.

Cha'n fhaigh an déirceach fasgalbh,
 Na'm fear astair fois o' sgios,
 Na soisgeulach luchd éisdeachd,
 Bhuidhich eucoir, Goill a's cùs,
 Tha 'n nathair bhreac 'na lùban
 Air na h-ìurlair far an d'fhàs,
 Na fir mhór a chunnaic mise;
 Thoir am fios so thun a' Bhàird.

Lomadh ceàrn na h-Oa,
 An Landaidh bhòidhneach 's Roinn Mhic Aoidh,
 Tha'n Learga ghlaicach ghrianach,
 'S fuigheal cianail air a taobh,

Tha'n gleann 'na fhiathair uaine,
 Aig luchd fuath gun tuath, gun bhàrr,
 Mar a fhuair 's a chunnaic mise,
 Thoir am fios so thun a' Bhàird.

— — —
 MO NIGHEAN MHALDA.

SEISD.—Mo nigh'n mhàlda o hao,
 Bean nam blàth shìl is bòi'ch',
 Thug mi gràdh dhuit o hao,
 'S leat-sa lùb mi gu mòr.

C. > v. Thug mi geau duit agus/rùm,
 'S chuir mi uigh ann a' d' dhòigh,
 'S mar am buanaichd mi thu
 Théid mo shigradh gu bròn.
 Mo nigh'n, etc.

'S mòr a thug mi dhuit do spéis,
 Thagh mi fléin thu glé òg,
 'S ma gheibh fear eil' thu am dhéigh,
 Cha 'n 'eil feum dhomh bhi beò.
 Mo nigh'n, etc.

'S ann ort féin tha 'n eùl àigh,
 Air a chàradh air dòigh,
 'S e gu clannach, lùbach, tlàth,
 'S gur tu 'mhàldag dh' fhàs eòir.
 Mo nigh'n, etc.

Meanglan iùr thu do 'n chaoill,
 Geng le loinn o 'n phreas òg:
 Cridhe firinneach, caoimhneil,
 Gun fhoill do neach beò.
 Mo nigh'n, etc.

Slat chaoil, dhìreach, thu nach lùb
 Ann an dùblachd an reòit,
 Meanglan fallain is glan rùsg.
 'S tu mo fhlùr a' measg ròs.
 Mo nigh'n, etc.

Dà shùil chorragh fo d' rosg chaoin,
 Malladh chaoil, air bléag spòrs,
 'S millse leam na subh-craobh
 D' anail chaoin tigh'n am chòir.
 Mo nigh'n, etc.

Cas is deis' a théid roimh ruidhl',
 Aghaidh shiòbhalt' gun phròis,
 Malladh chaoil 's i gun ghruaim,
 'S cha 'n 'eil fuaighe riut spòrs.
 Mo nigh'n, etc.

Cas is deise sheas air grunnd,
 Nach euir cùb air do bhròig,
 Le d' phears' éibhinn, deas, ñr,
 'S gur tu flùr nam bean òg.
 Mo nigh'n, etc.

'N uair a théid thu 'n tigh-dhanns'
 Gur tu m' annsachd le d' shròl,
 Ribinn grinn, currachd àrd,
 Agus fàinn' air do mheòir.
 Mo nigh'n, etc.

'S ged a chluinneas mi cruit-chùil,
 O, cha dùisg mi ri ceòl,
 'S guth mo ghaoil mar uiseag ghrinn
 'Seinn gu binn anns na neòil.
 Mo nigh'n, etc.

A CHOILLE GHRUAMACH; ✓

ORAN DO DH' AMERICA.

LEIS A' BHARD MACGILLEATHAIN.

[*Cha robh am Bàrd ach air ùr dhol do'n dùthaich 'n uair a
rinn e'n t-òran so. Tha e soilleir nach robh e gle
thoilichte 'n a inntinn.*]

AIR FONN—"Coire Cheathaich."

Gu bheil mi 'm onrachd 's a' choille ghruamaich,

Mo smaointinn luaineach, cha tog mi fonn;

Fhuair mi 'n t-àite so 'n aghaidh nàduir,

Gu 'n thréig gach tàlanta 'bha 'n am cheann;

Cha dean mi òran a chur air dòigh ann,

'N uair' ni mi tòiseachadh bidh mi trom;

Chaill mi 'Ghàidhlig seach mar a b'abhaist dhomh

'N uair a bha mi 's an dùthaich thall.

Cha 'n fhaigh mi m' inntinn leam ann an òrdugh

Ged bha mi eòlach air deanadh rann:

'S e 'mheudaich bròn dhomh 's a lughdaich sòlas

Gun duine còmhl' rium a ni rium cainnt.

Gach latha 's oidhche 's gach car a ni mi

Gu 'm bi mi cuimhneachadh anns gach àm

An tìr a dh' fhàg mi 'bha'n taic an t-sàile,

Ged tha mi 'n dràsd ann am bràighe gheann.

Cha 'n ioghnadh dhomh-sa ged tha mi brònach,

'S ann tha mo chòmhnuidh air cùl nam beann,

Am meadhan fàsaich air abhainn Bhàrnailbh

Gun dad is feàrr na buntàta lom.

Mu 'n dean mi àiteach 's mu 'n tog mi bàrr ann

'S a choille ghàbhaidh 'chur ás a bonn

Le neart mo ghàirdein, gu 'm bi mi sàraicht'

A's treis air fàilinn mu 'm fàs a chlann.

'S i so an dùthaich 's a bheil an cruaidh
 Gun fhios do 'n t-sluagb a tha tigh'nn a nall :
 Gur h'ole a fhuardas oirnn luchd a bhuaireadh
 A rinn le 'n tuairisgeul ar toirt ann.
 Ma ni iad buannachd cha mhair i buan dhaibh,
 Cha dean i suas iad, 's cha 'n ioghnadh leam,
 'S gach mallachd truaghan a bhios g' an ruagadh
 Bho 'n chaidh am fuadach a chur fo 'n ceann.
 Bidh gealladh làidir g'a thoirt an tràth sin,
 Bidh cliù an àite g'a chur am meud,
 Bidh iad ag ràtuinn gu bheil 'ur càirdean
 Gu sona, saibhir gun dad de dh' éis ;
 Gach naigheachd mheallta g'a toirt gu 'r n-ionnsuidh.
 Feuch an sanntaich sibh dol 'n an déigh :
 Ma thig sibh sàbhailt' 'n nair chi sibh iadsan,
 Cha 'n fheàrr na stàtachan na sibh fhéin.
 'N uair 'théid na dròbhairean sin g' ar n-iarraidh
 'S an leis na briagan a ni iad feum :
 Gun fhacal firinn a bhi g'a innseadh
 'S an eridhe dìteadh na their am beul ;
 Ri cur am fiachaibh gu bheil 's an tìr so
 Gach ni is prìseile 'tha fo 'n ghréin ;
 'N uair thig sibh innte gur beag a chì sibh
 Ach coille dhìreach 'toirt dhibh an speur.
 'N uair thig an geomhradh a's àm na dìbhlachd,
 Bidh sneachda 'dlùthadh ri cùl nan geug ;
 'S gu domhain dùmhail 'dol thar na gluine,
 Ge maith an triùbhsair cha dean i feum
 Gun stocaidh dhùbhailt' 's a mhocais chlùndaich
 Bhios air a dùnadhbh gu dlùth le éill ;
 B' e'm fasan ùr dhuinn a cosd le 'fionntach
 Mar chaidh a rùsgadh de 'n bhrùid an dé,

Mur bi mi eòlach air son mo chòmhdaich
 Gu'm faigh mi reòta mo shròn 's mo bheul ;
 Le gaoth á tuath a bhios neamhail fuaraidh
 'S gu'm bi mo chluasan an cunnart geur.
 Tha 'n reothadh fuath'sach, cha seas an tuagh ris
 Gu'm mill e chruidh ged a bha i geur :
 Mur toir mi blàths di gu 'm brist an stàilinn.
 'S gun dol do 'n cheàrdaich cha gheàrr i beum.

'N uair 'thig an samhradh 's a' miosa céitean
 Bidh teas na gréine gu'm fhàgail fann ;
 Gu 'n cuir i spéirid 's a' h-uile creutair
 A bhios fo éislean air feadh nan toll ;
 Na maithein bhéisdeil gu 'n dean iad éiridh
 'Dhol feadh an treud 's gur-a mòr an call ;
 'S bidh 'chuileag inneach gu socach, puinseant',
 Ga m' lot gu lionmhor le roinn a lann.

Gu 'n dean i m' aodann gu h-olc a chaobadh,
 Cha 'n fhaic mi 'n saoghal 's ann bhios mi dall ;
 Gu 'n at mo shùilean le neart a cungaidh,
 Ro-ghuineach drùidhteach tha sùgh a teang'.
 Cha 'n fhaigh mi àireamh dhuibh ann an dànaichd
 Gach beathach gràineil a thogas ceann,
 'S cho liugha plàigh againn 's bh' air righ Phàraoh
 Air son nan tràillean 'n uair 'bhàth e 'n camp'.

Gur h-iomadh caochladh 'tigh'nn air an t-saoghal
 'S ro-bheag a shaoil mi 'n uair bha mi thall ;
 Bu bheachd dhomh 'n uair sin mu 'n d' rinn mi gluasad
 Gu 'm fàsin uasal 'n uair thiginn 'nall.
 An car a fhuair mi cha b' ann gu m' bhuannachd
 Tigh'nn thar a' chuain air a chuairt 'bha meallt'
 Gu tìr nan craobh anns nach 'eil an t-saorsainn,
 Gun mhart, gun chaora, 's mi dh' aodach gann.

Gur h-iomadh ceum anns am bi mi 'n déis-laimh

Mu 'n dean mi saibhir mo theachd an tìr ;
Bidh m' obair éig'neach mu'n toir mi feum aisd'

'S mu 'n dean mi réiteach air son a' chroinn,
'Cur sguinn an teinntein air muin a chéile

Gu 'n d' lasaich féithean a bha na 'm dhruim,
'S a h-uile ball dhiom dubh, salach, sealltainn,
Bidh mi ga m' shamhlachadh ris an t-sùith.

Ge mòr an seanachas a bh' aca 'n Albainn

Tha 'chùis a dearbhadh nach robh e fior ;

Na dollair ghorma cha 'n fhaic mi 'falbh iad

Ged 'bha iad ainmeil a bhi 's an tìr.

Ma nitear bargain cha 'n fhaighean airgiod,

Ach 's éiginn ainmeachadh anns a' phrìs ;

Ma gheibhear cùnnradh air feadh nam bùithean

Gu 'm pàighean 'null e le flùr no im.

Cha 'n fhaic mi margadh no latha féille

No iomainn feudalach ann an drobh

No nì 'ni feum dhuinn am measg a chéile ;

Tha 'n sluagh 'n an éiginu 's a' h-uile dòigh.

Cha chullaiddh pharmaid iad leis an ainbheach,

A reic na shealbhaicheas iad an còir.

Bidh fear na fiachan a's cromadh cinn air

G'a chud do 'n phrìosan mur diol e 'n stòr.

Mu 'n tig na cùisean á tigh na cùrtach

Gu 'n téid an dùblachadh aig a' mhòd ;

Tha 'n lagh a' giùlan o laimh na *jury*

Gu 'n téid an spùinneadh 's nach fiù an còrr,

Bidh earraig * siùblach air feadh na dùthcha

G' an ruith, le cùnnasaibh air an tòir ;

Gur mòr mo choùram gu 'n tig e 'm ionnsaidh,

Cha ghabh e diùltadh 's bidh diùbhail òirnn'.

* Earraig, a Constable.

Cha 'n fhaigh mi innse dhuibh anns an dàm so,
 Cha dean mo nàdur a chur air dòigh
 Gach fios a b' àill leam 'thoirt do na cùairdean
 'S an tìr a dh' fhàg mi, 'rinn m' àrach òg.
 Gach aon a leughas e tuigibh reusan,
 'S na tugaibh éisdeachd do luchd a' bhòsd ;
 Na faidhean bréige a bhios g' ur teumadh,
 Gun aca 'spéis dhibh ach déigh 'ur n-òir.

Ged bhithinn dìchiollach ann an sgrìobhadh
 Gu 'n gabhainn mìosa ris agus càrr
 Mu 'n cuirinn crìoch air na bheil air m' inntinn
 'S mu 'n tugainn dhuibh e le cainnt mo bheòil.
 Tha mulad dìomhair an déigh mo llonadh
 Bho 'n 's éiginn strìochdadhl an so ri m' bheò,
 Air bheag thoilinntinn 's a choille chruinn so
 Gun duine faighneachd an seinn mi ceòl.

Cha b' e sin m' àbhaist an tùs mo làithean,
 'S ann bhithinn ràbhartach aig gach bòrd ;
 Gu eridheil, sunndach, an comunn cùirteil
 A' ruith ar n-ùine gun chùram oirnn.
 'N uair thug mi cùl ruibh bha mi g' ar n-ionndrainn,
 Gu 'n shil mo shùilean gu dlùth le deòir,
 Air moch diar-daoin a' dol seach an caolas,
 'S an long fo 'h-aodach 's a ghaoth o 'n chòrs'.

MO NIGHEAN DONN. ✕ ✓

SEISD.—Their mi hó, robha hó,
 'S mithich dhuinn éirigh,
 Mo nigh'n donn.

* Am m' Cela. myr

1 'S mithich dhòmh-sa dol dachaidh,
 Tha mi fad' air mo chéilidh,
 Mo nigh'n donn.
 Their mi hó, &c.

2 Bheir mi m' aghaidh air Muile,
 Ged is duilich dhomh fhéin e,
 Mo nigh'n donn.
 Their mi hó, &c.

3 'S mòr gruaman na h-iarmailt,
 'S gaoth an iar a' cruaidh shéideadh ;
 Mo nigh'n donn.
 Their mi hó, &c.

4 Tha na tonnan 's a' ghàraich,
 'Tigh'nn gu tràigh le greann éitidh,
 Mo nigh'n donn.
 Their mi hó, &c.

Tha na cithean trom sneachda
 'Dall-ghleachd anns na speuraibh,
 Mo nigh'n donn.
 Their mi hó, &c.

Tha na h-uillt le dearg-rànaich
 'Sguabadh sgàrnaich nan sléibhteann,
 Mo nigh'n donn.
 Their mi hó, &c.

5 Tha na craobhan mòr, miarach,
 As am friamhaich 'g an reubadh,
 Mo nigh'n donn.
 Their mi hó, &c.

6 Tha eòin bhùchain nan cluaintean,
 Leis an uamhas 'g an léireadh,
 Mo nigh'n donn.
 Their mi hó, &c.

7
 'S èoin bheaga na coille,
 Gob, 's an doire, fo 'n sgéithe,
 Mo nigh'n donn.
 Their mi hó, &c.

'S bochd nuallan nan aighean
 Air na straithean lom, glé-gheal.
 Mo nigh'n donn.
 Their mi hó, &c.

'S truagh mise 'n tir Oisein,
 'S mi gun soistinn mu m' eudail,
 Mo nigh'n donn.
 Their mi hó, &c.

'S nach comas dol thairis
 Dh' fhios a' bhaile 'm bheil m' éibhneas,
 Mo nigh'n donn.
 Their mi hó, &c.

Far an d' fhàg mi mo leannan,
 Maighdean chanach na féille!
 Mo nigh'n donn.
 Their mi hó, &c.

A N G A I D H E A L A I R L E A B A-B A I S.

LE EANRAIG MACILLEBHAIN, GLASCHU.

Fad' air falbh bho thìr nan àrd-bheann,
 Tha mi 'm fhògrach an tìr chéin ;
 Am measg choigreach 's fad' o m' chàirdean,
 Tha mi 'm laidhe so leam fein.
 Tha mo chridhe briste, brùite,
 Saighead bàis a nis am chom,
 An àine ghearr mo shùil bidh dùinte,
 'S aig a' bhàs mi 'm chadal 'trom.

'S tric ag éirigh suas am chuimhne,
 Albainn àillidh, tìr nam beann ;
 Chi mi sud an ièanag uaine,—
 A's am bothan anns a' gheann.
 Tha gach nì fo bhlàth gu h-ùraidh,
 Aig an allt' tha crònan fann,
 Air a' ghaoith tha fàile cùbhraidh
 'Tighinn bho fhlùrain nach 'eil gann.

'S ann a sud a fhuair mi m' àrach :
 'S mi neo-lochdach mar na h-uain ;
 Ach 's lom a dh'fhàgadh nis an làrach .
 Bho 'n a sheòl mi thar a' chuain.
 Thar leam gun cluinn mi guth nan smèòrach
 'Seinn gu ceòlar feadh nan crann ;
 'S òran binn nan uiseag' bòidheach.
 Ard 's na speuran os mo cheann.

Chi mi chill aig bun a' bhruthaich,
 Taobh an uillt tha ruith gu lùgh'r,
 'S tric a bha mi sud gu dubhach,
 Caoidh nan càirdean tha fo 'n ùir.
 Mo mhàthair 's m' athair tha 'n an sìneadh,
 'N cadal siorruidh anns an uaigh ;
 'S chaidh mo chopan searbh a lionadh
 'N uair a d' fhàg mi 'n sin mo luaidh.

Nis cha léir dhomh tìr nam àrd-bheann,
 Air mo shùil tha ceò air fàs ;
 Am measg choigreach 's fad' o m'chàirdean,
 Tha mi feitheann air a' bhàs.
 Thu-sa spioraid bhochd, tha'n daorsa.
 Ach cha 'n fhada bhios tu ann ;
 Thig, a Bhàis, a's thoir dhomh saorsa,
 Beannachd leat, a thìr nam beann.

COMHRADH EADAR
DUN-BHIRUSGRAIG AGUS FEAR-TURAIS.

LE IAIN ÒG MAC-CORCADAIR.

AIR FONN :—“*Gur h-i'ñ Galnit a bh'aig Rumair.*”
FEAR TURAIS.

A Dhùn-Bhrusgraig nan eas-chreag,
Ged bha mi tacan ar falbh uait,
Thàinig smaointinn fo m' aigne
Gu tigh'nn a dh'fhaicinn do ghorm-bhrat ;
'S gu'n gabhainn sealladh o d' chùirnean
Air gleannan cùbhraidih nan tolman,
Far an d'fhuair thù do leaba,
A's Leac-an-daraich mar cholbh dhith,
 'S cha'n 'eil i lag.

'S iomadh linn 'chuir thu tharad,
A's garbh char chuir an gnìomh ort,—
Cha'n e sin tha air m'aire
Ach pàirt do dh' eachdraidh na linn so :
Innis dhomh mu m' luchd-dùitheha,
Ciòd an cùrsa 'n do thriall iad ?
Cha'n 'eil aon dhiubh ri 'fhaicinn
Ris an leiginn mo bhriathran
 Ged bhithinn lag.

Tha mi 'faicinn nam bailtean,
'S an trie 'roibh aighear 's toilinnntinn,
'N an làraichean farsuing,
Gun fhagadh no dion annt' ;
'N àite gleadhraich nan eachraidh,
Nan cairtean 's nan cliathan,
Anns an earrach cha'n fhaic mi
Ach còlair 's madadh r'a chliathaich
 'S na h-uile srath.

Tha na h-innisean maiseach
 'S an tric a thaigheil mi 'm òige —
 Na lagain 'tha fasgach
 Le fuarain 's biolair 'n am pòran ;
 Gach gleann, cnoc, agus cas-shruth,
 Gach srath agus mòinteach —
 Tha iad uile mar bha iad,
 Ach ea' bheil càirdean a's eòlaich
 A chaidh 'chur ás?

AN DUN A' FREAGAIRT.

Ma 's e Gall a tha 'labhairt
 Gabh mo chomhairle tràthail,
 Cuir car ann a' d'chasaig,
 'S thoir ort sìos thun na tràthadh :
 Ged tha sibh làidir 'san tìr so
 'S air ur lionadh le àrdan,
 Cha dean sibh amadan diomsa
 Le eur a sìos air na Gàidheil
 Nach d' rinn dhuibh cròn.

FEAR-TURAIS.

A Dhùn aosda nan glas-chreag,
 'S ann a th'annam fior Ghàidheal,
 A dh' fhàg an tìr bho cheann tamuill
 'S tha 'measg nan Gallaibh a chòmhnuidh ;
 A's thug mi 'n sgriob so a t' amhare,
 Gun fhanaid no mòr-chuis,
 Dh' fheuch am faighinn uait sgeula
 Mu'n eucòir 's mu'n dòghlum
 Th' air Ile bhochd.

AN DUN.

'S ionad aon thig am amhare
 A bhios ri fanaid 's ri mòr-chuis ;
 Ach 's iad na Gaill tha mi 'g ràtuinn,
 Oir tha iad làidir 's an dòigh so,

Le'n ada spàirte mu'n cluasan
 'S dreach an fhuachd air an sròntan—
 Cha'n fhiach 's cha'n fhiù leò a' Ghaidhealtachd
 Ged 's i chuir loinn air na sgròbain
 'Fhuair innte blas.

Ach tha mi tuigsinn o d'chainnt-se
 Gur h-ann 's a' Ghleann 'chaith thu t-bige;
 'S ged tha thu 'giulan na h-aida
 'S i bhoineid chochdte bu chòir dhuit,
 Bha do chàirdean gu socair
 Anns a' ghleannan so chòmhnuidh;
 Ach trid nan triocan aig Webster
 A Port-asgaig gu'n d' sheòl iad
 A nunn do'n Ros.

Tha mòran thuath'nach 's an àm so
 Anns a' Ghleann 'eur an òrdugh,
 'Dhol thar na h-Atlantic
 Chum 's gu'n seachainn iad fòirneart;
 Chionn tha Brown agus Webster,
 Mar mhadaidh-allaidh gun tròcain,
 A' slugadh nan truaghan,
 'S a' toirt uatha gach fòirlinn
 A gheibh iad ac'.

'S ann leam is duilich r'a aithris
 Gu bheil na nàisinich dhileas
 Air an cur as an fhearann,
 Le ainneart 's le mì-rùn;
 Na Gaill a' faotainn an uachdar
 'G an ruagadh 's 'g an diobairt—
 Anns gach baile cha chluinn mi
 Ach falbh thar tuinn gus an tìr sin
 A tha ro mhaith.

Tha cuid diubh 'fàgail na dùthcha,
 'S cuid a' sgrùadh nam màltan—
 Cuid gun fhios ciod a nì iad
 A' trusadh bidh do na páisdean;
 Na maoir a' faotainn làn chosnadhl—
 Gach Boe agus Càrach—
 Mar choin air éil 's iad ri sodan
 Gu bhi 'm broilleach gach Gàidheal
 O'n tha iad bochd.

Bho 'n dh' fhàilnich uachdran an eilein
 Tha lle 'sgeith as nan nàisneach;
 'S cha'n 'eil aogasg an gradaig
 Gu'n téid stad air an àr so;
 Ach gabh mo leth-sgeul ear tammill,
 Bho'n tha mi'n cabhaig an tràsa,
 'N uair thig thu rithisd am anhare
 Bidh agam naigheachd is feàrr dhuit,
 'S mo bheannachd leat.

T U I R E A D H.

LEIS AN LIGHICHE MAC LACHAINN, NACH MAIREANN.

'S trom mo ghleus air an stùchd
 Anns an fheasgar chùbhraiddh, chéit',
 Dealt nan speur a' teurnadh dlùth,
 Inneal ciùil am bàrr gach geug,

Chrom a' ghrian, tha 'n iarmailt ruadh,
 Air cuan mòr nan stuadhan àrd;
 Feuch an long ag éiridh suas,—
 Mar thannasg fuar i seach a' snàg.

Tha 'n oidhche 'teachd le 'trusgan ciar,—
 Tha 'n àirde 'n iar air dol 'n a smàl ;
 Threig an t-séisd 'bha 'm beul gach ian,
 Gidheadh cha'n 'eil mi 'triall o 'n àird.

Tha gach dùil, 's gach cuileag fhaoin
 Air gach taobh a' gabhlail tàimh ;
 Ach mise 'am shìneadh anns an fhraoch,
 Fo ionairt smaointeán baoth gun stàth.

O'n a thàinig mi do 'n t-saoghal
 'S beag a rinn mi 'smaointeán glie ;
 Mar bhlàth cluarain air an raon,
 'Gluaiseas leis gach gaoith a thig.

Gidheadh tha smaointeán tianhaidh, bochd,
 'Nochd a' mosgladh ann am chridh',
 Tha mar fhàsach falamh, fuar,
 'S e gun luaidh air neach, no ni.

Cha 'n 'eil agam leannan gaoil,
 No caraid caomh agam fo 'n ghréim,—
 Cha 'n 'eil agam bean no clann,
 No neach a b' annsa leam na 'chéil',

Anhuil mar bhrùid air a mhagh,
 Gun eagal Dhé, gun ghràdh, gun dùil ;
 Cha 'n 'eil cùram air mo chrìdh',
 'S mi gun nì 's an cuir mi ùigh.

Ard-Rìgh nam feart tionndam riut,
 A's air mo ghlùinean guidheam ort,—
 Deònaich dhomh-sa eridhe nuadh,—
 Eisd ri m' ùrnuigh thruaigh an nochd.

Doirt a nuas do Spiorad caomh,—
 Ris an t-saoghal bheiream cùl;
 Dhuit a mhàin, O! thugam gaol,
 A' d' Aon Mhac féin, O! cuiream dùil.

Eisd, a Shlànuighear nam buadh,
 Ri ùrnuigh thruaigh a' teachd o m' chrìdh',
 Tha mo cheum air slighe 'bhàis,
 'Thriath nan gràsan sàbhail mi.

B A S M H A I R I .

CAILEAG A BHIA ANABARRACH GAOLACH 'S A CHAOCHAIL 'N A
 LEANABACHD.

LE ÈÒBHAN MAC-COLLA.

Chaochail i—mar neulta ruiteach
 'Bhios 'san Ear mu bhriste fàire,
 B' fharmad leis a Ghréin a' bòi'chead,
 Dh' éirich i 'na glòir chur sgàil orr'.

Chaochail i—mar phlatha gréine.
 'S am faileas 'na réis an tòir air;
 Chaochail i—mar Bhogh' nan speura,
 Shil an fhras a's thréig a ghlòir e.

Chaochail i—mar shneachd a luidheas
 Air an tràigh ri cois na fairge;
 Dh'aom an làn gun iochd air aghaidh—
 'Ghile O cha b' fhada shealbhaich !

Chaochail i—mar ghuth na Clàrsaich
 'N uair as drùitiche 's is mìls' e;
 Chaochail i—mar sgeulachd àluinn,
 Mu'n gann thòisichear r'a h-innseadh.

Chaochail i—mar bhoillsge gealaich,
 'S am maraiche fo gheilt 's an dorcha ;
 Chaochail i—mar bhruadar milis,
 'S an ead'laiche duilich gu'n d'fhalbh e.

Chaochail i—'an tùs a h-àille,
 Cha seachnadh iad á Pàrras fèin i ;
 Chaochail i—O ! chaochail Màiri
 Mar gu'm bàthte ghrian ag éiridh !

O R A N .

DO SEONAIÐ ACHA-TRIACHADAIN,

SEISD—Failu o ro ho,
 O ho i o ho ro,
 Failu o ro hè.

'N uair thainig mi Ghleann a Comhann,
 Bha gach gnothach romhan réidh.

Fhuair mi sealladh air an rìbhinn,
 'S gloine lith 's a's siobhailt beus.

Com a's cruinne, bian a's gile,
 Meur a's grinne ri cuir gréis.

Cùl mar dhìthean, deud mar dhìsne,
 Beul a's mìlse o'n tig sgeul.

Gnùis na tlachda, mhùinte, macant',
 Sùil mar dhearcaig air a' ghéig.

Stòlda, ciallach, làn do riaghailt,
 Mòdhail, dianadach gu feum.

Uasal, seòchdail, mar bu chòir dhi,
'S i gun phròis, gun leòm, gun leud.

Iochdmhor, bàighail, caoimhnail, càirdeil,
Gun ghnè dh'àrdan chuir an céill.

Corp seang fallain, mar an canach.
Cridhe geal, 's e glan o bheud.

'S teare ri fhaicinn samhla 'pearsa,
Fiamh na maise air a cré.

Aodan àrghlan, anail chìubhraidh,
Inntinn shunndach, nach trom gleus.

Troigh a's cuimir' am bròig chumhain,
'S a's bòidhiche siubhal théid air feur.

Calpa bàn, nach b'àbhaist fhaicinn,
'S e gu lionta, reachd-mhor, réidh.

Righ gu'm faic mi thu aig òig-fhear,
Dha'm bi stòras, agus spréidh.

Dha'm bi fearann, agus daoine,
Cridhe faoilidh, 's tagha gné,

Laoch meamnach, làidir, calma,
Ghleidheas buaidh le armaibh genr.

Sliochd, a's aiteas, 's mòran beartais,
A bhi agaibh, 's beannachd Dhé.

Gràdh nan daoine 'bhi oirbh daonnan,
Fad ar saoghal gus an eug.

DUIL RI BAILE-CHAOLAIS FHAICINN,

AIR A' CHEUD LA DO'N FHOGHARADH, 1856.

LE IAIN CAMARON.

AIR :—“ *Johnny stays long at the Fair.*”

L U I N N E A G.

O Chi, chi mi na mor-bheannaibh ;
 O Chi, chi mi na cor-bheannaibh ;
 O Chi, chi mi na coireachan—
 Chi mi na sgoraibh fo cheò.

Chi mi gun dàil an t-àit' 's d' rugadh mi,
 Cuirear orm fàilt' 's a' chainnt a thuigeas mi ;
 Gheibh mi ann aoidh a's gràdh 'n uair ruigearm
 Nach reicinn air tunnachan òir.

Chi mi a' ghrian an liath nam flaitheanas,
 Chi mi 's an iar a ciar 'n uair luidheas i ;
 Cha 'n ionnan 's mar tha i ghnàth 's a' bhaile so
 'N deatach a' falach a glòir,

Gheibh mi ann ceòl bho eòin na Duthaige,
 Ged a tha 'n t-àm thar àm na cuthaige,
 Tha smeoraichean ann is annsa guth leam
 Na pìob, no fiodal mar cheòl.

Gheibh mi le liontan iasgach sgadain ann,
 Gheibh mi le iarraidh bric a's bradain ann ;
 Na'm faighinn mo mhiann 's ann ann a stadarinn.
 'S ann ann is fhaid' bhithinn beò.

Chi mi ann coilltean, chi mi ann doireachan,
 Chi mi ann màghan bànn' is torraiche,
 Chi mi na féidh air làr nan coireachan,
 Falaicht' an trusgan do cheò.

Beanntaichean àrd' is àillidh leachdainean,
 Sluagh ann an còmhnuidh 's còire cleachdainean,
 'S aotram mo cheum a' leum g'am faicinn,
 A's fanaidh mi tachdan le deòin.

Fàgaidh mi àupraid, sùrd, a's glagaraich.
 Dh'fhaicinn na tir an cluinnt' a' chagaraich,
 Fàgaidh mi cuirtean dùinte, salach.
 A dh' amhare air gleannaibh nam bò.

Fàilt' air na gorm-mheallaibh, tholmach, thulachanach,
 Fàilt' air na còrr-bheanna mòra, mullanach,
 Fàilt' air na coilltean, fàilt' air na h-uile,
 O! 's sona bhi 'fuireach 'n an còir.

MO RUN AIR MO LEANNAN.

LE BAINTIGHEARNA D'OYLY.

SEISD.—Mo rùn air mo leannan,
 'S tu dhùraichdinn leanntuinn
 Gur cùbhraigdh leam t-anail na ròsan,
 Mo rùn air mo leannan,
 'S tu dhùraichdinn leanntuinn—
 'S beag ioghnadh gach caileag bhi 'n tòir ort.

'S math thig air mo ghràdh-sa
 Cota grinn air dhath sgàrlaid,
 'S ann aig tha 'n cùl fàinneach is bòidhche,
 Sùil mheannach, chiùin, mheallach,
 Nach feargach a sealladh,
 'S bu dearbh thu ri d' gheallaigh an còmhnuidh,
 Mo rùn, etc.

'N uair chite air làr thu,
 Ged b' eireachdail càch,
 'S e do cheum bheireadh bàrr air ni's leòir dhuibh ;
 'S air sràidean Dhun-éidinn
 'S i shealladh gu h-eutrom,
 'S bhiodh miann air gach té air do phòsad.
 Mo rùn, etc.

Ged bha fleasgaich na dùthcha
 Ga m' shireadh le sùgradh,
 A's iomadh fear cuirteil an tòir orm,
 Bha uaisle a' d' ghiùlan
 A choisinn mo rùn-sa,
 Ach 's e mealladh do shùilean a leòn mi.
 Mo rùn, etc.

ORAN DO PHRIONNS' TEARLACH.

LE BAINTIGHEARNA D'OYLY.

Ceud soraidh a's slàint' uam null thar an t-sàil'.
 Do'n òg ris an canadh iad " Mòrag,"
 Ach moire thàr leam-sa gu 'm be sin am Prionnsa.
 Do 'm bu chòir a bhi cantail air mòrachd.

O, Theàrlaich òig Stiùbhard 'n uair chuitaich thu Rù-ad
 'S a thàinig thu Mhùideart 's a' Mhòr-thìr,
 Gur beag bha mi 'n dùil mar shilleadh mo shùil,
 'N uair ghabhadh tu aiseag bho Chnòideart.
 Ceud soraidh, etc.

'N uair leum thu air tìr, deadh choltas unhic rìgh,
 'Toirt leum air gach cridhe le sòlas,
 Bha deàrrsadadh do shùl mar iolair nan stùchd,
 Mar smèòrach do ghuth air a bhòidhchead.
 Ceud soraidh, etc.

'N uair chualas an sgeul feadh nan Gàidheal gu lèir,
Ceud soraidh, etc.

'N uair chìt' air a' bhlàr thu, deadh mharcach air àrd each.
Bu ghrad a bha cruinneachadh mòr dhiubh;
Thug iad mionnan air ball nach leagadh iad lann,
Gu'n cuireadh iad 'n ceann de Rìgh Seòras.

Do chlaidheamh na d' làimh mar bu chòir dhuit,
Le d' itean geal rìoghail, 'n a' d' bhoineid ghuirm, riomhaich,
Deadh cheannard air míltean 's a' chòmh-strìth.
Ceud soraidh, etc.

Cha 'n fhaicte 's an rìoghachd, fear do dhreach agus d'iomhaigh.
'N uair chruinnichte na fineachan mòra,
O, thasgaidh 's a ràin, 's math thigeadh an crùn,
Air do chuailean cas, dlù-chlannach, òr-bhudhe.
Ceud soraidh, etc.

ORAN FIR AIRIDH-MHUILINN. ✓

ATHAIR FHIONNAGHAL DHOMHNULLAICH A DH' PHALBH
LEIS A' PHRIONNSA.

Slàn iomradh do 'n mharaich'
A chunnaic mi seachad an dé
Mae ud Aonghais Oig bheachdaidh,
Cha b'e 'n t-ionrall leam tachairt riut féin,
Fear gun iomluaisg 'na 'aigne,
Bha gu siobhalta, staideil an céill;
Aig a mheud 's a bha thlàchd ort,
Cha d'fhuaradh dhuit masladh no beum.
Slàn o chunnart sud dhasan,
Cha téid duine 'g a àicheadh nach fior.
O'n 's i 'n fhìrinne a b'fheàrr leat,
'S o'n 's i 'n aefhuinn a ghnàthaich thu riagh,

Mheud 's a fhuair mi dhe d' chòiread
 Ann an comain an eòlais nach b' fhiach,
 Ni mi 'n uiread s' a' d' chòmhnnadh
 Fhad 's is urrainn do m' chòta 'ga dhìol.

Gheibhte sud am beul ièasgair,
 Ann a' d' fhàrdaich-sa, beaddradh a's mùirn,
 Bùird mhòra 'gan leagadh,
 A's an àirneis bu deis ás an cionn
 Bhiodh na deochanna brasa
 'G am brosnuchadh seachad air thùs,
 Anns na cupanna breaca ;
 Is fir òga 'g an aiseag gù dlùth.

Gheibhte sud ann a' d' fhàrdaich
 Ceòl fidhl' agus dàna 'cur leis ;
 Tigh nan uinneagan clàraigdh,
 Far am faigheadh na h-àraighean meas
 Gu'm b'e sud mo cheòl-gàire car greis,
 Cha bhiodh cuideachd mar dhaimh ort,
 Bhiodh tu fhéin 'n a' d' cheol-gàire 'n a measg.

'S mòr do bhiuthas aig Gallaibh
 'N uair a bhiodh iad air allaban cian.
 Fhir nach sgrùbail a shealladh am prìb,
 Meud do mhùirn na do bhaile
 'S cha bu chùirt leat 'bhi 'malairt am bìdh,
 'S tric a thug thu 'uat deannal
 'S mò do dhùil ann an onair
 Na bonn dheth bhi 'd sporan 'ga dhìol.

'S iomadh sruthan de 'n fhìor-fhuil
 Tha ruith ann an sioladh do bhall,
 Sliochd ud Rao'uill mhòir, phrìseil,
 Nach d'fhòghlum bhi mìodhoir no gamu.

Agus deadh Mhac Illeathain
 'S gun a theaghlaich ri fhaigheil an dràsd
 'Cur le chéil' ann an cruadaid
 'S tric a bhuidhinn iad buaidh anns na blàir.

Dà chraoibh anns a' ghàradh
 Cha 'n' ionnan cur fàis daibh nan dith's,
 Craobh a shìoluich 's a dh' fhàsas,
 Craobh a thuiteas le fràmh is le aois.
 'S ionnan sud 's mar a ta sinn,
 Nis o'n phàigh sinn na màiil ud cho daor,
 Tha ar n-urra cho làdir
 'S gu'n cuir e 'na àite gun chlaoideh.

HO RO, CHA'N 'EIL CADAL ORM.

Ise.—Ho ro, cha'n 'eil cadal orm,
 Cha'n 'eil m' air' air sòlas,
 Mo chul-thaobb ri ceòl gàire.
 Bho'n là chaidh mo phòsad
 Ho ro, cha'n 'eil cadal orm.

Bha m' athair is mo mhàthair
 'S mo bhràithrean uile deònach
 Mo phòsad ris an t-seann fhear
 O'n bha mi gann do stòras,
 Ho ro, cha'n 'eil cadal orm.

'S e 'n t-òr thug an ear asam,
 'S e 'n seann fhear rinn mo bhuaireadh,
 'S e 'm pòsad rinn mo shàruch',
 'S tha bhlàth sud air ma ghruaidh-se,
 Ho ro, cha'n 'eil cadal orm.

'Nuair bhitheas càch 's na bàiltean
 'A crathadh an cuid ghùntaibh ;
 Bith'dh mise leis an t-seann fhear
 A's srann aig air ino chùl-thaobh,
 Ho ro, cha 'n 'eil cadal orm.

Comhairl' oirbhs' a chaileagan,
 An earail so na diùltaibh
 Gun tàir a dhean' air òig-fhear
 Ged bhith's a sporan sùmhail,
 Ho ro, cha 'n 'eil cadal orm.

Esan.—Ged nach 'eil an òig agam
 Dheanainn òr a chùinneadh,
 A's ghleidhinn thu 'd bhean uasal
 Co math ri fear a' d' dhùthaich,
 Ho ro, cha 'n 'eil cadal orm.

Nuair dh' eidear le *calico*
 Guanagan na tire,
 Bith'dh tusa leis an t-scann fhear
 A's srann aig do ghùn sloda,
 Ho ro, cha 'n 'eil cadal orm.

Nuair bhith's mnath'n a' bhaile so
 Ri carachd a's ri guaineas ;
 Bith'dh thusa le d' bhanaraich,
 A cuir a chruidh do 'n bhualaidh,
 Ho ro, cha 'n 'eil cadal orm.

Tha uaoi bliadhna 'n taice so
 O'n a chaidh sinn còmhladh,
 Tha'n oighreachd an diugh sàbhailt'
 A's páisd' aic' air a glùinean,
 Ho ro, cha 'n 'eil cadal orm.

O thàlaidh mi chadal i,
 'S dh' amaisinn air a dùsgadh,
 'S tha m'inntinn taingeil toilichte
 'S mo sporan air a giùlan,
 Ho ro, cha 'n 'eil cadal orm.

O R A N G A O I L.

LE BAINTIGHEARNA D'OYLY.

Nam bithinn eòlach air gabhail òrain,
 Gu 'n togainn fonn air na dh' fhalbh air sàil',
 Tha 'm bàta seòladh, 's mo rùn air bòrd oirr',
 'S bidh mi gun sòlas mur till e tràth;
 Ged chite miltean do fhleasgaich fhinealt',
 Cha 'n 'eil 's an tìr so na bheir ort bàrr,
 Mo rùn is m' 'eudail, mo roghainn céis' thu,
 Ma phòsas té eil' thu cha bhi mi slàn.

Tha beul an òigear mar bhilibh ròsan,
 'S a ghuth mar smeòrach, no ceòl nan teud,
 Dà bhìath shùil mhìogach 'n a aghaidh mhìn-gheal.
 Mar it' an fhìreun a mhala réidh,
 Fear foinnidh dealbhach a shiubhal garbhlach
 Am beul an anamoich ri sealg an fhéidh,
 'S e caoidh do chòmhraidh a dh' fhàg fo bhròn mi,
 'S mi bhi gun chòir ort, dh' fhàg trom mo cheum.

Tha sùil mo rùn-sa gu meallach cùine,
 'S mar dhearcag dhù-ghorm fo dhriùchd a' fàs,
 Mar ghrian ag éirigh moch maduinn chéitein
 Tha sealladh m' 'eudail gu h-éibhinn tlàth;
 Do dheud geal direach fo d' bhilibh mìn-dhearg,
 A'm beul na firinn bho 'm millse fàilt',
 Cha 'n iarrainn sùgradh ach pòg bho d' chùr-bheul.
 Co raimh thug sùil ort, 's a dhiùlt dhuit gràdh?

NIGHEANAG A' CHUIL DUINN. ✓

LE SEUMAS MUNRO.

SEISD.—Nigheanag a' chuil duinn, nach fhan thu?

Fhios a's tìr gur mi do leannan.

Nigheanag a' chuil duinn, nach fhan thu?

Nigheanag a' chuil bharr'inn bhòidhich,

Tha mi 'n tòir ort o chionn tamuil.

Nigheanag a' chuil duinn, etc.

'S ann o 'n bha mi beag am phàisde

Thug mi 'n gràdh dhuit a bhios maireann.

Nigheanag a' chuil duinn, etc.

'N uair a bha sinn ris a' chuallach,

Thug mi luaidh do d' chuailein barr'ionn.

Nigheanag a' chuil duinn, etc.

'S leis na dh' fhàs de dhreach 's de dh' aoibh ort,

Thàlaidh thu mo ghaoi, gu daingean.

Nigheanag a' chuil duinn, etc.

Gorm-shùil mheallach aig mo ghaol-sa,

Mala chaol is caoine sealladh;

Nigheanag a' chuil duinn, etc.

Gruaidh is deirge na an caorunn,

'S e fo bhraon am bàrr nam meangan;

Nigheanag a' chuil duinn, etc.

Béul o'm binne ceòl a's gàire,

Deudach àluinn mar a' ghaillionn;

Nigheanag a' chuil duinn, etc.

Muineal geal mar chanach sléibhe.

Broilleach ceutach mar an eala;

Nigheanag a' chuil duinn, etc.

Seang-chruth cuannda, cuimir, eutrom,
'S e gun éislein no gun ainneamh.

Nigheanag a' chuil duinn, etc.

'S tric a fhuair mi treis de d' mhànan,
Air an àiridh, anns na gleannaibh.

Nigheanag a' chuil duinn, etc.

'S minic bha mi riut a' sùgradh
Fo na geugan cùbhraidh barraich.

Nigheanag a' chuil duinn, etc.

'S ann 's a' mhadainn latha Càsga,
Thug thu dhomh do làmh 's do ghealladh.

Nigheanag a' chuil duinn, etc.

Ach ma dh' fhàgas tu an dùthaich,
'S trom mi 'giulan do chion-falaich.

Nigheanag a' chuil duinn, etc.

C' uime rachadh tu gu Galldachd
Dh' fhòghlum fealltachd o na Gallaibh?

Nigheanag a' chuil duinn, etc.

Fan, a ghaoil, an tìr nan Gàidheal,
Far am bheil an àbhaist cheanail.

Nigheanag a' chuil duinn, etc.

SLAN GU'N TILL NA GAIDHEIL GHASDA.

ORAN DO 'N BHÀTA-THOITE, DA 'N GOIREAR AN
CEANN-FINE.

LE AILEIN DUGHLACH.

SEISD.—Slàn gu 'n till na gàidheil ghasda,
Dh' fhàlbh Di-màirt air sàil' do Ghlàschu.
Leis a' bhàta dhionach, sgaирteil,
Làidir, acfhuinneach gu strìth.

'S e 'h-ainm am Beurla 's an Gàidhlig,
 An Ceann-fine 'measg nan Gàidheal ;
 'S thig i 'dhùthachaich nam beann àrda,
 'S gheibh i càirdean anns gach tìr.
 Slàn gu 'n till, etc.

'N uair a dh' fhalbhas i gu h-aotrom,
 'S luaithe 'h-astar na 'n gath-gaoithe,
 Cha till fairg' i no sruth caolais,
 Ge b' e taobh do 'n tig an t-shian,
 Slàn gu 'n till, etc.

'S ged a dh' éireadh muir gu buaireas,
 Snàmhaidh i air bhàrr na stuaghaibh,
 Mar steud-cruidheach 'spuir ga bhualadh,
 'Dhol 's an réis a bhuanachd cùs.
 Slàn gu 'n till, etc.


Le cuibhleachaibh air gach taobh dhi.
 'S i masgadh fairge le saothair ;
 Ioghnadh 's momha th' air an t-saoghal,
 A dhealbh clann-daoine ri 'm linn.
 Slàn gu 'n till, etc.

Gu dol an aghaidh na gaoithe,
 Le teine gu 'n aon snàthaine aodaich,
 Gun raimh, ach a' stiùir gu saoradh,
 Air muir a' taosgadh na glinn.
 Slàn gu 'n till, etc.

Sgioba fearail ri àm cruadail,
 'S Captain Mac-an-Alba an t-uasal,
 Calum Dòmhnullach a's Ruairidh
 'S Mac-Coinnich a tha suairce, grinn.
 Slàn gu 'n till, etc.

Captain Mac-an-Aba 'n t'àrmunn,
 A shìol nam fear a sheasadhlàrach,
 A leagadh aighean agus làn-daimh,
 Anns an fhàsach bràighe ghlinn.
 Slàn gu 'n till, etc.

Mu Urchaidh nan buinnean gailfhiach,
 Aig Eas-chaiteleig nan garbh-shruth,
 'S tric rinn do morbha marbhadh,
 Air bradan tàr-gheal fo 'n still.
 Slàn gu 'n till, etc.

D H' F H A L B H M O L E A N N A N F E I N. 

LE NIGHEAN FUIR IONAIR-SGATHADAIL.

SEISD.—Dh' fhaibh mo leannan féin,
 Dh' fhalbh mo chéile lurach ;
 Misneach mhath na dhéigh,
 Dhòmh-sa b' éiginn fuireach,
 Dh' fhalbh mo leannan féin !

Chunnaic mis' thu 'n dé
 Téarnadh leis a' bhruthach ;
 Bha mo shùil a' d' dhéigh,
 Ged a b' fheudar fuireach.
 Dh' fhalbh mo leannan féin !

M' éudail am fear donn
 'Thogadh fonn le furan,
 Deas a falbh nan stùc,
 'Chuireadh smùid á gunna.
 Dh' fhalbh mo leannan féin !



m̄m̄ | s̄r̄ | d̄ — d̄t̄a | d̄r̄ | m̄'s̄
 7t̄ | d̄s̄l̄m̄ — s̄ḡ | d̄d̄ | 7t̄ s̄
 m̄m̄ | s̄r̄ | d̄

'S e mo cheist an t-òigear,
 Fear a' chòta bhreacain;
 'S truagh nach robh sinn còmhla,
 'S againn coir air fearann.
 Dh' fhalbh mo leannan féin !

Dh' fhalbh mi leat an dé.
 Ceum a sios am Muilionn,
 Thug mi dhuit mo phòg
 'S shil mo dheòir le mulad.
 Dh' fhalbh mo leannan féin !

'S mise 'th' air mo leònadh,
 O'n a sheòl thu thairis;
 'N uair a gheobh thu thall
 Sgriobh a nall do bheannachd.
 Dh' fhalbh mo leannan féin !

Na 'n tigeadh tu a rùin,
 Chum do dhùthaich a rithist;
 Rachainn leat a nùll,
 Ged bhiodh triùir ga m' thilleadh;
 Dh' fhalbh mo leannan féin !

O'n a rinn thu seòladh,
 Air long mhìor nan crannaibh;
 Tha mo chridhe brònach,
 'S cha 'n 'eil ceòl air m' aire.
 Dh' fhalbh mo leannan féin !

'S mise tha gu cràiteach.
 O 'n là dh' fhàg thu m' baile,
 'S mi mar uan gun mhàthair,
 Ged is nàir' dhomh aithris.
 Dh' fhalbh mo leannan féin !

'S mise tha gu tùrsach,
 'S tric mo shùil a sileadh;
 O nach faic mi thu
 'S a' bhliadh'n' ùr a' tighinn.

Dh' fhalbh mo leannan féin !

[*The following verses were added to the chorus of the preceding song by Mr. H. Whyte, Glasgow, previous to the collection of the foregoing version.*]

Dh' fhalbh mo leannan féin,
 Dh' fhalbh mo chéile lurach;
 Misneach mhath na dhéigh
 Dhòmh-sa b' éiginn fuireach.
 Dh' fhalbh mo leannan féin !

'N uair a thog thu siùil,
 Bha mo shùil a' sileadh;
 Dhuit-se ghuaidh gach beul—
 "Slàn gu'n dean thu tilleadh."

Dh' fhalbh mo leannan féin !

Tha mi ghnàth ga d' chaoidh,
 'S mi ga m' chlaoidh le fadal;
 Bho 'n a sheòl thu, rùin,
 Tha mo shùil gun chadal.

Dh' fhalbh mo leannan féin !

Thainig sgeul gu tìr
 'Leòn mo chrìdh' mar shaighead,
 Gu'n robh thusa 'luaidh,
 'N grunnad a' chuain a'd' laidhe.

Dh' fhalbh mo leannan féin !

'S eianail leam an sgeul—
 Ciod am feum bhi fuireach?
 Bidh mi leat gun dàil
 'S gheibh mi failte 's furan.

Dh' fhalbh mo leannan féin !

FAILTE BHRAID-ALBAINN. ✓

Moch 's a' mhaduinn 's mi dùsgadh,
 'S trom m' aigne 's mi tùrsach gu leòir,
 A' sior chuimhneach na dùthcha.
 Far 'n do chleachd mi bhi 'm bhuachaille bhò,
 Gheobhте sithionn a's iasg ann.
 Agus ealachan lionnhor air snàmh,
 Coileach-dubh agus liath-chearc,
 'S ciod tuillidh a dh' iarradh tu ann?

O! fàilt air Braid-Albann!
 Gheobhте féidh ann, a's earban, a's minn,
 'S iad 'n an luidhe gu cuanmhòr.
 Ann am feadanaibh luachrach a's cib';
 Na daimh 's na h-éildean mu 'n cuairt doibh,
 'S iad na 'n luidhe air guallainn an tuim,
 'S iad gu bior-shùileach, cluasach,
 'Feitheamh ciod thig mu 'n cuairt anns an oidhch'.

Tha iad earbsach á 'n casan,
 A chuir seachad na falaisg, 's an fhraoich,
 Le 'n gasganan geala.
 'S iad a' direach ri barraibh nam maol;
 An earbag le 'minnein,
 'S i glé phriseil 'g a fholach measg fhraoich.
 Air eagal an fhorsair,
 'Nuair thig e 's a choin leis air thaod.

Cha 'n 'eil sruthan gun iasg ann,
 'S cha 'n 'eil gleannan gun fhiadh ann na chòir,
 Le minneinibh riabhach,
 'S iad 'nan laidhe gu lòn'ar measg feòir;

Damh cabrach 's sròn fhiat aig',
 Gabhail gaoith' ann an siantaibh nan neòil,
 Bu shunntach leam bhi 'g an iarraidh,
 Ann am maduinn chiùin, ghrianach, gun cheò.

Mu thoisearch an t-samhraidh,
 'N àm cur cruidh air na gleanntaibh gu feur,
 Bhiodh eòin na coille gu rannar,
 'Gabhail ceileir binn greannar doilbh féin,
 Bithidh an uiseag 's an smeòrach.
 'S iad gu ceòlmhor air barraibh nan geug,
 Is binn an luinneag 's an òran,
 Ann an coille nan enò leotha féin.

Loch-a-tatha nain bradan,
 Tha 'tighinn o'n fhairge bu drabasta tonn,
 'S iad gu dearg-bhallach, tarra-gheal,
 Iteach, meanbh-bhreac, gorm-bhallach, lom ;
 'S iad a' leum ris gu colgarr'.
 Glacadh chuireag air bharraibh nan tonn
 Tha iad lion 'ar 's gach linne,
 'S iad a' cladh air a' ghrinneal 'san fhonn.
 'S iomadh nigh'nag dhonn, chanach,
 Tha dà thaobh Loch-a-tatha mo rùin,
 Ni's gile fo 'n anart,
 No an eala air bharraibh nan tonn ;
 Càil bhinn air son ciùil ac',
 Beul a's mìlse na'n siùcar r'a phòg ;
 'S tha'n anail cho cùbhraidh,
 Ris a' bheatha na'm flùr ann a'd' dhòrn.

Aig Eaglais Chill-fhinn,
 Bu chiatach an ni leam bhi ann,
 'G éisdeachd shearmoinean prìseil,
 Anns am biodh an fhìrinn gun mheang ;

A 'toirt dhuinn sgeul as a' Bhìobull,
 A's ag innseadh gach ni mar tha ann
 Sgìreachd eil' anns am bi thu,
 Cha'n fhaigh thu gach ni mar tha ann.

'S lion'ar aighear a's ceòl ann,
 Fiodhall theudach 'g a sgròb' anns gach ait'
 Piob 'g a sgaladh, 's b'e 'n ceòl e,
 Thogadh inntinn nan òganach àrd;
 Bhiodh gach nìgh'nag dhonn, sheòlta,
 Fleasgach caoimhneil 's i aige air làimh,
A' leum mar earbaig air mòintich,
 Ann an Seòmar a' Mhòid ris an danns'.

'Nuair a théid thu thun féill ann,
 'S iomadh fleasgach deas treun a bhios ann,
 D'an tig breacan an fhéilidh,
 'S osan geàrr air calp' glé gheal nach cam,
 Claidheamh leathan fo'n sgéith ac',
 Laoich neo-clearbach nach géill ri àm teann
 'S iad nach géill ri àm cruidail,
 'S nach bu tais ri àm bualadh nan lann.

Ach nan tàrlamaid còmhla,
 Gach duine bu chòir a bhi ann,
 Bhiodh ann Neacal an iasgaich,
 A's Mac Dhùghail nam fiadh ás a' ghleann ;
 Agus Iain Mac Dhiarmaid,
 Duin' iùlmhor a lionadh dhuinn dram,
 'S cha bhiodh cùis ann mi-chiatach,
 'S an triùir sin gu fianuis thoirt ann.

'S nam biodh cùis ann mi-chiatach,
 Gheibhte mòd agus cùirt ann ni 's leòir,
 Daoine foghainteach cliùiteach,
 A chumadh gach cùis mar bu chòir ;

Fear Achaladair rùnaich,
 Nach faiceadh fear diùid air a leòn,
 'S fear Ghlinn-lubhair, gu tùrail,
 'Toirt breith air gach cùis aig a' mhòd.

C' àite 'bheil ann an Albainn,
 Ait' a's feàrr na Braid-Albann mo rùin?
 Tir nan gaisgeach 'bha dileas
 A' sheasdh na firin 's a' chrùin;
 Gheobht' ann cruinneagan bòidheach
 A sheinnibh dhuinn òrain bha binn,
 Tir nam filidh bha àluinn,
 'S lionnar Bard a chaidh àrach na d' ghlinn.

A MHAIRI GHAOIL. ✓

LE IAIN CAIMBEUL ANNS AN LEIDEIG.

AIR FONN.—“*Soraidh slan le Fionn-Airidh.*”

SEISD.—A Mhàiri ghaoil, a mhéall mo chrìdh,
 A Mhàiri ghaoil, tha thu am dhìth:
 Gur trom tha mi 's na deòir le strìth
 Ga 'n cumail shíos bho 'n dhealaich sinn.

Aig àm a bhristeas iad a' bhruach,
 Mar ribe fhaoin roimh thonn a' chuain.
 'S a dh' fhàgas iad mo chridhe truagh
 A smaoineachd air na h-amaibh ud,

 'San robh thu 'ghaoil, gu eutroin, luath,
 Gu sunndach, cridheil, air bheag uail;
 Is beag a shaoil mi sin a luaidh,
 Co luath gu'm feumta dealachadh.

⊗ Hareann sì ri ù
Hareann sì ri ù
Hareann sì ri ù.

Mar ròs a bristeadh mach fo bhìath,
Measg dhuilleig uain', air gheug a' fàs;
B'e sud do choimeas air an là
'N do gheàrr am bàs ri leathad thu.

Ach chaidh thu nis do'n leabaidh réidh,
Fo bhrata tubhaidh glas do fheur,
'S an neònein geal a' sileadh dheur
Fo dhriùchd a' chéitein thairis ort.

Tha thu sinte 'n Ach-nam-bà,
A'd luidhe iosal shios fo 'n làr;
Is goirt mo chridhe-sa gach là,
Théid mi gu bràth do'n chaibeal ud.

'S gus an luidh mi sìos ri d' thaobh,
Anns a' chisde chumhann, chaol,
Traoghadh cha tig air a' ghaol
Thug mi co daor 's co daingeann duit.

THA 'N DIL' AIR AN ATHAR.

⊗ SEISD.—Hórin a-irinn hò gù!
Hórin ó hi ri ù!

Tha'n dil' air an athar—
Uisce reanihar, trom, dlùth.
Horin o, etc.

Tha ghaoth air an uinneig,
Leam 's duilich an tòrn.
Horin o, etc.

Tha'n soirbheas air caochladh
Ann an aodan mo rèuin.
Horin o, etc.

Rann:
Jef.
Sous:
Air in cap's Smòrach.
F. No. 1447 F. No. 1447
Fortnight. Fortnight
16. 16.

Ged a bhiodh i na b'airde
 Bhiodh mo ghràdh air an stiùir.
 Horin o, etc.

'S tu b' urrainn a teàrnadh
 Air sàil' no air bàrn.
 Horin o, etc.

Ged a bhitheadh an linnidh
 Air mhire 'na smùid;
 Horin o, etc.

'S ged a bitheadh mo chinneadh
 Ga pilleadh a nùnn.
 Horin o, etc.

Fhir bhig nan sùl donna,
 Cha choma leam thu.
 Horin o, etc.

Aghaidh shoilleir an sgàthan,
 'S tu m' àilleagan sùl.
 Horin o, etc.

Dh' athnichinn thu tighinn
 Air dhithis no thriùir;
 Horin o, etc.

Air chóignear no sheisear—
 Air dheichnear 's e 's mó.
 Horin o, etc.

Gu'n càirinn do leaba
 'S gu'n gleidhinn duit rùm.
 Horin o, etc.

Gu'm fosglainn an dorus,
 'S gu'n eaisginn an cù.
 Horin o, etc.

Ach fhir nan sùl daithte,
 'S tu mo thasgaidh 's mo rùn.
 Horin o, etc.

GOBHA MO CHRIDHE.

LE IAIN MAC-GRIOGAIR AM BARD.

'S e gobha mo chridh-sa,
 Gobha nam buadh;
 'S e Calum Mac-Griogair,
 A ruiginn gu luath,
 'S gu 'm faigh mi mo ghnothach,
 'S cha ghabh e bheag 'uam,
 Ge d' bhiodh na ceudan,
 Aig éigheach 'na chluais.

Gu 'm bheil e co ullamh,
 'S co duineil 's bu dual;
 'S e nach biodh fada,
 A' fadadh a ghuail;
 Gu 'm faicear a shradan,
 Co fhada ri Tuair;
 'S gu 'n cluinnear a bhuillean,
 Air Drumlin, le 'n cruas.

Thug mise dha 'n t-urram,
 'S cò 's urra thoirt uaith,
 Air goibhnean na cruinne,
 Thaobh grinneas is luaths'.
 A' m faodhairt 's an cumadh,
 Cha toir duine air buaidh,
 'S na 'm fhaichte 's tigh òsd' e,
 'S e dh' òladh a' chuach.

'S 'n uair théid e do 'n cheardaich,
 Gur àillidh a shnuadh;
 Ach bi'dh e mar bha e,
 'Cuir blàth's air a ghruaidh;
 'S e gu furanach, fàilteach,
 'S ro ghràdhach ri tuath,
 Ach bu mhath leis teath-linneadh,
 Bhi na mheanach-sa uap'.

Ge d' b' ainmeil Feràra,
 Air claidheamh nan ruag,
 'S e so fear is fheàrr leinn,
 O' n a tha esan uainn;
 'N àm faodhairt na stàilinn,
 Cha bhlàthich e 'n gual,
 Gu 'm buail e cho làidir,
 'S gur fheàrr leis e fuar.

GUR MIS' THA FO MHULAD.

AIR FONN.—“*Ho ro cha bhi mi ga 'd chaoi dh ni's mo.*”

Gur mis' tha fo mhulad
 Air 'n tulaich so shuas,
 Nach faicear a'm chòir thu
 La Dònaich no Luain;
 Ged théid mi do 'm leabaidh;
 Cha chaidil mi uair,
 A' smaointeán mo leannain
 'S e fad air dol bhuan.

Fear ciabhaige glaise
 Cha d' thug mi dha spéis,
 'S e mo rùn an t-òg gasda,
 Chaidh seachad an dé.

Mo chridh' air a bhristeadh—
 'S e bruidhinn gach té :
 Tha mo dhòchas 'n uair thig thu,
 Gu'm bi mi 's tu réidh.

Gu'm faca mi 'n dé thu,
 'S bu luaineach do cheum,
 Chaidh thu orm seachad,
 'S cha d' fharraid mo sgeul :
 Ach, marbhaisg air an t-saoghal,
 Gur caochlaideach e ;
 Mu'n taice so 'n uairidh,
 Gheobhainn d' fhuran roimh cheud.

ESAN A' FREAGAIRT.

A chuachag an fhàsaich,
 Gur h-àill' thu na'n driùchd.
 'S e miann gach gill òig
 A bhi 'n còmhnaidh riut dlùth,
 Tha mis' ann an dòchas
 Gur h-òigh thu gun smùr,
 Mo bhriathran 's mo bhòidean
 Nach pòs mi ach thu.

Tha thu bòidheach gun mheang,
 Tha thu bandidh gun ghruaim,
 Tha thu sibhealta 'd chainnt,
 Neothar-thaing, tha thu suaire :
 Cha'n 'eil eron ort ri àireamh
 An làthair an t-sluaigh,—
 Ged 'tha thu gun stòras
 Tha 'n còrr annad dh' uaisl'

Am meadhon na mara,
 'N uair bhios mi fo ghruaim
 Bidh do ghaol-se ga m' mhealladh,
 'S 'g am bheothachadh suas ;

Cha téid mi air àicheadh
 An làthair an t-sluaigh,
 Nach tu 'n t-aon is fheàrr leam
 A dh' fhàs oirre gruag.

THEID MI GA D' AMHARC. ✓

LE IAIN CAIMBEUL ANNS AN LEIDEIG.

AIR FONN.—“*An t-apran goirid, 's an t-apran ùr.*”

SEISD.—O théid mi ga d' amhare,
 O théid, O théid!
 Bho'n fhuair mi 'uait gealladh
 An dé, an dé;
 Cha bhi mi ni's fhaide
 Leam féin, leam féin,
 'S gu'n dean sinn e daingeann,
 Le cléir, le cléir.

Tha'n latha 'dol seachad,
 Gun fheum, gun fheum;
 A's mise 's mi fhathast,
 Gun té, gun té;
 'S e dh' fhàg mi eo falamh
 Gu léir, gu léir,
 Bhi fada 's an tarruing
 'S mi ceum air cheum
 Is iomadh seann fhleasgach,
 Mo chreach, mo chreach,
 Na 'n innseadh e 'n fhìrinn
 Le dreach, le dreach,
 Gu 'm b' fheàrr leis 'bhi sìnte
 Gle iosal a chaoidh,
 Na 'n saoghal a shiubhal,
 A rithist gun mhnaoi.

A' direadh a' bhruthaich
 Le sgairt, le sgairt;
 Cha shaoil e gu bràth
 Gu 'm feum e taic;
 'N uair ruigeas e 'm mullach
 A call a chas,
 'Nuas leis an leathad
 'S e car air a' char.

Na bitheam 's an àireimh
 A' ghaoil, a' ghaoil,
 Thoir thusa do làmh dhomh
 Gu saor, gu saor;
 No gabhaidh tu 'n t-aithreachas
 Latha nach saoil,
 'S bidh mise gu math dheth,
 'S te eile ri m' thaobh.

'Sin a nis agad
 Mo bheachd, mo bheachd,
 'S do chridhe ma th' agam,
 Na fuirich air d' ais;
 Ma's toigh leat an coisich'
 Na feith ris an each,
 Tha 'n òige 'dol seachad,
 'S tha 'n aois a' teachd.

ORAN DEALACHAIDH.

LE DOMHNULL MAC EACHARN.

SEISD.—Eirich agus tiugainn o!
 Eirich agus tiugainn o!
 Eirich agus tiugainn o!
 'S e crìoch gach comunn dealachadh.

An cuimhne leats' an gleannan uain'
 Far an robh sinn òg a's luath,
 A' buain nan sòbhrach feadh nam bruach,
 'S gun luaidh againn air dealachadh.

A's far an robh sinn ait le chéil',
 A' ruith a' bhradain leis an leus,
 'S a' sealg a' choilich air a' ghéig,
 Mu'n d' thog sinn ceum an allabain.

Ach 's cian bho'n sgaoil sinn deas a's tuath,
 Chaidh cuid thar bheann a's cuid thar chuan,
 Cha chluinn mi 'n diugh an coileach ruadh,
 Ged bheirinn duais nach canainn air.

Ach fàr do làmh mo charaid ciùin,
 A's cuir an smalan so air chùl,
 Oir chi sinn fhathast tìr nan stùe,
 A's bidh sinn sunndach aighearrach.

O, eiribh 'illean, lionaibh suas,
 A's cuiribh farumach mu'n cuairt;
 Do thìr nam beann, nan gleann, 's nan cruach
 Gun òl sinn cuach 's an dealachadh!

MOCH 'S A' MHADAINN RINN MI GLUASAD.

SEISD.—Ill ù ill o, ho ro éile,
 Ill ù ill o, ho ro bha ho,
 Ill ù ill o, ho ro éile.

Moch 's a' mhadainn rinn mi gluasad,
 Dhùr mi a mach ri Beinn Cruachan.

Dhùr mi a mach, etc.
 'S theirinn mi lag an fhraoich uaine.

- Theirinn mi lag, etc.,
 'S shuidh mi aig tobar an fhuarain.
- Shuidh mi aig tobar, etc.
 Chìr mi mo cheann 's dh'fhàg mi ghruag ann.
- Chìr mi mo cheann, etc.,
 Dh' fhàg a's falt mo chinn 'n a dhualan.
- Dh' fhàg a's falt, etc.
 Suil g'an d' thug mi thar mo ghuallainn.
- Suil g'an d' thug, etc.,
 Chunna mi' tighinn na h-uaislean.
- Chunna mi 'tighinn, etc.,
 D é, ma bhà cha robh mo luaidh-s' ann.
- D é ma bhà, etc.,
 Fear a' chinn duibh 's a' chot' uaine.
- Fear a' chinn duibh, etc.
 Cha robh, a ghaoil, gu 'm b'fada uam thu.
- Cha robh, a ghaoil, etc.,
 Bha té eil' aig baile g'ad bhuaireadh.
- Bha té eil' aig baile, etc.,
 'S chaidil thu 'n raoir air a cluasaig.
- Chaidil thu 'n raoir, etc.,
 Ach 's aithne dhomh-sa d é chum uam thu.
- 'S aithne dhomh-sa, etc.,
 Tainead mo chrodh-laoigh air buaile.
- Tainead mo chrodh-loaigh, etc.
 Lughad 's a bha dubh no ruadh dhiùbh,
- Lughad 's a bha dubh, etc.
 Lughad 's a bha caisioinn, guaillionn.

Lughad 's a bha caisioinn, etc.,
 Ach d é ma 's ise 's truime buaile.
 D é ma 's ise 's truime, etc.,
 'S mise 's càirdich' do na h-uaislean.
 'S mise 's càirdich, etc.,
 A dhìreadh 's a thearnadh ri Cruachan.
 A dhìreadh 's a thearnadh, etc.
 Le 'm *flasgaichean* air an cruachainn.
 Le 'm *flasgaichean*, etc.
 Le 'n gunnaichean air an guaillnean.
 Le 'n gunnaichean, etc.,
 A dhol a shealg na h-éilde ruaidhe.
 A dhol a shealg, etc.,
 Mar sin a's lach a' chinn uaine.
 Mar sin a's lach, etc.
 'S a' bhric air linne nan cuairteag.
 'S a' bhric air linne, etc.,
 'S mithich tearnadh le Beinn Cruachan.

O R A N .

LE IAIN RUADH DROBHAIR A BHA 'N RAINeach.

FONN.—Duine bochd air bheagan mhart

Cha 'n fhaigh e meas bho nàbaidh :

Duine falamh 's e gun nì

Gur fada shìos théid fhàgail.

Bha mise uair do m' shaoghal,

'S bha maoin agam a's càirdean :

Bu chompanach dhaoin'-uaise mi,

'Nam shuidhe shuas 's tigh-thàirne.

Ach nis bho 'n tha mi aosmhor,
 'S gu 'm beil mo mhaoin air m' fhàgail,
 Cha 'n aithnich fear de 'n chiad mi,
 Ged chi iad sios an t-sràid mi.

Ged bhiodh gliocas Shol' aig fear,
 A 's sgoilearachd Righ Dàibhidh ;
 'N uair their'geas a chuid stòrais,
 Cha 'n fhiach a chòmhradh fàirdean.

Ch 'n iarrar ann an comhairl' e,
 Cha dean e gnothach stàthor :
 Measar e mar ùmpaidh,
 Cha 'n fhiu a ghuth no ghàire.

'S fuathach e le 'choimhearsnaich,
 'S doimheil e le 'chàirdean ;
 'S ann is aoibhar spuirt e
 Do luchd an uile 's an àillis.

Ma dh' iarras iad gu drama e,
 Bidh faire air gach tràth ann ;
 Gu'm feum e bhi cho sìbhealta
 Ri luch aig stid' fo smàgan.

Ach am balach slaodach,
 Gun fhòghlum ach droch-nàdur
 'S e sin an sàr dhuin'-uasal :
 Tha 'n sporan uaine làn da.

Tha 'n sluagh air fàs cho uaibhreach,
 'S 'n an eideadh suas co àrda,
 'S nach aithn'ear an duin'-uasal
 Seach buachaille an fhàsaich.

Tha 'n Sgriobtuir dhuinn ag innse,
 Le firinn nach gabh àicheadh,
 An uair is àirde 'n inntinn,
 Gu'n leagar slos gu làr i.

Ach marbhaisg air an t-saoghal,
 Gur caochlaideach a thà e;
 Ni 'n t-airgiod a' h-uile ni,
 Ach anam duine 'theàrnadh.

Gur h-iomgantach a chlaon e,
 Tha 'n daoibh a' sior-dhol 'n àirdead;
 Tha 'n t-ùmpaidh paitl de stòras,
 'S an duine còir 'g a shàrach'

Ach 'n t-ùmpaidh 'g am bheil stòras,
 Airgiod 's òr gun bhàigh leis,
 Cha 'n phasa dol do ghlòir dha,
 Na dol tromh chrò na snàthaide.

Ma gheobh mi lòn a's aodach,
 Cha 'n iarr mi chaoidh na 's àirde,
 'S gu'm bi mi leis cho toilichte
 Ri Bonipart 'n a phàillinn.

SEANN ORAN SEILGE. *

SEISD.—Seinn iuro bhinn ò ho
 Chall eille ho rò ho,
 Seinn iuro bhinn ò ho
 Eille o ho ro hi.

Ach a Thómais 'ie Uilleam
 Bu tu 'n companach munaidh,
 Anns na coilltichean urrad
 Fhuair thu urram na seilg.
 Seinn iuro, etc.

* As in Celtic Magazine, III. 480.

Gur a buidheach mi 'm chéile
 Thug an gunn' á Dun-éidean,
 Dhomh-sa b' aithne do bheusan,
 'S cha bu lèir dhomh do ghiamh.
 Seinn iuro, etc.

'S toigh leam àiridh nam badan
 Far am b' éibhinn leam cadal.
 'S am biodh fasgadh ri gaillionn
 Aig aighean 's aig laoigh.
 Seinn iuro, etc.

Agus frith nan damh donna
 'S nan ceannardan troma,
 Leam bu nhíann dol 'n an coinneamh,
 'N uair a chromadh a' ghrian.
 Seinn iuro, etc.

Le 'm chuilbheir caol cùbhraídh
 Ann an achlais 'ga giùlan
 Luaidh ghlas air a h-àrlar
 Bheir tuill ùr air am bian.
 Seinn iuro, etc.

Spor thana gheur dhù-ghorm
 'N déigh a glasadhl 's a dlùthadh,
 'Chuireadh sradag ri fùdar
 'N uair a lùbainn mo mhiar.
 Seinn iuro, etc.

Mharbhaimm dràchd agus lacha
 Agus tàrmachan creachainn,
 'S earbag riabhach nam badan
 'Theid roi 'n mhaduinn 'na fiambh.
 Seinn iuro, etc.

CUMHA DO CHAIPTEIN IAIN CAIMBEUL

AIRD-SHLIGNISH, A CHAOCHAIL 'N A LUING FEIN ANN AN CAOL
ILE, AIR A THURUS DHACHAIDH O DHUTHCHAIBH CEIN.

LE ALASDAIR MAC CALUM, GLEANN-EITE.

SEISD.—Cha'n 'eil feum anns a' mhulad;
Cha 'n 'eil treun ris nach cuirear,
Cha 'n 'eil feum anns a' mhulad.

Thàinig Eala oirnn' as na speuran,
Do Loch-Eite; dh' éisd mi 'guileag.
Cha 'n 'eil feum, etc.

'S bòidheach i snàmh ri là greine,
'S binne na guth theud a luinneag.
Cha 'n 'eil feum, etc.

'G innseadh gu 'n robh 'n Caiptein Caimbeul,
'S a' cheart àm air cabhsair Lunnainn.
Cha 'n 'eil feum, etc.

Suaicheantas an Righ 'na ghuallainn,—
Mar bu dual-dha, fhuair e urram.
Cha 'n 'eil feum, etc.

Chunneas long is i fo 'seòl
A tigh'nn thar chuan le èolas duinne
Cha 'n 'eil feum, etc.

Oifigeach mo ghaoil ga 'stiùradh—
'B annsa leam na *crew* na luinge.
Cha 'n 'eil feum, etc.

'Tigh'nn a mach o bheul Chaol Ile
'S ann a leig i sios a *culars*.
Cha 'n 'eil feum, etc.

* Colours.

Thug am bàs gu grad fo ghéill
 Am fiùran ùr 'dh' fhag ceudan dubhach.
 Cha 'n 'eil feum, etc.

Na 'm biodh agam sgioba 's bàta
 Sheolainn gu trath roimh Chaol-Mhuile.
 Cha 'n 'eil feum, etc.

Dheanainn taghal ann an Aros.
 'S gheibhinn làmh le fàilt' a's furan.
 Cha 'n 'eil feum, etc.

'S as a sin do Chille-chiarain
 Far' am bheil mo chiall a' fuireach.
 Cha 'n 'eil feum, etc.

Far 'bheil Oifigeach mo ghaoil
 An eiste chaoil 's na saoir 'ga cumadh.
 Cha 'n 'eil feum, etc.

ORAN SUIRIDH.

LE DOMHNULL MAC EACHARN.

SEISD.—Cha téid mise tuillidh a shealltainn na cruinneig
 Cha téid mise tuillidh air shuiridh an ghleann ;
 Cha téid mise tuillidh a shealltainn na cruinneig,
 Cha dirich mi 'm bruthach cha 'n urrainn mi ann.

'N uair rinn mi mo bhrògan gu snasmhor a ghròbadh
 'Sa għluais mi cho ceòlmhor ri smèòrach air chrann,
 A shealltainn na h-ċiġe 'tha thall u a chòmhnaidh,
 Cha chreidinn ami dheòin gur e ghoraich a bh' ann.
 Cha téid, etc.

Bha m' inntinn làn suigeart 'nuair ràinig mi 'n uinneag,
 'S mi cinnteach gu'n cumadh a' chruinneag rium cainnt,
 'N uair dh'fhosgail i 'n duilleag 's a theann mi ri furan,
 'S an thaom ise an truille an euman ma'm cheann.

Cha téid, etc.

'S mar tuiginn an sanas sin, stuig i na madraidh,
 Bha 'mathair 's a h-athair a labhairt le sgraing;
 Thuit ceò air mo léirsinn, a's m' anail ga m' thréigsinn,
 An rathad cha b' léir dhomh 'us leum mi 's an staing.

Cha téid, etc.

Mi fodha gu m' shùilean an eabar an dùmain,
 Mo bhrigis mu m' ghlùinean 's an eù oirr' an geall,
 Bu mhiosa na 'n còrr leam bhi faicinn na h-òinsich,
 Aig uinneig a seòmair ri spòrs air mo chall.

Cha téid, etc.

Marbh'aisg air an ullaid 's i dh'fhàg mi am bhurraidh,
 Mo chaiseart 's an rumaich 's mo thriubhas 's a' ghleann;
 'S mi 'n so ás mo léine ag altrom mo chreuchdan,
 'S an ionad nach léir dhomh am bréid a chur teann.

Cha téid, etc.

Toirt bòidean do Mhuire 's a 'g eiginneach gu duineil,
 Ged gheibhinn an eruine 's a h-nile nì th' ann!
 Nach téid mise tuillidh air chéilidh no 'shuiridh,
 'S nach fhaicear mo luideagan tuillidh 's a' ghleann.

Cha téid, etc.

S O R A I D H

A CHUIR IAIN MAC MHURACHAIDH A CINNTAILE GU
MUINNTIR SHRATH-GHLAIS.

Fhir a théid thar a' mhonaidh,
Bheir mise dhuit dollar
Agus liubhair mo shoraidh
Gu sàbhailt.

Fhir a théid, etc.

Air faidead na slighe,
Na leig i air mhi-thort,
Gus an ruig thu 'n tigh-dibh'
Anns a' Bhràighe.
Air faidead, etc.

Bheir Seònaid an Toiseach,
Gun mhòran a chosd dhuit
Na dh' fhoghnas a nochd dhuit
Gu sàbhailt.

Bheir, etc.

Theirig sios feadh na tuatha
Ris an can iad na h-uaislean,
'S cha 'n fhaigh thu fear gruamach
Mu 'n fhàrdaich.
Theirig, etc.

Tha'n dùthaich ud uile,
Air a lionadh le furan,
Bho iochdar a buin,
Gus a bràighe.
Tha, etc.

Le mnài ceanalta, còire
 Is grinn air am meòirean,
 'S is binn ghabhas crònau
 Dha 'm phàisdean.

Le mnài, etc.

Le maighdeanan maiseach,
 Nach d' ionnsaich droch flasan,
 Ach ullamh gu
 Taisbeanadh càirdeis.

Le maighdeanan, etc.

Na teirig sìos thar a' bhaile
 Ris an can iad Bun-Chanaich,
 Thoir a mach ort

An gleanman a's àirde.
 Na teirig, etc.

Tha trì bailtean urad,
 Gus am fiach dhuit do thuras,
 Gheobh thu fiadhach a' ghunna.
 Bho phàirt diubh.

Tha trì, etc.

O R A N D O ' N N O L L U I G.

LE EOBHAN MACLACHAINN.

FONN.—Di háal-lum, di-háal-lum,
 Di-í, 'il í 'il, hánnan,
 Di-dír-ir-i hal-í'l-lum
 Di-dír-ir-i hal-háoir-um,
 Di-hí 'il, í 'il hal-dir íri,
 Hári, háal, háoir-um,
 Di-í 'il-háal, díl-il-í 'il,
 Dóri, hó 'ol, hánnan.

A nigheanan, biodh criodhalas
 Ga fhriothaladh 's an àm leibh ;
 Cha dlighe dhuinn bhi suidheagan
 'S ar eridheachan fo champar ;
 Bheir mise 'n ceol gu fileanta
 Le frith-leimnich nan rann duibh,
 'S grad-éireadh ceathrar inich 'theid
 Gu h-ingalta roimh 'n danusa.
 Di-haal-lum, etc.

'S i Nolluig i ! b'e 'sonas duinn !
 C' arson a bhiodh oirnu anntachd ?
 'S e's docha leinn 'bhi soganach,
 Na biodh am botul gann oirnum ;
 Biodh sgop an t-sruthain fhortanaich
 Air bharr nan copan seannsail ;
 'S gu sgobar as gu soerach—
 Cha'n fliùgh gun déoch an daonna.
 Di-haal-lum, etc.

'S i Nolluig àm is toiliche
 Le molamas an annlainn,
 Gu h-imeach, càiseach, botulach,
 A dh' fluadach gort a' ghanntuir :
 Na bonnuich chruinn-thiugh, chorea, tigh'n
 Air brod-mhiosaidh a nall duinn,
 Gu ròslach, feòl-bhrauach, brotagach ;
 'S gu'n deantar cosd gun taing leinn.
 Di-haal-lum, etc.

Am fasan 'bh'aig ar n' aithrichean,
 Coimh-leanamaid 's gach àm ris ;
 Na cleachdainnean a bh' acasan
 Na leigear dad air chall diu :

Gur cliùiteach, mùirneach, aighealach
 An tigheadas da cheann duibh,
 B'e'm beus 'bhi tlachdmhor, fialuidh, ceart,
 'S am pailteas fo 'n comannda.
 Di-haal-lum, etc.

Gach nùgaire trom air teallaich
 Tha snaidheadh as le ganntas,
 Cha'n iarr sinn iad an taice ruinn,
 'S neo-chridheil gart an drann-dain :
 'S i 'bhuidheann éibhneach, aigeannach,
 Bu tlachdmhoire 'bhi 'cainnt riu,
 Bho n' tig an ealaidh blhasadach
 Is taitneach siubhal ranntachd.
 Di-haal-lum, etc.

'S i nochd an oidhch' is urramaiche,
 'Chunnaic sinn le'r sealltuinn ;
 Gur furamach a bhuineadh dhuinn
 A cumail mar a gheall sinn :
 Biodh sulas air a' mhuirichinn
 Bu tlachdmhoire 'bhi 'cainnt riu,
 'S bheir mise 'n ealaidh chuireideach
 Is iullagaiche srann duibh.
 Di-haal-lum, etc.

NIGHEAN BHAN GHRULAINN, 'AN EIGE.

AIR FONN :—“ *Mo nigh'n mhaldà.* ”

SEISD.—Thug mi rùn, 's chuir mi ùigh
 'S an te àir a dh'fhàs tlà ;
 Maighdean chiuin dh' an tig gùn,
 Cha b'e 'n t-loghnadh leam d' fhàilt'.

'S ann an Grùlainn fo'n Sgùrr
 Tha mo rùn 'gabhairl tàinidh;
 Maighdean ùr a tha ciùin,
 'S i mo rùn-sa thar chàich.
 Thug mi rùn, etc.

Gu'n do bhruadair mi'n raoir
 A bhi 'd chaoimhneas a ghràidh,
 'S 'n uair a dhùisg mi á m' shuain
 B'fheada bhuam thu air sàil'.
 Thug mi rùn, etc.

Tha do shlios mar chanach lòin
 No mar eala òig air tràigh;
 Gruaidh a's deirge na'n ròs,
 Beul a's bòi'che 'ni gàir'.
 Thug mi rùn, etc.

Pearsa dhìreach gun chearb,
 Aghaidh mhmeanbh-dhearg a ghràidh;
 Mar ghath gréine 's an fhaир'
 Tha do dhealbh a measg chàich.
 Thug mi rùn, etc.

Dosan liobharra réidh
 'S e gu h-éibhinn a' fàs:
 Tha e sìos ort na 'chléit
 'S air gach té bheir thu bàrr.
 Thug mi rùn, etc.

'N uair a rachainn-sa gu féill
 Bu leat fhéin seud no dhà;
 'S bhiodh tu cinnteach á gùn
 As na bùithean a b'fhèarr.
 Thug mi rùn, etc.

Ged bu leamsa le còir
 Na tha dh'òr anns a' Spàinn,
 Liubhrainn bhuam e le deòin
 Air son pòig bhò'n té bhàin.
 Thug mi rùn, etc.

Dh'aindeooin tuaileas luchd-bhreug
 Tha gach céill riut a' fàs,
 Tha thu firinneach réidh
 Bho'n là cheum thu air làr.
 Thug mi rùn, etc.

E I L I D H C H A M A R O N .

LE EÒBHAN MAC-LACHAINN.

Bha am Bard, aig an àm a rinn e an t-òran ciatach so, a' suireach ann an tigh a' Bhàilidh Chamaron ann an Coir'-uanain. Air marlann latha caillne, 1795, chuir a h-athair a stigh Eliah, agus i n'a caileig òig, do shèòmar a' Bhàird, le botul'n a laimh, a thoirt da a Challainne. An nair a dh' eirich am "fìldh barraichte," agus a thàinig e stigh thnn a' bhàird còmh-ladh ri muinntir an tighe, thog e Eilidh bheag, boidheach, air a ghluan a's sheinn e an t-òran so au làtharr na cuideachd.

FONN.—Air fàill ill o na hùg oirionn o,
 Air fàill ill o na hùg oirionn o.
 Air fàill ill éile na biùrabh ho-ro,
 Gaol nan cailin, 's gur a tù i.

Maighdean ùr nan dlùth-chiabhdh fàinneach,
 Eilidh Chamaron, nighean a' Bhàillidh:
 Binn mar théud na fìhl' a gàire—
 Chiad là 'n bhliadhna diolam dàn d' i.

Tha mo ghaol air do chùl dualach,
 'S do bheul meachair dh' fhàs gun ghruaiman ;
 Na 'n ruigeadh do cheann mo ghuallainn,
 Dheanainn strith m' an an leiginn bh'uam thu
 Bu tu 'n t-sòbhrach gheal-bhuidhe, ghreannar,
 Dh' fhàs a suas mu bhruaich nan alltan,
 Neòinein ùr nan lòintean gleannor,
 Reul air dhreach na maidne sàmhraidi.

'Seang-chorp sunndach, aotrom, fallain ;
 Craicionn sneachd mar chneas na h-eala ;
 Miann gach stàid' is àird' air thalamh,
 Bhi 'n caoinhneas-gràidh do dhà shùil mheallach.

Deud geal *i bhridh*, dionach, snaidhte,
 'S bòidhche fiamh na sgiamh na cailce :
 Bialan siùcar—òigh na maise !
 'S binne 'eeòl na smèòrach mhaidne.

Mar pheucaig chiataich fiamh do mhala ;
 Dà shuil ghorm fo chaol-rosg tana ;
 Làn do shùl mar dhriùchda meala—
 Dheanadh do rùn an diùe a mhealladh.

Eilidh Chamaron, 's tu tha bòidheach,
 'S do dhà ghruaiddh cho dearg 's na ròsan :
 Pòg mar shiùcar—rùn gach òigear ;
 'S gile do chneas na sneachd nam mòrbheann.

Sud mo dhùrachd dhuit gu toileil,
 Am meas, 's am mùirn, an eiliù, 's an onair ;
 Buaidh do d' shliochd, 's mo shliochd-s' an con-àgh,
 Mar choill ùir a' brùchdadhl toraidh !
 'S lionmhòr buaidh a fluair an ainnir
 Bho 'n chiad là għluais i 'n tùs air thalamh ;
 Am mìle trian cha deanainn 'aithris,
 Ged bu leam na ciada teanga !

O R A N.

A R I N N O I G H D'A L E A N N A N ' S E D O L A SHUIRICH

AIR MNAOI EILE AIR COMHAIRL' ATHAR.

~~AT III~~

O's tric mo shùil air an linne
A's air an fhireach is àirde;

'S tric mo shùil air mo dhéighinn,
Is e mo roghainn na dh'fhàg mi.

Thoir mo shoruidh do'n fhleasgach
A dh'fhalbh mu fheasgar le *bhare* uaimh;

Chuir mo leannan a chìl rium,
'S chuir e chùram air bàta;

Ged a dhiùlt thu dhomh 'n t-aiseag,
A righ gu faicinn-se slàn thu!

Ged a dh'ëitich thu rìmi dhomh,
Cha bu dùmhail mi d' bhàta.

'S tric a bha mi 's tu sìugradh,
Ann am bùthan na ràimhe.

Ann an coille nam badan
Is tric a ghlae thu air làimh mi.

'S cha b'e t' fhuath thug dhomh t'eiteach,
Ach mi bhi teisteil mu m' nàire.

Ach ma chaidh thu nunn thairis
A dh'fhios na cail' tha 'n Dun-seàthaich,

'S truagh a righ, nach tu gheibheadh;
Fuar fodha i 'n déigh a bàthaidh;

'S gach bean a chaidh luaidh riut
 A bhi 's an uaigh o cheann ràithe;
 Ach mise bhi fallain,
 A's thusa maireann 'na d' shlàinte;
 Thus' a's mise, 'laoigh ghaolaich,
 A bhi 'na'r n-aonar am fàsach;
 Sinn bhi 'n eilein 'nar dithis;
 O 's e mo chridhe tha 'n geall air!
 Sior thoiseach an dùbhlàich
 Dh' fhalbh mo stiùir 's mo chroinn-bhràgad,
 Ach a righ mhòir a' chruinne,
 Cum 'na thuradh 's na thàmh e;
 Gus am buanaich iad Muile
 Luchd a' chunnairt 's a' ghàbhaidh;
 Luchd a dhìreadh nan stuadhan
 Air muir ruaidh nan tonn àrda.
 Tha gaoth mhòr air an latha,
 'S uisge reamhar, trom, tlà ann.
 Tha do bhreacan fiuch fionn-fhuar,
 Gu b'e ionad ann do thàmh thu.
 'S truagh gun m'iudach, a ghaoil, agad
 Gu moch maduinn am màireach;
 'S e bhi rithis gun fhios uait,
 Seal mu 'm fiosraicheadh càch e.
 'S e do bhreacan ùr uasal
 A chum am fuachd 'uam is mi m' phàisdoim;
 'S tric a chum thu mi tioram
 Fo shileadh nan àrd bheann.

ILLE DHUINN.

SEISD.—Ille dhuinn, chaidh thu 'm dhìth!
 Slàn gu 'n till thu 's gu 'n ruig thu!
 Ille dhuinn, chaidh thu 'm dhìth!

Ille dhuinn a dh' fhalbh á Brògaig,
 Bidh mi brònach gu 'n tig fios ort.
 Ille dhuinn, etc.

Ille dhuinn an leadain àluinn,
 'S ann Di-màirt a dh' fhàg thu mise.
 Ille dhuinn, etc.

Dh' fhag thu mi air cnoc am aonar;
 'S léir do 'n t-saoghal mar tha mise.
 Ille dhuinn, etc.

Ille dhuinn an leadain dualaich.
 'S ann Di-luain a fhuair mi fios uait.
 Ille dhuinn, etc.

Ghabh iad *thusa* 'n arm Righ Deòrsa;
 Och mo leòn! cha ghabh iad *mis'* ann.
 Ille dhuinn, etc.

'S a' *mhilisi* an Dunéideann,
 Dh' fhalbh mo cheud-ghaol fo na h-itean.
 Ille dhuinn, etc.

Dh' fhàg thu mo shùilean gun léirsinn;
 Ann a' d' dhéigh cha léir dhomh litir.
 Ille dhuinn, etc.

Ach na 'n gealladh tu mo phòsadh,
 Chunntainn òr dhuit mar na sligean.
 Ille dhuinn, etc.

Mile marbh'aisg air na breugan,
 'S iomadh deuchainn gus an tig iad!

Ille dhuinn, etc.

Thog iad orm gu 'n robh mi aosmhòr,
 'S ann thuirt daoin' gun robh mi leth-chend
 Ille dhuinn, etc.

Ach na 'm pàigheadh iad mo shaothair,
 Dh' innsinn m' aois dhaibh ann an tiotan.

Ille dhuinn, etc.

Bliadh'n' 'ar fhichead, mios, a's ràithe,
 'N aois a tha mi, 's gu bheil fios air.

Ille dhuinn, etc.

Mile marbh'aisg air luchd an tuaileas,
 'S beag air an gluais iad droch mheas dhuinn.
 Ille dhuinn, etc.

Ni iad naigheachd do na breugan,
 'S bheir iad anns gach beul e chlisgeadh.
 Ille dhuinn, etc.

Ille dhuinn an leadain dualaich,
 'S òg, a luaidh, a bhuaire thu mise.
 Ille dhuinn, etc.

Ille dhuinn an leadain chraobhaich,
 Thug mi gaol ar aon gun fhios dhuit.
 Ille dhuinn, etc.

Ille dhuinn an leadain bhòidhich,
 'S ann fo bhròn a d' fhàg thu mise.
 Ille dhuinn, etc.

Ille dhuinn ma dh' fhàg thu 'n dùthaich,
 'S mòr mo chùram nis nach tig thu.
 Ille dhuinn, etc.

MARBHRANN



DO GHILLEASBUIG MAC-NA-CEARDADH,

A BHA 'NA CHLO-BHUAILTEAR GAIDHLIG, ANN AN GLASCHU.

LE DONNACHADH MAC DHUGHAILL,

AIR FONN :—“*Mort Ghlinne-Comhunn.*”

Cha 'n 'eil latha d' ar saoghal,
 Nach 'eil caochladh gach taobh a' teachd oirnn;
 Càirdean caidireach gaolach,
 A' dol dachaидh d' an eaol-thigh fo 'n fhòid;
 Müirn a's macantachd aoibhinn,
 Dol air theicheadh o 'n chloinn a ta beò,
 'S eridhe cràiteach 'g an claoideadh,
 'S àmhghar teinntidh neo-chaoimhneil 'gan leòn.

'S mòr am beud leam am buile,
 'Dh' fhàg gu deurach 's gu dubhach do chlann,
 A thigh'nn orts a le tuiteam,
 O nach d' éirich aon duin' achi an Ceann,
 'Rùnaich thusa 'na mhaitheas.
 A thoirt dachaидh gu maireanneachd bhuan,
 'S a bhi mar ghrian anns na flaitheas:
 Cùis 'ni bìdh* sinn, ged 'sgaradh thu uainn.

B'e do mhiann cuing na daorsa,
 Bhi bhàrr muineil nan daor-òglach truagh;
 'Slabhraídh ainneirt bhi sgaoilte,
 Deth gach neach a tha caoineadh fo 'n chuail;
 'S mòr de cheàrnaibh an t-shaoghail,
 Air an d' ràinig do shaothair le d' pheann:
 'N aghaidh sàrachadh dhaoblach,
 'Reic 's a cheannaich dubh-dhaoine 's an clann.

* Humble.

Thàrmaich annad-sa geur-chuis,
 'S rogha fradhaire gu léirsinn le tùr ;
 Gun chal air inntinn no reusan,
 Daonnan feart-bheachdail, réimeil a'd' rùn ;
 Dìreach, diognihalta, stéidheil,
 'S meidh an teampuill 'na reul-sholuis iùil,
 Dhuit gu ionsgaradh euceart,
 O na h-éiteinnean spéiseil a b' fhiù.

Bha do leasraidh-sa crioslaicht'.
 Mar dheadh ghaisgeach 'bha tric anns na blàir ;
 Le uchd-éididh nach bristeadh,
 Creideimh fior-ghlan roimh 'n clisgeadh gach nàmh ;
 Clogaid slàint' o'n Chrùm sgithich
 'Liubhradh dhuit-sa le Lighich' nan gràs,
 Air do cheann 'toirt dhuit misneich ;
 'S claidheamh siorruidh an Spioraid a'd' làimh,

Soisgeul sìth dhuit bu bhrògan,
 Leis gach armachd a dh' òrdaich Mac Dhé,
 'Chuir thu 'd' sheasamh gu stòlda,
 Air a' charraig nach fòirnear a stéidh ;
 Cha bu mhosgain no fòlach,
 A thog thus' oirr' ach beò-chlachan nèimh :
 B'e 'n Crann-ceusaidh do bhòsd-sa,
 'S fuil na h-iobairt do lòn fad do ré.

Bha thu suilbhír a's aoidheil,
 'San cùis dùrachd cha b' aotrom do rùn,
 Cha robh stà dol ri d' aodann :
 Bheirt' an stéidh leat o fhaoin-bheachdan tuith.
 Ceart mar fheallsanach teòma,
 'Thoimhseadh gairbhead a's caoilead gach sìorgh,
 'Sa dheanaanh soilleir do chaoiche,
 Nach robh 'na bheachdan ach caochagan smùir.

Thug thu mòr-ghean do d' dhùthaich;
 B' iomadh sgaineil, droch-bhiùthas, a's breug
 'Phill thu 'losgadh nan ùghdar,
 'Bha neo-chneasda, gun bhùnnlum, gun stéidh.
 Naimhdean as-caoineach, cliuchdach,
 Ro neo-chimmeadail, brùideil 'nam beus,
 Uailleil, atmhor 'nan rùnaibh,
 Gu 'bhi fògradh o 'n dùthaiach gach treubh.

Chuir thu Goill fo na casan,
 A rinn iolach 's gach baile d' ar tìr,
 Os-cionn breagan a's masgul,
 Air nach eulas a' shambail de spìd:
 Ach 'n uair 'fhuair thus' an glacadh,
 'S dubhain fhrith-bhacach, thaiceil 'n an giall,
 Phill thu iad, mar 'ni madraidih,
 Chum an sgeith féim a ghabhail 'na bhiadh.

Dh' fhalbh cùl-taice do 'n Ghàidhlig
 An là leagadh thu sàmhach fo 'n fhòid;
 'S tearc do leithid a dh' fhàg thu
 Ann an eòlas na càinain; 's cha bhòsd.
 Chuir thu arral fo shàradh,
 'S cha robh uaill no baoth-àighios a' d' chòir;
 'S liomhor sgoileir ro-làs-lail,
 D' an tug thu leasan a b' fheàird e r' a bheò.

'S mòr na ghabhadh e 'd' għluasad,
 No na chuireadh ort gruaman no fearg;
 Ni chuireadh cuid fo dhrochli-bhruaillein,
 Bhiodh e leatsa cho suail ri rud marbh.
 Na 'm bu phuing i bhiodh fuaighe,
 Ri d' chogais, no ri suaimhneas do shìth,
 Cha chual' thusa do chluain-chainnt,
 Na dhùisgeadh faileas a' bluairidh a' d' chrìdh'.

'S mòr na chaill do luchd-dùthcha ;
 Bha thu dileas le dùrachd dhoibh riamh ;
 A' d' cheann-uighe 's a' d' chùl-taic',
 Mar dheadh athair 'g an stiùradh le rian.
 Bha do chaomh-bhean cho fialaidh,
 'S a tharruing anail á cliabh anns an fheòil ;
 Cha bhiodh dìobarach iarraidh
 Ris nach roinneadh i biadh deas a beòil.

'S fhada beò bhios bhur cuimhne,
 Aig mòran 's aig muinntir bhur gràidh ;
 'S lionmhòr beannachd r'a chluinntinn.
 Tha g' ar leantuinn a dh' ionnsuidh bhur tàimh.
 Gu robh deòir-dhealt gach feòirnein,
 Moch a's ammoch a' dòrtadh le bàigh,
 O am bàrr air bhur còmhdaich,
 'S a' dearcadh crom-cheannach brònach d' 'ur n'àit'.

Suain ro-sheasgar d' 'ur cnàmhan
 Gus an dùisg sibh là bhràth ás an uaigh ;
 Le bhur eulaidh neo-bhàsmhor,
 A thoirt còmhail a's fàilte do 'n Uan.
 Cuirear pailm ann bhur làmhan,
 Mar nach biodh sibh am fàsaich na truaigh',
 'S bi'dh grian shìorruidh na slàinte
 Dhuibh 'na beatha 's 'na h-àgh gu bith-bhuan.

A MHAIRI BHOIDHEACH. ✓

SEISD.—A Mhàiri bhòidheach, 's a Mhàiri ghaolach,
 A Mhàiri bhòidheach, gur mòr mo ghaol ort,
 A Mhàiri bhòidheach, gur tu a chlaoadh mi,
 'S a dh'fhàg mi brònach, gun dòigh air t-fhaotainn.

A Mhàiri bhòidheach, gur mor mo ghaol ort,
 Gur tric mi cuimhneachadh ort 's mi m'aonar,
 Ge do shiùblainn gach ceum do'n t-saoghal;
 Bi'dh t'ionathaigh bhòidheach tigh'n beò gach taobh dhiom.
 A Mhàiri bhòidheach, etc.

'S truagh nach robh mi 's mo Mhàiri bhòidheach,
 Ann an gleannan faoin a's ceò air —
 'S ged bu rìg mi 's an Roinn-Eòrpa,
 Cha'n iarrainn pòg ach o Mhàiri bhòidheach.

A Mhàiri bhòidheach, etc.

Ach chithear féidh air sgéith 's na' speuran,
 'S chithear iasg air àird nan sléibhteann :
 Chithear sneachda dubh air gheugan,
 Mu'm faicear caochladh tigh'n air mo spéis dhuit.

A Mhàiri bhòidheach, etc.

O Mhairi ! lughdaich thu mo chiall domh,
 Tha mo chrìdh' le do ghaol air lionadh ;
 Tha gach là dhomh cho fad ri bliadhna,
 Mur faic mi t'aodan a ta mar ghrian domh.

A Mhàiri bhòidheach, etc.

Do shùilean meallach fo d' mhala bhòidheach,
 Do bhilean tana air dhath nan ròsan ;
 Slios mar chanach an gleannan mòintich.
 'S do ghruaidh mar chaorunn fo sgéith nam mòrbheann.

A Mhàiri bhòidheach, etc.

Co chi Mhàiri 's a's urrainn àicheadh,
 Gu bheil a chridhe laist' le gràdh dhi,
 Thug i barrachd ann an àilleachd,
 Thar gach maise tha fàs san àl so.

A Mhàiri bhòidheach, etc.

C'ait' am faicear san t-saogh'l bean t'aogais,
 Cha 'n 'eil i idir ann ri fhaotuinn
 Am maise 'n tuigse 'san deagh bheusan,
 Tha thu ro àrda os cionn gach aon diubh.

A Mhàiri bhòidheach, etc.

Fhir a shiubblas thar tonnan uaibhreach,
 A dh'ionnsuidh Innsean eigin nan cuaintean ;
 Thoir gach siod' agus ni tha luachmhor,
 A dh'ionnsuidh Mhàiri a rinn mo bhuaireadh.

A Mhàiri bhòidheach, etc.

Eòin a's moiche a théid air sgiathan,
 'S a dhìreas suas ann an àird na h-iarmailt,
 Na bitheadh là a thig fad na bliadhna.
 'S nach seinn thu ceòl do mo Mhàiri chiataich.

A Mhàiri bhòidheach, etc.

Ach cha dean eala air slios nam mòr-thonn.
 Cha dean smèòrach am badan bòidheach ;
 Cha dean gach inneal ciùil ach crònana,
 'Nuair a sheinneas mo Mhàiri bhòidheach.

A Mhàiri bhòidheach, etc.

Ge do bhiodh mi gu tùrsach cianail,
 'S mi le cùram air mo lionadh
 Ni do ghnùis-sa tha mar ghrian domh,
 Mo chridhe sunntach 'n uair thig thu m'fhanuis.

A Mhàiri bhòidheach, etc.

Gu ma slàn do mo Mhàiri bhòidheach
 Ge b'e àite 's am bi i chòmhnuidh,
 'S e mo dhùrachd-sa 'm fad 's a's beò mi,
 Gu'm bi gach sòlas aig Mhàiri bhòidheach.
 A Mhàiri bhòidheach, etc.

CADAL CHA'N FHAIGH MI.

SEISD.—Cadal cha'n fhaigh mì
 Cadal cha'n fhaigh mise ;
 Cadal cha'n fhaigh mì
 'Cuimhneachadh air d'fhuran.

Tàmh cha d' fhuair mi 'n raoir,
 Cha'n fhaigh mi nochd na h-urad ;
 'Cuimhneachadh mar bhà
 Sinn 'an tigh bàn nan uinneag.

Bha mi air an fhéill,
 Bha na ceudan mar rium ;
 Bha mo leannan ann,
 'S gann gu'n d' rinn e m' fharraid.

Thuirt an duine 'n dé :
 " Na'n tréigeadh tu do ghealladh
 Ghleidhinn dhuit fear-maoin,
 Le chrodh-laoigh air ghleannaibh."

Ged gheabhairinn-se fear-maoin,
 Le 'chrodh-laoigh air ghleannaibh
 B' annsa leam an t-digeir
 As a chòta-cheannaich.

Cha bu ghreusaich' bhròg
 Rinn mo leòn cho buileach ;
 Ach òganach deas ùr
 Chuireadh smùid á gunna.

Cadal cha'n fhaigh mì,
 Ciamar 'gheabhairinn cadal ;
 Ghoid thu bhream mo chiall,
 'Ghiomanaich a' għunna.

MO RUN AIR AN OIGH. ✓

LE IAIN MAC-A'-CHLEIRICH.

FONN :—“*Ho ro, cha bhi mi ga d' chaoidh nis mo.*”

SEISD.—Mo rùn air an òigh tha chòmhuidh 'n Cilliain,
 Bho'n fhuair mi ort eòlas 's tu òg-bhean ga m' mhiann,
 Mur fhaigh mi nis còir ort le pòsadh, a chiall,
 Bithidh mise na m' fhògarach brònach a' triall.

Their euid rium gu spòrsail gur góraich mo smaoin,
 A's geill thoirt do dh' òg-bhean gur dòigh e ro fhaoin ;
 Nam meallainn-se sòlas mar 's còir do gách aon,
 Mi sheachnad na h-òigh ud a còmhradh 's a gaol.

Ach co bheir air grian gun dol siar anns an là,
 No 'r fairge nan liath-shruth gun iarraidh gu tràigh,
 Ri bruthach co stiùras abhainn Dù' lais gu bràth ;
 A's co e le dùrachd a mhùchas an gràdh !

Ach O, 'san tha 'n gaol do gach aon tha fo nèamh
 Mar shnothach do 'n chraoibhe 's e sgaoileadh gu sèanh ;
 Ma bhacas tu 'dhireadh no spionas tu 'fheumh ;
 Cha 'n fhàg thu da rìreadh ach crionach gu'n sgèimh.

Cha 'n e gorm shùilean àillidh no bànn mhuineal mìn,
 No beul o 'm binn gàire a thàlaidh riut mi;
 Ach maitheas 'bha ghnàth leat a's àrdan neo-chli,
 An caoimhneas bha 'd nàdur, 'sam blàths a bha' d' chrìdh.

THUG MI GAOL DO'N FHEAR BHAN.

SEISB.—Thug mi gaol, thug mi gaol,
 Thug mi gaol do'n fhear bhàn;
 Agus gealladh dhuit-se 'luaidh
 O, cha dual dhomh b'ki slàn!
 Thug mi gaol, etc.

Chaidh am bàta troimh na chaoil,
 Leis na daoine Di-màirt;
 'S mise phàigh am faradh daor,
 Bha mo ghaol air a clàr.
 Thug mi gaol, etc.

Chunn'cas long air a' chuan,
 'S i cur suas nan seòl àrd,
 'N uair i dhiùlt i dol mu'n cuairt—
 Bha mo luaidh-s' air an t-snàmh.
 Thug mi gaol, etc.

Tacain mu 'n do luidh a' ghrian,
 Bha mi 'n fianuis mo ghràidh,
 Tha e nis an grunnd a' chuain,
 O, gur fuar àite tàimh!
 Thug mi gaol, etc.

Bha mi 'bruadar an raoir,
 A bhi 'n caoimhneas ri m' ghràdh;
 'S 'n uair a thug e ri um a chùl
 Shil mo shùilean gu làr.
 Thug mi gaol, etc.

(Signature of the author)

Bha mi deas a's bha mi tuath,
 Bha mi 'n Cluaidh uair do dha;
 Dheth na chunna mi fo'n ghréin,
 Thug mi spéis do 'n fhearr bhàin.
 Thug mi gaol, etc.

Cha téid mise 'thigh a' chiùil,
 Thuit mo shugradh gu làr,
 Bho'n a chualas thusa rùin
 'Bhi 's a' ghrùnnnd far nach tràigh.
 Thug mi gaol, etc.

ORAN DO LACHLANN OG MAC IONMHUINN. ✓

LEIS AN AIGEANNUI CHIGHNEAN DHONUILL GHUIRM.

1. Gu'n tug mi 'n ionnsuidh bhearraideach,
 Mur do mheal thu m' aithne mi,
 Cha b' e d' fhuath thug thairis mi
 Ach d' aithris air bhith falbh :
 Cha b' e d' fhuath, etc.
2. - Ma chaidh thu nunn thar linntichean,
 O gu ma slàn a chi mi thu
 Fhir chùil dualaich shniomhainich,
 'S ann leat bu mhiann bhi mòr ;
 Fhir chùil, etc.
3. - Bu mhiann leat bàta dionach 's i
 Gu cumtadh, fuaighte, finealta
 A rachadh suas 's nach dibreadh i
 'S a chiosnaicheadh muir mhòr.
 A rachadh, etc.

- 4.** — Le d' sgioba treubhach furachail
 Bu ro mhaith féum 's na ruinigil,
 A ghleidheadh air bhàrr tuinne i
 Cheart ain-deoin cur is ceò.
 A ghleidheadh, etc.
- 5.** Gu 'n innsinn cuid do d' àbhaistean,
 'N àm dol air tìr am bàghan duit
 Bhiodh fion a's branndaidh làidir ag
 Cuir blàth's air gillean òg.
 Bhiodh fion, etc.
- 6.** Gu 'm faighte cuirm gun easbhuidh
 'S an tigh mhòr nach foghnadh beagan doibh
 Bhiodh òl is ceòl nam feadan ag
 Co-fhreagaradh mu d' bhòrd.
 Bhiodh òl, etc.
- 7.** Bu dual duit sud o d' shinnseireachd,
 'N àm suidhe gu do dhinneir dhuit
 Bhiodh clàirseirean, bhiodh plobairean,
 'S bhiodh fileirean, ri ceòl.
 Bhiodh clàirseirin, etc.
- 8.** Gur maith thig leine 'n anart dhuit
 Thig triubhas caol ro ainneamh dhuit,
 Bròg bhileach, dhubb ga teannachadh
 Mu 'n troigh nach gearain leòn.
 Bròg bhileach, etc.
- 9.** — Thig còta 'n eudach Spaineach dhuit
 Théid gini 's crùn a phàidheadh air,
 O cha 'n 'eil cron r'a àireamh ort
 Ach àillealachd do neòil.
 O cha 'n 'eil, etc.
- 10** — Gu 'n tig na h-airm gu h-innealcta
 Air eile an erios iomachair;

Lann thana, gheur, ghorm, ghuineach,
A's i fulangach ni 's leòr.

Lann thana, etc.

- 11.** 'N lann ris an caint an tri-chlaiseach,
I ùr a's sàr cheann Ileach innt',
Fuidh 'n ghualladh thiugh nach dìbreadh i
'S i dileas sios gu d' dhòrn.

Fuidh 'n ghualladh, etc.

- 12.** Airm eile gu 'm bu mhiannach leat,
Bhiodh daga air ghleus sniomhain ort,
Sgian chaol d' an t-seòrsa liomharra
Fior innleachdach o'n òrd.

Sgian chaol, etc.

- 13.** Gur maith thig adhare mheanbh-bhreac dhuit,
Streang shiod' is stapuil airgid innt',
Gunna caol air ghleus neo-clearbach
Leis an deant' an earb a leòn.

Gunna caol, etc.

- 14.** Ge b' e chasadhl eucoir ort
'S tu anns an airm 's an éideadh ud
Gur barail leam gu 'm feumadh e
Bhi tigh'n a' d' réir d'a dheòin.

Gur barail, etc.

- 18.** Bi'dh chlann sin mhic mhic Alastair,
O Chnòideart 's o Ghleann-garaidh leat,
An aon Triath neart gach caraid leis
Am maith sibh a bhi beò.

An aon, etc.

- 19.** Bi'dh mac mhic Ailein Armailtich
A's uachdaran Chlann Chamroin leat
A' sior dhol suas an ainmealachd
Le 'n aignidh meamanach mòr.

A' sior dhol, etc.

COMHAIRLE MATHAR D'A MAC.

LE FLORAIDH NIC-A-PHI, BAN-ILEACH.

Chuala mi Di-dòmhnuich
 Gu'n robh thu dol a phòsad ;
 Ach tha mi 'n dùil 's an dòchas
 Nach taobh thu 'n Oa ghrannda.

Na taobh an Lagan iosal ;
 Chan 'n 'eil ann ach crìonach,
 Mar chraobhan a ghabh spionadh
 'S a chinnean dìg a' ghàraidh.

Na toir craobh o'n amhuinn leat ;
 O bhàrr an dùin tha meangan di ;
 Coma leat an rabaid
 Chaidh phronnadh chois na tràghadh.

'So 'n a thug mi 'n choille thu
 Feuch gu'n dean thu taghadh oirr' ;
 'S coma leat an seilleach
 Gus an teirig fiodh is feàrr ort.

Na taobh a' choille chròeach ;
 Coma leat an seòrsa ;
 Ach an iùbhrach a tha bòidheach
 An Gleann na smeòraich làimh rint.

ORAN A' MHARAICHE.

SEISD.—Ochòin, cha taobh tuillidh
 Cha taobh, cha taobh tuillidh,
 Ochòin, cha taobh tuillidh,
 Na cruinneagan mi.

Na tagh té le stòras,
 Gheobh thu tric air do bhòrd e,
 Tagh té nach bi spòrsail
 'S théid sibh còmhla le sìth.
 Ochòin, etc.

Ged 'tha mise gun stòras,
 Gun chrodh air mo lòintean,
 Naile! chumainn-sa lòn riut,
 Ged is seòladair mi.
 Ochòin, etc.

Ged 'tha mise gun earras,
 Gun spréidh 'as gun fhearrann,
 Naile! chumainn riut aran,
 Ged is maraiche mi.
 Ochòin, etc.

Na 'm bithinn-s' aig baile,
 Ràithe Geamhraidh no Earrach,
 'S mi nach leigeadh mo leannan
 Le balach gun strìth.
 Ochòin, etc.

>
 'S gur e mise tha tùrsach
 'S mi aig cuibheal na stiùrach
 Tha mo leannan 'toirt cùl rium,
 'S fear ùr air a ti.
 Ochòin, etc.

Nam bithinn-sa 'n lathair
 'M uair a thug thu do làmh obi
 'S ann a dh' fhaoileadh do chàisean
 Dhol a charadh do chuir.

Tha mo chion air an ainnir,
 Oigh ùr a' chùil chlannaich
 Tha do shlios mar an eala,
 'S tu 's maisiche 's tir.
 Ochòin, etc.

'Ill' òig tha ga 'm éisdeachd,
 Mu'n deanar do 'theumadh,
 Thoir an aire mu'n leum thu,
 Nach téid thu 'san dìg.
 Ochòin, etc.

'S ioma oidhche le aighear
 Thug mi'n cuideachd nan cailean,
 'S bho'n a tha mi nis falamh,
 Cha'n fharraid iad mi.
 Ochòin, etc.

Cha téid mise ri 'm mhaireann,
 Do dh' lle no dh' Arainn
 Gheibh mi té aig a' bhaile,
 Ged bu bhanarach i.
 Ochòin, etc.

Cha téid mise gu banais
 Gu féill no gu faighir,
 'S ann a bhios mi aig baile,
 Bho nach fharraid iad mi.
 Ochòin, etc.

CATH ALM A.

LE DUGHALL MACPHAIL.

AIR FONN.—“*An am dol sios bhi deònach.*”

A cheòlraiddh uasal, 's tric a għluais
 Mo bhuaðhan an tùs m' òige,
 Gu dealbh nan rann fo sgàil nam beann;
 O! thig san àm gu m' chòmhnaadh,

Gu bhi ri iomradh ann am dhàn
 Air cliù nan sàr-laoch eròdha
 Nach d' fhàilnich riamh air muir no tìr,
 A dhion na Rìogh'chd 's na còrach.

A shliochd nan sonn, bho thìr nam beann,
 Nan raon, nan gleann 's nan réidhlein ;
 A chlann nan Gàidheal, s e 'ur stàilinn
 Dheanadh àr a's reubadh ;
 Tha eachdruidh làn d' ur 'n euchdan àrd,
 Do chruas 'ur làmh 's d'ur tréine,
 Ri uchd gach nàmhuid be 'ur n-àbhaist
 Buaidh no bàs, mu'n géilleadh.

'Nuair thug an Russach ionnsuidh fhuilteach
 Air an Tuirc le fòirneart
 Gu toirt fo chìs ; 'sa luaig e sìth
 Gach rioghachd 'san Roinn-Eòrpa :
 'N sin dh'éirich Breatunn a's an Fhraing
 Le'n cunhachd toinntè còmhla,
 Am banntaibh dlùth le *Omar Pasha* :—
 'S iad mar lànain phòsda.

Mu'n gann a fluair iad dol gu tìr.
 Air ìsleach Bhaileclabha,
 Bha feachd nan Russaineach fo'n gleus,
 Air àird' an t' sléibh aig Alma,
 Mar choilich dhùmain a' toirt dùlain
 Do na diùnnlaich àluinn,
 Nach faigheadh dlùth dhoibh taoblh an sùil,
 Ach ann an sùil na làmhaich.

Ach beò no marbh, cha 'n fheudta stad
 Ach suas gu grad nan còmhail ;
 Cha robh dol ás bho 'n teine chiùrrail ;
 Ach tigh'n dlùth ri 'n sgòrnain ;

'S ioma fiuran ùr neo chlaon,
 Gun ghìomh, gun ghaoid, gun fhòtus
 A thuit gu lär an suain a' bhàis,
 Mu'n d'fhuair sibh àird a' chòmhnaid.

Tharruing Raglan a's Canrobert—
 Na fir chogaidh uasal—
 Am feachd shluagh taghta air an adhart—
 Dhol ri aghaidh bualidh ;
 Ach ged bha Sassunaich us Frangaich
 Clis neo-mhall 'san tuasaid,
 'S iad na Gàidheil 'rinn a bheàrn
 A chuir an là gu buadhach.

Bha *Batri* mhùrtail aig an Russaineach
 Air 'uchd an aonaich
 A' dòirteadh sios nan garbh-fhras siontach
 Mar chruaidh-ghliob 's an fhaoilteach,
 Bha'n teine trom ud ri mòr-dhiobhail.
 'Sgathadh sios nan laoch geal—
 A's cha be 'n sùgradh tarruing dlùth
 Ri beul na fùrneis chraosaich.

Ach si'n Reiseamaid dhubb. ghaisgeil
 Fo' Shir Cailein Caimbeul—
 Curaidh treun nan ioma blàr—
 Bha' chliu ro àrd mar cheannard—
 A tharruing suas gu dileas dlùth
 Gun gheilt air cùl a shàlach,
 'S a chuir na gunnairean 'san tuimhnich
 Le geur rionn na stàilinn.

'N uair a chunnecas air a' bhearradh
 Na fir gheala lùthor,
 Buidhean ghlan nam breacan uallach
 D'an robh 'bhuaidh mar dhùthchas

Mu'n gann a fhuair iad buille 'tharruing,
 Leis na lannan geura
 Ghabh na Russainich an ruaig
 A's bhuail iad an *Ratreuta*.

Bha sian an àigh mu chom a' churaidh,
 Urranta, ghlan, mhreamnach
 A bh'air 'ur ceann gun sgàth gun eagal
 Ris an teine mharbhtach—
 Ach air mo laimh, 's e féin a dh'fhaodadh,
 As a dhaoin' bhi earbsach—
 Be'n iolach-chatha—“Buaidh no bàs ”—
 'S an àbhaist anns gach aimsir.

'S iomad làrach ri uchd fear-ghniomh,
 'S an do dhearbh sibh cruadal,
 Na fola prìseil uasal rìoghail
 'Bu ghlan li 'nur gruaidhean—
 À's gus an deachaidh crioch le onoir,
 Air a' chogadh bhuan ud
 Dhion sibh cliù na tir a' dh'fhàg sibh,
 Anns gach spàирн a's cruaidh-chas.

NIGHEAN DONN NAN REIDH-SHUHL.

AIR FONN:—“*Gur trom, trom a ta mi.*”

'S tu nighean donn nan réidh-shùil,
 D' an tug mi spéis 's cha b' aireach leam,
 Cha 'n fhaic mi 'measg nan ceudan,
 Bean aogais réidh mo leannain-sa.

Do bhilean mar na ròsan,
 Cneas bòidheach mar an canach leam;
 'S gur òg chaidh mise 'bhuaireadh,
 Le rugha gruaidh mo chailein-sa.

Do dhà shùil ghorm tha bòidheach,
 'S tu'n òg-bhean donn bu chuideachd leam,
 'S 'on thug mi féin mo spéis dhuit,
 C'ar son a thréig thu buileach mi?

Ged rinn thu mise fhàgail,
 'Sa thug thu gràdh do 'n fhleasgach ud,
 Dh' fhaoid' mu'n tig Feill-Pàruig,
 Gu 'n tig am bàs g'a leasachadh.

'S gu 'n glais e teann fo'n fhòid mi
 'S nach faic mi pòsd' aig balach thu,
 'S bith 'n eridhe rinn thu 'sgàineadh,
 Na laidhe mhàin 's cha charaich e.

Na laidhe anns an smuirean
 'S cha chluinn e dé théid aithris air,
 Ach dh' fhaoid' gu 'n tig thu uair-eigin
 A chum na h-uaigh 's an cadail mi.

'S gu 'n can thu, "Och mo thruaighe
 Bha 'm fear so uair 's bu toil leis mi;"
 Bidh mi gu bràth gun chòir ort,
 'S e gainne m' òir is coireach dha.

Cha tarrning mi ri sùgradh
 'Tha mi gun lùth 's gun fhaireachdinn
 'S e 'n gaol a rinn mo leònadh,
 'S a chaoidh ri m' bheò cha charaich mi.

ORAN DO GHLASCHU. ✓

LE D. MAC-A-PHEARSAIN.

AIR FONN.—“*Mort Ghlinne-Comhunn.*”

'S mi so an Ghlaschu nam bùithean,
 Far bheil fasain a's ioghnaidh gu leòir
 Leis na chunnaic mo shuilean,
 Tha mo chridhe air dùsgadh gu ceòl,
 Sluagh mar sheangain gun àireamh
 Ruith gach rathad 's na sràidean nan deann,
 Am measg toit a's droch fhàile
 'S pailteas fearainn dol fàs feadh nan gleann.

Ged tha Ghlaschu cliùiteach
 Anns na fasain a's tìre fo'n ghréin,
 'S iomadh trioblaid a's neòghloin
 Tha luchd misg toirt dh'an déoin orra fhéin ;
 Cha 'n 'eil bainne ann ri fhaotainn,
 An deoch is feàrr air an t-saoghal gu léir,
 Ach beirm làidir a' chaochain,
 A' cur mhnathan is dhaoin' as an céill.

Dol troimh Mhargadh an t-shalainn,
 Far an lionmhòr luchd malairt an éisg ;
 'S iomadh bodachan peallach,
 Bhios a' seinn air gach ealaidd fo'n ghréin,
 Cailleach mhòr, bhuidhe, ghris-flionn,
 'Figheadh stocaidh a's plob ann na beul,
 Ag éigheach, “ Sgadan Lochfìne,”
 'S i air tùchadh le innseadh nam breug.

Ged as àillidh an sealladh,
 Mnathan uaisle a' bhaile gu léir ;
 Ag imeachd feasgar 'na Sàbaid,
 Air sràid Earraghàidheal nan seud,

Sioda còmhdaich gu'n sàiltean
 'S iad a' sguabadh na sràid as an déigh,
 Le gnùis-bhrat 's cochuill làmh orra,
 'S gun na fiaclan slàn ann nan deud.

Chi mi caile chinn ghuanaich,
 Le falt ceannaich a fhuair i an dé,
 'S a' bhoineid thall cùl a cluasan ;
 Mar tha air adharean luachrach an t-shléibh ;
 Ged is stuireanach, caol-chasach,
 Astarach, eutrom, a ceum ;
 Cha bhiodh a pògan ach searbh leam,
 'S fiaclan tilgte dhaoine marbh ann na beul.

'S bochd an sealladh tha agaínn,
 Air oidhche Di-sathuirne fhéin ;
 Fir a's mnathan a' caonnag
 'S an clann leth-ruisgte caoineadh nan déigh,
 Fuil ga'n dalladh 's na sùilean
 'S iad le anacainnt toirt dùlan d' a' chéil,
 'S nan deanadh Gàidheil an tòrn ud
 Bhiodh iad ainmeil nan dùthaich na dhéigh.

IS FADA MI 'M ONARAN.

SEISD.—Is fada mi 'm ònaran
 'S fada mi, 's mi leam fhein,
 'S eian o thìr m' eòlais mi,
 'S fada mi m' ònaran.

Is fad' tha mi o chaol-Muile,
 Am bi na luinngeis a' seòladh air,
 Is fada mi etc.

'S mi 'm shuidh' air an tulaich,
Lion mulad ro bhrònach mi.

Is fada mi, etc.

B' fheàrr tàmh aig a' bhaile,
Na 'mhachair, ge còmhnaid i.

Is fada mi, etc.

Tha an sluagh gu neo-charthant;
'S cha'n aithnich a h-òighean mi.

Is fada mi, etc.

'S mi gun fhiodhall, gun chlàrsach,
'G éisdeachd bàirich nam bòanan.

Is fada mi, etc.

Mi gun bhoineid, gun suaineach;
'S am fuachd air toirt leòn' orm.

Is fada mi, etc.

Ann am bothan beag barraich;
Cha tig caraid 'g am fheòraich ann.

Is fada mi, etc.

Ach nam bithinns' 's an Apuinn,
Gheibhinn caraid 's fear eòlais ann.

Is fada mi, etc.

Far am bi na mna'n bréid-gheal
Là-feille, 's gur bòidheach iad.

Is fada mi, etc.

A bheinn ghorm ud, m' am choinneamh,
Leam is soilleir do neòineinean.

Is fada mi, etc.

'S tu eur am chuinhne, le t-àilleachd.
Far am b' àbhaist mo chòmhnuidh bhi.

Is fada mi, etc.

'S mi air àiridh a' għlinne,
 'G éisdeachd binneas nan smèòraichean.
 Is fada mi, etc.

O R A N .



LEIS AN LIGHICHE MAC LACHAINN NACH MAIREANN.

AIR FONN.—“*Thoir a nall dhuinn am Botal.*”

'S trom tiāmhaidh mo chridhe aig imeachd troimh'n ghleann,
 Gun chòmhail, gun choinneamh, ged 'si'n Nollaig a th'ann,
 Le m' shùil air an fhàsach, 's na làraichean lom,
 Far am faca mi 'n Gàidheal ri àbhachd le sunnd.

Cha'n fhaie mi ann duine, ach cluinnidh mi 'n Gall
 A' sgriachail r'a chuilein air a' mhullach ud thall;
 'S chi mi na caoirich, 's muilt mhaola nach gann,
 'An àite nan curaidh, 's nan cruinneagan donn.

Cha chluinn mi 's cha-n fhaic mi na b' aithne dhomh uair,
 Ach na cnocan 's na h-easan, 's na creagan ud shuas;
 Bu chaomh leam an sealladh aon choileach air dùn,—
 Ged a b' éigin domh 'bhreabadh, cha bu bheag orm an cù.

Ag ionndrainn nam feara, a' cheathairne chòir,
 A bheireadh dhomh cuireadh le furan gun ghò;
 Cha chluinn mi 's cha 'n fhaic mi na fleasgaichean òg,
 'Dol cruinn air an achadh le 'n camain 'n an dòrn.

'S iad a chuireadh an iomain 's a leanadh i teann;
 Cho luath ri buic earba feadh garbhlach nain beann,—
 A bhuaileadh na buillean gu curanta, cruaidh,
 A' comh-strìth ri 'chéile gun bhréine, gun ghruaim.

'N uair a sgaoileadh an comunn an deighinn trà-nòin,
 'S a shuidheadh gach buidheann gu subhach mu 'n bhòrd,
 Bhiodh seanfhear an tighe, na nnathan, 's a' chlann,
 Ag òl air a chéile gun eislean, gun ghreann.

Am sònruicht' de 'n oidhche 'n uair rachadh iad cruinn,
 Bu shunndach 's bu chridheil an fhidheal a' seinn;
 Na gruagaichean teisteil, 's na fleasgaichean treun,
 A' dannsadh gu h-innealt, 's ri mireag gun bheud.

Grais roimh dheireadh na h-oidhche 'n uair a sguireadh a'
 chuirn,
 'S a shuidheadh an còmhlann gu stòld' air na fuirm,
 Gu'm b' éibhinn 'bhi 'g éisdeachd nan éideagan grinn,
 'Togail nan luinneag cho milis 's cho binn.

Tha mise 'n so 'm ònrachd ag imeachd troimh 'n ghleann,
 Mo shùil air an fhàsach le làraichean lom,
 B'e 'n t-ioghnadh na'n cinneadh mo chridhe cho fuar,
 'S nach tigeadh a' mhuinntir 'am chuimhne 's an uair.

'S TROM MO CHEUM 'S MI LEAM FHEIN.

SEISD.—'S trom mo cheum 's mi leam fhéin,
 As do dhéigh cha bhi mi fallain;
 'S trom mo cheum 's mi leam fhéin.

Cha dean mi 'n bruthach so dhìreadh,
 'S fhada bh' uam a chì mi sealladh.
 'S trom mo cheum, etc.

'S fhada bh' uam a chi mi Diùra.
 Agus Siùna ghuirm a' bharraich.
 'S trom mo cheum, etc.

Chi mi Müile nam beann-mòra,
 'S a' Mhorairne bhòidheach ghleannach.
 'S trom mo cheum, etc.

Chi mi Muile nan beamn fuara,
 Far am bheil mo luaidh a fanachd.
 'S trom mo cheum, etc.

'S e chuir mi cho fad' an tòir ort,
 Mheud 's a fhuair mi 'd' chòmhradh fallaich.
 'S trom mo cheum, etc.

Dh'fhàg thu mi mar uan gun mhàthair,
 'S cha 'n 'eil fàth dhomh bhi g'a ghearan.
 'S trom mo cheum, etc.

Ach fhìr a dh' imicheas thar na gualla,
 Giùlain uam-sa mile beannachd.
 'S trom mo cheum, etc.

Thoir mo shoiridh thar an t-sàile,
 'S dean a fàgail anns na Ceallaibh.
 'S trom mo cheum, etc.

'S innis do Mhac-Ille-Mhaoil,
 Gu bheil e caochlaideach 'na ghealladh.
 'S trom mo cheum, etc.

Mo ghaol fear an leadain shniomhain.
 Chaidh thar Rudh'-an-Fhiarin thairis.
 'S trom mo cheum, etc.

Gruaidh is deirge 'na an caoran,
 Thàlaidh thu mo ghaol gu daingean.
 'S trom mo cheum, etc.

Meur is grinne th'air an sgrìobhadh,
 Cha 'n ioghnadh mise bhi ga d' leanait.
 'S trom mo cheum, etc.

Beul is binne 'gabhal òrain,
 'S e do cheòl a rinn mo mhealladh.
 'S trom mo cheum, etc.
 'S ged nach biodh rium ach do chùlthaobh,
 Fàileadh ùbhlan tha do 'd anail.
 'S trom mo cheum, etc.

ROSAN AN LETH-BHAILE. ✓

LE ÈÒBHAN MAC COLLA.

Bho'n ghleann 'san tric gun éireadh ar gràdh d'a chéile
 O cha 'n e fuaim na gaoithe an raoir chum an eadal uam ;
 Droch phris air crobh na caoich, no idir beud bho ghadichean ;
 'S e mhill mo thàmh, 's bu leòir sud, mo rùn geal-òg bhi fada nis
 dh'aidich sinn.

Seinn cliù na h-ainnir bhòidheich nd, Ròsan an Leth-bhaile,
 A chaileag laghach mhòlhar ud, Rosan an Leth-bhaile ;
 'S math bhuineadh dha bhi sòlasach, òranach, ceileireach
 Fear gheibheadh gealla-pòsaidh bho Ròsan an Leth-bhaile.
 'S math dh-fheudas muinntir Chòmhlaill bhi mòr-chuiseach ma
 m' leannan-sa,
 'S gach filidh a ni òran bhi seinn m' a dòighean banalta ;
 'N uair bha i bhos an taobh so, 's gann fhuair mi féin aon
 sealladh dhi ;
 'N uair thainig orm a gaol ceart mar thig air eraobh an dealanach.
 Seinn cliù, etc.

Gu'm molainn do gach òigfhear a gheibh bhi chòir na finne ud
 Bhi seachnach air a miog-shuil mar math leis cri'-leon tinn-easach,
 Mur sud 's an t-òr-fhalt deàrsach is tric a' snàmh m'a slinn-einibh
 Mur bhoillsgeadh gealaich làn oidhche shamhach air linne mach.
 Seinn cliù, etc.

Cha-n iongantach mo luaidh-sa bhi suairce, deas cinneadail,
 Cha-n ann an coill' a' chrònach tha 'm freumh o'n do ghineadh i,
 Tha ghéig de stoc is àirde, 's tha bhìath sud air mar chinnich i,
 'S ged tha i fathast uaine tha 'buain air aire ionadh fear.

Seinn cliù, etc.

B'è fein, 's mo rùn air làimh aige, 'm fear gun ghràs gun duinealas
 Nach àideachadh gu'm b' fhaoin leis 'na h-àite maoin na
 cruinne so;

Ged b' ann an bothan-àiridh bu leam-sa gràdh na cruinnaig ud
 Cha mhinic talla rioghail 's am faichte 'n aoidh a bhuiheadh dhomh.

Seinn cliù, etc.

'S truagh gun bhi 'n duigh le m' annsachd 's an t-sean-doigh
 ghasda bhòidheach ud

'Cur seachad tim an t-Samhraidh 'an Còmh'l nan gleannta
 seòbhragach!

Measg pailteas gruth a's uachdair, ceòl chuach a's caidreamh
 neò-chiontach

Gu'n caitheamaid ar 'n àine cho sunntach ris na smèòraichean !

Seinn cliù, etc.

Seinn cliù na h-ainfir bhòidheich ud, Ròsan an Leth-bhaile,
 A chaileag laghach mhòdhar ud, Ròsan an Leth-bhaile ;
 B'e latha 'n t-sonuis dhomh-sa na là sin a bheireadh dhuinn,
 Air ais gu tìr a h-òige Ròs bòidheach an Leth-bhaile.

Seinn cliù, etc.

ORAN MOLAIDH AIR CLIABH

A THUG CALUM MAC-IOMHUINN, DO'N UGHNDAR
 LE IAIN MAC-A'-BHIRUITHAINT.

An cliabh a gheall dhomh-sa Calum,
 'S ioma' latha 'bha e 'fàs,
 Thug e bliadhna 'buain nan aisnean,
 A's seachduinn ga 'n cur an sàs;

Thug e 'n t-slat chuir á *New Zealand*,
 'S an iris á Beinn-nan-enàmh,
 'S an t-slat bheòil á rioghachd na h-Eiphit,
 'S á Eirinn slatan a' mhàis.

Cha 'n ioghnadh an eliabh a bhi rionhach,
 'S ioma' tìr san d' rinn e fàs;
 Bha na slatan bòidheach, dìreach,
 Air an sgrìobadh gus am bàrr :
 Theannaich Calum e cho dònach,
 'S nach rachadh prìm' ann 'an sàs,
 'S ghiùlaineadh e 'làn do 'n fhior-uisg'
 Eadar an Eilid 's Beinn-bhàin :

Cha 'n fhaca aon riamh a leithid,
 Eadar an Eilid 's Beinn-bhàin,
 E sleamhain mar bhòrd o'n lochdair,
 Shuidheadh e socair air blàr ;
 Cha robh e cubach, no sgeubach,
 'S an aon leul gu ruig' a mhàs ;
 'S ged a chuirte bolla buntàt' ann,
 Cha bhitheadh ach pàirt de làn.

'S ioma' aon a bha g'a amhare,
 Eadar Sannaig 's an Aird-mhòr—
 Fear de na thàinig g'a amhare,
 Thairg e ganhainn air a's bò ;
 Ach ged a thairgeadh *Hiss Burdett*,
 A h-uile peighinn th' aie a dh-òr,
 'N uair a thigeadh i a shireadh,
 Cha 'n fhaigheadh i 'n iris na dòrn.

Tha mis' a' d' chomain a Chalum,
 'H-uile latha bhios mi beò ;
 'S ma thig do ghnothach a'm' rathad,
 Ni mi amas mar is còir—

Olaidh mi *dram* air do bhanais,
 'An aon bhaile 'm bi i 'm chòir ;
 'S ged nach dean mi 'bheag de 'n dannsa,
 Creimidh mi 'n enaimh 'bhios a'm' dhòrn.

A N T - E I L E I N C O L A S A C H .

LE DONNACHAIDH MACLUGAIS.

SEISD.—Nach bòidheach a sheallas an sneachd air Beinn-mhòr.
 Nach bòidheach a sheallas an sneachd air Beinn-mhòr,
 Nach bòidheach a sheallas an sneachd air Beinn-mhòr,
 Mar an eala 's i cadal 'na laidhe air lòn.

Ma'n do dh' fhag mi an t' ait' 's an deachaidh m' àrach a'm' òig
 Far a faighte gach tràth, baine-blàth air son òl,
 Bha mi aighearach, inntinneach; cinnteach gu leòir,
 S mi gun chùram gun chostas am Port-an-tigh-mhòir,
 Nach bòidheach a sheallas, etc.

Aig gach aon air an fhearrann a b'aithne dhomh féin,
 Bha'm pailteas gach latha agus barrachd 's am feum;
 'S bha coirc' agus pòinir a's eòrna fodh dhéis,
 A' fàs ann gach bliadh'n' air son biadhadh an treud.

Nach bòidheach a sheallas, etc.

'S an òg-mhaduinn cheitein 'n uair dh'éireadh a' ghrian,
 Thar Baile-na-h-àirde le blàth's fodh a sgiath;
 Bhiodh na h-eòin anns na geugan, an spréidh air an t-sliabh,
 'S am buachil' nan déidh mar a dh'fheumadh e riamh.

Nach bòidheach a sheallas, etc.

A Chill-òrain na'm pàircean 'sam b'abhaisd na treuin
 A bhi falbh do ghach ceàrna 's an deanamh iad feum,
 'S ged is tric anns na blàir bhiodh na gàbhaidhean geur,
 Chuireadh gaisge nan Gàidheal air an nàmhaid an réis.

Nach bòidheach a sheallas, etc.

'S e mo bheachd nach robh fathasd 's na h-eileinean 'n iar,
 Daoin' uaisle cho barraicht' le foighdinn 's ciall,
 Mar uain aig a' bhaile, s' a chath a' bhiodh dian,
 Cloinn Néill nan làmh-dhearg, bha iad ainmail o chian.

Nach bòidheach a sheallas, etc.

Cha téid agam air innseadh na sgrìobhadh le peann,
 Na chuir sios ann an òran gach sòlas a th' ann,
 'S on a bha mi na'm phàisd' mi gun tàmh cuir air ainm
 Agus bitidh gu bràth fad 's a's Gàidhlig mo chainnt.

Nach bòidheach a sheallas, etc.

Bu mhaith bhi ann daonna seach taobh Loch-nan-Ceall,
 Fo dhubhar nan sliabh gus 'n do liath e mo cheann,
 'S nach fhaic mi ach caoirich, na daoin' cha'n 'eil ann,
 'O na sgaoileadh a' chuideachd bha 'm Muile nam beann.

Nach bòidheach a sheallas, etc.

S e chuir mis' ann am Muile fo mhulad 's fo blùròn,
 Nach flaic mi mo chruiinneag 's nach toir i dhomh pòg,
 'S e nach fhaod mi bhi làmh riut a chràidh mi cho mòr,
 'S ged tha Nolluig aig càch, air bheag stàth tha i dhomhs'.

Nach bòidheach a sheallas, etc.

Ach 's e dh'fheumas mi strìochdadadh 's bhi 'sior chuir air dòigh,
 Tha mi cinnteach nach pàigh e bhi fàsgadh nan dòrn,
 'S on a tha mi gun bhàta bhiodh sàbhailt le seòl,
 Théid mi null 's an "Dunàra" mar fàilnich mo phòchd'.

Nach bòidheach a sheallas, etc.

'DIREADH A MACH RI BEINN-SHIANTA.

LEIS AN LIGHICHE MAC LACHAINE, NACH MAIREANN.

AIR FONN. “*O! ho na daoine truaghá.*”

'Dìreadh a mach ri Beinn-Shianta,
Gur cianail tha mo smuaintean.

A' faicinn na beinne 'n a fàsach,
'S i gun àiteach air a' h-uachdar.

'Sealltuinn a sios thar a' bhealaich
'S ann agam-sa tha 'n sealladh fuaraidh.

'S liomhior bothan bochd gun àird air,
Air gach taobh 'n an làraich uaine.

Agus fàrdach 'tha gun mhullach,
A's na thulaich aig an fluaran.

Far an robh 'n teine 's na páisdean,
'S ann is àirde dh' fhàs an luachair.

Far an cruinnicheadh na h-àrmuinn
Feuch a' chaora bhàn le 'h-uan ann.

Ach, 'fhir shanntaich 'rinn an droch-bheairt,
Liuthad teaghlaich bochd a għluais thu!

'S ionadh dilleachdan 'tha 'n ganntar,
Agus banctrach a tha truagh leat.

An dall, an seann duine, 's an oinid,
'Toirt am mallachd air do bhuaireas.

Smuaintich féin 'n uair théid thu null bh' uainn
Mar bheir Rìgh-nan-dùl do bhuaireas.

B' fheàrr gu'n cuimhnicheadh tu tràth air
Mu'n tugadh am bás do 'n uaigh thu.

An ceannaich thu le beairteas tràcair?
Cha dean òr gu bràth a bhuanachd.

'Bheil thu 'n dùil gu'm faigh thu saorsainn
Leis na caoirich 's do chuid bhualitean

B' fheàrr dhuit beannachdan an fheumnaich,
D' an tugadh tu n déirc' 'an uaigneas.

B' fheàrr a bheannachdan le dùrachd,
Cridhe brùite 'g an cuir suas dhuit.

Ge b'e àit am faigh iad fearann
Mile beannachd leis na ghluais' thu.

Dhùmhlaich an ceo air Beinn-Shianta,
Thug a' ghrian a sìos an cuan oírr'.

Thàinig duibhre air an iarmailt,
'S euiridh mise crioch rì m' dhuanaig.

'S MI FAGAIL MO DHUTHCHA.

LE DUGHALL MACLACHAINN.

AIR FONN.—“*Gur tu mo bhean chomuinn.*

S mi fàgail mo dhùthcha tha mo shùil as mo dhéigh
'Nuair a dhìrich mi m' bruthach thug mi sùil air an treud,
Bha'n gleannan shios fodhami làn do chrodh mar an fhéill,
'S na laoigh bheaga cho uallach ruith cho luath ris na féidh.

Shuidh mi sìos air an toman bu neo-thog'rach mo ghleus,
 Dol a dheanadh dhuit òran a ghlinn bhòidheich na spréidh,
 'S do bheanntanain àrda is àille fò'n ghréin,
 G'am fhalach bho m' chàirdean a's m' fhàrdach nam dhéigh.

'S mithich dhomh-sa bhi 'g éiridh bhon tha'n t-astar cho mòr
 Tha na luingeas aig acair ach tha 'm acaid-sa mòr;
 Tha gach ni a cuir ás dhomh, chaill mo chasan an treòir,
 'S mo chridhe cho brùite 's mo shùilean làn dheòir.

Aon sealladh dhomh fhathast air na srathaibh gu léir
 Aon sealladh dhomh fhathast air a bhaidein tha 'm dhéigh
 Mile beannachd le Lachann, ainm m' athar na tréig,
 Lean thusa a dhòighean air chòir anns gach ceum.

Tha m' inntinn fo luasgan bhi gluasad nan seòl,
 An acair ri guallainn 's an trom chuan fo sròn;
 Tha mise mar chreutair 'san t-eug air mo thòir,
 B' fheàrr nach dh' fhág mi mo chéile, b'e 'n eubhachd bhi d'
 chòir.

Air bhàrr nan tonn dù-ghorm rinn sin stiùireadh gu fòil,
 Bha 'n oidhche air dùnadh 's gun do bhrùchd oirnn an ceò;
 Ach ar sgiobair bha túrail, cha tug sùil far nan seòl,
 Fo stiùireadh na combaist, 's an trombaid na dhòrn.

Aig bristealbh na maidne bha 'n cladach ga 'r còir,
 Gu'n do thilg sinn an acair ach bha m' acaid-sa mòr,
 Na'm shìneadh air déile cha robh léigh ann air bòrd,
 A bheireadh dhomh cobhair ged a gheibheadh e òr.

Trì fichead mìle dhomh fathast tha 'n t-astar sin buan,
 Ma'n ruig mi thu Anna 's bithidh mi fallain gu luath;
 Ma lean thu ri d' àbhaist bù mhòr do gràdh dhomh 's gach uair
 Bho 'n a bha mi na 'm phàisde gus an dh'fhàs mi a suas.

A GHLINN UD SHIOS. ✓

LEIS AN LIGHICHE MAC LACHAIN NACH MAIREANN.

AIR FONN.—“*My love is like a red, red rose.*”

A ghlinn ud shios, a ghlinn ud shios,
 Gur trom an diugh mo shùil,
 A’ dearcadh air do lagain àigh
 Mar b’ àbhaist doibh ‘o thùs.

Tha do choilltean fathasd dosrach, àrd,
 ’S gach sìthein àillidh, uain’;
 A’s fuaim an lùb-uillt nuas o d’ fhrith’
 ’N a shuain-cheòl sìth ’am chluais.

Tha ’n spréidh ag ionaltradh air do mhàgh,—
 Na caoraich air an raon;
 Tha ’churra ’g iasgach air do thràigh,
 ’S an fhaoileann air a’ chaol.

Tha guth na cuthaig air do stùchd,
 An smùdan air do ghéig.—
 Os ceann do lòn tha ’n uiseag ghrinn
 Ri ceileir binn ’s an speur.

Tha suaimhneas anns gach luibh fo bhlàth.—
 Bàigh air gach creig a’s cluain,
 ’A toirt ’am chuimhne mar a bha
 Na làithean ’thàrladh uainn.

Fuaim do chaochain, fead na gaoith’,
 A’s luasgan àrd nan geug,
 ’G ath-nuadhachadh le còmhradh tlàth
 Nan làithean àigh a thréig.

Ach chi mi d’fhàrdaich air dol sìos,
 ’N an làraich’, fhalamh, fhuar;
 Cha’n fhaic fear-siubhail far an stùchd
 Na smùidean ’g éiridh suas.

Do ghàradh fiadhaich 'fàs gun dreach,

 Gun neach g' a chur air seòl,

Le fliogh a's foghnain ann a' fàs.

 'S an fheanntag 'n àite 'n ròis.

O! c'èait' am bheil gach caraid gaoil

 'Bu chaomh leam air do learg?

A chuireadh fàilte orm a' teachd,

 A's beannachd leam a' falbh.

Tha 'chuid a's mò dhiubh anns an ùir,

 'S an t-iarmad, fada dh' uainn,

Dh' fhàg mis' am aonaran an so,

 'N am choigreach nochdta, truagh.

'N am choigreach nochdta, truagh, gun taic',

 'S an acaid ann am chliabh,—

'N acaid chlaoidh teach sin nach caisg

 'G am shlaid a chum mo chrìch'.

'G am shlaid a chum mo chrìch le bròn,

 Ach thugam glòir do 'n Tì,

Cha tug e dhomh-sa ach mo chòir—

 Ri 'òrdugh bitheam strìochdlt'.

Tha lòchran dealrach, dait' nan speur

 Air teurnadh sios do 'n chuan,

A's tonnan uain' na h-àirde 'n iar

 Ag iadhadh air mu'n cuairt.

Sgaoil an oidhch' a cleòe' mu'n cuairt,—

 Cha chluinn mi fuaim 's a' gheann;

Ach an éardabhan, le siubhal fiar,

 Ri ceòl a's tiambaidh srann.

A ghlinn ud shìos, a ghlinn ud shìos,—

 A ghlinn a's ciataich' dreach,

A' tionndadh nait 'dhol thar do shliabh

 Mo bheannachd sìorruidh leat!

'S DUBH 'CHOISICH MI 'N OIDHCHE. ✓

> 'S dubh 'choisich mi 'n oidhche,
 Chum na maighdinn bu bhòidhche,
 Chaidh mi còr a's naoi mile,
 Anns an tìr 's gun mi eòlach.

Chaidh mi còr a's naoi mile, etc.
 'S'n uair ràinig mi 'm baile
 Cha robh dad mar bu chòir dha.

'S 'n uair ràinig mi 'm baile, etc.
 Cha robh air' air luchd-gaoil ann,
 'S cha robh miadh air luchd-òil ann.

Cha robh air' air, etc.
 Bha na mnathaibh ri fuaghail,
 'S bha na gruagaichean brònach.

Bha na mnathaibh, etc.
 'S bha mo ghràdh-sa bu dìlse,
 Na sìneadh 's an t-seòmar.

'S bha mo ghràdh-sa, etc.
 Na laidhe fo'n uinneig,
 Far nach cluinn i mo chòmhradh.

Na laidhe fo'n uinneig, etc.
 Na sìneadh air déile,
 Na léine fhuar, reòite.

Na sìneadh, etc.
 Dhomh-sa b' aithne do bhensan
 'Bhi gun leumraich gun mhòr-chuis.

Dhomh-sa b' aithne, etc.
 Ghlaic thu ciall agus gliocas
 Mòran tuigs' agus eòlas.

> 'S mi bhi 'm bothan an scòraine
 'S mòr mo mbulad 's mi 'n ònar
 'S cha lugh' mo chuid silein
 Bho 'n la threig mi do chomhnadh. — Dun. 84

Ghlac thu ciall, etc.
 Bha d' fhalt mar an dithein,
 'Bhios a' cinntinn 's an eòrna.

 Bha d' fhalt mar an, etc.
 'N uair a chuireadh tu cùr ann,
 'S ann a' chìteadh fiamh 'n òir air.

 'N uair a chuireadh, etc.
 Bha thu maiseach a's beusach,
 Bha thu spéiceal, neo-spòrsail.

 Bha thu maiseach, etc.
 Fhir a chruthaich an saoghal,
 Cum mi gun fhàs gòrach.

 Fhir a chruthaich, etc.
 Cum mo chiall rium 's mo ghliocas,
 Gus an tig thu ga m' fheòraich.

 Cum mo chiall rum, etc.
 'S dubh choisich mi 'n oidhche,
 Chum na maighdinn bu bhòidhche.

 'S dubh choisich, etc.
 Chaidh mi còr a's naoi mile,
 Anns an tìr 's gun mi eòlach.

OCHOIN A RIGH, GUR E MI THA MULADACH. ✓

LE DÒMHNULL DRÒBHAI'R, LOCH-AILLSE.

SEISD.—Ochòin a Rìgh, gur e mi tha muladach!
 Nach robh mi thall an Loch-Aills' a' fuireachd leat,
 Far 'm bi na h-òigearan 'g òl nam buidealan,
 A' gabhairl òrain, 's an stòp an urr' aca.

'N uair chaidh sinn sìos bha gaoth 'n iar-eas againne,
 B' e sud ar miann, 's a bhi triall mar chaitheadh i;
 Bhi togail cùrsa o's eionn nam bancaichean,
 A dh'ionnsaidh 'n Laoigh 's bu neo-chinn teach cadal dhuinn.
 Ochòin a Righ, etc.

Anns an oidhche bu chruinn am baideal sinn,
 'S gu 'm b'fad o chéile gach té 's a' mhaduinn diubh,
 Bha croinn ga 'n rùsgadh a's siùil g' an sraeadh ann,
 'S gur iomadh té 'chaill a céile leapach ann.

Ochòin a Righ, etc.

Mu 'n dà uair dheug 's ann a shéid e buileach oirnn,
 'S i 'tighinn a nall thar na beanntan Neurig,
 I 'falbh gu h-aotrom ri taobh nan rudhachan,
 'S 'n uair dh' at an fhairge bha 'caimb glé flulangach.
 Ochòin a Righ, etc.

'N uair dhuhbhan speur a's a shéid an fhras oirnn
 Sinn labhair "Seònaid," a chionn bu tapaidh i,
 "Na gabhaibh cùram, tha smùir na maidne air,
 'S fhad' 's mhaireas m' aodach cha chluinn sibh m' acain-se."

Ochòin a Righ, etc.

Bha Dòmhnull Ruadh ann 's bu chruaidh an curaidh e.
 'S ann da bu dual bhi gu fuasgailt, furanach,
 A'n àm a' ghniomh cha bu strìth leis cuideachadh,
 'S e 'rachadh suas ged bhiodh fuaim m'a h-ullagan.

Ochòin a Righ, etc.

Fhir a shiùbhlas a null thar bhealaichean,
 Thoir soiridh bhuam-sa a dh-ionnsaidh Ealasaid,
 Gur e 'n aon rud 'tha cumail maille orm,
 A ghaoth 'bhi tuath, an t-sid fuer, 's clach mheallain ann.
 Ochòin a Righ, etc.

A's cha 'n 'eil àite nach bi mi bruidhinn ort,
 'S am measg nan ceud thug mi spéis mo chridhe dhuit,
 Na h-uile uair gur a truagh a bhitheas mi,
 Mo chridhe brùite 's mo shùil a's snidh' oirre.

Ochòin a Righ, etc.

[*The following verses, to the same air, evidently belong to a different song.*] ☒

Tha mi fo bhròn o'n là 'sheòl an *Victory*,
 Nach robh mi pòsd' air an *Rose* bu *mhate* oirre,
 Bu luaineach m' fheòil 'n uair bu bhòidhche bheatadh i,
 Bu għlan a cùrsa 's a siùil ma seach oirre.

Ochòin a Righ, etc.

Tha mi fo eislein ás déigh an fhleasgaich ud
 A dh' fhalbh an dé bh'uainn am beul an eadaraidh,
 Air m' fhacal fléin gu bheil m' inntinn leth-tromach,
 Air fear 'chùil dualaich 's na gruaige leadanaich.

Ochòin a Righ, etc.

Bidh eòin an t-sléibh a's gach creutair neo-chiontach,
 A' gabhairl tàimh ann an sgàth nam machraichean,
 Tha mise 'm ònar 's an seòmar glaist' orm,
 'S mo ghaol a' seòladh mar cheò na maduinne.

GU'M BU SLAN DO NA GILLEAN.

SEISD.—Hao rìthill à hó, *Hao rìthill ó ro*
 Na hì rìthill éile, *Sna hao rìthill éile*
 'S na hì rìthill à hó. *Hao rìthill ó ro.*

Gu 'm bu slàn do na gillean,
 Thug an linne mu thuath orra.
 Hao rìthill, à hó, etc.

Anns a' bhàta dhuibh, dharaich,
 'S ro-mhath ghearradh i 'm fuaradh.
 Hao rìthill, à hó, etc.

Ge b' e rachadh ga'n tilleadh,
 Bhiodh an ionmairt glé chruaidh orra.
 Hao rìthill, à hó, etc.

Bhiodh leus air am basan,
 A's lasan 'nan gruaidhean.
 Hao rìthill, à hó, etc.

Bha Eòghan a's Ailein.
 A's Alasdair Ruadh ann.
 Hao rìthill, à hó, etc.

Bha Eòghan MacPhàraig—
 Cùl fàinneach nan dual, ann.
 Hao rìthill, à hó, etc.

Dé ma chaidh do bhàthadh,
 B' ro-mhath 'n snàmhaische cuain thu.
 Hao rìthill, à hó, etc.

'S math a shnànhadh tu 'n linne,
 Eadar Muile a's Suaineart.
 Hao rìthill, à hó, etc.

Och nan och, mar a thà mi,
 'S mi air àiridh 'n Gleann-cuaiche!
 Hao rìthill, à hó, etc.

Mi leigeil nan gobhar
 'S a' bleodhan cruidh guaill-fhionn.
 Hao rìthill, à hó, etc.

Cia-mar gheobh mi nochd cadal
 'S mi air leaba gun chluasaig?
 Hao rìthill, à hó, etc.

'N déigh na fhuair mi dhroch cleachdainn
 'N àm leantainn nan uaislean.
 Hao rìthill, à hó, etc.

'N uair bhiodh neapaicean sioda
 Cumail dòn air mo ghuaillean.
 Hao rìthill, à hó, etc.

Tha mise ga m' leònadh
 'S gun mi chòir mo chuid sluaigh-se.
 Hao rìthill, à hó, etc.

AILEIN DUINN, A NI 'S A NAIRE.

Ailein duinn, a nì, 's a nàire, . . .

SEISD.—I na hug oruinn oho,
 I na hiri, rihiù.

'S goirt, 's gu 'n daor a phàigh mi màl duit,
 I na hug oruinn oho, etc.

Cha chrodh-laoigh, no caoraich bhàna,
 I na hug oruinn oho, etc.

Cha bhola, cha pheic, 's cha mhàm e,
 I na hug oruinn oho, etc.

Cha 'nì, cha 'n innseiridh, 's cha 'n eàirneis,
 I na hug oruinn oho, etc.

Ben a 'mhise 's a' cheòl-gàine
 Is trough nach misse òha leat làimh sint
 'N drim a' dmàin no 'n ionall trèighad
 Ge b'e àit um fag an làon thu

Ach an luchd a thaom am bàta,
 I na hug oruinn oho, etc.

Bha m' athair oirre, 's mo thriùir bhràithrean.
 I na hug oruinn oho, etc.

'S laogh mo chuim a rinn mi àrach.
 I na hug oruinn oho, etc.

Cha 'n e sin a léir 's a chràidh mi,
 I na hug oruinn oho, etc.

Ach am fear a ghlae air làimh mi
 I na hug oruinn oho, etc.

Leathanach a' bhroillich bhàn-ghil,
 I na hug oruinn oho, etc.

A thug o'n Chlachan Di-màirt mi,
 I na hug oruinn oho, etc.

Ailean donn, b'e beul a' mhànrain,
 I na hug oruinn oho, etc.

A Rìgh nam fear! bu mhòr do ghràdh dhomh,
 I na hug oruinn oho, etc.

Dh' aithnichinn a'n toiseach bàt' e,
 I na hug oruinn oho, etc.

Fhir chòta ghuirm 's na léine bàine,
 I na hug oruinn oho, etc.

Fhaoleag bheag thu, fhaoleag mhar' thu,
 I na hug oruinn oho, etc.

Fhaoleag a shnàmhas gach calladh,
 I na hug oruinn oho, etc.

Thig a nall a's innis naigheachd,
 I na hug oruinn oho, etc.

Troth ri troth a ghaoil mar b' albaist

*Troth ri troth gaoil dàil ri t' fhaoileadh
 Siòr abhl suaim 's ar màinm sàmhach
 Och mo leìn! cha chluim mo ghfaothain
 'S bùthadh stragh air m' osna chìochil.*

Càit 'an d' fhàg thu na fir gheala,
I na hug oruinn oho, etc.

“ Dh' fhàg mi iad 's an eilein mhara,
I na hug oruinn oho, etc.

Cùl ri cùl, a's iad gun anail,
I na hug oruinn oho, etc.

Beul ri beul a' sileadh fala,”
I na hug oruinn oho, etc.

O, gur mise th' air mo sgaradh,
I na hug oruinn oho, etc.

Gu bheil do leaba anns an fheamainn,
I na hug oruinn oho, etc.

Gur h-iad na ròin do luchd-tighe,
I na hug oruinn oho, etc.

Do choinnlean àrd na reultan geala.
I na hug oruinn oho, etc.

'S do cheòl-fidhle gaoir na mara,
I na hug oruinn oho,
I na hiri rihiù.

(See also Mackay Scrip. 12.)

EILEAN AN FHRAOICH. ✓

LE MURACHADH MACLEOID.

Tha Leòghas iheag riabhach,—bha i riamh 's an Taobh Tuath,—

Muir tràghaidh a's lìonaidh 'g a h-iadhadh mu 'n cuairt;
 'N uair a dheàrrsas a' ghrian oirr' le riaghadh o shuas
 Bheir i fàs air gach siol air son biadh dha' 'n t-sluagh.

FONN.—A chiall nach mise 'bha 'n Eilean an Fhraoch!

Nam fiadh, nam bradan, nam feadag, 's nan naosg!
 Nan lochan, nan òban, nan òsan 's nan caol—
 Eilean innis nam bò, 's àite-còmhnuidh nan laoch!

An t-Eilean ro mhaiseach, gur pailt ann am biadh;
 'S e Eilean a's àillt' air 'n do dheàlraich a' ghrian;
 'S e Eilean mo ghráidh-s' e, bha 'Ghàidhlig ann riamh;
 'S cha 'n fhalbh i gu bràth gus an tràigh an Cuan Siar!

'N àm éiridh na gréine air a shléibhtibh bidh ceò,
 Bidh 'bhanarach ghuanach 's a' bhuarach 'n a dòrn,
 Ri gabhair a duanaig 's i 'g uallach nam bò,
 'S mac-talla nan creag ri toirt freagairt d' a ceòl.

Air feasgar an t-samhraidh bidh sunnd air gach spréidh;
 Bidh 'chuthag a's fonn oirr' ro òran di féin;
 Bidh uiseag air lòn agus smeòrach air géig,
 'S air enuic għlas a's leòidean uain òga ri leum.

Gach duine 'bha riamh ann bha ciatamh ac' dha,
 Gach ainmhidh air sliabh ann, cha 'n iarr ás gu bràth;
 Gach eun 'théid air sgiath ann bu mhiann leis ann tàmh;
 'S bu mhiann le gach iasg a bhi 'cliathadh ri 'thràigh.

Na'm faighinn mo dhùrachd 's e 'lùiginn bhi òg,
 'S gun ghnothach aig aois rium fhad 's a dh' fhaodainn bhi
 beò;

Bhi 'n am bhuachaill' air àiridh fo shàil nam beann mòr'
 Far am faighinn an càis' 's bainne blàth air son òil.

Cha 'n fhacas air talamh leam sealladh is bòidhch'
 Na 'ghrian a' dol sìos air taobh siar Eilean Leòghais;
 'N erodh-laoigh anns an luachair, 's am buachaill' n an
 tòir,
 'G an tional gu àiridh le àl de laoidh òg'.

Air feasgar a' gheamhraidh théid tionndadh gu gnìomh
 Ri toirt eòlais do chloinn bidh gach seann duine liath;
 Gach iasgair le 'shnàthaid ri càradh a lìon,
 Gach nighean ri càrdadh 's a màthair ri snìomh.

B'e mo mhiann bhi 's na badan 's 'na chleachd mi bhi òg,
 Ri dìreadh nan creag anns an neadaich na h-eòin;
 O'n thàinig mi 'Ghlaschu tha m' aigneadh fo bhròn,
 'S mi 'call mo chuid claisgneachd le glagrich nan òrd.

A N C O M U N N.

An raor chunnaic mi 'm bruadar,
 Ribhinn shuairce 'bhi 'm chòir;
 Beul meachar, gun ghruaman,
 O'n suairce 'thig glòir :
 'Nuair 'dh'éirich mi m' shuidhe
 Los ruigsinn air pòig,
 Cha b' phasa dhomh faotainn
 Na reult as na neòil.

SEISD.—Chaidh an comunn, an comunn,
 Chaidh an comunn air chùl;
 Dhealaich comunn ri 'chéile,
 'S deanaibh féin d'e sgeul ur;
 O nach robh mi cho gleusta
 'S gun tugainn beum air do chùl,
 Sgaoil an comunn o chéile,
 'S thug e deur air mo shùil.

'Nigh'n òg a chuil dualaich,
 Bha mi uair a's tu réidh;
 'Nis', o 'n thionndaidh thu d' fhuath orm,
 Tha mi suarrach mu d' dhéibh'n :
 Chuir thu d' air' air duin' uasal;
 Deang an cruas, 's dean de feum :
 Dh' fhàg thu mise mu 'n cuairt duit
 Mar chaora fhuadain air spréidh.
 Dh'innsin aogas mo leannain—
 Cùl clannach, cas, dlùth ;
 Riut a dhealaicheas gach sgainneal,
 Riut a leanas gach cliù :
 'S àluinn sineadh do mhala,
 'S glan sealladh do shùl',
 Aghaidh shoilleir an sgàthan—
 'S glan déarrsadh do ghnùis'.
 A cheithir bliadhna na taic' so,
 Ghabh mi tlachd dhiot an tòs ;
 Le sùgradh 's le macnus,
 Mar a's cleachd le cloinn òig ;
 Bha car fo d' laimh-se gun fhios domh
 Nach do dh'fhiosraich mi 'nòs ;—
 Dh'fhàg thu mise mar thalcais,—
 Beannachd leat, ma 's i 'chòir.

GLEANN CHILL-A'-MHARTAIN. ✓

LE EOCHAN MAC GILL' IOSA.

AIR FONN.—“*Mo rùn geal dileas,*” no “*Còire-cheathaich.*”

Gleann Chill-a'-mhàrtain far an d'fhuair mi m'àrach,
 'S e 'n gleann is àillidh leam tha fo'n ghréin,
 Le thulaich neòinein s' le shliosaibh bòidheach,
 'S a shraithean chòmhnhard tha math gu feum.

Gur grinn an simeòrach a' seinn 's an òg-choill,

Bho mhoch gu glòmainn le h-òran réidh,

Gur binn' i mòran na fidh'l an seòmar,

An uair a b' òrdail a bhiodh i 'n teud.

'S e bheir dhomh sòlas 's a' mhaduinn bhòidheich,

'Nuair thogas òigridh orra 'n bheinn,

A' dol do'n bhuaille a's luinneig uallaich,

Am beul gach gruagaich, 's e thogas m' fhonn.

Le'm falt donn, dualach, a' sios mu'n guailean,

'S e cas-bhuidhe, sguabagach, dualach, donn,

Air sniomh cho sniomhain s' nach dochain cùl e,

'S e thogadh m' inntinn s' cha bhidh i trom.

'Nuair thig bhliadh'n'-ùr oirnn bidh buidhean lùghor

A' cluich na dùlain air aodan lom,

Le darach làidir an làimh gach àrmunn,

A' cur na bàrach gu làidir teum.

Le fallus braonach a tigh'n bho'n aodan,

Bho aoidh gach laoich le faobhar nach fann,

'S am fear bu lùghora 's a gheibheadh dlùth orra,

'S e bhuidhneadh cliù dhi le lùghs nan lann.

Ach bho'n thàinig caochladh air an taobh so,

Dh' fhalbh na daoine, cha'n 'eil iad ann,

'S bho'n thàinig caoraich cho pait air raointean,

S e dh'fhág mi faondraich anns an àm.

S e fàth mo smuairean bhi dol air għluasad,

A null thar chuantan do thìr nan crann,

A chluich na tuaighe ri gaoith s' ri fuachd,

'S e thog am buaireadh so ann am cheann.

'S mi dol troimhe 'n dùthaich moch maduinn chiùin,

Bu tearc na smùidean a chithinn ann,

'S e thog dhomh tòrsa a's eridhe brùite,

'S ann shil mo shùilean is dh'fhàs mi fann.

An gleann a b' àillidh 'san robh na Gàidheil,
 'S an robh mo chàirdean-sa bhos a's thall,
 'S e thog mi n' àrdan 's mo chridhe làn deth,
 E 'n diugh ga àiteach aig clann nan Gall.

Mu'n dean mi fhàgail 's ann ni mi n' dàn so,
 A dh'inns' do m' chàirdean mi' bhi 's a' għleann,
 'S gu'n d'fhuair mi m' àrach a bhos mun bħràighe,
 A measg nan àrmuinn a b'fheàrr a bh'ann.

Ach bho 'n 's e 's dàn domh bhi dol thar sàile,
 'S e dh'fhàg mi cràiteach 's mo chridhe trom,
 Ma ni mi d'fhàgail a bhean nam blàth-shùil
 Cha'n fhaighear slàinte gu bràth am chom.

A' C H U A I R T - S H A M H R A I D H. ✓

LE SEUMAS MUNRO.

FONN.—“*'S i sud an deoch mhilis,*” etc.

SEISD.—Hug óro, mo leannan,
 Thig mar-rium air chuairt
 Do dh'ur-choill' a' bħarraich
 'S an tathaich a' chuach;
 Hug óro, mo leannan,
 Thig mar-rium air chuairt.

Tha gruaman a' Gheamhraidh
 Air fàgail nam beannta,
 'S e 'sruth anns gach alltan
 'Na dħeann ruith a nuas.

Hug, &c.

Tha aodann nan sléibhteán

A' deàrrsadhb gu ceutach;

'S na lusana peuacach

Ag éirigh le buaidh.

Hug, &c.

Tha Samhraadh an òr-chuil

A' riaghlaadh le mòr-chuis,

'S an saoghal ri sòlas

Gu'n d' fhògair e 'm fuachd.

Hug, &c.

Na h-eòin 's iad ri coireal

Feadh ghrianan na coille,

'S na sóbhraichean soilleir

'Cur loinn' air gach bruaich.

Hug, &c.

Tha 'ghrian feadh nan glacagan

Gormanach, fasgach,

'S gu'm b'aoibhinn bhi leat-sa,

A' dearc' air an snuadh !

Hug, &c.

'S do shnuadh féin cho greannmhor

Ri gaire an t-Samhraidh

Feadh fhlùran a' dannsadh

'S na gleannta mu 'n cuairt !

Hug, &c.

O ! tiugainn, a leannain,

Do choille nam meangan,

'S gu'n ùraich sinn gealladh

'Bhi tairis gu buan.

Hug, &c.

ORAN DO SHINE WOODROW,

NIGHEAN MINISTEAR A BH' ANN AN ILE,
LE DEORSA CAIMBEUL, LIGHICHE.

Chunnaic mi'n òigh is bòidhch' air thalamh,
Do phòg air bhlas meall', a chaoin chagair mo chrìdh',
Dhùrginn do phòsadhl le déoin gach caraíd,
Gun òr, gun earras, cha ghabhainn ach i.

Tha mi fo ghruaim, 's cha dual dhomh bhi maireann,
Mu'n sgeula so fhuaras Di-luain thar a' Chaoil,
Gu'n do chaochail gach ùis, 's gach suaireas banail,
'S gach suaimhneas, carantachd, gean agus gaol.

Ma thug thu rium cùl, 's gu 'n d' dhiùlt thu m' fhuran,
'S mi giùlan mulad le fulangas buan,
Na 'n deanadh mo shùil an driùchd a chumail,
A rùin cho chluinnté mi tuillidh ga d' luaidh.

Tréigidh a' ghrian an iarmaitl buileach,
Sguiridh na sruthain a ruith gus a' chuan,
Mu'n lughdaich mo spéis do'n gheug is luraich',
Ach 's 'eudar cur leis, ma thug thu dhomh fuath.

Ach so dhuit mo làmh le càirdeas tairis,
'S le blàths' a mhaireas ma bhitheas mi beò,
'S na cum mis' a 'ghràidh ga m' chràdh ni 's fhaide,
'S do ghràdh ga m' mhealladh, 's nach fhaigh mi ort còir.

'S mi siubhal nam beann, 's nan gleann fo airtneal
Bho dhubhar an latha gu sgaradh an neòil,
'S nan sìninn mo thaobh a dh'fhaotainn cadail,
B'e fraoch mo leaba 's na baidealairbh ceò.

BEANNACHADH LEANNAIN,
LEIS AN URRAMACH A. STIUBHART, 'AM BUN-LOCHABAR.

Beannaich a Dhia mo leannan gaoil,
Is àille dreach 's as eutrom ceum,
Beannaich i an tùs a h-òige,
A's dòn an òigh d'an tug mi spéis!
Beannaich a dà shùil dhonn, bhòidheach
'Rinn mo chridhe 'leòn air tùs,
A cùl dubh, bachlach, cuachach,
Dà chaol mhala 's gruaidh mo rùin :
Beannaich a h-uichd 's a broilleach fior-gheal,
Air an àille sioda 'n sròl,
A gàirdean réidh 's a caol-mheòir calamh
Air gach inneal 's am bi ceòl,
Beannaich a calpa cruinn 's a caol,
'Siubhal eutrom gun bhi fann,
Ceum nach froiseadh dealt thar feòirnein,
Finnealt' seòlt' air ùrlar danns' ;
'Athair, 'Mhic, 's a Spioraid Naoimh !
An Co-Dhia 'an Aon is àirde glòir,
Beannaich an rìbhinn òg 'na com
O mhullach 'cinn gu bonn a bròig !
Beannaich gach deadh bheus a's buaidh
Ann an d' fhuair i urram mòr,
Bàigheil, banail, bandaidh, ciallach,
Cridhe farsuinn, fialaidh, còir :
Ann an neo-chiontachd a h-òige,
Ann am bòicheadas a gnùis,
'Na maighdinn, 'na mnaoi-phòsd' 's na màthair,
Beannaich gu bràth i 'Righ nan Dùl !
Beannaich ar mòr ghaol d'a chéile,
Dean e seasmhach, stéidhte, buan,
Greas an t-àm 's an toir i làmh dhomh,
'San goir mi bean mo ghràidh ri m' luaidh

LUINNEAG ANNA NIC EALAIR.

Is ann am bothan bochd a' bhròin
 A chuir mi eòlas ort an toiseach ;
 A's thug mi thu gu tigh mo mhàth'r
 'S an d' rinn mi d' àrach car tamuill.

'S e do ghaol-sa, a ghaoil,—
 'S e do ghaol-sa rinn mo tharruing ;
 'S e do ghràdh-sa, a ruin,
 Rinn mo dhùsgadh 's a' mhadainn.

Tha thu mar dhubhar carraig mhòir
 Am fearann sgìth is mi làn airsneil ;
 'N uair a thionndaidh riut mo shùil
 'S ann bha thu an rùn mo ghlacadh.

'S ann a thug thu dhomh do ghaol
 Fo dhubhar craobh an aiteil ;
 A's comh-chomunn do rùin
 Ann an gàradh nan pìbhall.

Is millse leam do ghaol na'm fion,—
 Seadh am fion, 'nuair is treis' e,
 'S 'n uair a thug thu dhomh do ghràdh
 'S ann a dh' fhàilnich mo phearsa.

'S ann a thug thu dhomh do d' ghràdh
 Gus an d'fhàilnich mo phearsa ;
 'S gus am b' éigin domh a ràdh
 " Cum air do làimh a charaid."

'S ann a dh' éirich thu le buaidh
 As an uaigh suas le cabhaig,
 Amhluidh dhùisgeas do shluagh
 Suas le buaidh anns a' mhadainn.

'S chaidh thu suas air ionad àrd
 Dh' ullach' àite do m' anam;
 'S tha thu 'g ràdh gu 'n tig thu rìs
 A choimh-lionadh do gheallaidh.

F U A D A C H N A N G A I D H E A L. ✓

LE EANRAIG MAC ILLEBHAIN.

AIR FONN.—*Lord Lovat's March.*

Gur a mise 'tha tùrsach,
 A' caoidh cor na dùthcha,
 'S nan seann daoine cùiseil
 Bha cliuiteach a's treun;
 Rinn uachdrain am fuadach,
 Gu fada null thar chuantan,
 Am fearann chaidh thoirt uapa,
 'S thoirt 'suas do na féidh.

'S e sud a' chulaidh-nàire,
 Bhi faicinn dhaoine làidir,
 " Ga 'm fuadach thar sàile
 Mar bhàrrlach gun fheum;"
 'S am fonn a bha àluinn,
 Chaidh 'chur fo chaoirich bhàna,
 Tha feantagach 's a' ghàradh
 'S an làrach fo fheur.

Far an robh moran dhaoine,
 Le 'm mnaithean a's le 'n teaghlaich,
 Cha'n 'eil ach caoirich-mhaola
 Ri fhaotainn na'n àit',

Cha 'n fhaicear air a' bhuaille
 A' bhanarach le 'buaraich,
 No idir an crodh guaill-fhionn,
 'S am buachaille bàn.

Tha 'n uiseag anns na spearan,
 A' seinn a luinneig ghleusda,
 'S gun duine ann g'a h-éisdeachd,
 'N uair dh' éireas i àrd ;
 Cha till, cha till na daoine,
 Bha cridheil agus aoibheil,
 Mar mholl air latha gaoithe,
 Chaidh 'n sgaoileadh gu bràth.

IORRAM NA H-IMRICH CHUAIN.

CHAIDH na rannan dhrùidhteach so a chur r' a chéile, bho chionn timchioll air dà bhliadhna dheug, leis an Urramach D. MacRath, an sgireachd Nis, ann an Leódas, air do àireamh mhór de 'n choimhthionail aige—agus 'n am measg a' chuid a b' urrainche de na seanairean, d' an robh mòr spéis aige —bhi air dol air imrich do Chanada.

Chaidh sinne gu tràigh,
 A choimheadachd chàich :
 Cha till iad gu bràth,
 An taobh so !
 Long iaruinn fo 'm bonn,—
 A' sadradh nan tonn :
 Tha feadhainn am fonn,
 'S cuid tùrsach.

Clann bheaga ri gair' ;
 Am mhathair fo phràmh ;
 Fir mhòr' ann an sàs
 'S iad ciùrrta ;

'Fras-shileadh nan deur
 Gu tosdach, ach geur;
 A' sealltainn 'n an déigh,
 Le cùram.

Iad fein 'dol an iar,
 'S an talamh 'dol siar;
 Cha 'n fhaicear leo sion
 Ach Mùirneag.*
 Seall! Mùirneag 'dol uap'
 'Dol fodha 's a' chuan;
 Fir a's mnathaibh gun tuar,
 'G a h-ionndrainn.

Ionndrainn eil' ac' ma tà,
 'Toirt eridh' goirt agus cnàmh,
 Luchd an gaoil a's an dàimh,
 'Toirt cùl doibh.
 Dh' fhag sud iad 'n an déigh,
 Ni nach fagar 's nach tréig,
 Comunn blàth latha Dhé
 'S a' chùbaid.

Mu 'n tric 'chruinnich an sluagh,
 A Shàbaid 's a Luain,
 Le mar aire 's cluas,
 Do 'n sgeula.
 Leigeam seachad an dàn;
 'S deanam ùrnuigh a ghnàth,
 Gu'n ruig iad cala a's feàrr,
 Na Quebec!

Beir an t-soraidh so uam,
 Gu America Tuath,
 Thun caoirich a's sluagh
 Mo chùram.

* The highest Mountain in Lewis.

'N deadh Bhuachaill' e féin,
 Biodh rompa 's 'n an déigh,
 Ga 'n dion o gach beud :—
 Sin m' ùrnuigh.

AM MARAICHE 'S A LEANNAN.

LE MAIRI NIC-EALAIR.

FONN — *Màiri bhàn Dhaul-an-eas.*

O, 's maирg tha'n diugh feadh garbhlaich,
 'S ri falbhan a measg fraoich ;
 A's gaithean gréin' gu h-òr-bhuidh'
 A' dòrtadh air gach taobh ;
 Gu'm b'fhèarr a bhi air bàrr nan tonn
 Air long nan cranna caol ;
 'S a' faicinn nan seòl ùra
 Ri sùgradh anns a' ghaoith.

O, fhleasgaich òig, gur góirach leam
 Do chòmhradh anns an uair,
 An fhraoch-bheinn ghorm 'g a sàmhachadh
 Ri gleanntan glas a' chuain ;
 'S gur tric is aobhar caoinidh leam
 A h-aon dh' an d'thug mi luaidh,
 'Bhi as mo shealladh fad air falbh
 Air bharraibh garbh nan stuadh.

A ribhinn òg dh'an d'thug mi gaol,
 B'e 'bhi ri d'thaobh mo mhiann,
 Bho'n chiad là riabh thug mi dhut spéis,
 Bu tu mo réul 's mo ghrian,

Ach taobh ri taobh, a luaidh ri d' ghaol,
 Tha m'aigne 'g aomadh riabh,
 Gu marcachd nan tonn dùghorm
 A dh-aindeoin dùdlachd shian.

O, leam bu mhiann a bhi 's an luing,
 'S an stiùir a bhi na m' làimh,
 An uair bhios muir gu nuallanach,
 Na 'glinn 's na stuadhan àrd,
 A' brùchdadhbh barra-gheal fo a sròin,
 'S le crònan seach a sàil;
 I 'g éirigh eutrom air gach tonn,
 A's fonn oirre ri gair'.

I 'g éirigh eutrom air an t-snàmh,
 Mar eala bhàn 's a' chaol;
 Gach sgòd aice a mach gu 'cheann,
 'S gach seòl a' tarrainn gaoith';
 I 'falbh le cuinnein fiadhta
 Thar tuinn a b'fhiadhaich gaoir,
 Mar steud-each cruidheach, uaibhreach,
 A thug mu 'chluas an taod.

A's ged a bhrùchdadhbh gaothan oirnn
 Le neart nam Faoilleach fuar
 A's toirm na bagairt' bàsmhoire
 'Bhi 'm bàirich àrd nan stuadhbh,
 Le murrachd mhath a's cùram,
 Gheibh an iùbhrach ghasd a' bhuaidh;
 'S thig fearalachd a's mòralachd
 Ri linn na còmhstrìth cruaidh'.

'S an uair a thigeadh siocaint,
 S' a bhiodh grian a' dèarsadh caoin
 Gu'm b' aotrom 'bhi le ceòl a's sunnd
 'Cur siùil ri slàtan caol' ;

'S an uair a bhiomaid dìomhanach
 Mo dhriamlach thar a taobh,
 A's mi gu h-ait a' seinn le fonn,
 " Mo nighean donn, mo ghaol."

"O, 'òigeir ùir, nach éisd thu rium,
 Ged 's mòr do spéis do'n chuan,
 Cha mhair an òige daonnan,
 'S 'n uair 'thig an aois le gruaim,
 Gur bochd an obair seann-duine
 Bhi mach feadh ghreann nan stuadh,
 Fo chathadh geal nam bòc-thonna
 Tre'n oidhche reòdhta fhuar.

"O, 's maирг ri dorchadas a's stoirm,
 'Bhios air a' chladach leis
 Na gàirdeanan 'bha làidir
 Air fàilneachadh gun treis',
 Tigh-soluis air an fhuaradh,
 A's gaoth a's cruaidhe feed
 Ga 'n sparradh chum an fhuaрайdh,
 'S an long mu'n cuairt cha leig."

"O, 'ainnir dhonn, na sil do dheòir,
 Mu bhròn nach tig a chaoïdh,
 Tha'n Ti a' riaghlaigh air a' chuan,
 'Tha 'riaghlaigh cluaintean fraoch ;
 A's ged, a luaidh, a thriallas mi
 Gu oirean cian an t-saoghal,
 Le Thoil-san thig mi sàbhailte
 Gu broilleach blàth mo ghaoil.

A's ged is goirt an dealachadh,
 Bidh 'n coinneachadh d'a réir,
 'S ar cridheachan 'an dealas ùr
 A' dlùthachadh ri chéil',

'An gaol gun mheirg, gun fhàilneachadh
 Ach mar a bha gun bheud;
 Gach turus-cuain 'g a ùrachadh,
 A mhùirneag a' chùil réidh.

A' M H A I G H D E A N A L U I N N. ✓

LE EANRAIG MAC ILLEBHAIN. ✗

FONN.—“*Slàn gu'n till na Gàidheil Ghasda.*”

SEISD.—Seinnam duan a nis do 'n mhaighdinn.
 A tha aoibheil, eridheil, caoimhneil,
 'S lionmhor fear a' bheireadh oighreachd
 Air son roinn do ghràdh a' crìdh'.

Tha mo leannan dreachinnhor, dìreach,
 A's na gluasad socair, siobhalt',
 Cha 'n 'eil maighdean anns an sgìreachd,
 Thig a nìos riut ann an gnòomh.

'S ann fo sgàile nam beann-àrda,
 Dh' fhàs an ribhinn a tha àluinn,
 Labhraidh i gu blasda 'Ghàidhlig,
 'Chainnut is feàrr a tha 's an tìr.

Dh'fhàs i suas mar shóbhraig bhòidhich,
 Modhail, màlda mar an neòinein,
 Cha d' fhuair amайдeachd na góraich
 Aite-còmhnaidh riamh na crìdh'.

Tha a' gruaidhean mar na ròsan,
 Gur e sud 'rinn mise 'leònadh,—
 Cha 'n 'eil 'h-aon anns an Roinn-Eòrpa
 Théid cho òrdail ris gach sòn.

Tha mo ghaol-sa cridheil, ceòlmhor,
 Có 'na cuideachd a' bhiodh brònach?
 'N uair a theannas i ri òrain
 Faodaidh 'n smeòrach a bhi bith.

Falt a' cinn na dhualan òrdail,
 Dheth, cha 'n ioghnadh i 'bhi spòrsail,
 Ceum gu bràth nach dochainn feòirnein,
 Meòir is bòidhche air an sgrìobh'.

Cha 'n 'eil maighdean anns an dùthaich,
 Tha cho measail no cho cliùiteach,
 'S iomadh h-aon a' thug dhuit ùmhachd,
 A's a lùb dhuit anns gach nì.

'O n a chuir mi féin ort eòlas,
 'S tric a bha sinn cridheil còmhla,
 Ach tha mis' an diugh am ònar
 Dubhach, brònach, a's thu 'm dhìth.
 'S ged a tha mi fad' air faontradh,
 Thall 's a bhos air feadh an t-saoghail,
 Air mo spéis dhuit cha tig caochladh,
 Thug mi gaol dhuit 'bhios gun chrìch.

EALAG CHAMARON.

~~BHAGADH~~
 LEIS A' GHREUSAICHE MHOR.

Latha dhomh-sa a's mi 'm aonar,
 'S mi siubhal fraoch troimh 'n fhàsach,
 Gu 'n d' dhrùidh an t-uisg' air m' aodach,
 A's shaol leam a bhi bàithe;

Bha ghaoth 's an t-uisg' ri m' chluais-sa
 Cho cruaidh 's nach cluinninn stàirnich—
 Ceud soraidh slàn do 'n ghruagaich
 'Thug dhomh-s' gun għruaim an fhàrdaich.

'N uair ràinig mise 'n teaghlaich
 Bu chaoimhneil rium bha Sàra,
 Fhuair mi euid na h-oidhch' ann,
 A's roinn dhe 'n la-'r-na-mhàireach,
 A h-uile nì mar dhaoimein,
 Gun fhoighneachd ciod a phàighinn,—
 Ceud soraidh slàn do 'n mhaighdinn
 A rinn mo leaba chàradh.

B'i sud an leaba chliùiteach,
 Gu 'm faodadh Diùc bhi pràmh innt',
 Le iteagan a's dùnnis,
 A's cùirteaninn 'bha àluinn,
 Boustairean a's cluasagan,
 A's cuileag uaine 's bhàn orr';
 'S ged bhiodh an reothadh cruaidh ann
 Cha mhòth'chainn fuachd gu bràth ann.

'N uair bha mi òg 's mi górách,
 'S mi-sheòltachd tigh'n an àird dhomh,
 Gu 'n deanainn-sa do phòsad,
 Gun toil no deòin do chàirdean,
 Ach nis o 'n dh' fhàs mi stòlda,
 'S e 'n dòchas tha 'n am cheann-sa,
 Gu 'm b' anns' leam thu bhi còmhl' rium,
 Na stòras Tighearna Ghrannda.

'S math thig gùn sioda dhuit,
 A's breacan riomhach scàrlaid,
 Làmhan òr-gheal riomhach
 Air do mhìn-bhasa bàna,

An t-sùil is gloine lionas,
 'S do bhian mar shneachd air chàrna,
 'S ceud soraidh slàn do 'n mhaighdinn
 A rinn mo leaba chàradh .

'N uair théid thu suas do 'n Bhràighe,
 Bu tearc, a ghràidh, dhuit samhladh ;
 A dheanadh muighe 's càbag,
 'S a dh' àrach laoigh a's ghamhna,
 Ged theirinn-s', cha bu nàir' e,—
 Ri annsa riut mar shamhladh,
 Pearsa dhireach, àluinn ;
 'S b' e 'n t-àilleagan 's a' ghleann thu.

'S ann an Ionar-Lòchaidh,
 Tha 'n seòrs' dhe 'n bheil a' mhaighdean,
 Gillean laghach, aoibheil,
 A fhuair mi daonnaン caoimhneil ;
 Camaronach a' chruadail,
 Gur tric a chualas ainm orr'—
 Ceud soraidh slàn do 'n mhaighdinn,
 'S e 's ainm dhi Ealag Chamaron.

MOLADH CHINNTIRE.

Soiridh soir bhream gu Cinntìre,
 Le caoine, dìlse, agus fàilte,
 Gun àrd no iosal a dhearmad.
 Eadar an Tairbeart a's Abhart.
 Banaltra Galltachd a's Gàilteachd,
 Ged a thréig i nis a h-àbhaist ;
 Bha drùghadh gach tir' g'a h-ionnsaidh,
 'S cha dùraig aon neach a fàgail.

'S cùbhraidh 's gur fallain a fàileadh,
 Ag éirigh thar bhlàthaibh 's thar ghéabha,
 Measarradh a Samhradh 's a Geamhradh,
 Gun ainiochd stoirmé no gréine.
 'S aobhainn a enoca 's a cruacha;
 'S àiridheach, buailteach a glinne.
 Bòthach, laoghach, meannach, uanach,
 Gruthach, bainneach, uachdrach, imeach.
 Gheibhteadh prostain àluinn, uasal,
 A' ruagadh a' bhruic uasail, cheannaird,
 Le coin ghrad-charach, ro lùthor,
 'G a 'chur gu' dhùbhlà air a charabh.
 Bidh an coileach 's an tom gu sàmhach,
 A's gadhair nan ànhuilt g'a 'chealgadh;
 A's gus an glucar anns an lòn e,
 Cha smuain e innleachd an t-sealgair.
 A glinn a's binne dùrdan-shrutha,
 'Séinn romh shrathaibh fàsach, féurach,
 Luibheach, craobhach, meadhach, duilleach,
 Caoirich, cnodhach, subhach, sméurach.
 'S eala carach, binn-ghobach, òrdail,
 A sheinneas an smèòrach 's an fheasgar,
 An uiseag os a cionn gu h-uallach,
 An lòn 's a' chuach ag cur beus leò:
 Cha'n 'eil fear-ciùl 's 'a choille chìubhraidh
 Nach seinn le dùrachd a chò-sheirm.
 Gu fileant, ealant, dònach, siùblach,
 A' roinnt na h-ùine gu h-eòlach,
 An caomh comh-sheinn pongail, òrdail,
 Freagairt a mòram 's a minim.
 Gu h-eignidh, geibnidh, teibnidh, ceolmhar,
 Orgain a's glòrmhoire 's a' chruinne;
 Gu feart-tarnach, ceart-tarnach, ceutach.
 Gun bhuge, no géire, no dith-cuim;
 A' stad 's ag aideachadh gu h-eòlach,

A' mealtainn sòlais 'us siocaint
 A' freagairt a cheile mu'n Ionbhar,
 'M bi 'm breac 's am bradan gu suilbhir
 Gu h-iteach, lannach, ballach, bruinne-gheal
 A' mire 's a léumraich ri 'n iorball.
 'S fochlásach, biolaireach, a fuarain,
 'An achlais gach cluain a's gach tulaich,
 A' brùchdadh mar chriostal 'an uachdar,
 Na h-iocshlaint fionnoir, buadhaich, milis.
 A maghan seisneil, deisneil, rioghail,
 'An lionmhòr fear-siolchur 's an Earrach ;
 'S an Fhoghar, greadhnach, meadhraich uallach,
 Dualach, sguabach, cruachach, torrach.
 A creagan truideach, crotach, calminach,
 Mar bhuachlach, sgarbhnnach, a calaidh ;
 Gèadhach, lachach de gach seòrsa,
 Dòbhranach, rònánach, ealach.
 Nuallan a tonnan mar òrgain
 'Teachd leis a' mhonmhur a's binne,
 Mar rolaidh craicinn air a' chéile,
 Stuaidh ghlé-gheal 'sgar na tuinne.

MI M' SHUIDHE 'M ONAR. ✓

LE SOMHAIRLE CAMARON, RAINNACH.

AIR FONN.—“*Coire-cheathaich.*”

Mi m' shuidhe 'm ònar, air tulaich bhòidhich
 'S mi gabhail òrain, cha téid e leam ;
 Mo chridhe 'n còmhnaidh mar chloich air mòintich,
 A's mòran seòil aig air dol gu grùnnnd.

Gu grùnd cha téid e gun fhios do 'n Eucaig;

'S ma ni i réite gur fheàirrd a chuis;

'S mur tagh i féin mi, gur leis an Eug mi,

Le shaighdibh geura tigh 'n orm ás ùr.

A shaighdean geur' annam taobh ri chéile,

A dh' fhàg mi reubta 's a rinn mo leòn

Gur tùirsach m' eislein gach latha 'g éiridh;

Gur tric mo léine co fliuch ri lòn,

Mar ghaoith bho thuath a thig bhàrr nan cuaintean,

A dh'fhalbas bh'uainne mar chi sibh ceò,

'S e samhladh fhuair mi de ghaol na gruagaich,

A rinn mo bhuaireadh air iomad seòl.

Gu tràigh cha téid i; 's gur beag mo spéis di,

Mur faigh mi 'n Eucag a 's gile dreach,

Do shliosan glé-gheal mar shneachd air gheugaibh;

'S gur tùirsach m' éiridh gun laidhe leat.

Tha m' inntinn cianail, gach lath' 'g a riabadh,

'S mi 'n tòir air d' iarraidh le cogais cheart.

Do nàdur còmhnaid a chlaoïdh ás m' òig mi;

'S cha b' e do stòras a bh' ann am bheachd.

Stòr no feudail ged 's mòr an spéis diu,

An diugh cha léir leam a bhi 'g an dìth;

A's stoc no àirneis cha 'n iad a b' fheàrr leam;

'S cha bhraid na meirl' air am bheil mi 'n tì,

Cha chrodh air bhuailtibh 's cha ghreigh air fuaran

A chuir am buaireas so ann am chridh';

Ach eala bhuaidheach 's i snàmh nan cuaintean,

'S mo lion mu 'n cuairt di g' a tòirt gu tir.

'S ma 's tusa an eala tha air a' chuan sin,

Gur mise 'n t-uan a tha air an tràigh,

'S na meangain bhuaidheach a' fàs mu 'n cuairt domh,

Mur tuit mi m' buair' air do shon, a ghràidh;

Cha dìbheil céille thug miad mo spéis duit;
 'S ma ni thu réite cha déigh dhomh e.
 On 's tu mo cheud ghràdh, 's gu'n lùb thu féin mi,
 Gu'm bi mi éibhinn deth fad mo ràidh.

Do chuach-fhalt bòidheach, air dhath an neòinein
 'S e fàs gu mòthar 'n a dhualaibh grinn,
 'N a chiabhan òr-bhuidh mar dhithein eòrna.
 Gu bann do chòta bho chòl do chinn,—
 Gu lùbach, dualach,—gu cleacach, cuachach,
 A's car mu 'n cuairt anns gach fuithein mìn,
 'S e truiste suas ann an sioda buadhach,
 An leadan dualach nach dochainn cùr.

Do shlios mar chanach, no bréid de 'n anart,
 No sneachd air barraich, gun dol gu làr ;
 Do ghruaidlh dhearg thana mar chaoran meangain,
 Fo d' shùil ghorm, niheallach, gun ghiomh, gun sgàth.
 Tha mais' a' d' aodan thar clann nan daoine ;
 'S e dh' fhàg mi daonnan eo fad a' d' ghràdh ;
 Ach thig le d' ghaol, 's thoir e glaic an Aoig mi,
 Neo dh' aindeoin dhaoine gum faigh mi bàs.

'S ma chumar bhuam thu le gniomh an t-sluaigh sin,
 A thogas tuaileas le cainnt am beòil,
 Tha càirdean dileas mu 'n cuairt os i seal,
 A thogas mì-thlac, 's nach strìochd do 'n chòir.
 Luchd bhreug a's thuaileis do 'n gnàth bhi buaireadh
 Tha m' fhuil air fuathachadh riu, as m' fheòil,
 Gum buin an treud ud do Mhamon déisneach,
 Le 'n teangaibh èisgeil toirt beum do 'n chòir.

Tha naimhdean fallsail, fo sgàile càirdeis,
 A' togail fann-sgeulan oirnn le chèil',
 Luchd mì-rùin teanga a piocadh tainge,
 A' dealbh an aimhleis 's a' deanamh bhreug.

Tha ceilg mar lòn agus nimh ri òl daibh,
 A's e an cònaidh gu searbh 'n am beul.
 Luchd dhealbh droch sgeòil buinidh iad de dhòruinn,
 'S an dream gu sònruicht' bhos 'deanamh bhreug ;

 Ma chi sibh neach bhos a' cur ri chéile,
 Mar phioghaid threubhaich 's i 'deanamh nid
 Bidh aon a' cuartachadh stigh le h-éigin,
 A's aon a' réiteachadh cuairt an nid ;—
 Ma thig gaoth luaineach thar bhàrr nan cuaintean,
 A chuireas luasgan air meòir a' phris ;
 Grad fhalbhaidh uapa an nead 's a chuaireag,
 A's faic an truaighe cia mòr a' nis.

 Mar sin, mo bhanndag, na gabh-sa anntlachd,
 Ged their do chàirdean gu'm bheil mi bochd ;
 A's tuig Righ Daibhidh, 's an staid am b' àird e,
 Bha chrìdh' gun àilgheas mar neach gun toic.
 Cha d' fhuair an rìgh sin ach beag tolinntinn
 'S a' chathair rioghail, le mòran sprochd ;
 'S ma leugh thu 'm Bioball tha pairt de 'g innseadh
 Gu'n d' rinn e ilseach mar dhuine bochd.

 Bha mise a' m' òige car tamuill gòrach ;
 Nis tha mi deònach air cintinn glic ;
 Tha àm gu bròn agus àm gu sòlas :
 'S e 'n dara seòl air 'n do chaochail mis.
 Nis glacam seòlta mo ribheid cheòlar,
 O'n tha mo shòlas a rìs air teachd ;
 A's théid mi chòmhnuidh gu tulaich bhoidhich
 'S bidh mi mar smèòraich a' seinn gu beachd.

MO CHAILIN DILEAS DONN. ✓

LE EACHANN MAC COINNICH, ULLAPOOL.

Gu' m bu slàn a chì mi,
 Mo chailin dileas, donn;
 Bean a' chuailein réidh,
 Air an deise dh' eireadh fonn.
 'S i cainnt do bheòil bu bhinne leam,
 An uair bhiodh m' inntinn trom,
 'S tu thogadh suas mo chrìdh'
 'N uair a bhiodh tu bruidhinn rium.

Gur muladach a ta mi,
 'S mi nochd air àird' a' chuain—
 'S neo-shunndach mo chadal domh,
 'S do chaidreamh fada bhuam;
 Gur tric mi ort a' smaointeach;
 As t-aogaistha mi truagh;
 A's mar a dean mi t-fhaotainn
 Cha bhi mo shaoghal buan.

Sùil chorragh mar an dearcag
 Fo rosg a dh' iadhas dlùth;
 Gruaidhean mar an caorann,
 Fo 'n aodann tha leam ciùin.
 Mar d' aithris iad na breugan
 Gu'n d' thug mi féin duit rùn;
 'S gur bliadhna leam gach là
 O'n uair a d'fhàg mi thu.

Theireadh iad mu 'n d' fhàlbh mi,
 Gu' m bu shearbh leam dol a' d' chòir;
 Gu' n do chuir mi cùl riut,
 'S gu'n dhiùlt mi dhuit mo phòg.

Na cuireadh sud ort cùram,
 A rùin—na creid an sgleò ;
 Tha t-anail leam ni's cùbhraidih,
 Na'n drùchd air bhàrr an fheòir.

Tacan mu'n do sheòl sinn,
 Is ann a thòisich càch
 Ri innseadh do mo chruinneig-sa,
 Nach tillinn-sa gu bràth.
 Na cuireadh sud ort gruaimein,
 A luadh—ma bhios mi slàn—
 Cha chum dad idir uait mi,
 Ach saighead chruaidh a' bhàis

 Tha mòran de luchd aimlisg,
 A' seanachas an droch sgeòil ;
 An eridheachan mar *phuinsean*,
 Cha chuimhnich iad a' chòir ;
 Ach na creid an sgeula ;
 Ma gheibh a' chléir oirnn eòir ;
 'S ma dh'fhanas sinn o 'chéile,
 'Si 'n éigin a bheir òirnn.

Tha 'n t-snaim a nise ceangailte,
 Gu daingean agus teann ;
 A's their luchd na fanaid riùm,
 Nach 'eil mo phrothaid ann : —
 Am fear aig am bheil fortan,
 Tha crois aige 'n a cheann,
 'S tha mise taingeil, toilichte,
 Ged tha mo sporan gann.

M A R B H R A N N.

DO PHEIGI NIC-ILLEATHAIN,

LE SEONAIT NIC DHOMHNUILL.

'S ann an dràst tha 'n sgeul cràiteach ri chluinntinn 's an àite,
 Tha 'n nìgh'nag is àille 's is maisiche gnùis
 Air a righeadh 's a càradh an ciste chaoil chlàraidh,
 'S i 'n diugh air a fàgail le'càirdean 's an ùir.

Gur truagh leam an t-òig-flear, chaill a mhisneach ri 'bheò e,
 Tha 'chrìdh' air a sgaradh, gur dubhach a ghnùis;
 A bhean-bainnse bhòidheach le lic air a còmhdach.
 'N a laidhe 's an talamh, 's i falaicht' bho 'shùil.

Bu chaoimhneil 's bu teo-chridheach leamsa a fàilte,—
 A nìgh'nag a b' àill', 's ann ort féin a bhiodh fonn;
 Do ghruaidean mar scàrlaid, 's mar ròs ann an gàradh,
 'S do chneas mar an eala air bharraibh nan tonn!

Gur truagh leam do chàirdean, gu sonruicht' do mhàthair;
 Chaill i 'h-aighear 's an t-saoghal, gu bràth, a's a sunnd;
 'S gur tric i 'g a' d' chaoineadh, 's gun thu aice ri fhaotainn,
 'S cha 'n éirich a crìdh' ged tha tigh'nn a' bhliadh'n'-ùr.

A nis sguir 'g a bron, thu féin a's a càirdean,—
 Tha ise gu h-àrd ann am Pàras nan dùl;
 'S tha sinn uile an dòchas gu bheil i 'n diugh pòsda
 Air ar Slànaighear glòrmhor, 's a ghnàth 'seinn a chliù.

AM FAIGH A' GHÀIDHLIG BAS? ✓

LE NIALL MADLEÒID.

Tha mòran sluaigh a 'm beachd an diugh
 Nach 'eil ar càinain slàn,
 Nach fhad' a chluinnear fuaim a guth,
 Nach téid i 'chaoïdh ni's feàrr;

Gu'm bheil an aont' a bh' aic' air ruith,
 Nach tog i ceann gu bràth;
 'S a dh'aindeooin buaidh Mhic-'Ille-Dhuibh,
 Gu'm faigh a' Ghàidhlig bàs.

Tha siol nan sonn 'g an cur air chùl,
 'S am fearann 'g a chur fàs;
 Tha féidh a's caoirich air gach stùc
 Mu 'n robh na laoich a' tàmh;
 Tha cinneach eil' air teachd do'n ùir,
 'S ag éiridh suas 'n an àit',
 'Tha 'toirt am bòidean air gach dùil
 Gu 'm faigh a' Ghàidhlig bàs.

An leig sinn eachdraidh chaomh ar tìr'
 A sgriobadh de gach clàr,
 'S a' Ghàidhlig chòir a chur a dhìth
 Le linn nach tuig a gnàths?
 A chànan aosda, ghlòirmhor, bhiunn,
 A dhùisgeadh fuinn nam Bàrd,
 Am fan sinn diomhanach gun suim
 A's daoí 'g a cur gu bàs?

Dùisg suas, a Ghàidhlig, 's tog do ghuth,
 Na biodh ort geilt no sgàth;
 Tha ciadan mìle dileas duit
 Nach dìlobair thu 's a' bhlàr;
 Cho fad' 's a shiùbhlas uillt le sruth,
 'S a bhuaileas tuinn air tràigh,
 Cha 'n aontaich iad a'n cainnt no 'n cruth
 Gu 'n téid do chur gu bàs.

A' chainnt a dh'fhoillsich cliù nam Fiann
 'S an gaisgeadh dian 's gach càs;
 Tha'n euchdan ionraiteach bho chian
 Ag àrach miann 'n an àl;

Na leómhainn threun' nach d'thug le fiamh
 An cùlthaobh riamh do nàmh ;
 Tha ionadh gleann, a's enoc, a's sliabh,
 A' luaidh air gnìomh an làmh.

Cha'n eòl dhuinn ceàrn, an ear, no'n iar,
 No fonn mu'n iadh an sàil'
 Nach fhaighear cuid an sin dhe'n siol
 A' liadachadh 's a' fàs,
 'Tha 'g altrum suas, le dùrachd dian,
 Gach sgialachd agus dàn
 A bhiodh an sìnnsearan a' sniomh
 'An tr nan sliabh 's nam bàgh.

Ach 's geàrr a bhios an ùin' a' triall,
 Gu 'm faic sinn, mar is àill,
 A' Ghàidhlig mùirneach, mar ar miann,
 'An cathair inbheich, àird,
 A' sgaoileadh eòlais agus ciall
 Bho 'h-ionmhasan nach tràigh ;
 'S a' taisbeineadh le neart a rian
 Nach téid i 'n cian so bàs.

'N sin togaidh i le buaidh a ceann,
 Le aoibhneas ni i gàir,
 A teudan gleusaidh i gu teann
 Le eridhe taingeil, làn ;
 Gu'n cluinn mac-talla feadh nan gleann
 Gach doire 's allt 'eur fàilt',
 'S an osag chiùin air bhàrr nam beann
 A' giùlan fuinn a dàin.

Ach buaidh us piseach air na laoich
 'Tha seasmhach air a sgàth,
 'Chaidh àrach ann an tir an fhraoich,
 Ge sgaoilt' an diugh an àl ;

Ged chaidh an sgapadh air gach taobh, •
 Ged chaochail iad an gnàths,
 Cha'n fhàs an eachdraidh lag le aois,
 'S cha'n fhaigh a' Ghàidhlig bàs.

FAILL ILL O AGUS HO RO EILE. ✓

(*Another version of this Song will be found at Page 289.*)

SEISD—Faill ill ó agus hó ro éile
 Faill ill ó agus hó ro éile;
 Air fàill ill ó agus hó ro éile;
 Gur túrsach trom leam mo laidhe 's m éirigh.

Saoil sibh fhéin nach mi 'bha truagh dheth,
 Feasgar foghair air achadh buana;
 A h-uile té 's a fear fhéin r'a guallainn,
 'S mo leannan donn-sa air bhàrr nan cuantan.
 Fàill ill ó, etc.

Shiùbhlainn, shiùbhlainn, shiùbhlainn fhéin leat,
 Shiùbhlainn fada troimh choill nan geug leat;
 'S 'n uair bha mi òg 's mi air bheagan céille
 Gur e do ghaol-sa a rinn mo léireadh.

Fàill ill ó, etc.

Gheall mo mhàthair fàinne òir dhomh;
 Gheall m' athair buaile bhò dhomh;
 'S ged gheibhinn sud 's an saoghal mòr leis
 Gur mòr gu 'm b' ànnsa leam gaol an òigeir.

Fàill ill ó, etc.

'Phiuthar ghaolaich dean gu réidh rium
 Cum an crodh a's na laoigh bho chéile;
 'S ged ghabh mi 'm poca 's ged dh' iarr mi'n déirce,
 Na cumaibh uam-sa mo rogha céile.

Fàill ill ó, etc.

'Dé na'm faicinn thu seach a' bhuaile,
 Sgealb, mi 'n cuman a's thilg mi 'bhluarach,
 Chuirinn fhéin mo dhà làmh mu'n cuairt duit
 'S cò, a ghaoil, sin a chumadh uam thu?
 Fàill ill ó, etc.

Cinnidh sóbhrachan anns an earrach,
 Cinnidh ùbhlan air bhàrr nam meangan;
 Bheir sud 'am chuimhne-sa pòg mo leannain,
 'S a h-uile té dhiubh air bhlas na meala.

Fàill ill ó, etc.

DH'FHALBH MO NIGHEAN CHRUINN, DONN. ✓

SEISD.—Dh'fhalbh mo nighean chruinn, donn,

Uam, do 'n Iùraidi;
 Dh'fhalbh mo nighean chruinn, donn,
 Cneas mar eal' air bhàrr thon—
 Och a's och! mo nighean donn,
 'A dh'fhag mi-shunnd orm.

'S truagh nach robh mi 's mo ghaol
 Ann an gleann cùbhraidi;
 'S truagh nach robh mi 's mo ghaol
 Ri h-uisg' ann 's ri gaoith;
 'S fo shileadh nan craobh
 Bhitheamaid sunndach.

Dh'fhalbh, etc.

Nam biodh agam-sa spréidh,
 Bhithinn glé chùirteil,
 Nam biodh agamsa spréidh
 Feadh bheann a's feadh sléibh,
 B' ùr a gheibhinn thu féin,
 'S cha bu chéil' àmpaidh.

Dh'fhalbh, etc.

Ged tha thusa an tràth-s'
 Ann an gleann Iùraidh,
 Ged tha thus' ann an tàmh,
 Tha d' aigne fo phràmh,
 Agus mise gun stàth,
 Le do ghràdh ciùrrte.
 Dh'fhalbh, etc.

Beir mo shorruidh le gràdh
 Uam do 'n Iùraidh ;
 Beir mo shorruidh le gràdh
 Dh'fhiös na h-òigh rinn mo chràdh ;
 'S o'n nach math leath' mar tha,
 Tha i féin túrsach.
 Dh'fhalbh, etc.

Cha 'n 'eil aice mar chéil'
 Ach am fior ùmpaidh,
 Cha 'n 'eil aice mar chéill',
 Ach sean bhodach gun spéis,
 'S e mar ghearran o fhéill—
 Doirbh, breun, brùideil !
 Dh'fhalbh, etc.

'S FHEUDAR DHOMH BHI BEO. ✓

SEISD—'S fheudar dhomh bhi beò,
 Ged a robh thu 'm dhith ;
 Ciamar gheibh mi 'n smuairein so
 A' chumail dhiom ?
 'S fheudar dhomh bhi beò,
 Ged a robh thu 'm dhith.

'S muladach a ta mi,
 Mach ri Dail na Ceàrdaich,
 'S gun a ghruagach làmh rium,
 Gaol a's gràdh mo chrìdh'.
 'S fheudar, &c.

'S i mo ghaol an ainnir
 'S deise théid 'na h-anart
 'S ioma Diùc a's Baran
 'Dh'fharraideas cò i.
 'S fheudar, &c.

'S i mo ghaol an déideag
 'S deise théid 'na h-éididh ;
 'S coltach ri deò-ghréin i
 'Nuair a dh-éireas i.
 'S fheudar, &c

'S ann ort a tha 'n cul-snìomhain
 Nach feum cùr g'a chìreadh,
 'S e mar theudan sioda
 Sìos mu chul do chinn.
 'S fheudar, &c.

Tha 'n t-urram dhuit air dannsa
 Anns gach còisir ghreannar ;—
 'S mòr a thug mi gheall duit
 Ged a mheall thu mi.
 'S fheudar, &c.

'S muladach a ta mi
 Dhol a stigh do 'n bhàta,
 'Dol a null thar sàile—
 'S gu là bhràth cha till.
 'S fheudar, &c.

Ach 's e dh'fhàg mi brùite
 'N ainnir a chuir cùl rium ;
 'N déigh na rinn i 'shùgradh'.
 'S tùrsach tha mo chrìdh'.
 'S fheudar, &c.

O R A N ,

DO'N URRAMACH ALASDAIR STIUBHARD,

'AM BUN-LOCHABAR.

LE. F. D. MAC DONELL.

O ! mosglam-se le sunnd a's càiil
 A's deachdar dàn gu buadhach leam,
 Do'n Fhìr-eun uasal, fhoinnidh, fhial,
 Is pailte cial a's buadhannan,
 Tha 'm Bun-Lochaber nan damh donn,
 'S nam mac 's nan sonn elis, fuasgailte,
 Dheth 'n aitim rioghail sheasmhach, dhàن',
 Bha sgaiteach, dàicheil, cruadalach.

'S tu 'fiuran fearail, 's athail gnùis,
 A's teinne lugh, 's a's anamanta,
 A's guirme sùil, 's a's deirge gruaidh,
 'S tu fallain snuadhdmhor, geala-mhaiseach ;
 O shàil do bhuiinn gu gruaig do chinn,
 Gur euimir, grinn, deas, dealbhach thu,
 'S na 'm faichte gairm a dhòn a' chrùin,
 Bu ghlan air thùs na h-armaitl thu.

Ach 's e ni buan do mheas 's do chliù,
 Na gibhteal dlùth chaidh dhòrtadh ort,
 'S nach 'eil 's an àl so fear do chéill,'
 'S tu deanamh feum an còmhnuidh dheth :
 'S tu ubhall àluinn 's lionmhor freumh,
 'S is pailte geuga mòr-mheasach,
 Gun bheud, gun ghaoid, ach reachdmhor, làn,
 'S e bhi fo d' sgàil tha sòlasach.

Gur diomhair d' iùil a's d' fhiosrachd gheur,
 Mu chuairt na gréin' tha deàrrsadhl oirnn,
 'S cha 'n 'eil an cleith ort gnè nan reul,
 'S gach feart 's na's léir dheth 'n àireamh ud,
 Mar sin gu'n dhearbh thu meud do ghrunnd,
 A's barrachd tùir mar Chàladair,
 'A dh'innseas dhuinn m'an tig gu crìch,
 Gach caochladh sion 's mar thàrlas e.

'S gur solus dhuinn do bheachdan fior
 Mu ghìn nan iasg 's an àbhaisteán,
 Mu ghnè nan eun, 's gach bith' ta beò,
 'S mu bhuadhan phòr 's mar dh' fhàsas iad,
 Mu chinneas luibhean a's an sgèimh,
 'S mu stuthan mhéin 's an gnàthachadh,
 'S tu toirt dhuinn eòlais air gach maoin,
 A tha 's an t-saoghal nàdurra.

A's tuigseach dh' innsear leatsa sgeòil,
 Nan Aoisean Orach 's Iarunnach
 'S tu deas 'an cainnt na Gréig' 's na Ròimh',
 Cha bhi ort sgleò 'g an sgrìobhadh dhuinn ;
 'S gur taitneach 'chuirear leat 'an céill,
 Mu ghaisge threubh nam Fianntaichean,
 A's nòs gach teaghlaich, fin', a's sluaigh,
 Am meud, an snuadh 's an siolachadh.

Tha ort mar chliù, bhi suairice, ciùin,
 Neo-uallach, mùinte, siobhalta,
 'S tu faoilidh, pàirteach, iochdmhor, tlàth,
 A's pailt an gràdh 's an simplidheachd,
 Ro thapaidh. dian, 's gach àit a's àm,
 A sheasamh bhantrach 's dhìleachdan,
 Air cheann nam bochd a' dion an cùis
 'S deas-chainn teach, grunndail, dileas thu.

Gu'm bheil do għluasad 'reir do ghairm,
 'S cha'n ann le foirm no cealgaireachd,
 Ach thlusail, séimh, a's ceart 'am beus,
 A' ruith do réis gu h-armaichte :
 Gu'n d' fhuair thu dh' onoir le gach buaidh,
 Bhi d' aobhar uaill' d' ar Garbh-chriochan,
 'S gur müirneil d' ainm air feadh gach tìr',
 'S bidh iomadh linn a' seanachas ort.

Gu'n guidhinn fhéin duit 'measg nan ceud
 Fad shìneadh rè neo-smuaireanach,
 A' fàs 'an toirt, 'an euid, 's an daoin',
 Ri fad do shaoghail buannachdail ;
 'S gu'm beil mi luaidh ort le mòr mhiann,
 Aig ceann gach mios' mar chuairticheas—
 'S ag òl do shlàinte le Mac-Ràild,
 Fear cridheil, càirdeil, uasal e.

A N G I L L E B A N.



SEISD.—Ma's ann gam mhealladh
 A' ghaoil a bha thu,
 Ma's ann gam mhealladh,
 As déigh do ghealladh,
 'S e 'luaidh do mholadh,
 Ni mi gu bràth !

Chunnaic mis' thu air a' bhuaille,
 Agus ribhinn òg ri d' ghuallainn,
 Saoil-se féin nach mi bha truagh dheth,
 'N uair rinn mi 'suas ris a' ghille bhàn.
 Ma's ann gam mhealladh, etc.

Tha sgeul ùr air tigh 'n an dùthaich,
 Gur sguabach ùr a's feàrr a sgùras
 Ach 'n uair a dh' fhalbas an duilleach ùr dhi,
 Cha dean i sgùradh nas feàrr na càch.
 Ma's ann gam mhealladh, etc.

Ged a gheibhainn-se mac duin' uisail,
 Agus mile 'chrodh-laoigh air bhuailtibh,
 Gum b'fheàrr leam cadal an lagan uaine,
 Air leaba luachrach le m' ghille bànn.
 Ma's ann gam mhealladh, etc.

Rìgh gur mise 'tha gu tùrsach,
 'On a chaill mi 'n t-òigear rùnaich,
 'S thic na deoir a ruith a' m' shùilean,
 Cha dean iad dùnad gu briste là.
 Ma's ann gam mhealladh, etc.

'Stric a bha thu ri mo ghuallainn,
 Cridheil, ceòlmhor, an àm na buana,
 Ach 'on àm sin do ghaol gu'n d'fhuardaich
 A's thug thu fuath dhomh an àite gràidh.
 Ma's ann gam mhealladh, etc.

Sud an sealladh 'rinn mo leònadh,
 'Bhi ga d' fhaicinn-se Di-dòmhnaich,
 Am measg do chàirdean a's do luchd-eòlais
 'S cha b' fhiach leat fheòraich an robh mi slànn.
 Ma's ann gam mhealladh, etc.

Ged a gheall thu mise 'phòsadh,
 'S ged a dh' fhàg thu 'n diugh mi brònach,
 Guidheam dhuit-se a chaoidh gach sòlas,
 Cho math ri òg-bhean a bheir dhuit gràdh.
 Ma's ann gam mhealladh, etc.

Thig a nis agus dùin mo shùilean,
 'S a' chiste-chaoil ni na saoir a' dhùnadhl,
 Leag a sìos mi 's an anart dhùbailt',
 Oir 's ann 's an ùir a ni mise tàmh.
 Ma's ann gam mhealladh, etc.

C U M H A

LE CAIRISTINA NIC COLLA,

*D'a Mac Seumas, 'n uair a phos e Anna Nic 'Illemhaoil 's i
 'na bantraich le ceathrar chloinne.*

Thoir mo shoraidh thar sàile
 Dh' ionn'suidh Sheumais do 'n Gheàrraich
 'S innis dha mar a tha mi fo bhròn,
 Mu'n sgeul ùr tha r'a innseadh,
 Gu'n do dh' fhàg thu an tìr so
 Dhol do Ghlachu nan stiobull le d' dheòin.
 Mu'n sgeul ùr, etc.

Leis an d' thug thu dhomh buille
 Nach robh soitheamh dhomh fhulang,
 'S nach do thoill mi cho duineil o d' dhòrn,
 Leis an d' thug, etc.

'N là thug thu do chùl rium,
 'Dh 'fhalbh le bàta na smùide
 Bha mo chridhe-se brùit' ann am fheòil,
 'N là thug thu, etc.

'N là a' phòs thu a' bhantrach
 'S ann am thigh a bha 'n t-an-tlachd
 'S beag a shunnd no cheòl-danns' bha nan còir,
 'N là a phòs thu, etc.

Bha do phiuthar fo thrioblaid
 Ach b' iad do bhràithrean bu mhiosa
 Bha t-athair a's mise fo bhròn
 Bha do phiuthar, etc.

Ach na'm biodh tu mu'n tràth so
 Ann an cogadh na Ban-righ
 Cha bhiodhmid idir cho cràiteach air dòigh,
 Ach na 'm biodh, etc.

Bhiodh 'ur sùil ri d' thigh'n dachaidh
 Ann an greadhnachas fhathast
 Agus céile bhiodh maiseach a' d' chòir.
 Bhiodh 'ur sùil, etc.

Ach o'n a rinn thu 'ur tréigsinn
 'S mòr an it' as ar sgéith thu—
 Sgoileir sgrìobhaidh a's leughaidh bha còrr.
 Ach o'n a rinn, etc.

Ach gabhaidh mise mo chead dhiot,
 O'n nach fheàirrde mi bheag thu,
 O'n a chaill mi, gun teagamh, ort coir.
 Ach gabhaidh, etc.

Ach fhad 's a bhitheas mi maireann,
 Bidh tu 'Sheumais air m' aire
 Le m' cheann liath dol gu tlamh ri bròn.
 Ach fhad, 's a bhitheas, etc.

Nis guidheam sonas do d' chéile,
 Ged is coma leam fhéin i,
 Agus soirbheachadh réidh dhuibh ri 'r beò.

AN GILLE DONN.

SEISD.—Och ho ró! 'Ille dhuinn,
 'Ille dhuinn bhòidhich—
 Och ho ró! 'Ille dhuinn.

Gura mis 'tha fo mhulad,
 'Giùlan eular Righ Deorsa.
 Och ho ró! etc.

Mi 'bhi 'giùlan a' ghunna,
 Ann an Cuideachd a' Chòirneil,
 Och ho ró! etc.

Fhuair sinn òrdugh 'bhi màrsadh
 Gu sràid nan ceum còmhndar.
 Och ho ró! etc.

Gu sràid nan ceum socrach,
 Nach dochainn ar brògan!
 Och ho ró! etc.

Luchd nan còtaichean ruadha,
 'Ga'n cur suas 'an deadh òrdugh.
 Och ho ró! etc.

Luchd nan còtaichean-gearra,
 'Ga'n cur thairis do 'n t-Olaind.
 Och ho ró! etc.

Gur h-ann feasgar Di-sathurn,
 'Thug sinn 'n cath a bha deònach.
 Och ho ró! etc.

B' ioma té 'bha gun chéile,
 'N àm éirigh Di-Dòmhnuich!
 Och ho ró! etc.

Agus nighean fir fearainn,
 'Bha 'na laidhe 'na h-ònrachd!
 Och ho ro! etc.

'An déis a céile 'thoirt uaipe,
 'S nach fuasgaileadh òr e.
 Och ho ro! etc.

E 'na shìneadh 's an luachair,
 'S 'fhuil mu 'ghuaillnean a' dòrtadh!
 Och ho ro! etc.

Thoir uam soiridh thar mbonadh,
 Gu Muile nam mòr-bheann.
 Och ho ro! etc.

Far an goireadh a' chuthag,
 Anns gach bruthach ionmh 'n Bhealtainn.
 Och ho ro! etc.

Thoir uam soiridh gu m' mhàthair,
 'S gur h-i 'dh 'àraich glé òg mi.
 Och ho ro! etc.

Soiridh eile gu m' phiuthair,
 Tha i 'm chumha gu brònach.
 Och ho ro! etc.

A's an t-soiridh s' gu m' leannan:
 Théid mi dhachaidh ma 's beò dhomh!
 Och ho ro! etc.

* AN RIBHINN DONN. ✓

LE AONGHAS MAC-AN-T-SAOIR.

SEISD.—O 's rùnach leam mo rìbhinn donn,
 'S a' ghleann taobh thall nam fuar-bheann;
 'S an fheasgar chiùin théid mi le m' rùn,
 Gu doire dlùth nam fuaran.

Mo sheang choin-seilg tha'n garbhìlach fhiadh,
 S' mo chridhe cian tha'n còmhnuidh,
 'S a' ghleann 's an eisd mo Mhàiri ghrinn
 Ri ceilear binn na sméòrach.

O 's rùnach leam, etc.

Tha eòin an t-sléibh air sgéith mu'n cuairt,
 'S cha dùisg iad fuaim mo làmhaich,
 A's mis' am pràmh an sgàth nam bruach,
 'S mo smuain mu'n ghruagaich ghràdhhaich..

O 's rùnach leam, etc.

'S i 's aotruim' ceum 's is deàrrsaich' sùil,
 'S a gàir tha ciùin a's caoimhneil,
 'S a guth tha dhòmh-s' mar shòlas ciùil
 'S mi falbh nan stùchd 's an oidhche.

O 's rùnach leam, etc.

'S e 'caoin-fhalt fàinneach 's àilidh sgèimh,
 'S a bràighe 's glé-gheal, bòidhche,
 Fo osna 'cléibh ag éiridh scòimh,
 Mar fhaoilinn bhàin air Lòchaidh.

O 's rùnach leam, etc.

A cridhe aobhach 's aotrom sunnd,
 Mar mhang aig sùrd an réidhlein ;
 Ach caomh a's tlàth mar bhlàth fo dhriùchd,
 Am maise chiùin a' chéitein.

O 's rùnach leam, etc.

Mo rìbhinn ghràidh a's àillidh sgiamh
 'S tu 's àraidh beus 's is bòidhche,
 'S a mhaise dh' fhàs air gràdh nan cend
 Cha tréig thu'n Ionar-Lochaidh.

O 's rùnach leam, etc.

Ged gheibhinn lùchuirt 's crùn an Righ
 A' d' iùnnais dhìobhainn còir orr;
 'S mo bhean 's mo bhan-righ bheirinn i
 Gu tuine 'n tir nam mòr-bheann.

O 's rùnach leam, etc.

BRUTHAICHEAN GHLINN'-BRAOIN. ✓

LE UILLEAM ROS.

SEISD.—Beir mo shoraidh le dùrachd,
 Do ribhinn nan dlù-chiabh,
 Ris an tric bha mi 'sùgradh,
 Ann am Brùth'chean Ghlinn'-Braoin.

Gur e mis' tha gu cianail,
 'S mi cho fad' uait am bladhna,
 Tha leann-dubh air mo shiaradh,
 'S mi ri iarguin do ghaoil.

Cha 'n fheud mi bhi subhach,
 Gur e 's beus domh bhi dubhach,
 Cha dìrich mi bruthach,
 Chaidh mo shiubhal an lugh'd.

Chaibh m'astar am maillid,
 Bho nach faic mi mo leannan;
 'S ann a chleachd mi bhi mar riut,
 Ann an gleannan a' chaoil.

Anns a' choill' am bi 'n smùdan
 'S e gu binn a' seinn ciùil duinn,
 Cuach a's smèòrach ga 'r dùsgadh,
 'Cur na-smùid diubh le faoilt'.

'S tric a bha mi 's tu mireadh,
 Agus càch ga n-ar shreadh,
 Gus 'm bu déonach leinn tilleadh,
 Gus Innis nan laogh.

Sinn air faireadh na tulaich,
 'S mo làmh thar do mhuiñeil,
 Sinn ag éisdeachd nan luinneag,
 Bhiodh am mullach nan craobh.

Tha mise ga 'ràitim,
 'S cha 'n urrainn mi 'àicheadh,
 Gur iomadach sàruch'
 'Thig air àiridh nach saoil.

Gur mis' tha 's a' chmpar,
 'S mi fo chìs anns an àm so,
 Ann am priosan na Frainge,
 Fo ainneart gach aon.

Ann an seòmraichean glaiste,
 Gun cheòl, a's gun mhaenas,
 Gun òrdugh á Sasunn,
 Mo thoirt dhachaidh gu saor.

Cha b' ionnan sud 's m' àbhaist,
 A' siubhal nam fàsach,
 'S a' direadh nan àrd-bheann,
 Gabhail fàth air na laoigh.

A' siubhall nan stùc-bheann,
 Le mo ghunna nach diùltadh;
 'S le mo *fhlasgaichean* fùdair;
 Air mo ghlùm anns an fhraoch.

FLEASGACH A' CHUIL DUINN. ✓

SEISD.—A fhleasgaich ghrinn, 'fhir 'chùil duinn,
 'S truagh nach robh sinn còmhla;
 A fhleasgaich ghrinn, 'fhir 'chùil duinn.

1 - 'S truagh nach robh mi 's m' eudail
 'N Gleann-Eite 'bharraich bhòidhich.

- 'S truagh nach robh mi còmhla riut
 An seòmar dlùth nam bòrda.

2 - 'S mise tha fo mhulad dheth *cell*
 Air m' uilinn, a's mi m' ònar.

> 4 - 'Cuimhneachadh do shùgraiddh,
 Lùb ùr a' blroillich bhòidhich,

5 - 'Cuimhneachadh do bheadraiddh,
 Cha bheag a fhuair mi òg dheth.

6 - Mu'n robh mi dusan bliadhna,
 Gu'm b'e mo mhiann 'bhi còmhl' riut.

> Marbh'aig 'an a' ghaol sin
 Nach fhaodar 'chur air fògradh.

8 - Cha robh ann ach faoineis,
 'Bha 'n aorabh na cloinn' òige.

9 - Cha h' ann 'an sgàth nam bruachan,
 A luaidh, a fhuair mi d' eòlas.

Thug an gille' 'm fireach air
 A shireadh clàmh na cròice.

10 - Thug am bàta 'n caol oirre
 'S cha robh mo ghaol ga 'seòladh.

11 - Thug ami bàta 'n cuan oirre
 'S cha bhuannaichd i 'n dòirlinn.

d' t' 77 d' ar uir | 77, 77,
77 77 d' 77 - 77 | m a m i m 77 77 d' t' 77
77, | a m i 77 d' 77 | m a 77 m
d' 77 77 d' a m i 77, 77, 77 m a 77

Gu bheil do chàirdean deurach
'S gu bheil mi fhéin ro bhrònach.
'S cinnteach mi nach toilicht' thu
Le d' fhortan ged a phòs thu.

1926

A' BHEAN-CHOMAINN.

Gur tù mo bhean-chomain, a chàgair 's a ghaoil,
Bha'n dùthchas ud againn 'bhi gu h-aimaideach, faoin.
Cha b'fhada leam seachdainn a bhi 'n taice ri m' ghaol;
Gur mi nach iarradh le leaba a bhi againn ach fraoch.

Ged a tha mi 'dol dachaidh tha mo thasgaidh 'am dhéigh,
'S mi gu'n aithnicheadh mo chruinneag ann an crunneachadh
cheud;

'Beul meachair 'ni màran, eùl fainneach, donn, réidh,
Mala chaol mar an ite thig á sgiath an eòin léith.

'M fior thoiseach an t-Samhraidh ghabh mi geall diot a's miann;
B'fheàrr dhomh-sa bho'n àm sin nach do theann mi ris riamh;
Aig a' mheud 's thug mi 'ghaoil duit gu'n do chaochail mo nial.
B'annsa nochd 'bhi riut sinn te na mìle bó chiar.

Meòir fhada, chaol, dìreach, 'dheanadh sgrìobhadh le peann,
'N uair a chàireadh tu siod' ort, chuirinn fhéin asad geall
Nach 'eil anns an tìr so de fhìor chlann nan Gàidh'l,
Na bhuidhneadh bonn gill ort ann an grinneas do làmh.

'S ann 'am Bràigh Innis-Ruairidh 'tha mo luaidh de na mnài:
Beana nan gorm-shùilean meallach, 's a' bhroilllich ghil bhàin.
Ceart cho cinnteach 's tha 'm bradan air an aigeal a' snàndh,
Thug mi gaol 's cha ghaol-bréig' e, do'n euchdaig ghil, bhàin.

Cha d' thug thu dhomh riasan, 'bhi 'cur sìos air do chliù,
Ged a bhithinn ga d' iarraidh bho d' bheulthaobh gu d' chùl;
Bha thu siobhalta riamh riùm, bha do bhriathran dhomh ciùin,
'S bidh mo chrìdh' ann an tòir ort, ged bhiodh tu pòsda ri trihir.

Moshaoreadh gu d' mbàthair, 's i ruin t' àrach l'studag, +
Ged a bhithheadh i 'g riachinn gu robh meighnach ris an òl;
Chumainn fàinne le dasluan glè ghruinn m'a do mbàthair,
Chumainn dàigheil achaoidh thu, 's chabhrach tu achaich' aon
chroach duileagh.

Thug mi goad abhut, a chaitin, 'nuair a bhe uis gile òg,
'S mi w' slibhal nam beannaithe, far am faigleunn do phòig;
'S m'a chadach thu a' nìshealladh 's nach leannan thu dhomh-5
B'fhearr bhith sìnt' anns an talamh na bith dealachte ri mi

bhòg. t.

FM Cha 'n 'eil bean aogais mo leannain, 'n diugh air faich' no
air feur,

'Dol do'n chlachan Didònaich, 's tu bu mhòthaire ceum,
Troidh chruinn am bròig chòmhnaird nach leònadh am feur;
Deud snaidhte ro-bhòidheach, 's mar na ròsan do bheul.

'Dol Didònaich do'n chlachan, gur h-e 's fasan dhomh bròn,
'N uair a chì mi mo leannan, 's fear eile 'na còir,
'S ann a théid iad orm seachad gu dol a steach do'n tigh-òsd'
'S bidh esan, 's gu'm faod e, 'sior-fhaotainn a pòig.

Mi 'bhi dìreadh a' bhruthaich thàinig tuisleadh na m' cheum,
'S mi 'bhi 'teàrnadh a' mhonaidh 's mo ghunna fo m' sgéith,
Tha m' inntinn fo mhulad, làn tuiridh na d' dhéigh,
'S nach iarrainn de'n t-saoghal ach, a ghaoil, 'bhi riut réidh.

'S mi 'bhi 'gabhair an rathaid 's a chaoinnhaduinn chiùin,
Tromh ionmali na coille 's fear na foill' air mo chùl,
Leigidh mise dhuit 'fhaicinn mu choinneamh do shùl
Ma 's e 's gu'n tréig thu mo chomunn gu'm bheil mi comha
eo-dhiùbh.

AN T-OIGHRE OG.



SEISD.—Hó hì 's na hì iù o,

Hó hì 's na hì iù o,

Haor irì 's na hì iù o,

'S e mo rùn an t-oighr' òg.

Oighr' òig á Dùnbheagain,

Nam pìoban 's nam feedan,

'S mi gu'n deanadh do fhreagairt,

Le fead ceann-a'-mheoir.

7 'S e 's phasan do'n àrmunn,

'Bhi 'falbh anns gach àite,

Le 'ghillean 's le 'bhàta,

'Bha àluinn 's gach dòigh.

Mac Leoid an dòin' nasal
Teas a dhineadh a' chrualladh
he ghunn' air a ghualladh
Teas a ruagadh an eòin.

⊗ NB II.270.

Cha bhiodh orm-sa bonn càraim,
 Ach thu fhéin 'bhi ga 'stiùireadh,
 Ged a bhiodh a' mhuir dhùibh-ghorm
 Tigh'nn dhlùth do'n t-slait bheòil.

Tha ùbhlan 'ad ghàradh,
 Agus peuran a' fàs ann,
 Tha do chrodh air bhàrr fàsaich,
 'S tha do bhàta fo sheòl.

'S ann aig gairmeadh a' choilich,
 Fhuair mi sgeula na foill' ort:
 Chaidh tu seachad an fhagail,
 'S cha do thaghail thu òirnn.

Sguiridh mise ga d' iargainn,
 Bho'n nach fhaigh mi thu 'm bliadhna,
 Aeh, so mo làmh nach mi 'chiad te
 'Fhuair briathran do bheòil.

AN CIOBAIR DONN. ✓

SEISD.—'S tù gur tù 's gur tù 'th'air m'aire,
 S tù gur tù 's gur tù 'th'air m'aire,
 'S tu fhéin, a rùin, gur tù 'th'air m'aire,
 'S tu mo chuid-sa de dh-fhir a' bhaile.

Nàile, 's e mo cheist an cìobair,
 Fear 'chìil dualaich nach cosd na cìrean,
 Beul na stuaimé fo bhuaidh luchd mì-ruin,
 'S e do ghaol nach fhàgadh shìos mi.

Dhiùlt mi diùne, agus dhiùlt mi bàillidh.
 Gheibhainn tighearn' agus fear no dhà dhiùbh:
 'S e mo roghainn de na dh'fhàg mi,
 Cìobair donn nan caoraich bhàna.

Tha mi trin is mi i caoile mo dhòibheis,
Na h-eòin is mi is fud na h-oidhche tho. mi
Do domhainn meallta :- - gheamhail dhomha
Dhirt fult mu chluinn dha na tuill a chomhainn.

'N oidhche 'bha sinn anns a' mhonadh,
'S e 'bu bhiadh dhuinn bun an t-seilich,
Bàrr an fhraoich air son coinnlean geala,
'S an h-eòin fhiadhaich air son luchd-faire.

'N oidhche 'bha sinn ris an h-uanaibh,
Thog na nìgheananagan oirnn mar thaileas
Gu'n robh mis' ann a'd' bhreacan suainte:
Cha robh, a ghaoil, O, gu'm b'fhada bhuit mi !

- Thug thu 'n ear dhiom, thug thu 'n iar dhiom,
Thug thu 'ghealach gheal 's a' ghrian dhiom,
Thug thu 'n cridhe a bh' ann am chliabh dhiom,
Cha mhòr, a ghaoil, nach tug 's mo chiall dhiom.

Ged bu leamsa 'fhad 's a chì mi,
Agus urad eile 'mhiltean,
Leiginn dhiom a h-uile sgrìl dheth,
Air son 'bhi uair ann an cainnt a' chìobair.

Ged a bhithinn-sa marbh am màireach,
'S mo chur sios fo leacan bàna,
Thiginn beò agus gheabhairn slàinte,
Ach an clobair a chur làmh riùm.

TEAGASG RIGH -ARTAIR.

Laidh agus éirich air do làimh dheis,
Na dean féisd ach sàth;
Dean comhairle le do ghaol,
'S na bi 'd aonar 'n aghaidh chàich.

'S maирg a bhiodh gun chomhairleach
 'N uair bhiodh neach na 'aonar ;
 Air d' uailse na dean ro-chuimhne,
 Ged thigeadh dhuit a dhanadh.

Na bi cruaidh a's na bi bog,
 Na tréig do charaid air do chuid ;
 A mhic-eridhe na dean trod,
 'S na ob e ma's éiginn duit.

Na h-ob sìth 's na seachainn cogadh,
 Na h-arguin ann an cill ri d' bheò ;
 Na dean gnìomh teann as do theangaidh,
 Na can foill 's na geall gleò.

Na h-aithris na chìtear leat,
 'S gur beag an diùbhail 'bhi 'd thosd ;
 Eisd ri còmhradh dhaoine glic,
 Tuig agus abair gu beag.

Na bi briathrach an tigh an òil,
 'S labhair gu fòil ri sean fhear ;
 Na abair nach tiùbhradh tu còir,
 Na h-ob a's na h-iarr onair.

Na bi seilgeach air sràid,
 Na bi gealtach 's an ruaig ;
 Na bi 'd Bharantas am bréig,
 Leig i gu féilidh bhuit.

Na pòs bean as a sgèimh,
 'S gun fhios dhuit ciod è a lochd ;
 Na miannaich i ged bhios i dearg,
 'S gur seirbhe blas na caorunn chon.

4. 'S a' muladachan an am òiragadh
Bha smigle le mo shùileam
Ag curadhneadh do shigaidh
Seal' urain mòr a hùladh dhomh.

5. Bith tadhail mara's tide
Air taigh an phléannach riombail
Bàinb a seapadh fiona
'S a riaghlaich na tannahchan.

r/r-del/mr/r/m-157/r/r

7 | sm/mr d/ha/dhealach. 467

m/r-(cl) m/r

r/r-m/r-l-cl-a/r/m-s/t/l-w/i/l

s/m-a/m-d/l-i/l-t/l-12

AN DOMHNULLACH URRAMACH.

SEISD.—An Dòmhnullach Urramach
A dhìreadh na mullaichean,
Tha d' fhòghlum cho àrd
'S ged a dh' àraicht' an Lunainn thu.

guitar 'S e mo ghaol an t-usal,
A dhìreas moch na cruachan ;
A ghunna air a' ghuallionn,
'S gur luath a chuid chuileinean.

2. *gobh mo ghàdh* 'S e mo ghràdh an t-àrmun,
dòl mi A thug Dirdaoin an tràigh air,
Gun òlainn do dheoch-slàinte,
'S e b' fheàrr na bhi muladach.

1. *gur le* 'S e mo ghaol an t-usal
A thug an raoir an cuan air, *a dhèanadh mi Di-ann ri*
'S ñbidh ioma té fo ghruumain
Mar buanaich a thuras leis.

'S e mo ghaol an t-òigear
Is deise 'théid na bhòtainn ;
Gur ioma caileag bhòidheach,
'Bhiodh deònach gu fuireachd leis.

Fhir a' chualain shniomhain,
Tha ceangailte le sìoda,
Ma théid thu do na h-Innsean,
Gur mise a bhios muladach.

Fhir a' chualain àluinn,
Thog dhomh-sa diomh mo chàirdean ;
An diugh ma rinn thu m' fhàgail
Cha 'n fheàrrde do thuras e.

6. *Burnhath thu's an tigf-òrda*
Ag cur nam fear an òrigh
Cha togadh tu ann còmhastadh
Ach òrain is neigheoll.

7. *Iòris a null's a null thu*
Do humainn's thu mi frangil
Fhir nd rinn mo chail
Muair a gheall mi bith fuisceal nist.

8. Maithis an ionn mhail thu
Colachadar na faoleig
'Ach d'ios ad líne chail thu
Air raointe 'na h-iomaineach.

9. Bi'n fhiosfhl òglen gun tòileadh
An cinnseadh an' do bliainreachd thu
Coilidh an taobh truatha
Tait bràill air a b-eile fear.

Sgiobair air na caoiltean,
Cho math 'sa bha ri fhaotainn,
Sàr chamanaich' air raon thu,
'S air do thaobh-sa cha tilleadh i.

Fhir a' bhroillich chùbhraiddh,
Tha d' anail mar na h-ùbhlan,
Do shlios mar eala bhùirn,
'S bu shunndach gach turas leat.

Fhir a' broillich shoillsich,
Gu direadh na staidhre,
Do shùilean mar na daoimein,
Cur soills' anns na h-uinneagan.

Fhir a' broillich ghlé-ghil,
'Choisinn iomadh beum dhomh
Cia mar bhios mi réidh riut,
'S iad eucorach uile rium?

Fhir a' bhroillich bhàin-ghil,
Choisinn dhomh-se nàire;
Ma rinn thu mise fhàgail,
Cha 'n fheàrrde mo mhulad e.

Sealgair damh na cròice,
'S an lag am biodh an ceòthan,
'S a' choilich-bhuidhe chrònain,
'S an ròin an cois tuinne, thu.

3. Ma théid thu null air fairge,
Le crios nam balla meanbh-bhreac,
Le claidheamh a' chinn airgid,
Gu'n dearbhadh tu buillean leis.

Ma théid thu nunn a China,
Gu 'm bi na fir ga d' iondrainn,
Gu'n tréiginnse mo dhùthaich,
A ghiùlan a' ghunna dhuit.

10. Ma théid thu 'n cleit Òllamh Donnwill
Gnu h-iomadh fiuinn lòidheach.
A dh' eirisde leat a Dhònnwill
Nan tòiseachd curraist dhuirt.

11. Bhioch leonhan frànslàrnach leag
Mar sin is bradan taroghach
long 's a shòis ri fairge
'Si falbh fo curid chularan.

Is e mo ghaol an ceann-ard,
 Bha 'n raor an tigh na bainnse,
 'S ann dhomh-se nach bu chall sud,
 'S na bh'ann a' toirt urraim duit.

B' fheàrr leam na crodh dàra,
 Na paidhir each an stàbull,
 Gu'm faicinn thu na d' bhàillidh,
 Air stàtaichean urramach. ✕

r ms1 rd7, ds7, d } cf. h.301
 r ms1 7sm7 7sm r }
 NACH MULADACH DUINE LEIS FEIN. ✓

SEISD.—Ho rìthil, o rothan,
 Ho rìthil, o ré;
 Ho rìthil, o rothan,
 Hillin och, ho ró é.

Nach muladach, muladach
 Duine leis féin;
 'S ionnan sin 's mar tha mise,
 'S tric mi sileadh nan deur.
 Ho rìthil, etc.

** | 'M faca tua 'n t-òg-uasal
 Chaidh 'suas a so 'n dé;
 Le gunn' air a ghuallainn,
 'S e uallach 'na cleum.
 Ho rìthil, etc.

Cf. h.511 | 'N uair a thigeadh tu dhachaidh,
 Chluinntे farum do cheum;
 Bhiodh do sheòmraichean cadail,
 Air an lasadh le céir.
 Ho rìthil, etc.

** Cf. Grain a' Mhàidh, vii. 5.

* Verses and extra verses from MT. iii. 1, which says song composed by Flora MacDonald, Tabbha Baghruill, Isle, to the son of Fearan Al-leathain. He was a captain in the army. He did not marry her, and she went somewhat wrong in the mind.

'N uair a rachadh tu'n fhireach
 Leat a chinneadh an t-seilg,
 Bhiodh na coin leat, 's do ghillean,
 'S do ghunn' air dheadh ghleus.
 Ho rìthil, etc.

Nach bòidheach ri 'm faicinn
 Air faice là féill,
 Na ciobaitean uallach
 A' eualach na spréidh.
 Ho rìthil, etc.

O! fhír a chòt' uaine
 Chaidh a mach a bhuaин an dé
 Mar a tig thu leam dachaидh
 Ni mi 'n rathad leam féin.
 Ho rìthil, etc.

Gur mis' tha fo mhulad,
 'S ro dhuilich a' d' dhéigh;
 'S tric tha mi cho deurach
 'S nach léir dhomh mo cheum.
 Ho rìthil, etc.

'S tric a bha sinn gu càirdeil
 Fo sgàile nan geug,
 Ach eha mhò leat mi m' bliadhna
 Na ialtag nan speur.
 Ho rìthil, etc.

Ged a dh'fhàg thu mi buileach
 'An dubhar na gréin,
 Cinnidh mise mar fhàillein
 Gun fhàillinn, làn sgèanh.
 Ho rìthil, etc.

FASACHADH NA GAIDHEALTACHD. ✓

LE AONGHAS MAC EACHARN, GHLASCHU.

AIR FONN.—“*Muile nam mor-bheann.*”

Cha mhaenás no gàir', tha 'n dràsd air m' aire,
 Gu'n iarruinn mo chlàrsach 'thàr am fagus,
 Cha chluinnear mo dhàn am fàrdaich aighear
 'S mi 'n tràsd gun chaidreamh sòlais

Marbh'aisg air 'an làmh chuir sgànradh fada,
 Thar monaidh a's sàil fo shàir nam beannaibh;
 Bu shona mo là an gràdh nan gallan,
 Nach fàiltich carrant' ni's mò mi.

Fhuair mi na làraich, fàsail, falamh,—
 An àiridh 's am b' àbhaist tàmh a ghabhail
 Gun sealgair, gun bhàrd, gun nàmh a bhradain,—
 B'e fàth làn-aighear 'bhi còmhl' riu.

'S na doireachan dlùth 'n robh sùgradh 's aighear,
 Cha'n fhaicear le stùil ach eùirt nan tighean,
 Gun eilid air stuchd, a's,—crùnadhbh m' airsneil,—
 Luchd-ciùil nam beannaibh air fògar.

Gach sruthan a's allt' 's a' cheann le bruthach,—
 Gach tulaich, gach meall, 's gach gleann a' tuireadh,
 Tha còisir nan crann gun rann, gun luinneag,
 Bho'n chaill iad buidheann nan òran.

Ach 's éigin dhomh triall, tha 'ghrian a' luidhe,
 'S a' g' éiridh 's an iarmaitl fiambh m' aigne
 Tha smaointeán ro chianail 'lionadh m' aigne
 'S mi 'm bliadh'n gun charaid 'ni m' fheòraich.

THA DURACHD MO CHRIDHE DHUIT. ✓

Tha dùrachd mo chridhe dhuit
 Seach nighean tha fo 'n ghréin,
 Ciod e'n t-àite 'm bitheadh tu
 Nach bithinn ort an déigh ?
 Gur binne leam do chòmhradh,
 Na 'n smeòrach air a' ghéig,
 Gu 'm b'aite leam bli d' phògadh
 An seòmar leinn féin.

Théid mi dh' Ionarneis O !
 Seachdainn o' maireach ;
 Théid mi ann gun amharus,
 Gu faidhir na Féill-Andrais ;
 Bidh leann air na tulaichean
 A's tunnachan glé làn deth,
 'S gu dearbh ged chosd e'n tòr dhomh,
 Gu'n òl mi do dheoch-slàinte.

Chunnaic mi Di-dòmhnuich
 An rìbhinn òg 's an t-searmoin,
 Ga 'm maith ga 'n tig na brògan
 Le'm feòirneinibh airgid ;
 'S ioma fleasgach bòidheach
 A's ògan deas meannach,
 Tha 'n làn dòigh ri d' phòsadh
 'S nach gabhadh òr an geall ort.

Tha corp is gill' nan eala ort,
 A' snàmh air bharraibh thonn,
 'S cùbhraig leam blas d' analach,
 Na caineal a's e donn ;

A ghaoil na bi ga m' mhealladh,
 Oir tha m' anam ort an geall,
 Gu'm b'annse de pòg d' bhilean
 Na Ionarneis ud thall.

'S moch a ghabh mi eòlas
 Air ainnir òg na féille,
 Anns na bailte mòra,
 'S i fòghlum na Beurla ;
 Mu'n d' fhaod mi bhi làn eòlach
 Air bòidhchead a h-aodainn,
 Gu'n d' léir i mo chridhe 'nam,
 'S a rìs cha'n fhaigh mi féin e.

Is ann am Baile-'chaolais
 A tha mo ghaol-s' a chòmhnuidh ;
 Innis di nach faod mi
 'Bhi daonnan am ònar ;
 Le inheud 's a thug mi ghaol dhuit,
 'S nach faod mi do phòsadh,
 Mar furtach thu le d' ghaol orm,
 'S e 'n t-aog m' àite còmhnuidh.

ORAN DO BHATA. ✓

LE AONGHAS MAC EACHARN, GLASCHU.

AIR FONN.—“ *Mairi Laghach.* ”

Mur dheàrrsa reult na maidne
 Roimh na baideil dhùmh'l
 Chi mi *Venus* mhaiseach
 'Snàmh 's a challa chiùin ;
 Buill dhìreach, ruighinn, għramail,
 Toirt siùil gheala dlùth,
 Ri sparraibh, sùighe, fallain,
 Air nach fàilnich lùth's.

Do buadhan 's tric mi 'g àireamh
 Air an tràigh ri d' thaobh,
 Leughar air gach clàr dhiot
 Grinneas làmh nan saor ;
 Sìnteach, sniomhach, lannach,
 Dionach dannar', dlùth ;
 Giubhas finealt, fallain,
 'S aisnibh daraich shùight'.

'N am cur sheòl ri d' chrannaibh,
 'S t-acair thoirt a gruind,
 Gillean bhiodh 'nan cabhaig,
 Tarruing 'bhallaibh dlùth ;
 Gu muir ghàbhaidh teannadh,
 'S frasan a' tigh'n dùmh'l,
 Na meallaibh àrd cha bhac thu,
 'S làmh neo-ghealt' a'd' stiùir.

Air bhàrr thouna caor-gheal
 Mach air aodann cuain,
 Frasan cruaidh nam faoileach
 Tigh'n le gaoir o'n tuath.
 Luinngeis nan crann-caola,
 Pasgadh aodaich cruaidh,
 'S tusa mar an fhaoileig,
 Air gach taobh toirt buaidh.

Cha 'n 'eil eun 's an ealtainn
 'N uair a's caise 'n ruaig.
 'Dh'fhàgas ann an astar
 Té nan lannaibh ruadh ;
 Muir dhù-ghorm ga sgapadh,
 Sruthaibh bras fo d' chluais,
 Buill chaineaba chruaidh an glacaibh
 Sgiobadh gaisgeil, cruaidh.

'S tu thogadh fonn nam fearaibh,
 'N am toirt fearainn dlùth,
 A' direadh thonn gu h-eangarr',
 'S ga 'n cuir seach' na 'n smùid ;
 Bhuaite cha chluinnte gearan
 Neo-mhearachdach do chùrs',
 H-uile meall a ghleachd riut
 Chaill e 'neart roimh d' ghnùis.

Cha 'n aithne dhòmh-sa d' fheartan
 'Chuir gu ceart an céill,
 Do bhuadhan a's do thapachd
 Tha gun stad am bheul ;
 Gum a fad' thu 'd uidheam
 Sgiobadh ullamh gleust',
 A sheasas treubhach, guinneach,
 'N uair 'bhios muir tigh'n breun.

ORAN LUADHAIDH. ✓

- Dh'eirich mi moch madainn Chéitein,
- SEISD.—Faill ill ó hill ù ill ó,
 Hiùrabh ó hó-ró éile,
 Faill ill ó hill ù ill ó.
- 'S chuala mise sgeul bha éibhinn.
 Faill ill o, etc.
- Gu'n robh gaisgich dheas air éirigh.
 Faill ill o, etc.
- A chur beatha 'n cainnt na Féinne.
 Faill ill o, etc.

Gu cinnteach i cha bu bheag a feum air.
Faill ill o, etc.

Chaidh iad cruinn an ceann a chéile.
Faill ill o, etc.

Thuirt iad gu'n robh chanain feumail.
Faill ill o, etc.

Anns an sgoil, cho math ri Beurla.
Faill ill o, etc.

Sud an duine a rinn feum dhuinn.
Faill ill o, etc.

Friseal-Mac-an-Tòisich gleusda.
Faill ill o, etc.

Togaibh luinneag agus séisd dha.
Faill ill o, etc.

Ardaichear e gus na speuran.
Faill ill o, etc.

Leis na Gaidheil 's gach àite 'n téid e.
Faill ill o, etc.

~~A Dhuine a' Ghàidhlig~~ CUACH MHIC-ILLANDRAIS.

Is mise ghabh an t-suaineach
A cuach Mhic-Ill-Andrais ;
Gur iomadh neach a chual e,
Gu 'n d' fhuaradh aig mo cheann i ;
A liughad briuthas uaigneach
An d' fhuaire mi deoch a's dram as
S cha 'n fhaca mi na's buadh'che
Na cuach Mhic-Ill-Andrais.

[Ghnog mi mas a' għurraich,
 'S chuir mi cuireadh air an t-searlhanta ;
 Smaoinich mi o'n dh'fhuirich mi
 Gu 'm faighinn bun an t-seanchuis ;
 Dh' fheoraich mi de 's sloinneadh dha,
 Ged cheileadh iad de b' ainm dha ;
 Thuirt esan riun gu faoilidh—
 " Cha bhi aon diubh ort an dearmad.

" 'S ma tha thu 'g iarraidh eòlais orm,
 'S gu bheil thu feòraich m' ainme,
 Gheobh thu fios mo shloinnidh

Le bhi uine bheag am sheanchus ;

2. [Is mi Mac-na-pòite- duibhe
 Bhiodh na suidhe taobb a' ghealbhain,
 'S e 'n t-eorna buidhe b' athair dhomh,
 'S i 'n atharnach mo sheana-mhathair.]

Ma 's e gur tusa 'n urra sin,
 Gu bheil thu 'd churaiddh calma ;
 Cha 'n aithne dhomh fear-teaghlaich
 Bheir barrachd ort an Alba ;
 Gu cinnteach 's deagh fhear-gnothaich thu,
 'S bu chomharaicht' air falbh thu ;
 'S bu dannsair math le fidhill thu
 'S a'd' shuidhe bu tu 'n seanachaidh.] *

1. Oidhche dhomh air allaban,
 'S mi slaparan 's a' mhòintich :
 Chunnacas fear 's eallach air,
 'S e teannachadh a ròpain ;
 Choisich mi gu farasda,
 'S bu mhath leam bhi na chòmhail,
 Bha buideal air a chùlaobh,
 'S e giùlan Mhic-an-Tòisich.

* Part of Iwan an Uisge-beatha by
 Donald Macdonald Minginish, Skye.
 See Donald Macleod's Collection (1811).

3. " Ille 's ann a shuidheas sinn,
 'S gu'n teannamaid ri seanchus ;
 Bheir mi féin mo ghealladh dhuit,
 'S mo bheannachd dhuit m' am falbh mi ;
 Fuasglaidh mi do chuisleanan,
 Gu furtachadh do sheanchuis ;
 Bheir mi làn na slige dhuit,
 'S cha mhisd thu e 's an anmoch."

'N uair shuidh sinn aig a' bhuidheal,
 Cha robh guth air luchd-na-bainnse,
 Ged bhithreach iad an oidhche sin,
 Gun choinlean no gun dannsa.
 Righ, gu'm b' ole an t-àm ann,
 An tiomannan a' gheainhraidh :
 'S 'n uair theannadh iad ri m' gluasad.
 Bu luath leam bha an t-àm ann.

'N uair thòisich iad ri m' charachadh,
 Bu ghann gu'n deanainn gluasad :
 Mo ghlùinean làn de ghearanan
 Le peirealais na tuaineal :
 Cha deanainn car ach sgriodalan.
 Le m' innean anns na bruachan ;
 'N uair thuit mi na mo chadal,
 Gu'n do lathadh leis an fluachd mi.

Bha m' aodach air a shrachdach,
 Agus m' aodann air a sgròbadh ;
 Mo ghlùinean lan de ghearanan,
 Le carrachd Mhic-an-Tòisich ;
 Cha deanainn ceum ach slaparan,
 'S mo chaiseart ann am phòcaid :
 'S bu ghann gu'n deanainn aithneachadh,
 Air aineolaich no eòlaich.

Thachair Dòmhnull Mac-Theàrlaich orm
 'S e buain eallach chaorainn ;
 Bha h-uile sguab an ceangal aig',
 An taoid reamhair ghaoisid ;
 Bheirinnse mo bharantas,
 Nach robh an eallach aotrom,
 'S am fear a rinn a' choiseachd,
 'S e bha coltach ri fear daoraich.

Is mise ghabh an t-eagal,
 Ged is beag a bh' orm a chìram,
 'N uair smaointich iad gu'n gabhainn sud,
 De stuth a bh' air an t-saoghal ;
 A' mheud 's a bha dhe m' chudthrom air,
 'S ann thuit mi ann an gaol air,
 Cha ghabhainnse mar ailis
 Ged a ghalbhamaid an daorach.

Is mise ghabh an t-eagal,
 Cha bu lugha bh'orm a chìram ;
 Mu'n dreathain donn a' feadaireachd,
 'S gu'n d' shaoil leam gun robh triùir ann
 'N uair chunnaic mi na rionnagan,
 'S a sheall mi air mo chìlaobh,
 'S ann choltaich mi iad uile,
 Ri Cuchullainn 's Dòmhnull Mac-Crùislig.

A CHRUINNEAG ILEACH.

Och mar tha mi 's mi 'nam aonar !
 'S cianail dh'fhàg thu mi 'n déigh do chòmhraidih,
 Mo chreach 's mo dhìbheil nach robh mi'n Ille
 'S mo chruinneag dhileas a' dol phòsadh.

'S ann an dé fhuair mi'n sgeul a léir mi,
 Mo leannan fhéin 's i air bheul bhi pòsda,
 'S ma thug thu gealladh dh'fhear eile 'm dhéigh-sa
 Gu'n cuir mi'n éíll páirt do d' encoir dhòmh-sa.

Moch sa mhaduinn an àm dhomh dùsgadh
 Shil mo shùilean a's dh'fhàs mi brònach,
 Mu'n sgeul a chualas air feadh an t-saoghal
 Thu bhi ga d' ghlaodhaich, a ghaoil, Di-dòmhnuich.

'S iomadlu moch-thrath agus anamoch
 A rinn sinn seanachas 's a bha sinn còmhla ;
 Sgeul tha dearbhta gu'n d' fhàs thu searbh dhiom
 Ged bha do sheanachas a' dearbh' dhomh dòchais.

Chuir mi ùigh agus chuir mi sùil annad
 Feuch an dùraichdeadh tu mo phòsadh,
 Bho'n 's e fear ùr leis an d' rinn thu lùbadh,
 'S e eridhe brùite a thug thu dhòmh-sa.

Leugh thu m' inntinn mar leugh Delilah,
 Do bheul 'am bhriodal 's do chridhe leòn mi ;
 S' inntinn luaineach mar ghaoth nan cuantán
 'S gu'n dh'earbh do għluasad mi-shuaireas dhòmh-sa.

Cha chuirinn sìos ort air son do mhì-chliù,
 Tha Solamh 'g innseadh an nì tha sònruicht'
 Bean 's a' mhile cha d'fhuair e dileas,
 Ach leugh am Biobul a's chì thu'n còrr ann.

Bheirinn bradan bhar an t-sàile,
 Fiadh bho àirde nam fuar-bheann mòra ;
 Agus eala bho bhàrr an t-sléibhe
 Gu'm rogha céile fo 'm sgéith, 's i leòinte.

Cha 'n 'eil mi 'n diùmb' riut ged thug thu cùl rium,
 Bho'n 'se fear ùr tha thu 'n dùil ri phòsadh,
 Na taobh ri humpaidh nach labhair ciùin riut
 Bheir eridhe brùite ann an cùil gun treòir dhuit.

Thug thu choill ort 's cha d' rinn thu m' fhoighneachd
 'S e fear gun chaoimhneas a rinn thu phòsadhd,
 Toil do chàirdean a thug 'na dhàil thu
 'S na 'n robh mi làmh ruit cha d' rinn thu 'n còrdadh.

Thug thu'n àirde bha 'n ear 's an iar bhuan,
 Thug thu ghrian bhuan bhàr na mòintich,
 Thug thu'n eridhe bha stigh am chliabh bhuan,
 'S mar d' thoir thu 'n eall bhuan cha 'n aobhar bhròin e

Mo cheisd air ainnir na bilean tana
 Do shlios mar eala 's do mheall-shuil bhòidheach,
 Do dhà ghruaidh 's iad air dhreach nan caoran,
 Do nhala chaol 's i mar it' an lòn-duibh.

Tha mi so 's mi air lagan uaigheach,
 A' caoidh na gruagaich a rinn mo leònadh,
 A rinn mo bhuaireadh le meud a suaireas
 'S gu 'n cunnainn suarach te uasal, òrdail.

DUTHAICH NAN CRAOBH. ✓

— ~~S~~—A bhi fàgail na dìthcha,
 'S a bhi togail a siùil rith',
 'S a bhi stiùireadh a càrsa
 Gu dùthaich nan craobh

Gur e mis' tha fo smuairein,
 'S mi a' seòladh thar chuantan,
 A's mi 'g ionndrainn nan duanag
 'S tric a fhuair mi 'o m' ghaol.

> SEISO.— *Iriù o'r leannain,*
Iriù o'r leannain,
Iriù o'r leannain,
'S tron an t-eallach an' gaor.

'N uair a bha mi le m' ghràdh-sa
 Ann an dùthaich nan àrd-bheann,
 'S tric a dh' éisd mi ri 'mànran
 Fo sgàile nan craobh.

Di-dòmhnuieh m' an d' fhàg mi,
 A's mi coiseachd na sràide,
 Thachair orm-sa mo mhàldag,
 Le 'blàth-shùilean caoin.

— Their iad riut gu bheil mi òlar,
 Gu bheil mi tric 's an tigh-ùsda ;
 'S mi gu'n gleidheadh an lòn thu,
 Ri m' bheò, 's cha b' ann faoin.

— Faiceam long a' dol dachaidh,
 Gu Albainn no Sasunn,
 Sgrìobhaidh mise gu m' leannan
 Gur maireann mo ghaol.

Ach ma bbitheas mi maireann,
 'S tighinn sàbhailte dhachaidh,
 Cha téid mi tuille gu marachd ;
 Ni mi fanachd 's na caoil.

— Thoir mo shoraidh thar sàile,
 Cend soraidh gu bràth 'uam,
 Dh' ionnsaidh ribhinn nam bàth-shùil, —
 Té 's feàrr leam 's an t-saogh'l.

— Ma ni thu 'm pòsadhl m' an tig mi,
 Feuch gur feàrr e na mise ;
 Na gabh pòitear no misgear,
 'S na gabh idir fear faoin. *

* Air nach the same as Bancharan
Ghlinn Boain in Còinse Chinn.

LEIS AN LURGAINN O HI. ✓

Leis an Lurgainn o hì
 Leis an Lurgainn o hò,
 Beul an annmoich o hì,
 'S fheudar falbh le 'cuid seòl.

An Cuan Eirinn o hì,
 Muir ag éirigh o hò,
 'S cha bu léir dhuinn o hì,
 Nì fo 'n ghréin ach na neòil.

Seachad Ile o hì,
 'M beul na h-oidhche o hò,
 Las sinn coinnlean o hì,
 'S chuir sinn combaist air dòigh.

Seachad Aros o hì,
 Bha i gàbhaidh o hò,
 'N fhairge làidir o hì,
 Suas gu bàrr a' chroinn-sgòid

Thuirt an sgiobair o hì,
 Ri chuid ghillean o hò,
 " Glacaibh misneach o hì,
 'S euiribh *reef* na 'cuid seòl.

Suas a h-aodach o hì,
 Ri 'eroinn chaola o hò.
 'Snàmh cho aotrom o hì,
 Ris an fhaoilinn air lòn.

Suas a *top-sail* o hì,
 Deanaibh deas i o hò;
 Bheil e coltach o hì
 Gu'n tig dosgainn na còir?"

Fluair sinn fosgladh o hì,
 Mu'n *stem*-thoisich o hò,
 Fear ga taomadh o hì,
 'S gillean coltach air bòrd.

A MHNATHAN A' GHLINNE SO ✓

A mhnathan a' għlinne so,
 'Għlinne so, 'għlinne so,
 'Mhnathan a' għlinne so
 'S mithich dhuibh ēiridh.
 'S mis' rinn a mhoch-ēiridh,
 'Mhoch-ēiridh, 'mhoch-ēiridh,
 'S mis' rinn a' mhoch-ēiridh,
 Agaibh-s' bha feun air.

Mharbh iad am buachaille,
 'M buachaille, 'm buachaille,
 Mharbh iad am buachaill'
 Bha 'euallach na spréidhe.

An crodh air an togail,
 An crodh air an togail,
 An crodh air an togail,
 'S na fir air an reubadh.

'S Iain dubh, biorach, dubh,
 Iain dubh, biorach, dubh,
 'S Iain dubh, biorach, dubh,
 'G iomain na spréidhe.

'Mhnathan a' għlinne so,
 'Għlinne so, 'għlinne so,
 'Mhnathan a' għlinne so,
 'S mithich dhuibh ēiridh.

AM "BAL" GAIDHEALACH. ✓

LEIS A' BHARD MAC GILLEATHAIN.

SEISD.—Bithibh aotrom 's togaibh fonn,
Cridheil, sunndach, gun bhi trom,
'G òl deoch-slàinte na bheil thall
Ann an tìr nam beann 's nan gleannaibh.

Fhuair mi sgeul a tha leam binn,
'Dh' ùraich gleus air teud mo chinn;
'S bidh mi 'nis a' dol g'a sheinn,
Ged tha mi 's a' choill am falach,

Gur h-e 'n sgeul a fhuair mi 'n dràsd,
'S a dhùisg m' inntinn suas gu dàn,
'Bhi ga m' iarrайдh 'dh' ionnsuidh "bhàil"
'Th' aig na Gàidheil tùs an Earraich.

'N uair a théid an comunn cruinn,
Bidh iad siobhalta le loinn,
Cliuiteach, ciallach, fialaidh, grinn,
'S bhéir iad caoimhneas do dh' fhear aineoil.

'N uair a shuidheas iad mu'n bhòrd,
Bheir iad tacan air an òl,
'S fiodhall theud bho 'n gleusda ceòl,
'Cur nan òganach nan deannaibh.

Cha bhi sgrùbaireachd mu 'n chlár
Ann an cuideachd ghasd' mo ghràidh,
Aig am bheil an inntinn àrd,
'S nach gabh tàmailt bho na Gàllaibh.

'N uair a théid an fhiodh'll na tàmh,
Bheir iad treis an cainnt nam bàrd
'Dhùisgeas fonn neo-throm 'nan càil
Anns a' Ghàidhlig is glan gearradh.

'Chànan ghasda, bhlasda, bhinn!
 'S i 'bha 'n cleachdadhl aig na suinn
 Dhearrbh an gaisge anns gach linn,
 'S a bha cinnteach 'n àm 'bhi tarruing.

Luchd nam breacan! Sud an dream
 A bha cruadalach 's gach àm;
 'S 'n uair a għluuiseadli iad bho 'n *champ*,
 Chuirte 'n ruaig, 's bu teann an leanachd.

'S ann aca féin tha 'n t-éideadh grinn!
 Breacan guaille; féil' na loinn;
 Osan geàrr mu 'n chalpa chruinn;
 'S boineid ghorm os cionn na mala.

Stàilinn għlas mar ealtuinn giar
 Chleachdadhl anns na baiteil riamh
 Leis na gaisgħich nach tais fiamh,
 'S nach biodh riamalach gu tarruing.

Bha iad firinneach gun fhoill
 'N àm dol sios a's piob g'a seinn.—
 Rùisgte brataichean ri croinn
 Aig na saigdearaibh nach mealladh.

'S o'n a chinn sibh fhéin o 'n dream
 Dh' àraicheadh fo sgeith nam beann,
 'Bhuannaich anns an Eiphit geall
 'S a chuir Frangaich ás an t-sealladh;
 Ged tha sibh an tìr nan craobh
 Cuimhnichibh ami beus; na laoich!
 Leòghainn bħorb bu għairge fraoħ;
 'S iad nach aomadh ás a charraid.

Ged tha sibh an Albainn ùr,
 Caithibb an oidhche le sunnd;
 'S an deoħ-slàinte thig air tús,
 Olaibh i gu grunnd, gu fearail.

Olaibh air na Gàidheil threun
 Rachadh acfhuinneach air ghleus,
 'S a tha fuasgailteach gu feum;
 Sealgairean air féidh 's na beannaibh.
 Soraidh bhuan do 'n t-sluagh a nùll
 'S an tìr iosail 'n robh mi 'n tùs.—
 'S tric a dh' fheuch iad bàt fo shiùl
 'S iad ga stiùireadh 'dh' ionnsuidh cala.
 'S bho nach ruig sinn orra 'n dràsd,
 Lòn bho grunnd a' chuach, gu stràic,
 'S euir mu 'n cuairt i nuas gun dàil
 Ann an onair àird nam fearaibh.

AN TEID THU LEAM A MHAIRI.

LE MR. IAIN MUNRO.

ORAN GAOIL EADAR GAIDHEAL OG AGUS A LEANNAN.

AIR FONN.—“Up and war them a' Willie.” *

SEISD.—An téid thu leam a Mhàiri,
 'S am falbh thu leam air sàile,
 An téid thu leam air bhàrr nan tonn,
 Gu tìr nan gleann 's nan àrd-bheann.

Le d' chumadh dhealbhach, àillidh,
 Mar dhealradh reult na faire;
 'S e d' nàdur ciìn do bhàigh 's do mhùirn,
 A leag mo rùn 's mo ghràdh ort.
 An téid thu leam, etc.

ISE.—Cha téid mi leat a Ghàidheil,
 Mo chàirdean gaoil zha 'n fhàg mi,
 Cha téid mi null gu tir nam beann
 'S cha 'n fhàg mi clann mo mhàthar.

Cha téid mi leat a Ghàidheil
 Mo dhùth'ch a chaoidh cha 'n fhàg mi;
 Gur bochd am fonn, 's tha 'n t-aran gann,
 An tìr nan gleann 's nan àrd-bheann.

Cha téid mi leat a Ghàidheil,
 Cha 'n 'eil do thigh aeh tàireal,
 Bhith'n fo sprochd, nan robh mi bochd,
 An tìr nan enoc 's nan àrd-bheann.

ESAN.—Tha tigh agam cho àillidh
 Ris 'n tigh 's an d'fhuaire thu t-àrach,
 Bith cuan a's fonn ruit fial gach àm
 An tìr nan gleann 's nan àrd-bheann.
 An téid thu leam, etc.

Mur 'eil mòr chruinneachd fàs ann
 An tìr nan gleann 's nan àrd-bheann,
 Tha bàrr ni's leoир a's fàs an fheòir,
 An tìr nan lòn 's nan airidh.

An téid thu leam, etc.

Tha agam spréidh le 'n àiltean,
 'S mo mheàna'-cro' air na h-àirdean
 'S bidh laoigh a's uain air raon a's cluain,
 'S gur taitneach fuaim am bàirich.

An téid thu leam, etc.

'S mur 'eil mo long air saile
 Gu saibhreas dheanadh 'n àird dhonadh
 Théid bàt' a's lion, gach là gu rian
 'S bi' agad iasg gu t-àilghios.

An téid thu leam, etc.

An téid thu leam a ghràdhaig
 An téid thu leam air sàile
 An téid thu leam air bhàrr nan tonn
 Gu tìr nan gleann 's nan àrd-bheann.
 An téid thu leam, etc.

Bith agad éideadh bhlàth-ghlan,
 A's breacan mìn mu d' bhràighe;
 Cha téid thu mach gun ghille 's each,
 'S bith h-uile neach riut càirdeil,
 An téid thu leam, etc.

Bith tu fallain, slàinteil,
 Le gaoith a chuain 's nan àrd-bheann,
 'S bith eòin na coill' 's nan sliabh gun fhoill,
 Le òrain bhinn 'cur fàilt' ort.
 An téid thu leam, etc.

Bith mis' riut suilbhar', bàigheil,
 Mar mhaduinn Shàmhraidih, bhlàth-gheal,
 Cha tig ort beud nach dean mo chreuchd,
 'O n thug mi gaol thar càch dhuit.
 An téid thu leam, etc.

ISE.—Stad a nis a Ghàidheil,
 Ma chrìdh', mo rùn 's mo làmh dhuit,
 Gu'n tèid mi null gu tìr nam beann,
 'O n choisinn fonn do dhàn mi.

OG UR A' CHUIL BHAN-GHIL.

Rinneadh an tòran a leanas do Chaitlin Cailein MacIlleathain, fear an Lagain, le Iain Mac Eacharna, (am Piobaire Cam), a bha ann am Bogha-mòr an Ille.

SEISD.—O, gur maith leam gu 'n d' thàinig
 Og ùr a' chùil bhàn-ghil,
 O, gur maith leam gu 'n d' thàinig
 Thu sàbhailt' do'n tìr.

O'n a thàinig thu 'n bhaile
 Cha 'n fhacas gruaim ort no smalan,
 Og ùr a' chùil chlannaich,
 Leam is taitneach do thàit.
 Tha do ghruaidh mar an caoran,
 Sùil mheallach a' d' aodan,
 Fo'n mhala is caoile,
 Cha 'n 'eil t-aogasg 's an tìr.
 O, gur maith leam, etc.

B' fheàrr gu 'm faicinn thu 'd chòirneal,
 B' fheàrr gu 'm faicinn thu 'm mòr-chuis,
 B' fheàrr gu 'm faicinn an chìrtear
 Bhi 'n a Dhiùc no 'n a rìgh,
 Thu glaoighaich an òrdugh
 Na réiseamaid shònruicht',
 Clann Illeathainn o 'n Dreòlainn,
 An dream bòidheach nach strìochd.
 O, gur maith leam, etc.

Gu'm bu chompanach Diùc thu,
 'N àm suidhe 's tigh chùirte,
 'S 'n àm siubhal nan stùchd-bheann
 Bha thu lùghor gun sgios;

Bu tu nàmhaid an ruadh-bhuic,
 'S na h-eild' air an fhuaran,
 Roimh d' fhùdar 's roimh d' luaidhe,
 Cha bu luath mac na frìth.
 O, gur maith leam, etc.

Bu tu iasgair na h-anhunn
 'N uair a bhiodh tu aig baile,
 Agus dròbhair nan aighean
 Aig faidhir an rìgh;
 Bu bhòidheach le d' each thu
 'N uair a bhiodh tu g' a mhareachd,
 Paidhir phiostal a' d' achlais,
 'S cha bu ghealtair thu fhéin.
 O, gur maith leam, etc.

O'n fhuair thu nis céile,
 Rìgh gu'm meal thu dhuit fhéin i,
 Air bheil maise na peucaig
 Ann an beusan 's an gnìomh,
 'S beag an t-ioghnadh mar tha i,
 'S ùr a' choill o'n do dh' fhàs i,
 'S dosrach, ùrail, fo bhlàth i,
 'S bòidheach fàbhar Chloinn Nèill.
 O, gur maith leam, etc.

'S GANN GU'N DIRICH MI CHAOIDH. ✓

LE TORMAID MAC NEACHDAIL, SCORRABHREAC.

SEISD.—'S gann gu 'n dirich mi chaoidh,
 Dh' ionnsuidh frìthean a' mhonaidh,
 'S gann gu'n dirich mi chaoidh.

Thàinig litir á Dun-Eideann
 Nach faodainn fhéin nis dol do 'n mhonadh,
 'S gann, etc.

Pàdruig Mòr an Ceann-Loch-Aoinard,
 Rinn e 'n fhoill 's cha d' rinn e buinneig.
 'S gann, etc.

— Tha mo ghunna caol air meirgeadh,
 Cha téid mi do 'n t-sheilg leis tuille.
 'S gann, etc.

Théid a chrochadh air na tàirngnean,
 'S cha b' e sin leam 'àite fuireach.
 'S gann, etc.

'S ioma latha sgith a bha mi,
 'N àm shuidhe leis 's e làn, air tulaich.
 'S gann, etc.

Gabhair sealladh air na sléibhteann,
 Far am bi na féidh a' fuireach.
 'S gann, etc.

— Far am bi 'n damh 's a chùl brùite,
 'N uair rachainn-sa le m' rùn air m' uilinn.
 'S gann, etc.

'S tric a mharbh mi fiadhl nan stùclid-bheann
 Air mo ghlùin 's mi lùbadh m' uilinn.
 'S gann, etc.

Mar a biodh bràthair mo mhàthar,
 Bhiodh fiadhl nan àrd-bheann a's ful air.
 'S gann, etc.

Ach o'n dh' fhàs an lagh cho làidir,
 'S fheàrr bhi sàbhailt' o gach cunnart.
 'S gann, etc.

Na 'm biodh mo chrodh-laoigh air buaile,
Dh' fhaodainn luaidh' a chur á gunna.

'S gann, etc.

Ach a nis gur fheudar strìochdadhl,
'S fear gun chiall a théid an cunnart.

'S gann, etc.

— Fhuair mi litir 'o na h-uaislean,
Nach fhaodainn luaidh' a chur á gunna,
'S gann, etc.

Bheir mi 'n ruaig so do na h-Innsean
Feuch an dean mi fhéin ann buinneig.
'S gann, etc.

Cha 'n fhaic Pàdruig mi air fàireadh,
'S cha chluinn e stàiririch mo għunna.
'S gann, etc.

ORAN A' BHUACHAILLE.

RINNEADH an t-ðoran a leanas le Dòmhnull Siosal, (Dòmhnull-dubh-a'-bheoil-bhinn), a bha 'n a bhuaħħaille-monaidh neart a làithean ann an Gleann Afaraig, a'm bràigh Srathghlais. Tha beinn mhorr, chruuñ, àluuñ, anns a' għleann do 'n ainm a' "Chioch." Bha Dòmhnull ro għaolach air a' Chioch 's bhiodh e tric a' seinn a clu. Ach b' fheudar dealachadh rithe. Dh' fhalbh e fhéin agus a theagħlach, còmhla ri 'chinneadh 's ri 'chàirdean 'n uair a chaidh an sluagh fhuadach á Srathghlais anns a bhliadhna 1801, 's chaidh iad thairis gu *Nova Scotia*

Mi 'm shuidhe air a' Gholl-ruidhe,
'S m' inntinn trom fo bhonn beallaich.

SEISD.—Seinn, och ho ro, seinn,
Seinn, och ho ro, chailin,
Seinn, och ho ro, seinn.

An diugh cha dirich mi 'n t-àrd-bheann,
 'S cha 'n e thearnadh bu mhath leam.
 Seinn, etc.

Tha leann-dubh orm a' drùghadh,
 'S uisg' mo shùilean ga m' dhalladh.
 Seinn, etc.

Chuir mo bhanaltrum cùl rium,
 Chaill mi 'n cupan 'bha fallain.
 Seinn, etc.

Fhuair na Frisealaich còir ort,
 'S chaidh mis' fhògar le m' aindeoin.
 Seinn, etc.

Ceithir bliadhna 's a fichead,
 Bha mi sìnt 'air do bhainne.
 Seinn, etc.

'S tric a bha mi gu h-uallach
 Air do ghuallainean geala.
 Seinn, etc.

Air a' chreathlaiche chruadail,
 An taobh shuas dhiot 's an Earrach.
 Seinn, etc.

'S fuar séideadh do shròine,
 'N uair a thòisicheas gaillionn.
 Seinn, etc.

Dé tha 'eur air mo phàisde,
 Rinu mi àrach gun ainnis.
 Seinn, etc.

Gheibh thu crìochan an Dùnain
 'S Cnoc-fhinn 's na bi talach.
 Seinn, etc.

Cia-mar riaraicheas sin m'inntinn,
 'S mi fhéin cinnteach nach mair e?
 Seinn, etc.

ORAN DO THIGHEARNA LOCHABUIDHE,

AIR DHA BHI 'TIGHINN GU CUIRM BHLIADHNAIL NAM MUILEACH
 ANN AN GLASCHU, 1878.

LE IAIN OG MAC PHAIDEIN.

AIR FONN.—“*Faill ill oro, faill ill o, faill ill oro éille.*”

So deoch-slàinte Mhurchaidh òig,
 Olamaid gu léir i,
 'S i so deoch-slàint' an t-shàr dhuin'-uasail,
 Gu'm bu dual bhi treubhach.

So i 'n sgeul a thog oirnn fonn,
 'S na paipeirean g'a leughadh,
 Tighearn' òg Lochabuidhe
 Na cheann-suidhe air na treun laoich.

Lion a' chuach a nuas dhuinn stòp,
 Cha phòiteireachd gun bheus i,
 Cha Mhuileach fear nach òladh i,
 'S nach cuir an t-òr 'n a h-éirig.

Gur glan am frìth 's an d' chinn an crann
 A dh' fhàs gun mheang gun bheud air,
 An doire dlùth nan ùr-mheur stocach,
 Flùrach, dosrach, geugach.

'S tu 'n fhior fhuil uasal, dh' fhàs gun truailleadh,
 Dhuit bu dual bhi treubhach,
 Bho cheann nan ceudan bliadhn' air ais,
 Gu 'n cluinnt' am feachd 's an euchdan.

'N uair thogt' a' bhratach suas ri crann,

Gur h-ioma sonn a dh' éireadh.

Na fir mhòr a thig o'n Dreòlainn,

'S Iarl' Antruim à Eirinn.

Gur math thig spuir a's bòtainn ùr.

Mu'n troigh is lùghor ceuman,

Gur cruidhach, iallach, steud 'n a fhiamh,

Nach tàrr'neadh srian aig féighich.

Gur tric do luirg 's an liath-dhealt mbaduinn,

Feadh nan glac 's na sléibhteán,

'S bhiodh fuil air cròic-dhamh cabarach

Mu 'm faicte gathan gréine.

Gur lionmhòr uasal a dh' inbh' àrd

A thig do 'n tàll' a'd' éisdeachd,

Bidh oighre Pheigh'n-a'-ghàidheil ann,

'S gur h-àilleachd am measg cheud e.

'S an talla mhòr 's am bi sibh cruinn

Gur binn leam srann nan teud ann,

A's piob le pong, a thogadh fonn,

Ged bhiodhmid trom fo éislein.

NA'M FAIGHINN GILLE R' A CHEANNACH.

LE AILEIN DUGHALACH.

Na 'm faighinn gille r' a cheannach,

A bheireadh beannachd gu Màiri,

'S mo shoraidh le caoimhneas

A dh'fhiost na maighdinn a chràidh mi :

Ged nach tug mi dhuit faidhrean,

Ann am foill dhuit cha d' fhàs mi :

'S mar am math leam thu fallain.

Nar a meal mi mo shlàinte !

Nar a meal mi mo chòta,
 Mar b'e mo dheòin a bhi làmh riut,
 'S a bhi brìodal ri 'm leannan,
 A'n seòmar daingean na clàraidh,
 An iuchair fhaotainn 'am phòea,
 'S gun an tòir a bhi làmh ruinn,
 'S mi gu'n deanadh do phògadh,
 Gun fheòraich de m' chàirdean.

Gun fheòraich de m' chàirdean,
 'Sfad' a dh' fhalbhainn a' d' choinneab,
 Far an deanainn riut còdhail,
 Cha bhithinn beò gun a cumail :
 Tha mo dhùil anns a' mhaighdinn
 Nach tréig do chaoimhneas mi uile ;
 'S mar do chaochail thu àbhaist,
 Gheibhinn t' fhàilt' agus t' fhuran.

'S e t' fhuran a leòn mi,
 'S a dh' fhàg am bròn so air m' aigne,
 A thromaich m' inntinn fo éislein,
 Cha dean mi éiridh an gradaig ;
 Tha mo chridhe neo-shunndach,
 Tha mi bruite fo m' aisnean,
 Aig a' mheud 's thug mi ghaol duit,
 'S nach fhaod sinn 'bhi tachairt.

Nach faod sinn bhi tachairt
 An àite falaich no 'n uaigneas,
 Far an deanainn riut beadradh,
 A's tacan cleasachd air uairean ;
 Ach 's e lagach mo mhisneach,
 Nach fhaod mi tric 'bhi mu 'n cuairt dhuit ;
 B' fheàrr a phòg na 'bhi falamh,
 Mar am faigh mi do bhuanachd.

Mar faigh mi do bhuanachd,
 B' fheàrr gu 'm buailte mi thairis;
 'S gu 'n càrite fo 'n lie mi
 Ann an ciste chaol dhaingeann;
 Mu ni thu mo thréigsinn,
 B' fheàrr gu'n eugainn, 's nach fanainn,
 Aig a meud 's thug mi 'spéis dhuit,
 Cha 'n 'eil m' éibhneas air thalamh.

Cha 'n 'eil m' éibhneas air thalamh,
 Mur am faigh mi thu Mhàiri!
 Cha dual domh bhi fallain
 Mu bhios mi fada mar tha mi;
 Cha ghuidhinn mo ghalar
 Dò m' charaid no 'm nàmhaid;
 Chaidh acaid a' m' chridhe,
 'S cha dean lighiche stàth dhomh.

Cha dean lighiche stàth dhomh,
 Cha 'n fhaigh mi plàsda 'ni leigheas;
 Tha mo thrioblaid do-thuigssinn,
 Do dh' fhear nach d' fhairich a leithid;
 Mur dean thusa rium fàbhar
 Bidh mi cràiteach fo dheireas;
 Ach 's e 'dheanadh mo shlàinte,
 Pòg no dhà bho d' bheul milis.

Beul milis, dearg, daithte,
 Deud shnaidhte mar dhìsnean,
 Sòil ghorm is glan sealladh
 Fo 'n chaol mhàl' aig an ribhinn;
 Tha cùl buidhe mar òr ort,
 Is bòidhche na 'n dìthean;
 Blas na meal' air do phògan,
 'S b'e mo dheòin bhi riut sìnnt,

Ged 'chum mi falach an sgeula
 Tha mi 'n déigh bho chionn greis ort,
 Aig a' mheud 's thug mi ghaol duit
 Tha m' aodann air preasadhl :
 Dh' fhàs glaise 'n am ghruaidhean,
 'S bochd a' bhuaidh th' air an t-sheire sin,
 A chaochail mo shnuadh dhionu,
 Mar dhuine truagh 'thig á teasaich.

Mar dhuine truagh thig á teasaich,
 A bhliodh fad ann am fiabhras,
 'S ann a dh' fhàs mi mar fhuathaiche,
 Cho cruaidh ris an iarunn ;
 Ach bho thoiseach ar sinnsridh,
 " 'S trì nith' thig gun iarrайдh,
 An gaol agus eagal,
 'S gun leth-sgeul an t-iadach.'"

ORAN A' BHALOON.

Thàinig am "*Baloons*" so á Eirinn bho cheann beagan bhliadh-nachan. Bha e air uairean a' tighinn cho dlùth do'n ghrunnnd 's gu 'n d' rinn e moran millidh air gàraidhean criche mu'n cuairt do Phort-Ellen.

Mu 's fior am bàrd bha cuid de na seann daoine air an euir thuige gu mòr, oir shaolin iad gu'n b'e ole a thaobh eigin a bli'ann, agus feumur aideachadh gu'n robh aobhar aca : Tha e glé chosmail gu'n robh cuid dhiubh nach euala riagh iomradh air a leithid, gun tighinn air fhaicinn.

Rinneadh an t-oran aighealach so le Gilleasbuig Mac Affara, ann an Ille.

B'e sud a' bhliadhna fhiadhaich, bha piantach do iomadh neach,
 A' bhliadhna thàin' an diabhul, air sgiathan o'n àirde-deas,
 Shaoil na peacaich iargalta, 'bhliadh' ud gu 'n robh iad leis.
 A's ghuidh iad air an Trianaid, na Diadhairean a bhi deas.

Cha chualas ann am fàisneachd na fàidhean a bh' ann o shean,
 Gu'n robh sùil ri Sàtan, 's na h-àiteachan so air leth,
 Ach 's e 'n latha thàinig e, chaidh sinn o bhi air chleith,
 'Sinn gun dòigh air sàbbhaladh—b'fheàrr dhuinn nach deach'
 ar breith.

B'e sud an latha muladach, bha h-uile duine ri bhi 'n sàs,
 Cha robh iùin' air aithreachas, a thaobh nach d' anhaire sinn
 air tràth,
 Cha robh 'n creideamh daingean againn, 's cha robh math
 dhuinn dol 'n a dhàil; [o'n bhàs.
 Cha robh do neart a'n gin againn na ghleidheadh mionaid sinn

Ged dh' éireadh sluagh Phort-Ellen 's a' h-uile ministeir a bh' ann,
 Chuireadh esan erith orra, 'tigh'n thar na linne oirnn a nall;
 Tha fhios gu math nach b'urrainn duinn, bhi strìth ri eumail
 ris gun taing. [dheth 'r cainnt.
 'S air son sinn a bhi blruidhinn ris, cha tuigeadh esan smid
 Bha iomadh eridhe fannachadh, an àm do'n Tamhasg tigh'n
 a nall, [san àm;
 Ach cha robh stàth bhi gearan air, cha'n fhaighte maitheanas
 Ghlaoidh sinn 'n uair a mhòthaich sinn da, gu'n robh 'n donas
 oirinn teann; [th'ann."
 "Thàinig so mu dheireadh oirnn, 'se lath' a' bhreitheanais a

B'e sud an sealladh anabarrach, anamoch 'n uair luidh a' ghrian,
 Connachadh a's argumaid aig cailleachan 's aig bodaich liath,
 Mineachadh 's a' dearbhadh, gach seanachas a bh' aca riamh
 Mu'n leòghan bheuchdach, gharg, an sean ainm bh'ae' air a' bhiasd.

Bu shearbh illriunn am feasgar uid, cha deanadh teicheadh
 feum air bith.
 H-uile h-àite rachamid, bhiodh esan fagus dhuinn an sin,
 'S ann bu ghann a sheasmid, chionn bha ar n-easgaidean air
 chrith, [gin.
 'S sinn gun dòigh gun leth-sgeul againn, ach bhi leis a' h-uile

'N uair chunnaic sinn an àird e, 's a' fàs as ar cionnn cho dùmhl',

A' tuiteam o na speuran, 's a' deanadh oirnn gu math dlùth; Bha cuid ag ràdh ri chéile, " 's e so an reul ás an robh 'n smùid,

'S mar an e 's e 'n t-àibhistear e, 's daoine cailte sinn co-dhiù."

'S e bu luaithe na ghaoith, an uair a shaoilt' e bhi 'n a stad,

'S ged a chìt' e tigh'n gu talamh, b' fhaisg do'n ghealaich e gun ag;

Fhuair sinn an aon sealladh air, 's gach àit' 'n fhearann so cho grad, [air fad.

'S gu 'n tugadh iomadh barail air, ach thug e'n car ásainn Thionndaidh e anns gach cuma, 's dh' atharraich e dusan dath, Bhiodh e uaine, dearg a's buidhe, lachdunn, odhar, duhh, a's geal, Donn a's gorm, ruadh a's riabhach, 's uair a' dol 'n a stealla glas, [glas.

Bhiodh e uair cho mòr ri mullan, 's uair cho beag ri ubh eòin. Thug e Cille-Bhrid' air, 's da-rìreadh cha b'ann 'n a thàmh, Tha sin mòr r'a innseadh, na miòrbhuillean rinn e ann, Rinn na daoin' an ðichioll, g'a mhìneachadh neo-air-thaing. Ach tha e fad r' a sgrìobhadh, 's ro liomhor r'a chuir an cainnt.

Bha e shios 's an Odh' aca, seòladh os cionn nan creag, Eadar Tòrr-na-Mònadh a's còrsaichean Thòrr-a'-Chneimh; Cha d' fhan cathag bheò ann, na ròcaideach nach do theich, 'S mar 'n do theich na daoine, cha 'n fhaod sinn a bhi g'a cheileadh.

Ged nach d' rinn e eron oirnn, ach gabhail thairis os ar cionn, Cha mhòr a rachadh fagus da, 's an àm a stad e air a ghrunnd; Bha sinn ceàrr am bitheantas gus an d' fhuair sinn fios a chur a nunn.

'S thug iad dhuinn, na daoine laghach, ainm 's a shloinneadh, "am Balloon."

ORAN.

LEIS AN LIGHICHE MACLACHAINN NACH MAIREANN.

Tha na siantan air caochladh, tha 'n saoghal fo sprochd,
 Chuir an doineann fhuar, fhiadhaich an ianlaidh 'n an tosd ;
 Tha sneachda trom, dòmhail a' còmhlich nam beann,—
 A' lionadh nan glacan, 's a' tacadh nan allt,
 'S mise 'feitheamh an aisig aig carraig a' chaoil,
 Ri smaoointean air àbhachd nan làithean a dh' aom.

Ann an làithean ar n-òige dol 'an còmhdhail an t-sluaigh,
 Cha sheall sinn ach faoin air mar dh' aonias iad 'uainn ;
 Cha tig e 'n ar smaoointean cho goirid 's tha 'n dàil,
 Gus am brùchd oirnn gach leòn ni ar lùbadh gu lär,
 Gun chùram gun éislein iag teumadh air taobh
 Air làithean a' snàg 'uainn gun àireamh air aon.

'N uair a luidheas an aois oirnn 's a dh' aognas ar snuadh,
 Ar ciabh 'dol 'an tainead, agus smal air ar gruaidh,
 Bi'dh teugmhail nan còmhlan a' còmhradh gu truagh,
 Agus càirdean ar n-òige air sòmhlaadh 's an uaigh,
 'S ann an sin bhios ar cridhè län mulaid a's gaoid.
 Ri smaoointean air àbhachd nan làithean a dh' aom.

O ! Ard-Righ na cruinne, ceann-uighe ar dùil,
 Air an t-sneachda fhlinch, fhionnar dhuit a lùbas mi glùn :
 'S guidheam gu'n òrduich thu dhòmh-sa gu glic,
 'Bhi 'euinhneachadh d'òrduigh gu h-umhal 's gu tric,
 Chum 'n uair chriochnaicheas m' astar ann an glacaibh an
 aoig,
 Nach cuimhnich thu m' fhàilinn anns na làithean a dh' aom.

'S ANN AIR FEASGAR DI-CIADAIN. ✓

LE MURACHADH MAC LEÒID, AN SAIGHDEAR SGIATHANACH.

Ni mi innse le firinn, an ni rinn mo chràdh,
 Ni bheir snith air mo shùilean, 's a dhùineas mo chàil,
 An gaol thug mi 'n mhaighdinn bu chaoimhneile gnàth,
 D' am b' ainm Màiri Anna,^② tha 's an anart a' enàmh.

'S ann air feasgar Di-ciadain 'n uair bha 'ghrian anns na neòil.
 A' dealradh gu sgiamhach le sgiathan mar òr,
 'Thachair mise 's mo ghràdh ann an gàradh nan flùr,
 Is bha fàileadh nan àbhlán gu cùbhraidh mar thùis.

Rinn mi fhoighneachd do 'n òg-bhean, gu stòlda 's gu ciùin,
 " 'N téid thu còmhlf' rium, mo mhàiliag gu sgàile an tùir,
 Far neach 'eil nì gus ar còmhdaich, bho lòinteag an driùchd,
 Ach duilleagan bòidheach nan òganan ùr."

" Théid mi leat roimh gach cunnart air muir a's air tìr,
 'S gu'n dean mi fuachd fhulang, gus do chumail gun dìth,
 'N uair a théid thu do'n bhlàr, bidh mi làmh riut le m' sgéith,
 Chun do dhion o na nàimhdean 'n uair thàrr'nte lann geur."

'N uair thuig a h-athair 's a màthair gu'n robh Màiri an gaol,
 Rinn iad fhoighneachd gun dàil dhi, co h-àilleagan caomh?
 Thuirt i riù gu'm bu ghunnair e, o mhullach an t-sléibh,
 No á Gàidhealtachd na h-Alba, far am marbhte na féidh.

'N uair a chual iad am facal, gu'n do ghlais iad i suas,
 Ann an seòmar a cadail, fad seachdainn gun truas;
 Bha mo chràdh' air a bhristeadh, nach fhaighinn bruidhinn
 ri m' luaidh,

'S i gu'm choimhead roimh 'n uinneig, le snith air a gruaidh.

Thàinig litir gu 'm ionnsuidh, air a dùnad gu dlùth
 Mi 'ruith sios gu siùblach gu cùl-thaobh an dùin,
 Far an robh earbad gu mùirneach, gus mo ghiùlan gun dàil,
 Gu paileis duin'-uasail, far 'n robh gruagach mo ghràidh.

^② *Migean an neadhdaireamh ann anna Meagastad.*

I solwos a bhean a lu de pha in gò
 An il pha mo fo mìle d' a' bheil. Mo in
 Se blith osta a' amraithe a latha is al' a' oideil
 Ge u leòd sun do a' amait cha agus mi jad

'N uair a ràniig mi 'n aitreamh, 'bha mar shneachda nam beann,
 Gu'n do sheas mi gun fhacal, air stairsneich an tranns',
 Gus an d'thàinig fear għlas-chinn, 's na deòir a' frasadħ o
 grhuaidh,
 'S thuirt e "“s tusa Mhic Leòid a chuir an òg-bhean do'n
 uaigh."

Thug e suas mi do 'n àite 's an robh m' àilleagan buan,
 Rinn a sùilean ciùin dràbbadh, 's dreach a' bhàis air a
 gruaidh,

A bha cho dearg ris na ròsan, 's a bha bòidheach a's suaire,
 'S 'n uair a rug mi air làimh oirre, dh' fhàg a cainnt i gu luath.

Ach sheall i orm-sa 's an aodan, gu caomh mar a b' àbh'ist,
 'N uair a phòg mi 'bilean gaoil bha mar chaoran air fàs,
 Rinn a gruaidhean ciùin aomadh, le aogas a' bhàis,
 'S gu 'n d' dhùin i 'sùil shocair, gun a fosgladħ gu bràth.

HORO CHALL EILLE.

SEISD.—Horó hi hórinan, horó chall éille,
 Horó hi hórinan,

Gur e mis' tha fo mhulad,
 Air an tullaich 's mòr m' éislein.
 Horo hi, etc.

Chunnaic mise mo leannan,
 'S cha do dh'aithnich e 'n dé mi.
 Horo hi, etc.

Chunnaic mis mo luaidh,
 Dol seachad buaile na spréidhe.
 Horo hi, etc.

Chunnaic mis' e 'n dé seachad,
 Air each glas nan ceum eutrom.
 Horo hi, etc.

Cha d' fhiosraich, cha d' fharraid,
 Cha do ghabh e dhiom sgeula.
 Horo hi, etc.

Ach cha ruigeadh e leas e.
 Cha robh mise 'n trom dhéigh air.
 Horo hi, etc.

'N latha bha mi s a' bhàta
 Ghabh mi näire mu d' dhéighinnu.
 Horo hi, etc.

'Dol timchioll an rudha,
 Bha mi dubhach, trom, deurach.
 Horo hi, etc.

Gur ann shuas air an àiridh,
 'Ghabh thu, 'ghràidh, a' cheud spéis dhiom,
 Horo hi, etc.

'S iad mo rùn-se Clann Dòmhnuill,
 Sin an còmhlan nach tréig mi.
 Horo hi, etc.

Sian Mhuire 's an Dòmhnaich,
 Le Clann Dòmhnuill nan geur lann.
 Horo hi, etc.

Fhir chalpanna troma,
 Chùl donna, cheum eutrom.
 Horo hi, etc.

Luchd tharruing nam biodag,
 Bho chriosan an fhéilidh.
 Horo hi, etc.

'S nan gunnachan dubha,
 Dheanadh bruthadh a's reubadh.
 Horo hi, etc.

Luchd nan claidheamhan geala,
 Chìte faileas ri gréin dhiubh.
 Horo hi, etc.

Thug sibh mionnan a' Bhiobuill,
 Air Srath iosal Uillt-Eireann.
 Horo hi, etc.

Nach rachadh claidheamh an cùil
 Gus an crùinte Rìgh Seumas.
 Horo hi, etc.

*Gus an tugte Rìgh Seumas
 Na shùilidh o chile
 Horo hi, etc.*

S E U D N A N G L E A N N .

LE IAIN MAC-A'-CHLEIRICH.

AIR FONN.—“*Cailein donn a chualain réidh.*”

SEISD.—Ha ho rò mo chruinneag fhéin.
 Dh' ftag mi thu 's bu trom mo cheum;
 'S tha mi 'n diugh air bheagan feum
 A' caoidh mar b' fheudar dealachaidh.

Shaoil leam uair mi bhi cho treun
 Ri òg-chraoibh an cois an t-sléibh,
 Ach 'n uair 'chuir mi cùl riut fhéin
 Bha'n chridhe treun a' fannachadh.

'S ioma uair am shuain an raoir
 'Chuala mi do dhuanag aosd',
 Ag radh : “ a' ris gu gleann nan craobh
 O till a ghaoil 's mi fadalach.”

Thilinn fhéin ri éigh an duain
 Mar eala chaoin ri glaodh a' chuain;
 Ach cha'n fhaodar leam a luaidh
 Ge mòr mo smuain 's mi airsneulach.

'S ionndrainn mhòr an sùgradh blàth
 Bho 'n ainnir chiùin a fhuair mo ghràdh,
 'S i gorm shuil chaoin a shealladh tlàth,
 Ag innseadh gràidh nach d' aidiclear.

Ged bheir smeòrach ceòl o'n chrann,
 'S uiseag fòs o chèo nam beann,
 'S beag mo spéis diubh anns an àm
 Gun Sèud nun Gleann bhi maille riun.

C' AITE 'N CAIDIL AN RIBHINN. ✓

SEISD.—C' àite 'n caidil an ribhinn an nochd,
 O, c' àite 'n caidil an ribhinn?
 Far an caidil luaidh mo chridh'
 O, 's truagh nach robh mi féin ann!

Tha 'ghaoth a' séideadh oirnn' o'n deas,
 'S tha mise deas gu seòladh,—
 'S nan robh thu leam air bhàr nan stuadh
 A luaidh cha bhithinn brònach.

Bha mi deas a's bha mi tuath,
 'S gu trie air chuairt 's na h-Innsean,
 'S bean-t-aogaig riamh cha d' fhuair mi ann,
 No samhladh do mo nìgh'naig.

'S ann ort féin a dh' fhàs a' ghruag,
 Tha bachlach, dualach, riomhach,
 Fiamh an òir is boidhche, snuadh,
 'S e dol na dhuaile 's na cìrean.

Cha tog fiodhall, 's cha tog òran,
 'S cha tog ceòl na pioba;
 No nigh'nag òg, le cainnt a beòil
 Am bròn 'tha 'n diugh air m' inntinn.

['S e dh' iarrainn riochd na h-eala bhàin
 A shnàmhais thar a' chaolais,
 A's rachainn féin troimh thonnaibh breun
 A chur an céil mo ghaol dhuit.
 Tha nis gach nì a réir mo dheòin,
 Gach achfhuinn, 's seòl mar dh' iarrainn
 'S gun mhaille théid mi air a toir
 A's pòsaidh mi mo nigh'nag.]

HA U RO MO NIGH'NAG. ✓

AM FONN.—“*An ydle dubh cha tréig mi.*”

SEISD.—Ha u rò mo nigh'nag,
 Na hu ho rò mo nigh'nag ;
 Mo nighean donn nan miog-shuil
 Gur siobhalt' a' chailleag thu.

Cha 'n fhaic mi bean do bhòichead
 'S an eaglais air an Dònuch
 Troidh chuimir 'am broig-chòmhnaird
 Nach toir air feòirnein carachàdh.

Cha 'n fhaicer leam bean t-aogaist
 An taobh so dh' Ionaraora ;
 Do ghruaidhean dearg mar chaorann,
 'S gu'r mòr an gaol a ghabh mi ort.

'S i sud a mhain a' ghruagach
 A dh' iarrainn leam do 'n bhuaile
 A bhleodhan a' chruidh-ghuaillfionn
 'S a sheinneadh duan gu h-ealanta.

Tha d' fhalt gu bachelach, dualach,
 Na chamagan mu d' ghuaillibh ;
 'S na'm biodh mo chrodh air buaile
 Cha 'n fhuasgladh fear fearainn thu.

Cha leig mi ceann air cluasaig
 Nach bi mi ort-se bruadar,
 A' carachadh 's a gluasad,
 'S cha bm mi buan mur faigh mi thu.

ORAN CHLOINN-LACHAINN. ✓

Latha dhomh 's mi 'n coill nan dearcag
 Feadh an fhraoich ri taobh an aitinn.

SEISD.—Och o hì, hug órinn och o
 Och o hì, hug órinn ó;
 Na huiribh i ó, hug órinn och o.
 Feadh an fhraoich ri taobh an aitinn
 'Buain nan enò air bhàrr gach slataig
 'Buain nan enò air bhàrr gach slataig
 Chualas fùdar cluais g' a lasadh,
 Chualas fùdar cluais g' a lasadh,
 'S dh' fhoighnich mi eo rinn a' chaismeachd.
 Dh' fhoighnich mi có rinn a' chaismeachd,
 'S gur mi féin nach ruigeadh 'leas e.
 'S gur mi féin nach ruigeadh 'leas e,
 Oigear uasal de Chloinn Lachainn
 Oigeir uasal de Chloinn Lachainn
 Dha math an tig an còta breacain,
 Dha math an tig an còta breacain,
 'S féile cruinn de'n bhreacan daithte,
 Féile cruinn de'n bhreacan daithte,
 'S boineid dhù-ghorm anns an fhasan,
 Boineid dhù-ghorm anns an fhasan,
 Osain gheàrr nach iarr an gartan,

Osain gheàrr nach iarr an gartan,
 Shiùblainn leat 'Ghleann-laoigh air astar,
 Shiùblainn leat 'Ghleann-laoigh air astar,
 Mar sud agus dà thaobh Loch-Arcaig,
 Mar sud agus dà thaobh Loch-Arcaig,
 'S truagh a Righ nach d'fhuaradh mac dhuit,
 'S truagh a Righ nach d'fhuaradh mac dhuit,
 Còig, no sè, no eadhon seachd dhiubh
 Còig, no sè, no eadhon seachd dhiubh
 'S dh-òilte fion os-cionn am baistidh,
 Dh-òilte fion os-cionn am baistidh,
 Mar sud agus Mac-na-bracha !
 Mar sud agus Mac-na-bracha !
 'An tigh mòr an ìurlair fharsuing,
 'An tigh mòr an ìurlair fharsuing,
 'S gheibhinn àit' dha'n t-seachdnar mhacan.
 Gheibhinn àit' dha'n t-seachdnar mhacan—
 Fear 'na Dhiùc dhiubh 's fear 'na Mharcus !
 Fear 'na Dhiùc dhiubh 's fear 'na Mharcus !
 Fear 'na Iarla 's fear na Chaiptein !
 Fear 'na Iarla 's fear na Chaiptein !
 Fear na Cheannard air na Gaisgich !
 'S fear na Sgrìobhadair am Peirt dhiubh !

H O R O H O E I L E I N I C H .

Chall uillirinn i, chall uillirinn ó.

Co chunna mi seachau air an each 's e 'n a leum?

Horo ho eileinich, no chall éile horo.

Tighearn' òg Locha-buidhe, 's a' bhuidheann 'n a dhéigh.

Chall uillirinn, etc.

'N uair a théid thu do'n mhunadh, bidh do ghunn' air dheadh ghleus,

Horo ho eileinich, etc.

Bidh do mhial-choin air lothainn, cuid dhinbh romhad 'sa' d' dhéigh.

Chall uillirinn, etc.

*'N uair a thigeadh tu dhachaidh cha b' e t-fhasan bhi breun.

Horo ho eileinich, etc.

Bhiodh do thigh an deadh uidheam, aig an nighinn b' fhearr beus,

Chall uillirinn, etc.

*Bhiodh do sheòmraichean cadail, air an lasadh le céir.

Horo ho eileinich, etc.

Gur e mise bha uallach, gus an do bhuanaihd mi 'm bréid.

Chall uillirinn, etc.

'N uair a bha mi 'n tùs m' òige, aig Mac Leòid ris an spréidh,

Horo ho eileinich, etc.

Ach a mhic 'Ie Nèill, Bharra, gu ma fallain dhuit féin,

Chall uillirinn, etc.

Ach ma chaidh do bhàthadh, bu tu àmhaid an fhéidh,

Horo ho eileinich, etc.

'S a' bhric air an linne, g'a shireadh le leus,

Chall uillirinn, etc.

Le morbha caol cumhan, 's crann giubhais 'n a dhéigh,

Horo ho eileinich, etc.

Mile marbhaisg air na fearaibh, gur a carach am beus,

Chall uillirinn, etc.

Bidh iad briathrach a' tighinn, 's rùn an crìdh' aca féin.

Horo ho eileinich, etc.

R U N N A N I L E A C H.

Rinneadh an t-òran so le Niall MacNéill, air dha chluinntinn gu'n robh Iain F. Caimbeul, Ille, ri 'bhi aig Cuirm bhliadhnaidh nan Illeach 's a' bhliadhna, 1878.

AIR FONN :—“ *A ho ro mo nighean donn.* ”

Is ioma sian chaidh seach Beinn-Bhàin,
Is ioma tonn air tràigh a sgàin,
O'n dh' fhàg thu, ach ar crì tha làn
Le meud a' ghràidh a th' againn duit.

SEISD.—Mile fàilt' do 'n uasal ghrinn
O na h-Illich eridheil cruinn !
Failte dha bidh iad a' seinn
Air teuda binn gu fileanta.

Cha 'n ioghnadh sinn bhi ort an tòir,—
Fiùghran fòghluimt', àluinn, còir,—
Caoin mar anail 'sa Beinn-Mhòir
'S an ògmhios 'n uair is tairisich'.

'S tu féin gun cheist an Gàidheal mor
A rinn cho aimmeil sgeòil ar tir ;
'S tu thog a' Ghàidhlig suas gu dìor
Is Goill a' sìor chur ás dithe.

'S tu mac an athar fhialaidh, ghrinn,
Nach fhaiceadh leòraidh bhochd an teinn ;
Nach d' fhògair Illich ás na glinn
A bha troimh linnitean fada ann'.

Tha thu do theaghlaich fhathail, àrd ;—
'S gach ceàrn gheibh Caimbeul Ille fàilt' :—
Do bhan-tigh'rnan na h-Il' biodh slàint,
'S am bòich' 's gach àit' air aideachadh.

An coimeas riamh cha robh 's a' Ghréig ;
 Iad bòidheach leis gach àgh nach tréig ;
 Le làdur glan mar ghnè na léig
 'S nach fhaisear beud no faileasachd.

Tha Ille bhochd gach là ri bròn,
 'S i cuimhneachadh air àm a leòin
 'S an d'fhàg sibh i, 's nach ann d'a deòin
 Chaidh sibh air fògar fada uaith'.

Ged tha i roinnte aig fir ùr,
 'S leibhse a crìdh', a h-ainm, 's a cliù ;
 'S tha ioma nàistneach innt' is fiù
 A ghleidheas dlù 'nan aigne sibh.

'DIREADH 'S A' TEARNADH NAM BEALAICHEAN.

LEIS AN LIGHICHE MAC LACHAINEACH NACH MAIREANN.

AIR FONN :—“*Fly, let us all to the bridal.*”

'Direadh 's a tèarnadh nam bealaichean,
 Hóro 's aigeannach mi,—
 Ged rachadh an saoghal gu gearan
 Cha leig mise smal air mo chrìdh'.

Ag imeachd gun solus, gun soillse,
 Fo dhubhar nan coilltean leam féin,
 Cha 'n fhaic mi le doirche na h-oidhche
 Ach dealan a' sitheadh troimh 'n speur.

Cluinnidh mi 'n fhainge ri borbhan,
 'Co-fhreagairt ri torman nan dos,
 Cluinnidh mi braoilich nan aimhnean,
 'Co-fhreagairt ri raoicich nan eas.

'N uair dh' fhosglas dorus nan speuran

'S a bhoillsgeas an dealan o 'n iar

Chi mi na neòil dhubha 'taomadh,

A's saoghal fo thaosgadh nan sian.

Feuch a nis beithir na beucaich

A' srachdadadh nan speuran le fuaim,

'S ann shaoil leam 'n uair chuala mi 'n riasladh

Gu 'n tuiteadh an iarmaitl a nuas,

Ged is uamhasach dhomhsa 'bhi 'g imeachd,

'N am aonar gun ghealach, gun ghrian,

Tha m' aigne gun chùram, gun eagal,

'S mo chridhe gun teagamh, gun fhianmh.

D' é 'chuireadh fiamh orm 's a' chunnart—

Nach 'eil mi 'an cuideachd mo Dhé?

Le cridhe nacht meataich fo àmhghar,

'S gun ghamhlas do neach 'tha fo 'n ghréin.

Ach chi mi solus gun luasgan

Aig iochdar a' chruachain ud thall,

Dreòis na céir' ann an uinneag,

'S e 'deàrrsadhbh mar rionnaig a th' ann.

O'n fhuair mi reul-iùil air an rathad,

'S mi cinnteach gu 'n d' amais mi gleann,

Théid mi le sunnd thar a' chaislein,

Ged tha mi car airsnealach, fann.

Ruigidh mi dorus mo charaid,

Gun chùram, gun fharral, gun sprochd;

Bi'dh esan le iognadh a' farraid,

"D' é chuir an rathad thu 'n nochd?

"Ciod é 'chuir thu nall thar a' chreachainn

Gun uiread a's breacan g' a' d' dhion?

Gach dùil anns na speuran 'an aimhreit,

'S mòr m' eagal gu'n d' chaill thu do chiall."

Freagraidh mise le spraichd e,
 "Ciod é sin an fharaid 'tha ort?
 Thoir a nall fear a leasachadh cléibhe,—
 Cha'n fhaigh thu mo sgeul uam gun deoch."
 'Sunndach a théid mi do 'n leabaidh,
 'S a gheibh mi mo chadal le suain;
 Moch-thrà 'n am éiridh 's a' mhaduinn
 Cha'n fhaic iad mo mhala fo ghruaim.

MARBHRANN FORSAIR CHOIRE-AN-T-SITH.

An raoir a bhruadair mi 'm chadal,
 Mi bhi 'm folach 's an luachair,
 'S a bhi cur mo làmh tharad,
 'S ann a dh'fhairich mi bhuam thu,
 'S a bhi cur, etc.
 Gu'n d'thug sur orm brioscadh;
 'S mor is misde mo shnuadh e!
 Gu'n d'thug, etc.

'N uair nach d'fhuardas thu agam
 A lùb ghasda 'n robh suairceas.
 'N uair nach, etc.

B' òg, finealta, deas thu—
 Bian glas air do ghualainn.
 B' og, finealta, etc.

'S tric a chuir thu gu stòras,
 Is e còta 'n daimh ghruamaich,
 'S tric a chuir, etc.

Le gunna bheòil thana,
 Chuireadh sgainneart o luaidhe;
 Le gunna, etc.

Nach do dhiùlt a riabh teine
 Ri eilid nam fuar-bheann ;
 Nach do dhiùlt, etc.

No ri damh a' chinn chabraig,
 No ri lach a' chinn uaine.
 No ri damh, etc.

No ri fir eun a' chreachainn,
 ('S tu nach cleachdadh dhaibh suaimhneas !)
 No ri fir eun, etc.

No sionnach na sgàrnaich—
 'S e nach teàrnadh o d' luaidhe.
 No sionnach, etc.

Lùb ùr thu Chloinn-Chaluim,
 'S gu'm bu bharraicht measg sluaigh thu.
 Lùb ùr, etc.

Gur Lochanach fìor, thu,
 'S mor is miste 'm Frìth bhuit thu.
 Gur Lochanach, etc.

Laidh gruaim air Mac-Cailein
 'N uair a dh'fhairich e uaith thu.
 Laidh gruaim, etc.

Gur e sud an sgeul deurach,
 Gun a cheum aig a' bhuauchail'.
 Gur e sud, etc.

Gur e sud mo sgeul deacair,
 Gu'n do thaisg iad 's Taobh Tuath thu.
 Gur e sud, etc.

'S ann an Cladh Chinn-a-ghiùthsaich
 A rùisg iad an uaigh dhuit.
 'S ann an Cladh, etc.

'S truagh nach robh fir do dhùthchha
 Ga do ghiùlan air ghualainn.
 'S truagh nach, etc.

'S nach robh i bean d'fhàrdaich
 'S a' ghàirich m'an cùairt duit.
 'S nach robh, etc.

DO LEANABH.

LEIS AN LIGHICHE MACLACHAINN NACH MAIREANN.

AIR FONN.—“*Tog dhiot an cadal a' chuilein 's a rùin.*”

[Dean cadalan sàmhach a chuilein mo rùin;]

Dean cadalan sàmhach a chagair 's a rùin.

Có dhiultadh ghràdh dhuit,

'S gur àillidh do ghnùis?

Dean cadal a phàisdein

Gu sàmhach, sèinh, ciùin,—

Gu'n robh sonas a's àgh leat

Gu bràth anns gach cùis.

Do shùil lionta ghorm, mheallach

'S tlàth 'sheallas gach uair,

Nis air dùnadhbh 'an cadal

Fo d' mhalaidh gun ghruaim;

D' aghaidh fhlaitheasach, shiobhalt'

A's mìnealta snuadh,

Gun àrdan, gun mhìrun,

Air sineadh 'an suain.

Ge be 'sheallas gu faoilidh

Air d'aogas gun smùr,

Cha'n fhaic e ach caomhachd

Gu naomhail 'ad ghnùis;

Gur cùbhraidh' leam d'anail
 N' am barrach 's a' bhrùchd :
 'S e neòinein do shamhladh
 Maduinn shamhraidh fo dhrùchd.

Chuir am Freasdal gu bàigheil
 Gach àgh air do shnuadh :
 O ! gu'n tugadh e 'd nàdur
 Co-fhàs leis 'am buaidh :
 Gu'm fàs thu gu banail
 Ciùin, ceanalta, suairc',—
 'Tabhairt aoibhneis do d' mhàthair
 An déigh d'àrach a suas.

O ! guidheam, a leinibh,
 Dhuit 'an deireadh mo dhàin,
 Am Freasdal 'bhi 'd stiùireadh
 Le 'chùram gach là,
 Gus an tàmh thu gu sàbhailt'
 'An cala nan gràs,
 'S do chàirdean 'g ad chòmhlaich'
 Le deòthas, a's fàilt'.

CAILIN DONN A' CHUALAIN REIDH.

SEISD.—A chailin duinn a' chuailain réidh,
 Ha ho ró, mar tha mi 'd dhéigh,
 A ghruagach dhonn tha ris an spréigh,
 Bho 'n thréig thu mi tha mulad orm.

Gur e mise tha gu cianail,
 H-uile latha fad na bliadhna,
 'S mi ri cuimhneachadh do bhriathran,
 Gus an d' liath am mulad mi.
 A chailin duinn, etc.

'S e rud an gaol nach faodar àicheadh,
 Tha e ceangailte ri nàdur;
 Faodaidh mise sin a ràdhtuinn,
 Shàruich e gu buileach mi.

A chailin duinn, etc.

A chailin duinn na 'm biodh tu deònach,
 A's gu 'n deanadh tu mo phòsadh,
 B' fheàrr leam thu air bheagan stòrais
 Na mòran le iomadh té.

A chailin duinn, etc.

O, gur math 'thig sin do m' ghràdh-sa,
 Bròg dhubbh, dhionach, bhileach, shàileach;
 Ribeanan a's currachd àrd
 Air àilleagan nan cruinneagan.

A chailin duinn, etc.

Gur e mise tha gu brònach,
 Ann an so a' deanamh òran,
 'S eagal orm nach cuir mi 'n dòigh,
 Do bhòichead a's do luraichead.

A chailin duinn, etc.

AN GAIDHEAL 'S A LEANNAN. ✓

LE UILLEAM MAC COINNICH, IONARNEIS.

SEISD :—Théid i 's gu'n téid i leam,
 Leam-sa gu'n téid mo leannan,
 Théid i 's gu 'n téid i leam,

Chionn 's gu bheil gach gleann 'n a fhàsach,
 Théid mi fhéin 's mo Mhàiri thairis.
 Théid i, etc.

*Théid mo leannan leam a phòradaill.
 'S am dh'a deoin 's chan am dh'abhairnein.*

Théid i leam á tìr nam fraoch-bheann
O'n tha daoin' air dol á fasan.

Théid i, etc.

Seòlaidh sinn á tìr 'ar-dùthchais,
'Cur 'ar cùl-thaobh ris na beannaibh.
Théid i, etc.

Théid i leam a null thar sàile,
Far an dean an Gàidheal beairteas.
Théid i, etc.

'S ged a bhiodh gach là 'n a shàmhradh,
'Chaoiadh bidh tìr nam beann air m' aire.
Théid i, etc.

A's mu'n càirear anns an àir sinn,
'S i mo dhùrrachd tilleadh dhachaидh.
Théid i, etc.

Chum 's gu'n tòrrar mise 's m' annsachd
'N tìr nan Beann nan Gleann 's nan Gaisgeach.
Théid i, etc.

OCH, 'S MIS' THA CIANAIL, FAILINNEACH. ✓

RINNEADH an t-òran so le GILLEASBUG MAC NIMHEIN, a mhuianntir Chilli-a'-Chomain a'n Ile, air dha fios fhaotainn gu 'n do chaochail Alasdair a bhràthair ann an Demerara. Tha 'n t ùghdar aig an àm so 'n a mhaighstir-sgoil aig Scòrrraig, an Siorramachd Rois.

AIR FONN.—“Màiri bhàn Dhail-an-eas.”

Och! 's mis' tha cianail, fàilinneach,
'N gleann fàsaich, fad air chùil,
'S mi ri caoidh nam bràithrean,
Na h-àilleagain gheal, ùr,
Tha fear a's fear gu m' fhàgail dhiubh,
'S mo chridhe cràiteach, brùit',

A's eagal trom ga m' shàrachadh,
Gu bràth nach fhaic mi 'n gnùis.

Tha còr a's fichead bliadhna
O'n rinn fear dhiubh triall thar cuan;
Cha robh an Earraghàidheal
Mac màthar a b' àillidh snuadh.
Bha cliù aig a luchd-eòlais air,
'S bu bhrònach a bha 'n sluagh,
'N uair thug e chùl ri Corsabal
Bha deòir air ioma gruaidh.

Bu ghealltanach an t-òganach,
'S bu mhòr a thuigs' 's a chiall,
Bu dleasdanach r'a mhàthair e,
'S ri chàirdean gràdhach, fial.
Ard reusan 's buaidhean urramach,
Air bhuileachadh le Dia,
'S cha 'd fholaich e fo 'n talamh iad,
Chuir dhachaidh iad le riagh.

O, thug an long ud Alasdair
Gu calladh fada bh' uainn,
Far an cinn an siùcar
'S luibh chùbhraidih air gach cluain;
Och! mheall sud ioma Gàidheal,
Mirage 's an fhàsach chruaidh,
An sannd ga 'n greas' gu bàsachadh,
'S a phlàigh ga 'n slugadh suas
Bha sinn an dùil gu 'm b' mhaireann thu,
'S tu 'd chadal anns an uaigh,
'S gu 'm faicamaid tighinn dhachaidh thu,
Le aighear a's le buaidh;
'S ann thug an saoghal car ásainn;
Tha Alasdair 'n a shuain
A'n cadal trom na h-ùrach,
'S cha dùisg e gu là-luain.

Cha b' iognadh erìdh' do mhàthar
 Bhi sgàineadh le geur-chràdh,
 'S gu tric ga lot ás ùr e,
 'S i tùrsach 'dh 'oidhch' 's a là;
 'S a h-anam 'g ràdh le dùrachd,
 Co, 'rùin, bha dlùth mu d' bhàs?
 Co 'n làmh a thog a' chûrtein,
 'S a dhùin an t-sùil bha blàth?

Mo chreach, 's nach fhàic sinn tuillidh thu,
 Gus 'n cruinnichear am Bràth,
 Gus 'n téid an tromb a shéideadh,
 Le aingeal treun gu h-àrd;
 'S 'n uair théid na mairbh a dhùsgadh,
 'S e m' iùrnuigh ris an Triath,
 Gu 'm bi sinn uil' do 'n chòisridh,
 A sheinneas glòir do Dhia.

ORAN AN AMADAIN BHOIDHEICH. ✓

THA cuid ag ràdh gur e Dòmhnull Donn Mac fear Bhoshuntain, a rinn an t-òran so. Tha cuid, mar an ceudna, ag ràdh gu 'n d'rinneadh e le mac tuathanaich, do mhaighdean àluinn a bha 'n a banaraich aig athair. A réir coltais bha spéis mhòr aige do 'n nighein, agus 'n uair mhothaich a mhàthair dha so, cha robh i idir tollichte. Air feasgar àraidiadh chunnaic an t-seana-bhean gu 'n deach a' bhanarach g'a failceadh; agus air d' a mac tighinn dachaidh db' innis i dha gu 'm fac i tunnag àluinn air an amhuinn. Gun tuillidh a ràdh, ghlac an gille a ghunna, 's thàr e ás. Tha 'n t-òran ag inns' mar thachair. Tha ainm an òrain a' cur an céill gu 'n deach e ás a riaghait 'n uair chunnaic e gu 'n mhàrbh e'leannan.

Chatrön'

A Mhairéadarad òg, 's tu rinn mo leòn,
 Gur cailin bhòidheach lurach thu.
 Gur guirm' do shùil na maduinn driùchd
 An dearc air chùl nan duilleagan.

Gur guirm' do shùil na maduinn driùchd
 An dearc air chùl nan duilleagan;

Gur gil' thu, 'ghràidh, na 'n sneachda bànn,
A' cur air àird na monaidhean.

Gur gil thu, etc.

Ochòn, a Righ, mo nighean donn,
Nach robh mi thall am Muille leat.

Ochòn, a Righ, etc.

Gu'm marbhainn iasg a's sithionn fhiadh,
'S cha bhiodh a' chiall, oirnn uireasbhuidh.

Gu 'm marbhainn, etc.

'S gu 'm marbhainn coileach-dubh air geug,
Mu 'm biodh 'n a éiteadh ioma fear.

'S gu 'm marbhainn, etc.

'S an earbag bheag á bun a' phris,
Ged 's clis a chì 's a chluinneas i.

'S an earbag bheag, etc.

「Och, 's i mo mhàthair rinn an call
'N uair chuir i shealg na tunnaig mi !

Och, 's i mo mhàthair, etc.

'S 'n uair a ràin' mi 'n linne chaoil,
'S ann bha mo ghaol a' sruthladh innt'.

'S 'n uair a ràin, etc.

'S e 'n gunna caol a rinn mo leòn,
Cha téid e òirleach tuillidh leam.

'S e 'n gunna caol, etc.

'S a thé rinn dhòmh-sa léine chaoil,
Cha dean thu, 'ghaoil, gin tuille dhomh.

'N té rinn dhòmh-sa, etc.

Ged théid mi suas do 'n bhail ud shuas
Cha bhi mo chuairt ach diomain ann.

Ged théid mi suas, etc.

Air leabaidh làir cha'n fhaigh mi tàmh,
'S air leabaidh àrd cha chuir iad mi.

*God théid mi dh'an tigl - mhor nad abhainn
cha chuir Catanor fusan orm.*

- Air leabaidh làir, etc.
 Mi 'n diugh 'san dé air enoc leam fhéin
 A' sileadh dheur 's mi turaman. —
 Mi 'n diugh 'san dé, etc.
 • O Rìgh nan dùl cum riunn mo chiall
 Cha robh mi riamh 's a' chunnart so.
 O Rìgh nan dùl, etc.
 'Sa Mhairearad òg 's tu rinn mo leòn
 'S tu dh'fhàg fo bhròn 's fo mhulad mi.

GLEANN-DA-RUADHAIL A' BHARRAICH.

AIR do 'n deise Ghàidhealaich aig Uilleam Mac-Dhun-léibhe, (am bàrd Illeach) a bhi fàs lom, chuir nighean òg, agus buidhean de dhaoin'-uaisle a mhuinntir Chòmhail an comhairle r'a chéile agus dh' aontaich iad deise ùr Gàidhealach a thoirt do 'n bhàrd. Ann an érig an deise, thuair iad an t-òran a leanas o'n bhàrd. Cha robh e riamh roimhe an clò.

SEISD.—Gleann-da-ruadhail a' bharraich,
 Gleann an darraich 's an fhraoch,
 Gleann a' choilich 's a' bhradain,
 Gleann an rainich 's nan craobh,
 Gleann nan doireachan uaine,
 Gleann nam fuaran nach traoigh,
 Tha lusan slàint' air do chluaintean ;
 Beannachd buan a'd dhà thaobh.

A Chòmhail chorraich nan garbh shlios,
 Aig còrsan ainmeil nan seòl,
 Far am faicear an ràmhachd,
 'S muir thar àirde nam bòrd ;
 Bu tric a chóisich mi 'n t-astar
 Air aonach fàsach nam bò,
 'Tha eadar lùban Ard-ghartan
 A's suidh Artuir Ghlinn-crò.

Ach dh' fhàlbh na bliadhna chan thairis,
 'S gun ach faileas ann diùbh,
 Cha 'n fhaicear sealgair air bearradh,
 'S an cròeach maiseach roimh 'n chù;
 Aig Cluaidh fhuaraidh na reòta.
 A chuir fo leòn mi 's a' chùil,
 Gus an d' thàinig na Còmh'laich,
 Le sunnd na h-òige 's e ùr.

Thàinig maighdean a' Ghlinne,
 Bho Ruadhail linneach nam bruach,
 Fbuair mi failte na h-òighe,
 Le duais a dh' fhògair mo ghruaim,
 Culaidh chathach nan Gàidheal
 Réidh, gun dàil a cuir suas,
 'S rinn mi siùd mar a b' àbhaist
 Gun chuimhn' air fàillinn no fuachd.

Tha geal 's dubh air do bhòidhche,
 Le sunnd na h-òig' ort gun bheud,
 A's sèimheachd maise do nàduir
 A' buan fhàs leat da réir,
 Eiridh tomhas ás ùr dheth,
 Gach bliadhn' a chrùnas do bheus,
 A's ruigidh beannachd o 'n bhàrd thu,
 Gus an teirig Gàidhlig 'n a bheul.

Bha Mac-Dubh ann o 'n Ghàraidh,
 'S cha ghràin anmoch a phòr,
 A dh' fhàs o fhreumhach Chloinn-Laomain,
 A ghleidh sibh daonnan 'n ar còir,
 Dhion sibh Oighre na h-Airde,
 Gun taing a'n àrfaich nan spòl,
 Bha mùgaich Shasuinn ga 'n ruagadh,
 'S bu bheag a fhuaradh dhiubh beò.

Bha Mac-'Ille-bhàin * Choir-an-t-sìth ann,
 'S cha toir di-chuimhn' e uainn,
 Far an cruinich na bràithrean,
 Gheibh e fàilte mu 'n cuairt,
 Tha 'n t-àrdan cròeach 'n a blhrataich,
 A's tréine neart air a' chrnaich,
 Am bogha ruighinn g'a lùbadh,
 'S earb ri stuic aig a luathis'.

Mac-Gill'-ios' am fear bòidheach,
 Le ainm sònruichte buan,
 Cha chuir ùin' o bhi òg e,
 'S cha toir fòirneart e uait,
 Cha 'n fholaich linntean gun cheann e,
 'S cha bhi e fann ach a' fàs.
 A' sior sgaileadh gun mhùthadh,
 Maireann ùr mar a tha.

Thig a Dhùgh'laich 's bi t-àite,
 'S do dheoch-slàint' air ceann bùird,
 'S e t-fhear brataich is bàrd dhuit,
 Cha 'n 'eil ni 's feàrr leis na thu;
 Tha 'n ceangal aosda so làidir,
 A tha ga 'r tàladh gu dlùth,
 'S leanaidh sinne mar chàch dhiubh,
 Air an àbhaist ga 'r cùl.

'S BEAG IS MO LEAM-SA CIOD A THEIR IAD.

LEIS AN LIGHICHE MAC LACHAINN NACH MAIREANN.

AIR FONN.—“*The Rock and the wee puckle tow.*”

Tha triallairean Albainn ri aimhreit an dràsd',
 Ach 's beag is mò leam-sa ciod a their iad;

* An t-uasal Donnachadh Mac-'Ille-bhàin, Ceann-suidhe “Comunn Gàidhealach Ghlaschu.”

A siùbhal gach dùthcha, 'g an dùsgadh gu fearg,—
 Ach 's beag is mò leam-sa ciod a their iad :
 Fadadh-cruaidh air an gruaidh suas anns na crannagan,
 Sùil chlaon air gach taobh 'glaodhaich gu faramach,
 Mur aontaich sibh leinne bi'dh sibh sgrioste gun dàil ;
 Ach 's beag is mò leam sa ciod a their iad.

Aig an Athair tha brath air an aidmheil a's feàrr,
 Ged is beag is mò leam-sa ciod a their iad ;
 Có 'n t-aou a tha ceart, no có e 'tha ceàrr,—
 Ged 's beag is mò leam-sa, ciod a their iad :
 'S ann their luchd aidmheil ri 'chéile, "Cha'n 'eil stéidh
 ann a'd' theagasg,—
 Tha sgriobtuir 's a' Bhiobull, ag innseadh gun teagamh,
 Gur mise 'tha ceart, agus thusa 'tha ceàrr;"
 Ach 's beag is mò leam-sa ciod a their iad.

'S e m' athchuing 's a' mbaduinn air Athair nan gràs,—
 Ged 's beag is mò leam-sa ciod a their iad,—
 E chumail mo chridhe gun smal air gu bràth,
 Ged 's beag is mò leam-sa ciod a their iad,—
 Le seirc a's truas, iochd do 'n t-sluagh, 's a bhi gun naill
 spioradail,
 Dùilean breòlit' a tha fo leòn fheòraich 'an trioblaid,
 Ged theireadh gach fear dhiubh gu'n robh mi gun ghràs,
 Gur beag is mò leam-sa ciod a their iad.



Oran Mac Mairi Hiortach, 186
Am Breabadais Mór, 433



Look up David Webster
S | S / d / d / d / t / t / t / S, T / b / b / d / m /
m / m / S | S / d / d / S / t / m / r / T /
S / d / d / d / b / b / T / S, T / b / b / d /
T / g / d / d / d / b / b / T / S, T / b / b / d /
S / S / S / S / S / d / S / t / m / N

S / T S - / m - r / d t - / T,
no channelling done 'till learn this

| d - r | m - r | m - - | m
chirr in inclined third chord

S / T - t | d' t / | T - s | m
in 2nd give air thru cuticle sinus

S / T - t / d' t / r / m - - | m
3rd air hole wide constrict

S / T s - / m - r / d t - / T,

d d / d - (m -) - d	164
d d / d - (m -) - d	165
and / d - (m -) - d	120
T/T / (m -) - (m -)	97
d d / d - (m -) - d	152
d d / m - (m -) - d	167
d d / 5 m - (m -) - d	127
s s / d - (m -) - d	131
	153
	158
	164
	165
	170
	173
	176
	210
	237
	240
	251
	297
	311
	317
	330
	340

